

Aningaasarsianit akileraarutit pillugit Inatsisartut inatsisaat pillugu Namminersorlutik Oqartussat inatsimmut nalunaarutaat

Aningaasarsianit akileraarutit pillugit Inatsisartut inatsisaat nr. 12, 2. novembari 2006-imeersoq, Inatsisartut inatsisaatigut nr. 2, 26. april 2007-imeersukkut, Inatsisartut inatsisaatigut nr. 11, 15. november 2007-imeersukkut, Inatsisartut inatsisaatigut nr. 9, 5. december 2008-meersukkut, Inatsisartut inatsisaatigut nr. 3, 30. november 2009-meersukkut, Inatsisartut inatsisaatigut nr. 20, 18. november 2010-meersukkut, Inatsisartut inatsisaatigut nr. 9, 3. december 2012-imeersukkut, Inatsisartut inatsisaatigut nr. 10, 29. november 2013-imeersukkut, Inatsisartut inatsisaatigut nr. 37, 9. december 2015-imeersukkut, Inatsisartut inatsisaatigut nr. 7, 6. juni 2016-imeersukkut, Inatsisartut inatsisaatigut nr. 29, 28. november 2016-imeersukkut, Inatsisartut inatsisaatigut nr. 18, 26. juni 2017-imeersukkut, Inatsisartut inatsisaatigut nr. 23, 13. november 2017-imeersukkut, Inatsisartut inatsisaatigut nr. 48, 23. november 2017-imeersukkut, Inatsisartut inatsisaatigut nr. 22, 28. november 2018-imeersukkut, Inatsisartut inatsisaatigut nr. 41, 2. december 2019-imeersukkut, Inatsisartut inatsisaatigut nr. 12, 19. november 2020-meersukkut, Inatsisartut inatsisaatigut nr. 11, 1. december 2021-meersukkut, Inatsisartut inatsisaatigut nr. 30, 25. november 2022-meersukkut, Inatsisartut inatsisaatigut nr. 72, 20. november 2023-meersukkut kiisalu Inatsisartut inatsisaatigut nr. 51, 25. november 2024-meersukkut allanngortinneqartoq matumuuna nalunaarutigineqarpoq.

Kapitali 1

Akileraartussaaneq

§ 1. Tamakkiisumik akileraartussaasut makkuupput:

- 1) Inuit Kalaallit Nunaanni najugaqartut,
- 2) inuit Kalaallit Nunaanni najugaqavinnatik minnerpaamik qaammatini 6-ini tassaniittut, tamatumani ilanngullugit naatsorsuussaallutik feeriamik assigisaanilluunniit pissuteqarluni Kalaallit Nunaata avataaniillatsiarnerit,
- 3) aktiaateqarluni aamma piginneqataassuseqarluni ingerlatseqatigiiffiit Kalaallit Nunaanniittutut nalunaarsorneqarsimasut, imaluunniit Kalaallit Nunaanni aqutsisoqartut,
- 4) selskabit allat Kalaallit Nunaanniittutut nalunaarsorsimasut selskabit pisussaaffinut pigisatik tamaasa atorlugit akisussaatinneqarsinnaasunik ilaasortaqqanngitsut aamma iluanaarutinik agguaassisartut ilaasortat selskabinut aningaasaliissutinut ilanngussaasa qanoq amerlatigineri tunngavigalugit,
- 5) sparekasset Kalaallit Nunaanniittutut nalunaarsorneqarsimasut,

6) brugsforeningit Kalaallit Nunaanniittutut nalunaarsorneqarsimasut, tamatumani pineqarlutik peqatigiiffiit nioqqutissanik pisiortornermik pissarsiornermik imaluunniit nioqqutissiornermik imaluunniit ilaasortat nammineerlutik atuinerannut sullissinermik tamakkiisumik ilaannakortumilluunniit pilersuinissamik siunertaqartut aammalu aningaasaatit ilaasortat akiliutigisimasaasa pisarnertut erniortitaanerisa saniatigut iluanaarutunik ilaasortanut qanoq nioqquteqartiginermik tunngaveqartumik agguaassisartut,

7) sulliviit suleqatigiiffusut Kalaallit Nunaanniittutut nalunaarsorneqarsimasut allat,

8) sillimmaseeqatigiiffiit Kalaallit Nunaanniittutut nalunaarsorneqarsimasut sillimmasiisunik akisussaaqatigiinnermut pinngitsooratik ilaasussaatitaangitsunik aamma tigusisartut,

9) soraarnerussutisiaqartitsinermi aningaasaateqarfiit Kalaallit Nunaanni angerlarsimaffillit,

10) peqatigiiffiit allat Kalaallit Nunaanniittutut ilaasortaniit akiliutinik tigusisarnissaminnik taakkuninngalu akiliutinik pappiaranik nalilinnik aningaasaliinissaminnik siunertaqartut,

11) kreditforeningit Kalaallit Nunaanniittutut nalunaarsorneqarsimasut,

12) peqatigiiffiit, suleqatigiiffiit, iluaqutissiuiffiit, aningaasaatit aalajangersimasunut atugassanngortitat aamma suliffeqarfiit imminnut pigisut Kalaallit Nunaanni angerlarsimaffeqartut, aammalu akunnittarfeqarnermik imaluunniit neriniartarfeqarnermik ingerlataqartut. Akileraartussaataanermi taamaallaat pineqarput akunnittarfeqarnermik imaluunniit neriniartarfeqarnermik ingerlataqarnikkut aningaasarsiat kiisalu pigisanik nalilinnik, akunnittarfeqarnermik imaluunniit neriniartarfeqarnermik ingerlatami atasunik atasimasunilluunniit tunisaqarnermi, tunniussinermi imaluunniit taamaatitsinermi iluanaarutit annaasaqaatillunniit.

13) aningaasaateqarfiit, iluaqutissiuiffiit (stiftelser), aningaasaatit aalajangersimasunut atugassanngortitat (legatit) suliffeqarfillu imminnut ingerlattut Kalaallit Nunaanniittutut nalunaarsorneqarsimasut, aammalu

14) peqatigiiffiit suleqatigiillunilu iluanaarniaqatigiiffiit allat Kalaallit Nunaanniittutut nalunaarsorneqarsimasut inuutissarsiummillu ingerlassaqarnermikkut isertitaqartatut,

Imm. 2. aalajangersakkami imm. 1, nr. 2-mi taaneqartutut inunnut atuuportaaq, sulisussarsiarineqarsimallutik umiarsuarni timmisartuniluunniit imaluunniit taakkununga atatillugu isumagineqartumik nammineq inuttut sulinermigut sugaluqartumilluunniit akissarsiaqartoq, umiarsuaq timmisartorluunniit:

1) nunami maani angerlarsimaffeqartutut nalunaarsorsimappat,

2) Danmarkimi, Savalimmiuni nunaniluunniit allani angerlarsimaffeqartutut nalunaarsorsimappat, umiarsuaq timmisartorluunniit inuttaqanngitsoq selskabimit assigisaanilluunniit, § 1, imm. 1, nr. 3-miit 14-imut, § 2, imm. 1, nr. 10-12-imut aamma 14-imi aalajangersakkat malillugit akileraartussaasumit, imaluunniit inuinnarmit imm. 1, nr. 1 aamma 2, § 2, imm. 1, nr. 10-12 aamma 14-imi aalajangersakkat malillugit akileraartussaataasumit assartuinermut atornerqarpat,

3) aammalu pigineqarluni ingerlanneqarluniluunniit umiarsuaateqarfimmit timmisartuuteqarfimilluunniit pisortavii numami maani suliffeqartut, imaluunniit

4) nunami maani aalajangersimasumik inissisimaffeqarluni ukioq tamaat suliffeqartoq.

Malittarisassat nr. 1-miit 3-mut atornerqassanngillat umiarsuaq timmisartorluunniit inuttaqartinnagu danskit, savalimmiormiut nunamiluunniit allamiut umiarsuaatileqatigiiffiannit timmisartuutileqatigiiffiannilluunniit atornerqarpat.

Imm. 3. Peqatigiiffiilli il.il. imm. 1, nr. 14-imi taaneqartut akileraartussaanerannut taamaallaat inuussutissarsiorlutik sulinermikkut aningaasarsiarisimasaat ilaapput. Taamatut isigineqarput

inuussutissarsiummik ingerlatsinikkut allatulluunniit iluanaarniarluni ingerlatsinikkut aningaasarsiat, tamatumanilu ilaapput pigisanik aalaakkaasunik (illu nunaalluunniit) ingerlatsinikkut, attartortitsinikkut imaluunniit ukiuni aalajangersimasuni akilimmik attartortitsinikkut aningaasarsiat. Peqatigiiffiit il.il. inuussutissarsiornermi ingerlassap peqatigiiffimmit pineqartumit namminermit ingerlanneqanngitsup iluanaarutaanik pisinnaatitaappat aningaasarsiat tamatumuuna pineqartut aamma inuussutissarsiornermi aningaasarsiatut isigineqassapput. Iluanaarutit peqatigiiffiup il.il. ilaasortaminut pilersuinermit pissanarsiarisai inuussutissarsiummik ingerlatsinikkut aningaasarsiarineqartut isigineqassanngillat.

Imm. 4. Tamakkiisumik akileraartussaataapput danskisut innuttaassuseqartut, § 1, imm. 1, nr. 1-imi 2-milu pineqartunut ilaangikkaluarlutik Namminersorlutik Oqartussanit, kommuninit pisortalluunniit suliffeqarfutaannit il.il. allanit, naalagaaffiup avataanut suliarortinneqartut, aammalu nunat tamat isumaqatigiissutaat naapertorlugu nunami najorallakkaminni akileraartussaataanngitsut. Oqaaseqatigiit siullit malillugit akileraartussaataasunut ilaapput aappaasut innunut taakkununga inooqataasut aamma meeqqat taakkunani najugaqartut, ukiup aningaasarsiorfusup aallartinnerani suli 18-iliisimanningsut, aappaasut meeqqallu taakku danskisut innuttaassuseqarpata aammalu aningaasarsianit akileraarutininik, nunami takornartami maleruagassat innunut tassani najugaqartunut atuuttut naapertorlugit akiliisussaataanngippata.

§ 2. Killilimmik akileraartussaataapput inuit, selskabit, aningaasaateqarfiit, peqatigiiffiit il.il. § 1, imm. 1, nr. 3-miit 14-imut, taaneqartut ittit aammalu toqusut pigisaat Kalaallit Nunaanniunngitsooq isumagineqartut patsisissaatitanik § 1, imm. 1-imiittunit angusisimanatik:

- 1) Sulisussarsiarineqarsimallutik Kalaallit Nunaanni nammineq sulillutik qanorluunniit ittunik akissarsiaqartut - taamaassanngilarli suliaq ataannartumik ullut 14-it inorlugit Kalaallit Nunaanniinnermi suliarineqarsimappat aammalu inuk pineqartoq sulisitsisumini Kalaallit Nunaamiunngitsumi atorfeqartuaannarpat imaluunniit Kalaallit Nunaanni aalajangersimasumik ingerlatsiveqarluni,
- 2) sulisussarsiarineqarlutik Kalaallit Nunaanni sulereerlutik qanorluunniit ittunik akissarsiaqartut, matumani unammillertigisanut paasissutissiinninnissamik piumasaqaatinik isumaqatigiissuteqarnermi akissarsiat ilanngullugit. Tassani apeqqutaanngilaq pisinnaatitaalerneq aamma/imaluunniit akissarsiat pineqartut amerlassusii eqqartuussinikkut, eqqartuussivimmi isumaqatigiissuteqarnikkut, saqitsaattoqarnerani isumaqatigiissitsiniartarfikkut taakkuluunniit assigisaasigut pissanarsiarineqarsimanersut,
- 3) Kalaallit Nunaanni sulisitsisumit aningaasarsiaqartinneqartut, akissarsiaqartinneqartut taakkuluunniit assigisaannik pisartut, Kalaallit Nunaannut nuunnermi pisattat nuunneqarnerini, angallannermi pissutsit assigisaalluunniit pissutigalugit sivikitsuinnarmik kinguarsarneqarpat,
- 4) Kalaallit Nunaanni pisortat sulisitsisuannit aningaasarsiaqartinneqartut, akissarsiaqartinneqartut taakkuluunniit assigisaannik pisartut, Kalaallit Nunaannut nuunnermi pikkorissartitsinermut sivikitsumik peqataaneq pissutigalugu kinguarsarneqarpat,
- 5) Kalaallit Nunaannit aningaasalorsorneqartunik ilinniagaqarnerisutisiaqartut, akissarsiaqartut assigisaannilluunniit ilinniagaqarnerup il.il. nalaani tapiissutisisartut,
- 6) inuussutissarsiutigalugu eqqumiitsuliortut, timersortartut assigisaalluunniit Kalaallit Nunaanni sulinermi aningaasarsisartut, tamatumunngalu ilaallutik aningaasarsiat eqqumiitsuliortumit timersortartumilluunniit tiguneqaratik innunullu il.il. allanut pisassanngortinneqartut,

7) aningaasarsianik § 75, imm. 1, nr. 2-mi taaneqartutut ittunik siulersuisunut, udvalginut, kommissioninut, rådinut assigisaannullu Kalaallit Nunaanni angerlarsimaffeqartunut ilaasortaanermi ikiortaanermiluunniit pissarsisartut,

8) aningaasarsianik Kalaallit Nunaanneersunik § 75, imm. 2, nr. 1 naapertorlugu aningaasarsianut A-nut naasorsuunneqartussanik pissarsisartut,

9) aktie-, anparts- imaluunniit andelsselskabimit il.il. Kalaallit Nunaanni angerlarsimaffeqartutut nalunaarsorneqarsimasumit iluanaarutisianik pissarsisartut,

10) Kalaallit Nunaanni aalajangersimasumik ingerlatsiveqartumik inuussutissarsiuteqarlutilluunniit ingerlatseqataasut imaluunniit ingerlatap taamaattup isertitai, sinneqartoorutaasa taakkualuunniit assigisaasa ilaannik pisassaqaartitaasut,

11) Kalaallit Nunaanni aalajangersimasumik sumiiffeqarluni namminersorluni inuussutissarsiummik ingerlataqartut imaluunniit taamaattumik ingerlataqarniarneq pissutigalugu ataannartumik minnerpaamik ullut 90-it Kalaallit Nunaanniittut imaluunniit ingerlatamik taamaattumik ingerlatseqataasut imaluunniit ingerlatap taamaattup isertitaasa, sinneqartoorutaasa taakkualuunniit assigisaasa ilaannik pisassaqaartitaasut,

12) umiartornermik timmisartornermillu Kalaallit Nunaata imartaani nunataaniluunniit (territorium) ingerlanneqartumik imaluunniit kalaallit Nunaata ilaanit avataanut aalajangersimasumik pisartumik ingerlanneqartumik inuussutissarsiuteqartut imaluunniit inuussutissarsiummik taamaattumik ingerlatseqataasut imaluunniit ingerlatap taamaattup isertitaasa, sinneqartoorutaasa taakkualuunniit assigisaasa ilaannik pisassaqaartitaasut,

13) pigisanik (atuisinnaatitaanermut akileraarutaasartunik (royalties)) Kalaallit Nunaanneersunik pisartagaqartut,

14) Kalaallit Nunaanni inuussutissarsiummik (ingerlatamik) attartortitsinikkut isertitaqartartut,

15) pigisamik aalaakkaasumik Kalaallit Nunaanni pigisaqartut tassanngaluunniit isertitaqartut, matumani aamma tunisaqarnikkut, imaluunniit

16) toqukkut qimaguttup pigisaannit Kalaallit Nunaanni aaqqissuussinikkut suliarineqarsimasunit pisassaqaarnikkut isertitaqartut.

17) umiarsuarni timmisartuniluunniit imaluunniit taakkununga atatillugu isumagineqartumik nammineq inuttut sulinermigut suugaluartumilluunniit akissarsiaqartoq, umiarsuaq timmisartorluunniit:

a) nunami maani angerlarsimaffeqartutut nalunaarsorsimappat,

b) Danmarkimi, Savalimmiuni nunaniluunniit allani angerlarsimaffeqartutut nalunaarsorsimappat, umiarsuaq timmisartorluunniit inuttaqanngitsoq inunnik arlaqartunik assigisaanilluunniit, § 1, imm. 1, nr. 3-miit 14-imut, § 2, imm. 1, nr. 10-12-imut aamma 14-imi aalajangersakkat malillugit akileraartussaasumit, imaluunniit inuinnarmit § 1, imm. 1, nr. 1 aamma 2, § 2, imm. 1, nr. 10-12 aamma 14-imi aalajangersakkat malillugit akileraartussaataasumit assartuinermit atorneqarpat,

c) aammalu pigineqarluni ingerlanneqarluniluunniit umiarsuaateqarfimmit timmisartuuteqarfimilluunniit pisortavii numami maani suliffeqartut imaluunniit

d) nunami maani aalajangersimasumik inissisimaffeqarluni ukioq tamaat suliffeqartoq.

Malittarisassat litra a-miit c-mut atorneqassanngillat umiarsuaq timmisartorluunniit inuttaqartinnagu danskit, savalimmiormiut nunamiluunniit allamiut umiarsuaatileqatigiiffianit timmisartuutileqatigiiffianilluunniit atorneqarpat.

Imm. 2. Suliffeqarfii Aatsitassat pillugit ingerlatallu tamatumunnga pingaarutillit pillugit Inatsisartut inatsisaat naapertorlugu akuersissummik nalunaarfigineqarsimasut, aatsitassatigut pisuussutinik misissueqqaarnernut, misissueqqissaarnermut aammalu pīaanermut atatillugu, tamatumani aamma nunamik sajuppillatsitsinertigut misissuineranut, ruujorilersuineranut, pilersuinermik sullissineranut atatillugu kiisalu umiarsuarmik assartuineranut aamma ruujorikkut kulbrintimik pissarsiarineqartumik assartuinerikkut, isertitaqartut, taamatut ingerlataqarnikkut imaluunniit suliani Kalaallit Nunaanni, aamma nunap imartaani aammalu Kalaallit Nunaannut atasumik nunavittap immap ataaniittup nalaani, ingerlanneqartutigut, isertitanit killilimmik akileraartussaataapput. Isertitat aalajangersimasumik ingerlatsivinnut malittarisassat atuuttuusut, takukkit imm. 1, nr. 10 aammalu imm. 6-imi malittarisassat, malillugit naatsorsorneqassapput.

Imm. 3. Suliffeqarfii aatsitassatigut pisuussutinik misissueqqissaarnermut pīaanermullu attuumassuteqartunik, tamatumani aamma nunamik sajuppillatsitsinertigut misissuineranut, ruujorilersuineranut, pilersuinermik sullissineranut atatillugu kiisalu umiarsuarmik assartuineranut aamma kulbrintimik pissarsiarineqartunik ruujorikkoortitsineranut, isertitaqartut, taamatut ingerlataqarnikkut imaluunniit suliani Kalaallit Nunaanni aamma nunap imartaani aammalu Kalaallit Nunaannut atasumik nunavittap immap ataaniittup nalaani, ingerlanneqartutigut, isertitanit killilimmik akileraartussaataapput. Isertitat aalajangersimasumik ingerlatsivinnut malittarisassat atuuttuusut, takukkit imm. 1, nr. 10, aammalu imm. 6-imi malittarisassat, malillugit naatsorsorneqassapput.

Imm. 4. Imm. 3-mi aalajangersakkat atuutinngillat isertitat piffissami piffissaniluunniit qaammatit 12-it ingerlaneranni arlaqartuni katillugit ullut 30-t sinnerlugit sivirususeqartumik sulinermik, siunnersuinermik assigisaasigulluunniit ingerlatsinikkut isertitaanngippata. Suliat suliffeqarfimmit, suliffeqarfimmut allamut atasuusumik, ingerlatappata, ingerlatat suliffeqarfimmit atasuusumit ingerlanneqartutut isigineqassapput, ingerlatat pineqartut, suliffeqarfimmit kingulliullugu taaneqartumit ingerlatanut annertuutigut assigiissuseqarpata.

Imm. 5. Imm. 1, nr. 1-imiit 5-imut, nr. 8, aammalu imm. 6-imi aalajangersakkat taamatut aamma Kalaallit Nunaata imartaani nunavittallu immap ataaniittup nalaani atuupput. Killilimmik akileraartussaataaneq aamma inunnut § 1, imm. 1 aamma 2 naammassinngikkaluarlugit umiarsuarni, timmisartuni, uuliasiorfinni il.il., aatsitassatigut pisuussutinik misissueqqaarnerni, misissueqqissaarnerni aammalu pīaanermi, tamatumani aamma nunamik sajuppillatsitsilluni misissuinerani, ruujorilersuinerani, pilersuinermik sullissinerani aammalu umiarsuarmik timmisartumillu assartuinerani aammalu ruujorikkut kulbrintimik pissarsiarineqartunik assartuinerikkut Kalaallit Nunaanni, tamatumani aamma nunap imartaani aammalu Kalaallit Nunaannut atasumik nunavittap immap ataaniittup nalaani, ingerlanneqartuni inuttut sulineranut akissarsianut sunulluunniit atuuppoq. Akissarsiat imm. 6-imi malittarisassat malillugit naatsorsorneqassapput.

Imm. 6. Imm. 1 malillugu akileraartussaataaneermi taamaallaat isertitat aamma isertitanut tunngavigneqartussat taaneqartut kisimik pineqartunut ilaatinneqarput, taamatullu aningaasartuutit isertitanut imaluunniit isertitanut tunngavigneqartussanut taakkununnga tunngassuteqarpata, aatsaat taakkua ilanngaatineqarsinnaallutik. Inunnut imm. 1, nr. 1 malillugu akileraartussaataasunut, aningaasarsiaritat 10 procentiinik, taamaattoq ukiumut amerlanerpaamik 1.000 koruuninik, ilanngaasiisoqassaaq.

§ 3. Akileraartussaataanngillat:

- 1) Kunngi taassumalu aappaa aammalu kunngikkormiunut ilaasut, danskit kunngiisa qitornarisaat imaluunniit inatsisini tunngaviusuni § 11 naapertorlugu ukiumoortumik aningaasarsiasaartitaasut taakkualu aapparisaat. Aamma tassani pineqartut toqunerminni qimataannut atuupput.
- 2) Namminersornerullutik Oqartussat, kommunit, naalagaaffik taakkulu suliffutaat atorfeqarfutaallu.
- 3) Naalagaaffinni takornartani naalakkersuisut maani aallartitaat, aallartitaqarfinni atorfillit, inuit taakkua ilaqaannut ilaasut kiisalu kiffartortut atorfillit aammalu kiffat akileraaruserneqassapput naalagaaffiit aallartitaat pillugit Wien-imi naalagaaffiit isumaqatigiissutaanni maleruagassat naapertorlugit.
- 4) Naalagaaffiit takornartat maani konsulii, konsuleqarfinni atorfillit, inuit taakkua ilaqaannut ilaasut kiisalu kiffartortut atorfillit akileraaruserneqassapput konsuleqarfiit pillugit Wien-imi naalagaaffiit isumaqatigiissutaanni maleruagassat naapertorlugit.
- 5) Uppeqatigiit akuersaarneqarsimasut ilagiinnilu atorfeqarfiit taakkununga folkekirkemulluunniit atasumik pilersinneqarsimasut.
- 6) Atorfeqarfiit ilinniartitsinermut, inunnik isumaginninnermut kultureqarnermullu tunngasut, tassaagunik atorfeqarfiit imminnut ingerlattut aammalu aningaasarsiaat tamarmik taamaallaat atorfeqarfiup pineqartup siunertaanut atorneqarsinnaappata.
- 7) Inuit, sulliviit il.il. kunngeqarfiup Danmarkip Amerikamilu naalagaaffeqatigiit naalakkersuisuisa Kalaallit Nunaata illersorneqarnissaa pillugu isumaqatigiissutaanni allaaserisami VII-imi ilanngunneqarsimasut.
- 8) Peqatigiiffiit, suleqatigiiffiit, iluaqtissiuiiffiit, aningaasaatit aalajangersimasunut atugassanngortitat aamma suliffeqarfiit imminnut pigisut Kalaallit Nunaanni angerlarsimaffeqartutut, aammalu timersortarfinni neriniartarfeqarnermik ingerlataqartut.
- 9) Inuit Atomip nukinganik pissuteqartumik ajutoortoqartillugu imaluunniit qinngornernik ulorianartunik pissuteqartumik ajornartorsiuteqartoqartillugu ikiuinissaq pillugu isumaqatigiissut naapertorlugu ikiuuttut, aatsaalli inuit pineqartut inatsimmi § 1, imm. 1, nr. 1-2-mi pineqartunut ilaanngippata.
Imm. 2. Aningaasaateqarfiit, peqatigiiffiit il.il. § 1, imm. 1-imi nr. 13 aamma 14 naapertorlugit akileraartussaataitaasut tamakkiisumik ilaannakuusumilluunniit akileraartussaajunnaarsitaasinnaapput, aningaasaateqarfiup, peqatigiiffiup il.il. malittarisassamikkut anguniagarippassuk tamanut ajunngitsuliorniartuunissaq allatulluunniit iluaqusiiniartuunissaq. Tamatumunnga Naalakkersuisut aalajangiisuussapput.
Imm. 3. Ingerlatseqatigiiffinnik suliffeqarfinnillu, aatsitassat pillugit ingerlatallu tamatumunnga pingaarutillit pillugit Inatsisartut inatsisaat naapertorlugu aatsitassanik iluaqutiginninniansinnaanermut, erngup nukingata innaallagissiornermut atorneqarnera pillugu Inatsisartut inatsisaat naapertorlugu aamma niuerneramik tunngaveqarluni sermimik imermillu iluaquteqarsinnaaneq pillugu Inatsisartut inatsisaat naapertorlugu akuersissuteqarfigineqarsimasunik akileraarusersuineq, pisinnaatitaaffeqalersup akuersissutaani aalajangersakkat malillugit atorunnaassaaq.
Imm. 4. Kapitali 4 a naapertorlugu soraarnerussutisiaqalernissaq siunertaralugu ileqqaakkat aamma soraarnerussutisiaqalernissamut aningaasaateqarfinni soraarnerussutisiaqalernissamut aaqqiissutini, § 1, imm. 1, nr. 9-mi taaneqartutut, iluanaarutinit akileraarusersorneqassanngillat §§ 86-87 naapertorlugu ingerlatseqatigiiffinnit kattuffinnillu Kalaallit Nunaanni najugaqartunit tiguneqartut. Akileraartussaataitaasut kapitali 4 a naapertorlugu soraarnerussutisiaqalernissaq siunertaralugu ileqqaagallit, aningaaserivimmik isumaqatigiissuteqarnikkut akileraartussaataitaasoq sinnerlugu iluanaarutinit akileraarutit unerartinneqartut utertinneqarnissaat pillugu § 90 naapertorlugu aningaaserivik qinnuteqartissinnaavaat.

§ 3 a. Suliffeqarfii nunani allani illersornissamut oqartussat isumaqatigiissuteqarfialugit sumiiffinni kommunit aggornerisa avataanni suliassanik sularinnittut, aktiaatileqatigiiffittut imaluunniit piginneqatigiiffittut Kalaallit Nunaanni angerlarsimaffeqartutut nalunaarsorsimasuussapput aammalu taakkua aqutsisui Kalaallit Nunaanniissallutik.

Imm. 2. Imm. 1 taamatuttaaq suliffeqarfinnut imm. 1 naapertorlugu kommunit aggornerisa avataanni suliassanik sularinninnissaq pillugu nunani allani illersornissamut oqartussanut isumaqatigiissuteqarsimasunut entreprenøritut, pilersuisutut il.il. suliassanik sularinnittunut, aammalu taakkua ataanni entreprenørinut, pilersuisunut il.il. entreprenøri, pilersuisoq il.il. sullillugu suliassanik suliaqartunut, taamaaqataanik atuutissaq, taamaattoq imm 3 takuuk.

Imm. 3. Suliffeqarfii imm. 1-imi aamma 2-mi pineqartunut ilaasut, tamatumunnga pissutsit immikkorluinnaq ittut tunngavilersuutigineqartillugit, imm. 2-mi pineqartunut ilaasunit allaanerusunik entreprenørinik, pilersuisunik il.il. atuisinnaapput.

§ 4. Aappariit isertitaminnit tamarmik immikkut akileraaruserneqassapput.

Imm. 2. Aappariinnut inooqatigiittunut tamarmik Kalaallit Nunaannut akileraartussaataasunut, aningaasarsianit akileraarutit pillugit inatsimmi malittarisassat malillugit isertitaannik akileraaruteqaataasussanik naatsorsuineqassaaq.

Imm. 3. Aappariit inooqatigiittut averuserneranni avinneranniluunniit inooqatigiinneq akileraartarnermut tunngatillugu averusernerup avinnerulluunniit pineraniit atorunnaartutut isigineqarpoq.

Imm. 4. Inooqatigiinnerup averusernertaqanngitsumik avinnerunngitsumilluunniit atorunnaarnerani, inooqatigiinneq akileraartarnermut tunngatillugu ukiup aningaasarsiorfusup inooqatigiikkunnarfusup naanerani atorunnaartutut isigineqarpoq.

Imm. 5. Aappariit averusernerup inooqatigiikkunnaarnerulluunniit kingunerisaanik inooqatigiikkunnaarsimanerup kingornatigut inooqatigeeqqilerpata, akileraartarnermut tunngatillugu piffissami inooqatigeeqqilerfusumi inooqatigiinneq ingerlanneqaqqilersutut isigineqassaaq.

Imm. 6. Aappariit arlaata akileraartussaannermut pisussaaffia atorunnaarpat, akileraartarnermut tunngatillugu inooqatigiinneq akileraarnissamut pisussaaffeqarnerup atorunnaarneraniit taamaatinneqartutut isigineqassaaq

§ 4 a. Isertitat inuussutissarsiummik suliffeqarfimmu attuumassuteqartut, aappaasumi inuussutissarsiummik suliffeqarfimmik ingerlatsisuusumi akileraaruserneqassapput. Aappariit marluullutik ingerlatsinermi peqataappata, isertitat aappaasumi annertunerpaamik inuussutissarsiummik suliffeqarfimmik ingerlatsisuusumi ilanngunneqassapput.

Imm. 2. Aappariit marluullutik aapparisamit aappariinnilluunniit inuussutissarsiummik suliffutigineqartumi ingerlatsinermik peqataasut akornanni akissarsianik isumaqatigiissut, akileraartarnermi sunniuteqartinneqarsinnaavoq aatsaat, Inatsisartut inatsisaat manna aammalu sulisoqarnermut akitsuut pillugu Inatsisartut inatsisaanni pisussaaffiit eqqortinneqarpata. Akissarsianik isumaqatigiissut akileraartarnermut tunngatillugu sunniuteqartinneqalersinnaavoq taamaallaat isumaqatigiissutaasup isumaqatigiissutigineqarneraniit. Aapparisaq annertunerpaamik inuussutissarsiummik suliffeqarfimmik ingerlatsisuunngitsup akissarsiai, aapparisaq inuussutissarsiummik suliffeqarfimmi sulineranut naleqqutinnngitsumik inissisimassanngillat. Aapparisaq imm. 1 malillugu

inuussutissarsiummik suliffeqarfimmuq tunngasunik isertitanik ilanngussisussa, aningaasarsianit akileraarutit pillugit inatsimmi malittarisassat malillugit sulisitsisutut pisussaaffinnik pisussaaffeqartutut isigineqassaaq. Tamatumani pineqartumut aappaasoq akissarsiortutut isigineqassaaq.

Imm. 3. Aappariit tamarmik aappaasumit aappariinnilluunniit inuussutissarsiummik suliffeqarfimmik ingerlanneqartumi ingerlatsinermi peqataappata, aappariillu suliffeqarfiup pisussaaffinut assigiimmik akisusaasuuppata, aappariit ataatsimoortumik qinnuteqarneq malillugu inuussutissarsiummik suliffeqarfiup angusarisai akunnerminni avissinnaavaat, avitsineq inuussutissarsiummik suliffeqarfiup ingerlanneqarnerani tunngavissaqartinneqarnera naapertorlugu. Peqataaneq akisussaaffillu allannguuteqaratik ukioq aningaasarsiorfik naallugu atuutsissapput. Akileraarusigaasussanik isertitat naatsorsorneqarneranni inuussutissarsiummik suliffeqarfiup pigisai akiitsuilu aappariit akornanni avinneqassapput, inuussutissarsiummik suliffeqarfiup angusarisaasa aappariinni avinneqarnerisa annertussusiligaaneranut naapertuuttumik.

Imm. 4. Aappariit imm. 3-mi malittarisassamik atuiniarnerminnik aalajangermertik allanngortissinnaavaat tamanna aappariinnit tamanit ukiup aningaasarsiorfusup naannginnerani akileraaruseriffimmuq nalunaarutigineqarpat.

§ 4 b. Pisuussutitigut isertitat aapparisaq, aappariinneq pillugu inatsiseqartitsinermi pisuussutinik pineqartunik atuisinnaasup imaluunniit, aningaasartuutitut ilanngaatigineqarsinnaasunut tunngatillugu, akiligassamik akiliisussaasup, isertitaanik naatsorsuinermi ilanngunneqassapput. Aappariinni sorlermut akileraarutaasussanik isertitat tunngasuunersut aalajangerneqarsinnaanngippat, aappariit isertitat avissavaat.

§ 4 c. Pigisat nalillit akileraarutitigut nalikilliliissutigineqartut, aappaasumit katissimasamit inuussutissarsiummik suliffeqarfimmi ingerlatsinermi atorineqartut, aappaasumit pineqartumit nalikilliliinerit ingerlanneqassapput, pigisat pineqartumit imaluunniit pineqartup aapparisaanit inooqatigisaanit pigineqarnerat apeqquaatinnagu.

Imm. 2. Aapparisaq pigisat taassuma inuussutissarsiummik suliffeqarfutaani atugassatut tunniuppagit nuuppagilluunniit, iluanaarutit annaasaqaatilluunniit tamatumuuna pinngortut, aapparisaq siulliullugu taaneqartup akileraarutaasussanik isertitaasa naatsorsorneranni ilanngunneqassanngillat. Tunniussinerup nuussinerulluunniit kingornatigut pigisat akileraartarnermi nalikilliliinerit tunngatillugu, aapparisaq kingulliullugu taaneqartumit pissarsiarineqarneranni piffissaq akigisimasaalu tungavigalugit pissarsiarineqarsimasutut, siusinnerusukkullu nalikilliliinerusimasinnaasut, pineqartumit atuutsinneqarsimasutut ilanngullugit isigineqassapput.

Imm. 3. Malittarisassat matuma siuninguatigut allaaserineqartut nioqutissanik, aapparisaq tunniussisuusup inuussutissarsiummik suliffeqarfimmik ingerlataanut atasuusunik, tunniussinermit atuutinngillat.

Imm. 4. Imm. 2-mi malittarisassat aappaasumit pigisanik aapparisaq tunniussinermit imaluunniit pigisanik nuussinermit atuutinngillat, taassuma pigisanik nalilinnik atuutsitsinermit tamakkiisumik inuussutissarsiutitut ingerlanneranni atorineqarneri inuttut namminerisamik atugassatut allanngortippagu imaluunniit inuttut namminerisamik atukkatut tamakkiisumik inuussutissarsiutitut allanngortillugu atulissagaluarpagit.

§ 4 d. Aappariit tamarmik immikkut akileraarutaasussanik isertitaat tunngavigalugit isertitaannit akileraarutissaat naatsorsorneqassapput.

Imm. 2. Aappariit arlaata akileraarutaasussanik isertitai amigartooruteqarfiuppata aappariillu ukiup aningaasarsiorfusup naanerani inooqatigiippata, amigartoorutit sapinngisamik annertunerpaamik aapparisaq aappaata akileraarutaasussanik isertitaannit ilanngaatigineqassapput. Ilanngaasiineq pissaq, aapparisaq aappaata § 30, imm. 1 naapertorlugu ukiumi aningaasarsiorfimmi siusinnerusumi aningaasarsiat amigartoorutaasut atunngitsuukkat ilanngaatigereernerata kingorna. Tamatumunnga atatillugu aappariit akileraarutaasussanik isertitaannit naatsorsuinermit isertitat nunani allani nunamilu maaniunngitsoq akileraarusigaasut ilanngunneqassanngillat. Oqaaseqatigiinnili siulliit tulliini aalajangersagaq, isertitanik akileraarutit § 69 naapertorlugu isertitanit akileraarutinit appartinneqarsimappata, atuutsinneqassanngilaq.

§ 4 e. Katissimallugu aapparisaanik ukiup aningaasarsiorfusup naanerani inooqateqartup inummut ilanngaat tamakkiisumik atorsinnaanngippagu, ilanngaatip atorineqanngitsortaa aapparisaasup akileraarutaasussanik isertitaannit appartitsinermit atorineqassaaq.

Imm. 2. Katissimalluni aappaqartoq aapparisaanillu inooqateqartoq ukiup isertitaqarfusup naanerani § 20 naapertorlugu akileraarutaasussaangitsunik B-nik isertitaqarnissamut periarfissamik iluaquteqarsinnaasimanngippat, iluaqutigineqanngitsortai aappaasup B-nik isertitaannit ilanngaatissatut nuunneqassapput. Taamaattorli akileraaruteqaataasussaangitsut nuutat aapparisaq B-nik isertitaannit amigartooruteqaataasinnaanngillat.

§ 5. Meeqqat immikkut akileraartussaapput.

Imm. 2. Meeraq angajoqqaaminit, ataatassaminit/anaanassaminit, angajoqqaarsiaminit imaluunniit aataminit aanaminilluunniit aningaasanik pisuussummilluunniit tunissutitut pisimappat aningaasanik tunissutit pisuussummilluunniit iluanaarutisiat tunisisumi akileraarusigaassapput, tunisisoq tamakkiisumik akileraartussaataitaappat. Tamannali taamaallaat atuuppoq qaammatisiutit malillugit ukiup meeqqap 18-inik ukioqalerfiata naanerata tungaanut imaluunniit meeqqap katinnerata tungaanut.

Imm. 3. Meeraq ukiup aningaasarsiorfusup aallartinnerani 15-inik ukioqalersimanngitsoq inuussutissarsiorluni sullivimmi angajoqqaaminit, ataatassaminit/anaanassaminit, angajoqqaarsiaminit, aataminit aanaminilluunniit ingerlanneqartumi suliffeqarpat taakkua aningaasarsiamik akileraaruteqaataasussat naatsorsorneranni meeqqap akissarsiai ilanngaatigisinnaanngilaat aammalu meeqqap aningaasarsianik akileraaruteqaataasussanik naatsorsuinermini akissarsiat taakku ilanngutissangilai.

Imm. 4. Angajoqqaat, ataatassap/anaanassap, angajoqqaarsiat, aatap aanalluunniit meeqqamut inuussutissaqartitsissutitut tamakkiisumik ilaannakortumilluunniit akilersuutigisimasaat, taakkua akilersuisup inuussutissarsiorluni sulliviutaani sulinermit akissarsiatut tunniunneqarsimanngippata aammalu taassuma aningaasarsiaanit akileraaruteqaataasussanit ilanngaatigineqarsinnaasimanngippata, meeqqap aningaasarsiaanut ilanngullugit naatsorsuunneqassanngillat.

Kapitali 2

Akileraartussaataitanerup annertussusia, atulernerata atorunnaarneralu

§ 6. Akileraartussaataaneq matuma kinguliini aalajangersakkat tunngavigalugit allannguutaasut (immikoorutaasut) eqqaassanngikkaanni atuutissaaq akileraartussaataanermt patsisissaatitat § 1-imiittut § 2-miittulluunniit eqquussimatillugit.

§ 7. Inuk Kalaallit Nunaanni najugassarsisoq tamatumunngali peqatigitillugu tassani najugaqalersimangitsoq § 1, imm. 1, nr. 1, malillugu akileraartussaataalissaaq aatsaat Kalaallit Nunaanni najugaqaleruni, tamatumunnga taamaattutut isigineqanngilaq feeriarnermi assigisaanilluunniit pissuteqarluni Kalaallit Nunaanniillatsiarneq.

§ 8. Inunnut § 1, imm. 1, nr. 2-mi taagorneqartunut akileraartussaataaneq Kalaallit Nunaanniinnerup akileraartussaataanermt pissutaasup aallaqqaataanit atuutilissaaq.

Imm. 2. Inunnut takornariaallutik ilinniarneluuunniit pissutigalugu Kalaallit Nunaanniittunut, Kalaallit Nunaanniinnerminnillu namminersorlutik inuussutissarsiummik ingerlatsinngitsut aammalu Danmarkimut, Savalimmiunut nunagisaminnulluunniit aningaasarsiaminnit nunaminni malittarisassat tunngavigalugit akileraartussaataajaannartut, § 1, imm. 1, nr. 2 malillugu akileraartussaataaneq atuutilissaaq aatsaat atasuinnarmik kipeqattaartumilluunniit Kalaallit Nunaanniinneq ukiut marluk ingerlaneranni katilluni ullunik 365-inik amerlanerusunik sivissuseqarpat.

§ 9. Inuk Kalaallit Nunaanni akileraartussaataitaq toquppat akileraartussaataaneq toqukkut qimagunnermi atorunnaassaaq.

§ 10. Aappariinnermi toqukkut qimagaasup ataatsimut pigisat kingornussassanik agguassinertaqanngitsumik piginnarpagit, qimagaasooq toqukkut qimaguttup akileraartarnermt tunngatillugu inissisimanerani taarsissavaa.

Imm. 2. Aapparisap qimagaasup Kalaallit Nunaanni kingornussisarneq pillugu inatsit naapertorlugu immikkut pisinnaatitaaffini atoriigai, kingornussarsiasanik agguassinertaqanngitsumik pigisanik qimatat qimagaasumut tunniunneqarpata, maleruagassat imm. 1-imiittut taamatuttaaq atuutissapput.

§ 11. Pigisanik qimatat toqukkut qimaguttoqarneranut atatillugu agguanneqarpata imaluunniit aappariinnermi qimagaasumit kingornussarsianik agguassinertaqanngitsumik piginnarneqarpata, toqukkut qimaguttup ukiumi aningaasarsiorfusumi toqukkut qimaguffigisaani akileraarutigisassai, isertitanit akileraarutaasutut, toqukkut qimagunneq sioqqullugu akilerneqartussanngortut, imaluunniit isertitanit tamanna sioqqullugu pissarsiarisimasanit ilanngaatigineqartussat, akilerneqarneratigut inaarutaasumik aalajangiivineqarput.

Imm. 2. Taamaakkaluartoq akileraaruseriffimmit toqukkullu qimaguttup pigisanik qimataanik suliaqarnermi piumasaqaatigineqarsinnaavoq ukiup aningaasarsiorfiup aallartinneranit ulloq toqqiik tikillugu toqukkut qimaguttup aningaasarsiai inaarutaasumik annertussusilerneqassasut. Ukiup aningaasarsiorfusup aallartinneranit ulloq toqqiik tikillugu akileraarutissatut inaarutaasumik naatsorsorneqartut akileraarutaagallartunit ulloq toqqiup siornatigut akilerneqartussanngorsimasunit imaluunniit tamatuma siornagut aningaasarsianit akileraarutit unerartinneqartussanit minnerpaamik 10.000 koruuninik amerlaneruppata, akileraarutissat amigaataasut pigisanik qimatant akilerneqassapput. Akileraarutaagallarsimasut tamatumani pineqartut akileraarutissatut inaarutaasumik naatsorsukkanit

minnerpaamik 2.000 koruuninik sinnersimappatigit, aningaasat akilernerqarsimasut amerlavallaarutaasa utertillugit akilernerqarnissaat pigisanik qimatanik suliami piumasaqaatigineqarsinnaavoq.

Imm. 3. Inaarutaasumik annertussusiliinissamik imm. 2 malillugu akileraaruseriffiup piumasaqaataa kingusinnerpaamik pissaaq ulloq toqqummit qaamatit pingasut qaangiutinginneranni. Ulloq toqqummit qaammat qaangiutereersoq § 108, imm. 9 malillugu paasisutissat pissarsiarineqarpata annertussusiliinissamik piumasaqarnissaq paasisutissat pissarsiarineqarnerannit qaammatit marluk qaangiunnissaata tungaanut pisinnaavoq.

Imm. 4. Toqukkut qimaguttup pigisaanik suliaqarnermi piumasarineqarpat imm. 2, naapertorlugu annertussusiliineqassasoq tamanna akileraaruseriffimmut kingusinnerpaamik ulloq toqqummit qaammatit pingasut qaangiutinnginneranni pissaaq.

Imm. 5. Imm. 3-mi 4-milu eqqartorneqartutut pisoqartillugu toqukkut qimaguttup pigisaanik suliaqarnermi nammineerluni nalunaarsuut nalinginnaasoq kingusinnerpaamik qaammatit tallimat qaangiutinnginneranni nassiunneqassaaq. Imm. 3-mi oqaaseqatigiit aappaat najoqqutaralugit piumasaqarneq ulloq toqqummit qaammatit pingasut qaangiutereersut pippat nammineerluni nalunaarsuummik nassitsinissamat piffissarititaasoq kinguartinneqassaaq inaarutaasumik annertussusiliinissamik piumasaqaatip kingorna kingusinnerpaamik qaammatit marluk qaangiunnerannut.

Imm. 6. Imm. 2 najoqqutaralugu inaarutaasumik annertussusiliinermi pigisat akileraartarnermi malittarisassat malillugit akileraarutitigit nalikillilernerqarsinnaasut akileraartarnermi nalikilliliinermut malittarisassat malillugit suliarineqassapput.

Imm. 7. Inuussutissarsiutigalugu iluanaapallaniutigalugillu pigisat imm. 2 malillugu inaarutaasumik annertussusiliinermi ullormi toqqummi tunineqarsimasutut isigineqassapput. Tunineqarnermi naligitinneqartutut isigineqassaaq ullormi toqqummi nalinginnaasumik tunineqartuugunik akigisinnaasaat (nalingat).

Imm. 8. Toqukkut qimaguttup pigisanik qimatai naleqanngingajappata agguaassineqanngippallu maleruagassat imm. 1-imiittut taamaallaat atuutsinneqassapput.

Kapitali 3

Aningaasarsiat akileraaruteqaataasussat

§ 12. Aningaasarsiat akileraaruteqaataasussat ukiumi aningaasarsiorfimmi aningaasarsiat tunngavigalugit naatsorsorneqassapput. Ukioq aningaasarsiorfik tassaavoq qaammatisiutit malillugit ukiumi akileraarutissiiviusup siulia. Ukiup ilaannaani akileraartussaaneqarpat ukioq aningaasarsiorfik tassaavoq piffissaq aningaasarsiorfiusoq taaneqartoq. Aningaasarsiat annertussusiligaanerat piffissamat ukiumit sivikinnerusumut tunngasuuppat annertussusiliinermilu akileraartussaasoq ilanngaatisaartinneqarpat, tamatumani aamma ukiumoortumik annertussusiligaasumik inummoortumik ilanngaammik, taakkua ukiumut ilanngaatisaataitap ilaanik piffissamat naapertuuttumik annertussuseqartitaallutik ilanngaatisaataitaassapput.

Imm. 2. Akileraaruseriffiup selskabit, peqatigiiffiit il.il. qinnuteqarnerisigut akuerisinnaavaa ukiumut aningaasarsiorfiusumut piffissaliussap allap qaammatisiutit malillugit ukiumit allaanerusup atornissaa. Taamatut ukiumut aningaasarsiorfiusumut piffissaliussaqaq toqqarneqarsimasoq akileraaruseriffimmit akuersissuteqartoqartinnagu allanngortinneqarsinnaanngilaq. Ukiumut aningaasarsiorfiusumut

piffssaliussap qaammatisiutit malillugit ukiumit allaanerusup akuerineqarnissaanut piumasaqaataavoq aallartiffia qaammatip aallaqqaataaniussasoq. Taamatut akuersissuteqarnermut atatillugu akileraaruseriffiup nammineerluni nalunaarusiap nassiunnissaanut akileraarutillu akiligassat akilerneqarnissaannut immikkut piffissarititat aalajangersinnaavai.

§ 13. Aningaasarsiat akileraaruteqaataasussanut ilaapput, Inatsisartut inatsisaat manna malillugu ilaasussaaitaanngitsut killiliinerillu kisiisa pinnagit, akileraartussaaitaasup ukiumut aningaasarsiai tamarmiusut, Kalaallit Nunaannit pisuuneri pisuunnginneriluunniit, aammalu aningaasaanersut imaluunniit pisuussutaagunik aningaasanik naliliunersut apeqqutaatinnagit.

Imm. 2. Inuup sulisussarsiarineqarsimalluni nammineq sulinermini akissarsiai ukiumi tunniunneqarfianni akileraaruteqaatigineqassapput. Aningaasarsisussaq aningaasarsiassaminik tigusitinnani akileraartussaajunnaarpat aningaasarsiassat akileraaruteqaatigineqassapput kingusinnerpaamik piffissami akileraartussaaitaanerup atorunnaarfiani.

§ 14. Aningaasarsiat akileraaruteqaataasussat soorlu makkuupput:

- 1) Inuussutissarsiutitit ingerlassamit sumilluunniit aningaasarsiat, s.i.: niuernermit, suliffissuaqarnermit, assassorluni sulinermit, umiartornermit, aalisarnermut, piniarnermit, aallaaniarnermit savaateqarnermillu aningaasarsiat, aamma aningaasarsiat ingerlatseqatigiiffinni (interessentskab), umiarsuaatileqatigiinni, peqatigiinni assigiinngitsunik akisussaassuseqartunik ilaasortalinni (kommanditselskab) imaluunniit aktieselskabini assigiinngitsunik akisussaassuseqartunik peqataasoqarfiusuni peqataanikkut pinertut, imaluunniit aningaasarsiat toqkkut qimaguttup pigisanik qimataasa pisortatigoortumik imaluunniit inuinnartigoortumik agguanneqartut pisassaqtitsinerisigut pineqartut, ilisimatusarnermi, eqqumiitsuliornermi imaluunniit atuakkiornermi sulinermit akissarsiat, imaluunniit suliaq, kiffartuussineq imaluunniit ikiuineq sunaluunniit aqqutigalugu akissarsiat tamat,
- 2) akiliisitsilluni attartortitsinikkut aningaasarsiat, soraarnerussutisiat, soraarnerussutisiatut aamma sillimmasiinertigoortumik pisartakkat, ikiorsiissutitigut inuuniarnermullu atugassatut akilersuutitigut aningaasarsiat, akiliinani allat pigisaannik atuinertigut tunissutisiatigullu aningaasarsiat, taamaattoq tak. § 34, imm. 1, nr. 3, obligationinit allanillu pisassanit erniatigut aningaasarsiat,
- 3) Aktianit piginneqataassutinillu, taamaattoq tak. § 86 aamma § 38 j, imm. 1, piginneqataanermit uppernarsaatinit pappiaqqanillu aningaasanik nalilinnit assingusunit iluanaarutitigut aningaasarsiat, taamaattorli tak. § 34, imm. 1, nr. 7. Andelsbevisinit iluanaarutisiatut isigineqarput sulluunniit peqatigiinnit sullivimmilluunniit piginneqataasunut ukiumi aningaasarsiorfimmi kingullermit imaluunniit siusinnerusumi iluanaarutinit pisassaqaatit tunniunneqartut tamarmik, tunniussat iluanaarutinit agguagarsiatut (dividende) imaluunniit peqatigiiffiup ingerlatsiunnaarneratigut agguagarsiatut pineqarsimappata assigiimmik, aammalu
- 4) nammineq illumi inigisap aningaasatigut nalinga, taamaattoq tak. § 34, imm. 1, nr. 5. Illumi nammineq pigisami inigisap nalinga aalajangerneqassaaq Kalaallit Nunaanni ineqarnermut akiliutinut maleruagassiat il.il. atuuttut naapertorlugit.

§ 15. Erniat isertitatut akileraaruserneqassapput ilanngaatigineqassallutilluunniit ukiumi aningaasarsiorfusumi erniat akilerneqartussaalerfianni. Ernianulli aningaasartuutit siumoortumik akiligassaalersut ukiumi aningaasarsiorfusumi attuumassuteqarfigisaanni ilanngaatigineqassapput, § 12,

imm. 1 naapertorlugu. Akiligassaqartorli erniat akiligassanngortut akilernissaannut akissaqanngippat, erniat ilanngaatigineqassapput isertitatulluunniit akileraaruserneqassapput ukiumi aningaasarsiorfusumi erniat akilerneqarfigisaanni. Akileraaruseriffiup suliffeqarfiit aningaasalersuinermik ingerlataqartunut suliffeqarfinnullu allanut, taamatut naatsorsueriaaseqarnermik atuisussatut isigisariaqartunut, akuersissuteqarsinnaapput, erniat isertitatut akileraaruserneqassasut ilanngaatigineqarlutilluunniit ukiumi aningaasarsiorfusumi ernianut attuumassuteqarfusumi. Taamatut periuseqarnissamik toqqagaasoq kingusinnerusukkut allanngortinneqarsinnaanngilaq.

Imm. 2. Akileraartussaanerup aallartinnerani toqumik patsiseqanngitsumik allamik patseqartumik akileraartussaajunnaarnermi erniatigut isertitat aningaasartuutilluunniit il.il., piffissamut inuup pineqartup akileraartussaanerata nalaanut attuumassuteqartut, akileraarutaasussanik isertitat naatsorsorneqarneranni ilanngunneqassapput ilanngaatigineqassallutilluunniit. Ernianik isertitat ilanngaatissalluunniit il.il. piffissamut attuumassuteqarfigisaannut agguanneqassapput. Agguassinermi piffissaq akileraartussaanerup aallartinnerani akileraartussaajunnarfimmiluunniit erniat kisimik pineqartup.

Imm. 3. Ernianut atasunut ilanngunneqartunulluunniit akiliutit, pisassarisanik erniaqartitanik allamut tunniussinermi, isertitat naatsorsorneqarneranni akiliutinik pisassaqaqartumi ilanngunneqassapput. Akiliutit ilanngaatigineqassapput akiliutinik akiliisussaasup isertitaanik naatsorsuinermi. Akiliutit ilanngunneqassapput ilanngaatigineqarlutilluunniit ukiumi aningaasarsiorfusumi niueqatigiinnerup piffigisaani. Ernianut atasunut ilanngunneqartunulluunniit akiliutit ukiumi aningaasarsiorfusumi akiligassanngorfigisaanni erniat akileraarutaasussat naatsorsorneqarneranni ilanngunneqassapput. Immikkoortumi tassani maleruagassat akileraartussaasunut ernianut aningaasartuutinik ernianillu isertitanik § 15, imm. 1, oqaaseqatigiit sisamaanni taaneqartutut agguataarisunut atuutinngillat.

Imm. 4. Kalaallit Nunaata avataani illumik pigisaqartup akileraarutaasussanik isertitanut ilanngutissanngilai:

- 1) isertitat aningaasartuutillu,
- 2) illup pissarsiarineranut ingerlanneranulluunniit atukkanik taarsigassarsiat erniaat,
- 3) taarsigassarsiat illu qularnaveeqqusiullugu taarsigassarsianut ernianut aningaasartuutit.

§ 16. Immikkoortumi uani obligationit pillugit maleruagassat inuinnarnit qularnaveeqqusikkanik taarsigassarsinermut allagartanut pisassarisanullu aamma taamatuttaaq atuupput.

1) Selskabit, aningaasaateqarfiit, peqatigiiffiit il.il. § 1, imm. 1, nr. 3-mit – 13-imut taagorneqartutut ittut obligationinik tunisaqarnermi, nalinginik tigusaqarnermi imaluunniit obligationiutigisap makinneqarnerani iluanaarutit annaasaqaatilluunniit akileraarutaasussanik isertitat naatsorsorneqarneranni ilanngutissavaat.

2) Obligationinik tunisaqarnermi, nalinginik tigusinermi imaluunniit makinneqarnerini iluanaarutit annaasaqaatilluunniit naatsorsorneqassapput tunineqarneranni pisiarineqarnerannilu akiisa assigiinngissutaattut.

3) Obligationit nalinginik tigusineq naafferartumik akilersuinikkut pippat, iluanaarutit annaasaqaatilluunniit naatsorsorneqassapput, naafferartumik tigusaqarnerit tamarmik procentii imatut annertussusilerlugit, pisiarinerani naligitamik procentinik qassinik qaangiisimaneri inorsarneriluunniit najoqqutaralugit.

4) Akileraaruseriffiup allatut naatsorsueriaaseqarnissaq akuersissutigisinnaavaa. Akuersissut taamaattoq tunniunneqarsimappat, tamatumani naatsorsueriaaseq akuerineqartoq taamaallaat allangortinneqarsinnaavoq akileraaruseriffiup akuersineratigut, taamaallaallu pisimasunit immikkorluinnaq ittunit tamanna tapersorneqarpat.

Imm. 2. Immikkoortumi uani aktiat pillugit maleruagqusat taamatutaaq anpartsselskabini piginneqataanernut, piginneqatigiiffinni piginneqataanermut allagartanut pappiaqqanullu aningaasanik nalilinnut assingusunut atuuttuupput.

1) Selskabit, aningaasaateqarfiit, peqatigiiffiit il.il. § 1, imm. 1, nr. 3-mit – 13-imut taagorneqartut ittit, aktianik tunisaqarnermi iluanaarutit annaasaqaatilluunniit akileraarutaasussanik isertitat naatsorsorneqarnerannut ilanngutissavaat. Tamannattaaq atuuppoq aktianik pisinissamut salliuutitaasinnaanerup aammalu aktiasisinnaanermik periarfissaqarnerup tuninerani iluanaarutitut annaasaqaatinulluunniit. Aktianilli tunisaqarnermi annaasaqaatit taamaallaat ilanngaatigineqarsinnaapput aktianit taakkunanga § 34, nr. 11 malillugu akileraaruserneqartussaangitsunik, aammalu § 27, imm. 4 naapertorlugu pissarsianut ilanngaataasinnaasunut milliliissutaasimangitsunik, iluanaarutinit annaasaqaatit annertuneruppata.

2) Ingerlatseqatigiiffiup atorunnaarsinnerani pigisanik agguagarsinermi iluanaarutit ajunaarutilluunniit akileraaruserneqassapput ukiumi aningaasarsiorfusumi ingerlatseqatigiiffiup atorunnaarsivinneqarfiani.

3) Tunisaqarnermi iluanaarutit annaasaqaatilluunniit naatsorsorneqassapput tunisaqarnermi akigititap pisinermilu akiusup nikingassutaattut. Fondsaktianik (ingerlatseqatigiiffiup sillimmataanik tunngaveqartunik) aktianillu pissarsinissamut pisinissamullu pisinnaatitaaffiit qaqugukkut pissarsiarinerinut pissarsiarinerinilu akigisinnaasaannut Naalakkersuisut sukumiinerusumik maleruagassiussapput.

4) Akileraaruseriffiup allatut naatsorsueriaaseqarnissaq akuersissutigisinnaavaa. Akuersissut taamaattoq tunniunneqarsimappat, tamatumani naatsorsueriaaseq akuerineqartoq taamaallaat allangortinneqarsinnaavoq akileraaruseriffiup akuersineratigut, taamaallaallu pisimasunit immikkorluinnaq ittunit ilalersorneqarpat.

Imm. 3. Selskabit, aningaasaateqarfiit, peqatigiiffiit il.il. § 1, imm. 1, nr. 3-mit – 13-imut taagorneqartut ittit, illuutitik § 24, imm. 1, nr. 1 naapertorlugu nalikillilivigineqarsinnaangitsunik tunisaqarnermi iluanaarutit annaasaqaatilluunniit akileraarutaasussanik isertitat naatsorsorneqarnerannut ilanngutissavaat.

1) Iluanaarutit ajunaarutilluunniit naatsorsorneqassapput tunisinermi akigititap pisinermilu akiusup nikingassutaattut.

2) Tunisinermi akigititap pisinermilu akiusup naatsorsorneqarnissaannut Naalakkersuisut sukumiinerusunik maleruagassiussapput.

§ 16 a. Ingerlatseqatigiiffik il.il. § 1, imm. 1, nr. 3-mi 4-miluunniit pineqartunut ilaasoq, kiisalu ingerlatseqatigiiffik il.il. taamaaqataa nunani allani angerlarsimaffeqartoq aningaasanik inummut, toqqaannartumik toqqaannangitsumilluunniit atugassaqaartitsippat, taarsigassarsitsippat qularnaveeqqusiippalluunniit, taarsigassarsiat aningaasarsianit akileraarutit pillugit inatsimmi maleruagassat nalinginnaasut naapertorlugit tigusatut taarsigassaangitsutut isigineqassapput, aatsaalli taarsigassarsitsisoq taarsigassarsisorlu § 86, imm. 3-mi pineqartutuut imminnut attuumassuteqarpat. Oqaaseqatigiit siulliit taarsigassarsianut il.il. nalinginnaasumik niuernermut atatillugu

taarsigassarsiaritineqartunut il.il., imaluunniit aningaaserivinnit taarsigassarsisitsisarfinnillu taarsigassarsianut nalinginnaasunut atuutinngillat. Oqaaseqatigiit siulliit aamma atuutinngillat Aktiaateqarluni ingerlatseqatigiiffiit pillugit inatsisip Kalaallit Nunaannut atuutilersinneqarnera pillugu peqqussummi § 115 a naapertorlugu aamma Piginneqataassuseqarluni ingerlatseqatigiiffiit pillugit inatsisip Kalaallit Nunaannut atuutilersinneqarnera pillugu peqqussummi § 50 naapertorlugu taarsigassarsianut.

Imm. 2. Taarsigassarsiat imm. 1 naapertorlugu akileraaruserneqartut taarserneqarpata, aningaasat taarserneqartut ingerlatseqatigiiffiup aningaasarsiaasa akileraaruteqaataasussat naatsorsorneranni ilanngunneqassanngillat.

§ 17. Aningaasanut tunngasunut isumaqatigiissutitigut iluanaarutit isertitat akileraaruteqaataasussat naatsorsorneqarnerini ilanngunneqassapput, takuulli imm. 2 aamma 3. Ukiumi aningaasarsiorfusumi annaasat ukiumi tassani iluanaarutinit ilanngaatineqarsinnaapput, aammalu § 30, imm. 1-imi, 3-mi aamma 4-mi malittareqqusat naapertorlugit ilanngaattissat peereerlugit annaasat ukiuni kingusinnerusuni ilanngaattissat peereerlugit aningaasanut tunngasunut isumaqatigiissutitigut iluanaarutinit ilanngaattissanngorlugit nuunneqarsinnaapput.

Imm. 2. Imm. 1 makkununga atorneqassanngilaq:

- 1) Aktianik il.il. pisinissamut pisinnaatitaaffinnut.
- 2) Pigisat aalaakkaasut pillugit isumaqatigiissutinut.
- 3) Realkreditimit, realkreditimulluunniit assingusumit attartornissami atukkalluunniit tamakkerlugit taarsiinissami akiusut nalinginik allanngutsaaliinermut atatillugu piffissami isumaqatigiissutaareersumi imaluunniit siunissami piffissamut aalajangersimasumut isumaqatigiissut malillugu obligationinik tunisinermut pisinermullu.
- 4) Obligationit, qularnaveequsiinermut uppersaaitit, akiitsunut uppersaaitit aningaasanillu pisassanut allanut atatillugu uppersaaitit allanik taarsersinnaanerinit pisinnaatitaaffinnut.

Imm. 3. Inuussutissarsiornermut inuussutissarsiornermiluunniit ingerlatsivimmut atatillugu isumaqatigiissutaasimasunut inatsisartut inatsisaanni aalajangersakkat nalinginnaasut naapertorlugit atuutissapput.

Imm. 4. Iluanaarutit annaasalluunniit imm. 1-imi taaneqartut naatsorsorneqartassapput tuniniaanermi periaaseq naapertorlugu tuninerani akiusup pisiarineqarneranilu akiusup assigiinngissutaattut.

Imm. 5. Immikkut pissutissaqartoqartillugu isumaqatigiissutit imm. 1-imi pineqartut Inatsisartut inatsisaanni maleruagassat nalinginnaasut naapertorlugit akileraaruserneqarnissaat Naalakkersuisunit, taakkunangaluunniit taamaaliornissamut piginnaatinneqartumit akuersissutigineqarsinnaavoq.

§ 18. § 1, imm. 1, nr. 1-imi 2-milu inuit pineqartut aningaasarsiaminnik akileraarutaasussanik naatsorsuinerminni iluanaarutinit pisassarisanik tunisinikkut, tamakkiisumik ilaannakuusumilluunniit akiliinikkut imaluunniit makitsinikkut pissarsiarineqartutigut iluanaarutit ilanngullugit naatsorsussavaat, pisassarisat imm. 2-mi taaneqartut eqqarsaatigalugit, pissarsiarineqartut imm. 3-mi aalajangersarneqarsimasutut erniat ikinnerpaaffissaattut amerlatigisunik taakkuninngaluunniit amerlanerusunik ernialersorneqanngikkunik.

Imm. 2. Pisassarisanik oqarnermi pineqartut tassaapput aningaasanik pisassarisat suulluunniit, tamatumani aamma obligationit, qularnaveequsiinermut uppersaaitit, pappiaqqat aningaasanik nalillit

(statsgældsbeviser), pappiaqqat aningaasanik nalillit (skatkammerbeviser) aamma suliffeqarfiit akuerineqarnerinut uppernarsaatit (virksomhedscertifikater).

Imm. 3. Ukiup isertitaqarfusup tullianut erniat ikinnerpaaffissaannut annertussusiliussaq Akileraartarnermut ingerlatsiviup ulloq 20. december tikitsinnagu aalajangersassavaa.

Imm. 4. Pisassarisat tunineqarnerisigut utertillugilluunniit akilerneqarnerisigut iluanaarutit naatsorsorneqartassapput tassaatillugit pisiarinerini akiliutigineqartut aamma tunisinermi utertillugilluunniit akiliinermi akigineqartut nikingassutaat. Utertillugit akiliineq naafferartumik akilersuinikkut pippat iluanaarutit naatsorsorneqassapput naafferartumik akiliutigineqartunit tamanit procentiinik pappiaqqat naleqassusiisa pisinermi akiliutigineqartunit qaangiinerup procentiisa amerlaqataannik.

Imm. 5. Pisassarisanit imm. 1-imi taaneqartunit iluanaarutit annaasalluunniit § 34, imm. 1, nr. 2-mi ilaatinneqarsinnaanngillat.

§ 19. Aningaasarsiat akileraaruteqaataasussat naatsorsorneranni biilip, akileraartartup sulisisuminit atorfinitsitaanerminut allatulluunniit ikiuulluni sulinissaminik isumaqatigiissuteqarnerminut atatilugtu privatimik atorsinnaasaata nalinga ilanngunneqassaaq, tak. Imm. 2-miit 8-mut. Tamanna aamma atuuppoq inunnut siulersuisuni, ataatsimiititaliani, kommissionini, siunnersuisooqatigiinni, immikkut qinikkani allatulluunniit ataatsimoorfusuni, tamatumani ilanngullugit Naalakkersuisunut, Inatsisartunut kommunalbestyrelsinullu ilaasortatut qinerneqarsimasunut tamakkunungaluunniit ikiortaasunut.

Imm. 2. Illoqarfik biilip privatimik atorneqarfia 75.000 kvadratmeterisut annertutigisumik annertunerusumulluunniit aqqusineqarpat, biilip imm. 1-imi pineqartup akileraarutitigut nalinga ukiumut 70.000 (2022-mi inissisimaneq) koruuninik annertussusilerneqassaaq.

Imm. 3. Illoqarfik biilip privatimik atorneqarfia 25.000 kvadratmeterinik 75.000 kvadratmeterillu akornanni annertutigisumik aqqusineqarpat, annertussusiliussaq imm. 2-mi taaneqartoq 35.000 (2022-mi inissisimaneq) koruuninut appartinneqassaaq.

Imm. 4. Illoqarfik biilip privatimik atorneqarfia 25.000 kvadratmeterit inorlugit annertutigisumik aqqusineqarpat, annertussusiliussaq imm. 2-mi taaneqartoq 17.500 (2022-mi inissisimaneq) koruuninut appartinneqassaaq.

Imm. 5. Biilit sulliviittut aqqissukkat biilinillu immikkut sanaajusunik allanik privatimik atuineq angissusiliussat imm. 2-miit 4-mut taaneqartut affaannut annertussusilerneqassaaq. Biilit tamaattut sulisisisup allaganngorlugu peqqussuteqarneratigut angerlarsimaffiup suliffullu akornanniinnaq atorneqartarpata annertussusiliussat imm. 2-miit 4-mut taaneqartut sisamararterutaannut annertussusilerneqassapput.

Imm. 6. Lastbiilini 4 tonsit sinnerlugit oqimaassusilinnik kiisalu biilini tankiminni usisartunik, kraninik kivitsissutinik aammalu eqqaasut biiliinik privatimik atuineq akileraaruserneqartussaannigilaq.

Imm. 7. Biilit ukiup ilaannaani atugassaritinneqarpata nalingat akileraaruteqaataasussaq ullunik biilini atuiffunngitsunik ilanngarlugu appartinneqassaaq. Akileraartussaataasooq biilit atorsinnaanerinut akiliuteqarpat, nalinga akileraaruteqaataasussaq aningaasanik akiliutigineqarsimasunik ilanngarlugu appartinneqassaaq.

Imm. 8. Sulisisisup allaganngorlugu peqqussutigisimappagu akileraartussaataasooq suliartoqquneqarnermini biilini atuissasooq, akileraartussaataasup angerlarsimaffimmi suliffimmilu

akornanni biilimik atuinera privatimik atuineranut isigineqassanngilaq, aatsaalli akileraartussaataitaasup suliartoqquneqarsinnaanermi nalaani biilit privatimik atugassarinnippagit.

Imm. 9. Biilit imm. 5-imi taaneqartut atorlugit angerlarsimaffiup suliffeqarfullu akornanni biilernerit akileraartussaataitaasup namminerisamik atuinerattut isigineqanngillat, sulisitsisup aggersarneqariataarsinnaanermut atatillugu taamatut biilernissaq akileraartussaataitaasumut allaganngorlugu piumasaaqatigisimappagu.

§ 19 a. Ajunngitsorsiasat imm. 2-8-mi taaneqartut, § 75, imm. 1-imi taaneqartut A-nik isertitaqartunut atugassiisutigineqartut, nalingi imm. 2-8-mi allassimasutut aalajangersarneqassapput, taamaattoq takuuk imm. 9. Taamaaqataa ajunngitsorsiasanut inunnut siulersuisunut, ataatsimiititalianut, isumalioqatigiissitanut, siunnersuisooqatigiinnut, aalajangiisartunut imaluunniit allanut ataatsimoorlutik oqartussanut, ilanngullugit Naalakkersuisut, Inatsisartut aamma kommunalbestyrelsit, ilaasortatut imaluunniit ikiortaasussatut toqqagaasunut atugassiisutigineqartunut, kiisalu pissutsit allatigut immikkoortumi tassani ilaatinneqanngippata, § 86, imm. 3-mi taaneqartut amerlanerussuteqartunik aktiaatilinnut, ajunngitsorsiasanik ingerlatseqatigiiffimmit pineqartup amerlanerussuteqartunik aktiaateqarfigisaanik atugassiisutigineqartunut, atuuppoq.

Imm. 2. Akeqanngitsumik ineqartitaanerup nalinga nr. 1-3-mi aalajangersakkat malillugit ingerlatsineranut akiliummut aningaasaliissutinit iluanaarutit ilanngullugit katinnerisut naatsorsorneqassaaq, taamaattoq takuuk imm. 9:

1) Ingerlatsineranut akiliut ilaqtariinnut ataatsinut illunut aammalu illunut affarleriinnut m^2 -imut 461 koruuniuvoq (2022-mi inissisimaneq) aammalu inissiarisuaranut aamma illunut uiguleriinnut il.il. m^2 -imut 512 koruuniulluni (2022-mi inissisimaneq).

2) Aningaasaliissutinit iluanaarut inissiap pissarsiarinerani akiata kingusinnerusukkat allannortiterineranut imaluunniit pitsanngorsaaneermut aningaasartuutit ilanngullugit 1,5 procentianik annertussuseqarpoq. Taamaattoq inissiap pissarsiarinerani akia m^2 -imut 7.000 koruuninit (2022-mi inissisimaneq) aammalu 2022-mi m^2 -imut 21.000 koruuninik, 2023-mi m^2 -imut 28.000 koruuninik aamma 2024-mi m^2 -imut 35.000 koruuninik appasinnerusinnaanngilaq. Ukioq isertitaqarfusoq 2025 aallarnerfigalugu pissarsiarinerani akia qaffasinnerpaaq m^2 -imut 35.000 koruuniusoq (2024-mi inissisimaneq) akigititanik naleqqussaaneermut procentiliussamik iluarsineqassaaq, takuuk § 19 c.

3) M^2 -imut pissarsiarinerani akia appasinnerpaaq 7.000 koruuniusoq, atortulersuutitut ikkussukkanut il.il. inissiami amigaataasunut makkununga tamaginnut immikkut m^2 -imut 1.000 koruunimik annikillisinneqartassaaq (2022-mi inissisimaneq):

a) Uffarfik imaluunniit anartarfik imermik kuutsittagaq.

b) Kiassaateqarfimmiit kiassarneq, kiassaateq uuliatortoq imaluunniit innaallagissamik kiassarneq.

c) Innaallagiq.

d) Imeq imaluunniit imermut tanki.

e) Gassi imaluunniit innaallagiq uunnaanermut atorineqartussaq.

f) Naternut, qilaamut iikkanullu oqorsaaneq kiffutissanit mineraluldinit 250 mm-init annikinneruppat.

Oqorsaasersuutit allat atorineqarsimappata, oqorsaasinnaassusaa mineraluldinut naatsorsorneqassaaq.

Imm. 3. Inissiamik atuisinnaatitaaneermut, takuuk imm. 2, pequtinik tamakkiisumik ilaannaasumilluunniit atuisinnaaneq ilaatinneqarpat, ukiumi isertitaqarfusumi pequtit nalingi akeqanngitsumik ineqartitaanerup nalingata, imm. 2 malillugu inernerata paasineqartup, 5 procentianut annertussusilerneqassaaq.

Imm. 4. Pisortanit atugassiissutigineqartumik akeqanngitsumik najugaqarallartunut utaqqiisaasumik najugaqarallartunulluunniit ineqartitsinerup nalinga inissiap angissusaa malillugu qaammammut makkununga aalajangersarneqarpoq:

1) Inoqutigiinni ilaasut saniatigut allat igaffimmi imaluunniit perusuersartarfimmi atortorissaarutitut atorneqartunut atuisinnaatitaappata, inimit imaluunniit ineeqqamut ataatsimut 1.000 kr. (2022-mi inissisimaneq).

2) Inissiani immikkoortuni 1-imik imaluunniit 2-nik initalinni 2.000 kr. (2022-mi inissisimaneq).

3) Inissiani immikkoortuni 2.500 kr. (2022-mi inissisimaneq) 3-nik initalinni.

4) Inissiani immikkoortuni 3.500 kr. (2022-mi inissisimaneq) 4-nik initalinni.

5) Inissiani immikkoortuni 4.500 kr. (2022-mi inissisimaneq) 5-inik amerlanernilluunniit initalinni.

Imm. 5. Ineeqqami, inissiaaqqami igaffeeralimmi assigisaanniluunniit akeqanngitsumik ineqartitaanerup nalinga ukiumut 17.500 koruunimut aalajangersarneqarpoq. (2022-mi inissisimaneq), taamaattoq takuuk imm. 2 aamma imm. 9.

Imm. 6. Akeqanngitsumik nerisaqartitaanerup nalinga tamakkiisumik nerisaqarnermut ullormut 80 koruunimut, ilaannakortumik ullormut marloriarluni nerilluni nerisaqarnermut ullormut 59 koruunimut, aammalu ataasiarluni nerilluni nerisaqarnermut ullormut 45 koruunimut aalajangersarneqarpoq (2022-mi inissisimaneq), taamaattoq takuuk imm. 9.

Imm. 7. Akeqanngitsumik internetseqarnerup nalinga ukiumut 6.000 koruunimut aalajangersarneqarpoq.

Imm. 8. Akeqanngitsumik oqarasuaateqarnerup nalinga ukiumut 6.000 koruunimut aalajangersarneqarpoq.

Imm. 9. Ajunngitsorsiassat killilersugaanngitsumik niuernermi nalinga nalinginit aalajangersarneqartunit 20 procentimit appasinnerusoq uppernarsarneqarpat, pisuni imm. 2-8-mi taaneqartuni nalingisa appartinnissaat suliani ataasiakkaani akileraartussaataasup imaluunniit unerartitsisussaataasup piumasaqarneratigut akileraartarnermut ingerlatsiviup akuerisinnaavaa. Ajunngitsorsiassat pineqartut nalingi, nalinginit aalajangersarneqartunit 20 procentimit qaffasinneruppata, pisuni imm. 2-6-mi taaneqartuni nalingi suliani ataasiakkaani akileraartarnermut ingerlatsiviup qaffassinnaavai.

§ 19 b. (atorunnaarpoq)

§ 19 c. Ukioq isertitaqarfimmit 2023 aallarnerfigalugu §19, imm. 2-4-mi, §19 a, imm. 2, nr. 1-2-mi aamma § 19 a, imm. 4-6-imit nalit procentimik aaqqiissummik nalimmassarneqarput. Nalingi koruunit aningaasartaannut iluitsumut qaninnermut annikillisinneqassapput. Akileraartarnermut ingerlatsiviup ukiup isertitaqarfusup annertussusiliussat atuuffissaata siuliani kingusinnerpaamik qaammatisiutit malillugit ulloq 10. oktobari ukiumut isertitaqarfusumut annertussusiliussat atuuttut ukiumoortumik nalunaarutigisassavai.

§ 20. Inunnut tamakkiisumik akileraartussaasunut aningaasarsiat B-t, takuuk § 74, aningaasarsiallu § 75, imm, 2, nr. 2-mi taaneqartut, tamatumani ilaallutik namminersorluni inuussutissarsiornermi aningaasarsiat tamarmiusut, taamaallaat akileraaruserneqassapput aningaasarsiat taakkua katillugit imm. 2-mi aalajangersarneqarsimasut qaangersimappatigit. Ukiumi aningaasarsiorfusumi aappariit aappaata toqukkut qimagunneratigut aappariikkunnaarfusumi, aapparisaq qimagaasoq

akilaraarutaasussaangitsunik imm. 2-mi aningaasat aalajangerneqartut marloriaataannik ilanngaaserneqarnissamut akuerineqassaaq.

Imm. 2. Akilaraaruteqaataasussaangitsut aningaasartai 5.000 koruuniupput.

§ 21. Inuit tamakkiisumik akileraartussaataitaasut aningaasarsiaasa akilaraaruteqaataasussat naatsorsorneranni ilanngaata aalajangersimasooq (standardfradrag) ilanngaatigineqartassaaq. Ukiumi aningaasarsiorfusumi aappariit aappaata toqukkut qimagunneratigut aappariikkunnaarfusumi, aapparisaq qimagaasooq aalajangersimasumik ilanngaammik imm. 2-mi aningaasat aalajangerneqartut marloriaataannik ilanngaateqartinneqassaaq.

Imm. 2. Ilanngaata aalajangersimasooq 10.000 koruuniuvoq.

Imm. 3. Akileraartussaataitaasup aningaasarsiaasa naatsorsorneranni ilanngaatigisinnaasani ukiumut aningaasarsiorfusumut pineqartumut ilanngaatissatut annertussusiliisimanermit annertunerunerat uppernarsarsimappagu, aningaasartuutit amerlanerusut ilanngaatigitinneqarsinnaapput.

§ 22. Selskabit il.il. § 1, imm. 1, nr. 3-14 naapertorlugit tamakkiisumik akileraartussaataitaasut, imaluunniit § 2 naapertorlugu killilimmik akileraartussaasut, pigisat § 24, imm. 1, nr. 1 naapertorlugu, akileraartarnermi nalikilliliinerit il.il. pillugit nalunaarummi nalikillilernerqarsinnaasutut taasanik, annertunerpaamik imm. 2-mi taaneqartut nalikillilernerqarsinnaasut annertoqataannik akilaraarutitigut nalikilliliisinnaapput.

Imm. 2. Ukiunut ataasiakkaanut akilaraarutitigut nalikilliliisutit annertunerpaamik nalinut ukununga naapertuutissapput:

- 1) Illuutit atortullu ikkussorneqarsimasut pissarsiarineranni nalingisa ukiumut 5 procentii angullugit nalikillilernerqarsinnaapput.
- 2) Umiarsuit timmisartullu pissarsiarineranni nalingisa ukiumut 10 procentii angullugit nalikillilernerqarsinnaapput.
- 3) Nalikillilernerqarsinnaasunut allanut aningaasartuutit il.il. aammalu ingerlatsinermut atortut, pequtit pissarsiarineranni nalingi aammalu pigisanut piffissami killilimmi pisinnaatitaaffinnut akiliutinut il.il. 30 procentii angullugit nalikillilernerqarsinnaapput, ukiup aningaasarsiorfusup naanerani pigisap nalikillilernerqarsinnaasup nalinganit tunngaveqartumik.
- 4) Pigisanut nr. 3-mi taaneqartunut aningaasartuutit imaluunniit pissarsiarineranni nali 50.000 koruuniuppata taakkualuunniit ataallugit naleqarpata 100 procentii angullugit nalikillilernerqarsinnaapput.

Imm. 3. Selskabit nr. 3-mi aamma 4-mi taaneqartunik pigisallit, nalikillilernerqarsinnaasunut aningaasaartuutunik aammalu pigisanut nalilinnut il.il. kontomik ataatsimut naatsorsuiffiusussamik naatsorsuuteqassapput. Ukiumi nalikilliliisutit ukiup aningaasarsiorfusup naanerani nalikillilernerqarsinnaasup nalinga tunngavigalugu nalikilliliisutitigineqartassapput. Naliosoq taanna ukiup aallartinnerani naliusup nakilliliisutaasinnaasutut aningaasaartuutunik imaluunniit ingerlatsinermut atortut il.il. pissarsiarineranni nalinginik ilallugit naatsorsorneqartassapput, taakkua ukiumi aningaasarsiorfusumi pissarsiarineqarsimappata, aammalu ukiumi ingerlatsinermut atortut il.il. ukiumi aningaasarsiorfusumi tuninerini nalinginik kiisalu nr. 4 naapertorlugu nalikilliliisutaasunik ilanngaateqartillugit. Pitsanngorsaatinut aningaasartuutit pissarsinermi naliusutut suliarineqartassapput. Ukiup aallartinnerani naliosoq tassaavoq ingerlatsinermut atortut il.il. ukiuni siusinnerusuni pissarsiarinerisa nalingi aammalu aningaasartuutit nalikilliliisutit ilanngareerlugit nalingat.

Imm. 4. Nr. 3-mi aamma 4-mi pigisanik taaneqartunik tunisinikkut naliusut nalikilliliissutigineqarsinnaasup sinnera qimmussimappassuk nikingassut, ukiumi aningaasarsiorfusumi tassani isertitatut ilanngunneqassaaq. *Imm. 5.* Imm. 2-mi maleruagassaq naatsorsuutiginaq selskabit il.il. akileraarutitigut nalikilliliisinaapput, pigisap nalikillilerneqarsinnaasup nr. 1-imi aamma 2-mi pineqartup tuninerani akileraarutitigut iluanaarutigineqarnerata naleqqataanik. Selskabit il.il. tamatuma kingorna aningaasarsiai akileraaruteqaataasussat amigartooruteqartumik angusaqarfiuppata taava akileraarutitigut nalikilliliinerit amigartoorutaasup nalinganut naapertuuttumik annikillilerneqassapput.

Imm. 5. Pigisap imm. 2, nr. 1-2-mi pineqartoq tunineqarpat akileraartussaasup iluanaarut ukiumi tunisiffusumi aningaasarsiaminut akileraaruteqaataasussanut ilanngutinngissinnaavaa, ukiup tunisiffusup kingorna ukiup aningaasarsiorfusup naanissaa kingusinnerpaamik sioqqullugu pigisap assigisaanik, atorneqarnerminilu siunertaatut atugassamik pisisoqarpat, tunisinernullu atatillugu iluanaarut akileraaruteqaataasussaq pigisap pissarsiarinerata nalinganit nalikillilerneqarsinnaasumit tamakkiisumik ilanngaatigineqarsinnaappat. Oqaaseqatigiinni siullerni taaneqartutut pisoqartillugu iluanaarut akileraaruteqaataasussaq pigisap pissarsiarineqartup nalinganit nalikillilerneqarsinnaasumit ilanngaatigineqassaaq. Oqaaseqatigiit 1-2 aatsaat atorneqassapput piseqqinnissaq akileraartussaasup ukiumut tunisiffusumut tunngatillugu nammineerluni nalunaarsuiffimmi nalunaarutigisimappagu. Tamatuma saniatigut imm. 1-2 atorneqarnissaannut piumasaqataavoq akileraartussaasup ukiup tunisiffusup kingorna ukiumi nammineerluni nalunaarsuiffusumi akileraarutitut imaluunniit akitsuutinut kinguaattoorutinik 100.000 kr.-it sinnerlugit akiitsoqannginnissaa.

Imm. 6. Pigisap assinga pissarsiarineqartutut isigineqassaaq, pigisamik tunniussinissaq pillugu allaganngorlugi isumaqatigiissut pituttuisoq piffissaliussap imm. 5-imi oqaaseqatigiinni siullerni allasimasup iluani atsiorneqarsimappat, pigisamillu tunniussinissaq ukiup tunisiffusup kingorna ukiup aningaasarsiorfusut pingajuannit kingusinnerusumik pissanngippat. Pigisap ukiumi aningaasarsiorfusumi ingerlatseqatigiiffiup nalikilliliilluni aallartiffigisinaasaani tunniunneqartutut isigineqassaaq.

Imm. 7. Imm. 5-imi imaluunniit imm. 6-imi piffissaliussatut aalajangersakkat iluanni pigisap assi-gisaanik pissarsisoqanngippat, imaluunniit iluanaarut ukiumi pigisamik pissarsiffusumi pigisap nalinganit nalikillilerneqarsinnaasumit ilanngaatigineqanngippat, iluanaarut ukiup aningaasarsiorfusup iluanaaruteqarfusup naaneraniit ukioq paasineqarfia tikillugu qaammatit aallartinneri tamaasa 1,0 procentimik tapeqartillugu, ukiumi aningaasarsiorfusumi kingullertut taaneqartumi aningaasarsianut akileraaruteqaataasussanut ilanngunneqassaaq.

§ 22 a. Selskabi § 1, imm. 1, nr. 3-mi pineqartunut ilaasoq, § 22, imm. 2-mi taaneqartunik annertussutsinit annikinnerusumik akileraarnermi nalikilliliisarsimappat, selskabip nalikilliliineri killiffigisai, selskabip pigisaasa § 22, imm. 2-mi annertussutsinut taaneqartunut nalikillilersimasinnaaneritut appartinneqassapput, matuma ataani taaneqartunik pisoqartillugu:

- 1) Aktiatigut piginneqataassutigulluunniit aningaasaatit 30 procentii amerlanerusulluunniit ukiup aningaasarsiorfiup naanerani ukiup aningaasarsiorfiup pineqartup aallartinneranit aktiaateqartunit imaluunniit peqataasunit allanit pigineqalersimappata,
- 2) Selskabimi aktiat taasisinnaassuseqarnerilluunniit agguataarsimanerat ukiup aningaasarsiorfiup ingerlanerani, ukiup aningaasarsiorfiup siuliani agguataarsimanerannut sanilliussineri, annertuumik allanguuteqarsimappat,

3) Selskabip suliai ukiup aningaasarsiorfiup ingerlanerani, ukiup aningaasarsiorfiup siuliani suliarisimasaanit annertuumik allangorsimappata,

4) Selskabi allanik kattuteqateqarsimappat, agguataarneqarsimappat allatulluunniit assingusumik allanguuteqartinneqarsimappat.

Imm. 2. Imm.1-imi aalajangersagaq atuutinngilaq

1) selskabinut børsenimi nalunaarsugaasunik aktiaqartunut, imaluunniit

2) § 57-imi aamma § 58-imi taaneqartutut piginnittuuneq kinguaariinni tullernut nikinneqarsimappat.

Imm. 3. Selskabimi imm. 1-imi pineqartunut ilaasumi aningaasaatit 25 procentii amerlanerusulluunniit selskabimit allamit, peqatigiiffimmit imaluunniit taakkununga assingusumit (selskabimit piginnittuusumit) pigineqarpata, selskabimi piginnittuusumi aktiaateqartut peqataasulluunniit, selskabimi aningaasaatinik pigineqataanermik annertussusii naapertorlugit, selskabimi pigineqartumi aningaasaatinik piginnittutut isigineqassapput, selskabimi piginnittuusooq pinnani. Tamannali atuutinngilaq selskabip piginnittuusup aktiai børsenimi nalunaarsugaappata.

Imm. 4. Naalackersuisut imaluunniit Naalackersuisut tamatumunnga pisinnaatitaat, pissutsit immikkut ittut tamanna inassutigintippassuk tamakkiisumik ilaannaasumilluunniit imm. 1-imi aalajangersakkanit allaaneruseq immikkut akuersissuteqarsinnaapput.

§ 22 b. § 22-mi malittarisassat apeqqutaatinnagit misissueqqaarnermut, misissueqqissaarnermut imaluunniit aatsitassanik iluaqutiginninnermut akuersissutit pissarsiarineqarnerinut aningaasartuutit, aatsitassat pillugit ingerlatallu tamatumunnga pingaarutillit pillugit Inatsisartut inatsisaat naapertorlugu, tamatumani aalajangersakkami malittarisassat malillugit, nalikillilerneqassapput.

Imm. 2. Akuersissutit ataasiakkaat imaluunniit akuersissutit ilaannaama tamaasa immikkoortillugit immikkut nalikillileriffigineqartassapput.

Imm. 3. Akuersissutit ilaannaaluunniit tunineqarpat, ukiumi tunisiffusumi tunineqartut nalikilliliivigineqarsinnaanngilaq.

Imm. 4. Pissarsinermi naliusooq ukiumut amerlaqatigiiaartunik nalikilliliivigineqartassaaq. Misissueqqaarnissamut, misissueqqissaarnissamut imaluunniit kulbrintinik iluaqutiginninnissamut akuersissutit ukiuni qulini nalikilliliivigineqartassapput, misissueqqaarnissamut, misissueqqissaarnissamut imaluunniit aatsitassanik iluaqutiginninnissamut akuersissutit ukiuni sisamani nalikilliliivigineqartassallutik. Akuersissummik pissarsisoqarpat, pissarsiarineqarneraniit imm. 2-mi piffisarititaasooq sivikinneruppat pissarsiarineraniit akigitinneqarsimasup piffisarititaasup sinneruttup iluani ukiumut assigiiaamik nalikilliliisooqartassaaq. Nalikilliliivigineq ukiumi aningaasarsiorfusumi akuersissummik tamatumaluunniit ilaanik pissarsiffusumi aallartinneqassaaq.

Imm. 5. Akuersissutit taassumaluunniit ilaa pissarsiarineqarnerani akiusumit nalikilliliivigineqanngitsumit annertuneruseq akilersillugu tunineqarpat, iluanaarutaasooq ukiumi tunineqarfigisaani akileraarutaasussanik isertitanut ilanngunneqassaaq.

Imm. 6. Akuersissutit taassumaluunniit ilaa pissarsiarineqarnerani akiusumit nalikilliliivigineqanngitsumit annikinneruseq akilersillugu tunineqarpat, amigartoorutaasooq ukiumi tunineqarfigisaani akileraarutaasussanik isertitanit ilanngaaticineqassaaq.

Imm. 7. § 24, imm. 1, nr. 1 naapertorlugu misissueqqaarnermik, misissueqqissaarnermik imaluunniit aatsitassanik iluaqutiginninnermik nalikilliliivigineq pillugit erseqqinneruseq malittarisassanik Naalackersuisut aalajangersaasinaapput.

§ 23. Inuk, § 1, imm. 1, nr. 1 aamma 2 naapertorlugit akileraartussaataaasoq, imaluunniit § 2 malillugu killilimmik akileraartussaataaasoq namminersorluni inuussutissarsiornermik ingerlataqarnermini isertitaqartoq, pigisat § 24, imm. 1, nr. 1 naapertorlugu, akileraartarnermi nalikilliliinerit il.il. pillugit nalunaarummi nalikillilerneqarsinnaasutut taasanik, annertunerpaamik imm. 2-mi taaneqartut nalikillilerneqarsinnaasut annertoqataannik akileraarutigut nalikilliliisinnaavoq.

Imm. 2. Ukiunut ataasiakkaanut akileraarutigut nalikilliliinerit annertunerpaamik nalinut ukununga naapertuutissapput:

- 1) Illuutit atortullu ikkussorneqarsimasut pissarsiarineranni nalingisa ukiumut 5 procentii angullugit nalikillilerneqarsinnaapput.
- 2) Umiarsuit timmisartullu pissarsiarineranni nalingisa ukiumut 10 procentii angullugit nalikillilerneqarsinnaapput.
- 3) Nalikillilerneqarsinnaasunut allanut aningaasartuutit il.il. aammalu ingerlatsinermut atortut, pequtit pissarsiarineranni nalingi aammalu pigisanut piffissami killilimmi pisinnaatitaaffinnut akiliutinut il.il. 30 procentii angullugit nalikillilerneqarsinnaapput, ukiup aningaasarsiorfusup naanerani pigisap nalikillilerneqarsinnaasup nalinganit tunngaveqartumik.
- 4) Pigisanut nalilinnut nr. 3-mi taaneqartunut aningaasartuutit imaluunniit pissarsiarineranni nali 100.000 koruuniuppata taakkualuunniit ataallugit naleqarpata 100 procentii angullugit nalikillilerneqarsinnaapput.
- 5) Aquuteralammik, angallatinut 8 meteri ataalluguluunniit (takissusia tamaat) takissusilinnut atugassamik pisinermi aningaasartuutit imaluunniit pisinermi akip 100 procentia tikillugu. Aquuteralammut ataatsimut pisiarinqartumut aningaasartuutit ukiumi isertitaqarfusumi ataatsimi taamaallaat nalikilliliisoqarsinnaavoq. Aalajangersakkami imm. 1 atuutissappat makku tunngavigineqassapput:
 - a) angallat inuussutissarsiutigalugu aalisarnermut atorineqassaaq aammalu akileraartussaataaasoq sinerissamut qanittumi inuussutissarsiorluni aalisarnissamut akuersissuteqassalluni, imaluunniit
 - b) angallat takornariartitsinermut attartortitsilluniluunniit angallassinermut atatillugu ilaasunik angallassinissamut akuersissuteqassaaq aammalu ukiumi isertitaqarfusumi akileraartussaataaasoq takornariartitsilluni attartortitsilluniluunniit angallassinermut taamaattumit 50.000 kr.-it taakkuluunniit sinnerlugit isertitaqartut ukiumoortumik nalunaarsuisimassaaq.

Imm. 3. Namminersorluni inuussutissarsiornermik ingerlataqartut imm. 1-imi taaneqartut nalikillilerneqarsinnaasunut aningaasartuutinik aammalu pigisanut nalilinnut il. il. imm. 2, nr. 3-5-imi taaneqartunut kontomik ataatsimut naatsorsuiffiusussamik naatsorsuuteqassapput. Ukiumi nalikilliliissutit ukiup aningaasarsiorfusup naanerani nalikillilerneqarsinnaasup nalinga tunngavigalugu nalikilliliissutigineqartassapput. Nalisoq taanna ukiup aallartinnerani naliusup nakilliliissutaasinnaasutut aningaasartuutinik imaluunniit ingerlatsinermut atortut il. il. pissarsiarinerani nalinginik ilallugit naatsorsorneqartassapput, taakkua ukiumi aningaasarsiorfusumi pissarsiarineqarsimappata, aammalu ukiumi ingerlatsinermut atortut il. il. ukiumi aningaasarsiorfusumi tuninerini nalinginik kiisalu imm. 2, nr. 4-5 naapertorlugit nalikilliliissutaasunik ilanngaateqartillugit. Pitsanngorsaatitut aningaasartuutit pissarsinermi naliusutut suliarineqartassapput. Ukiup aallartinnerani nalisoq tassaavoq ingerlatsinermut atortut il. il. ukiumi siusinnerusuni pissarsiarinerisa nalingi aammalu aningaasartuutit nalikilliliissutinik ilanngareerlugit nalingat.

Imm. 4. imm. 2, nr. 3-5-imi pigisanik taaneqartunik tunisinikkut naliusut nalikilliliissutigineqarsinnaasup sinnera qimmussimappassuk, nikingassut naatsorsugaq ukiumi aningaasarsiorfusumi tassani isertitatut

ilanngunneqassaaq.

§ 24. Aningaasarsiat akileraaruteqaataasussat naatsorsorneranni ilanngaatigineqarsinnaapput:

- 1) Ingerlatsinermi aningaasartuutit, tassa imaappoq aningaasarsiat piniarnerannut, isumannaalliniarnerannut allanngutsaaliorniarnernullu ukiup ingerlanerani akissajaataasimasut, taakkununga ilanngullugit akileraartarnermi nalikilliliinerit. Akileraartarnermi nalikilliliinernut maleruagassiat aammalu pigisat nalikillilerneqarsinnaasut allamut tunineranni il.il. iluanaarutit annaasaqaatilluunniit akileraartarnermut tunngasumik suliarineranni maleruagassat naalakkersuisut aalajangissavaat,
- 2) aningaasat akileraartussaaitap pigisaanik, iluanaarutitaat aningaasarsiatut isigineqartunik, allanngutsaaliuineranut sillimmasiernernulluunniit atorineqarsimasut, aammalu
- 3) akiitsut erniaat taakkunungalugu atatillugu sullissineranut matussutissatut ingerlaavartumik ernialiuttakkat (løbende provision), taamaattorli tak. § 15, imm. 4.

Imm. 2. Eqqugassat, eqquiniutissatut ileqqaakkat pillugit inatsit naapertorlugu eqquiniutissatut kontolinnut aningaaserivinnit eqqugassiisutigineqartartut, aningaaserviup aningaasarsiaasa akileraaruteqaataasussat naatsorsornerini ilanngaatigineqarsinnaanngillat.

§ 25. Aningaasarsiat akileraaruteqaataasussat naatsorsorneqarneranni § 24, imm. 1 apeqqutaatinnagu, nerisaqarnermut aningaasartuutaanerusut, aningaasarsiaqartup imaluunniit namminersorluni inuussutissarsiummik ingerlatsisup aalisariummi imaluunniit umiarsuarmi sulinini pissutigalugu aningaasartuutigisimasinnaasai, ilanngaatigineqartussaanngillat.

§ 26. (Atorunnaarsinneqarpoq).

§ 27. Selskabit, brugsforeningit, suliffeqarfihullu suleqatigiinnikkut ingerlassat § 1, imm. 1, nr. 3, 4, 6 aamma 7-imi pineqartut aningaasarsiat akileraaruteqaataasussat naatsorsorneranni iluanaarutit peqatigiit imaluunniit sulliviup ukiumi aningaasarsiorfimmil kingullermi imaluunniit siusinnerusumi iluanaarutigisimasaanit piginneqataasunut ilaasortanulluunniit tunniunneqarsimasut ilanngaatigisinnaavaat. Taamatuttaaq § 1, imm. 1, nr. 10-mi taaneqartut peqatigiiffiit erniatigut iluanaarutiminnik pissarsiaminnillu ilaasortaminnut ukiumi kingullermi siusinnerusukkulluunniit ukiumi aningaasatigut isertitaqarfimmit sinneqartoorutiminnik pissarsisitsippata.

Imm. 2. Taamaattorli iluanaarutit § 87 naapertorlugu iluanaarutisianit akileraarutininik unerartitsiffigineqarsimasut aningaasarsiat akileraaruteqaataasussat naatsorsorneqarneranni ilanngaatigineqarsinnaanngillat.

Imm. 3. Iluanaarutisiat ukiumi aningaasarsiorfusumi kingullermi siusinnerusumiluunniit sinneqartoorutit ilaannit agguagarsiatut aktiaatilinnut, anpartiutilinnut, piginneqataassutilinnut ilaasortanulluunniit tunniunneqartut ukiup aningaasarsiorfiup siuliani aningaasarsianit akileraaruteqaataasussanit ilanngaatigineqarsinnaanerit akileraaruseriffimmut qinnuteqaateqarnikkut akuersissutigineqarsinnaavoq. Akileraaruseriffimmut qinnuteqaat nammineerluni nalunaarsuiffiup tunniunneqarneranut ilutigitillugu tunniunneqassaaq.

Imm. 4. Selskabit il.il. imm. 1-imi taaneqartut iluanaarutisianik § 34, nr. 11 naapertorlugu akileraarusigassasimangitsunik pissarsisimappata, iluanaarutisariatit il.il. imm. 1 aamma 3-miittut

ilanngaatigineqarsinnaasut iluanaarutisiatut akileraaruteqaataannngitsumik pissarsiarineqarsimasunik millilerneqassapput. Milliliineq ukiumi aningaasarsiorfusumi tassani tamakkiisumik pisinnaangippat, ukiumilu siusinnerusumi iluanaarutisiatut agguaassanit ilanngaatigineqarsinnaangippat ukiumut aningaasarsiorfusumut kingusinnerusumut nuunneqassaaq.

Imm. 5. Selskabit il.il. imm. 1-imi taaneqartut iluanaarutisianik § 34, nr. 11 naapertorlugu akileraarusigassaasimangitsunik pissarsisimasut, iluanaarutisiat annertussusiat kiisalu iluanaarutisiat takkua ilaat qanoq annertutigisut iluanaarutisirititanut il.il. imm. 1 aamma 2-miittunut ilanngaatigineqarsinnaasunut milliliissutitut atorineqarsimaneri, imaluunniit aktianik tunisaqarnermi annaasanut, § 16, imm. 2, nr. 1 naapertorlugu, ikilisaatitut atorineqarsimaneri pillugit naatsorsuiffimmik nammineerluni nalunaarsuiffimmut ilanngussissapput.

Imm. 6. Imm. 4 aamma § 16, imm. 2, nr. 1 naapertorlugit milliliineq tamakkiisumik pisimangippat selskabimit pigisamit iluanaarutisiat sippuutaat ukiumi aningaasarsiorfusumi, selskabip piginnittuusup atorunnaarsivinneqarfiani, imaluunniit kingusinnerpaamik piffissami selskabip piginnittuusup § 1 naapertorlugu akileraartussaataitanerata kipinerani, imaluunniit § 3, imm. 1 naapertorlugu akileraartussanngorfiani, imaluunniit § 3, imm. 2 imaluunniit 3 naapertorlugit akileraartussaaajunnaarfiani selskabip piginnittuusup aningaasarsiaanut akileraaruteqaataasussanut ilanngunneqassapput.

§ 28. Sillimmasiisarfiit aningaasat sillimmaserneqartut tungaasigut pisussaaffigilikkanut atugassatut toqqorneqartut (akiliutinut sillimmatit aammalu ajunaarutaasinnaasunut sillimmatit) imaluunniit aningaasaateqarfinnut iluanaarutisisitsisartunut atugassatut toqqorneqartut aningaasarsiat akileraaruteqaataasussat naatsorsorneqarneranni ilanngaatigisinnaavaat. Aamma sillimmasiisarfinnit taakkunanga ilanngaatigineqarsinnaapput aningaasat aningaasaateqarfinnut isumannaallisaataasunut toqqorneqartut, piginneqatigiit malittarisassaanni aalajangerneqarsimappat aningaasaateqarfiup isumannaallisaataasup aningaasaatai taamaallaat atorineqarsinnaasut akiliutinut sillimmatit isumannaallisagaanerannut imaluunniit allatut iliorluni sillimateqartitaasumik iluaqusiiniarnermut.

Imm. 2. Kreditforeningit, § 1, imm. 1, nr. 11-mi taaneqartut Kalaallit Nunaanni kreditforeningit pillugit inatsisiliornissami minnerpaamik sillimmatissatut piumasarineqartut naammassinissaannut immikkoortitativit aningaasarsiat akileraaruteqaataasussat naatsorsornerini ilanngaatigisinnaavaat.

Imm. 3. Soraarnerussutisiaqartitsinermi aningaasaateqarfiit § 1, imm. 1, nr. 9-mi taaneqarsimasut aningaasarsiamik akileraaruteqaataasussat naatsorsorneqarnerini ilaasortanut pisussaaffeqarfinnut matussutissatut illuartitativit ilanngaatisiginnaavaat. Soraarnerussutisiaqartitsinermi aningaasaateqarfiit, uniffimmi siullermi taaneqartut, aammattaaq soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaat naapertorlugu iluanaarutinut akileraarusiinermit matussutissatut illuartitativit ilanngaatigisinnaavaat.

§ 29. Selskabit suliffeqarfillu, Aatsitassat pillugit ingerlatallu tamatumunnga pingaarutillit pillugit Inatsisartut inatsisaat, sermip erngullu avammut nioqqutissatut atorineqarnissat pillugu inatsisartut inatsisaat naapertorlugit iluaqutiginninniarsinnaanermut akuersissuteqarfigineqarsimasut, aningaasarsianik akileraaruteqaataasussat naatsorsorneqarneranni aningaasat, akuersissut malillugu paaajunnaanermut atatillugu salinissaq aningaasatigut qulakkeerniarlugu immikkoortinneqarsimasut ilanngaatigisinnaavaat.

Imm. 2. Ilanngaateqarsinnaanermut piumasaqaataavoq qularnaveeqqusiinermut il.il. atugassarititaasut akuersissummi aalajangersarneqarsimasut naammassineqarsimanissaat.

Imm. 3. Kingusinnerusukkut paasineqarpat saliiinissamut aningaasartuutit ilanngaatigineqarsimasut angivallaartut, taava ilanngaatigivallaarsimasat ukiumi ilanngaataavallaarsimasutut paasineqarfimmini akileraaruserneqassapput.

Imm. 4. Aatsitassarsiornissamut pisinnaatitaaffeqartup akileraartussaanaera kipippat ilanngaataavallaarsimasut imm. 3-mi taaneqartut kingusinnerpaamik akileraaruserneqassapput piffissami akileraartussaanerup kipinerani.

§ 30. Aningaasarsiat akileraaruteqaataasussat ukiumi aningaasarsiorfimmi naatsorsorneqartut amigartoorpata, amigaartoorutit taakkua ukiuni aningaasarsiorfinni tullerni qaninnerpaani tallimani aningaasarsiat akileraaruteqaataasussat naatsorsorneqarneranni ilanngaatigineqarsinnaapput. Piffissami tassani ilanngaatissaq taamaattoq ukiumut aningaasarsiorfimmu kingusinnerusumut aatsaat nuunneqarsinnaavoq ukiumi aningaasarsiorfimmi siusinnerusumi aningaasarsiat akileraaruteqaataasussat naatsorsorneranni tamakkerluni atorineqarsinnaanngippat. Akileraartussaasunulli ukiup aningaasarsiorfusup amigartooruteqarfusup kingorna ukiut aningaasarsiorfiit 5-iat tikillugu ukiuni aningaasarsiorfusuni tamani nammineerluni nalunaarsuiffimmik tunniussinissamut piffissaliussaq nallertinnagu tamanna pillugu akileraaruseriffimmut nalunaaruteqartartunut aammalu amigartoorutit ilanngaatigineqarsinnaasut sinneruttut pillugit paasissutissanik nalunaaruteqartartunut, kiisalu akileraartussaasup naatsorsuutitut tunngasunik, amigartoorutinik naatsorsuinissamut atugassanik tamanik, amigartoorutit ilanngaatigineqarnerisa kingorna ukiut 2-t tikillugit toqqortarinninnissaanik nalunaaruteqartunut piffissaliussaq oqaaseqatigiinni siullerni taaneqartoq ukiunik 10-nik sivirususeqarpoq. Oqaaseqatigiit 3-vi malillugit nalunaaruteqarnerit il.il. akileraaruseriffiup innersuussutigisaatut qarasaasiatigut pissapput. Naatsorsuutitut tunngasut qinnuigineqarnermiit kingusinnerpaamik ullut 60-it qaangiunneranni akileraaruseriffimmut tunniunneqassapput. Paasissutissat suut nalunaarutigineqarnissaat, atortut suut akileraartussaasumit toqqortarineqarnissaat pillugit maleruagassanik erseqqinnerusunik, aamma immikkut ittunik pisoqartillugu piffissaliussamik qaangiinerup akuerineqarnissaa pillugu maleruagassanik Naalakkersuisut aalajangersaasinnaapput.

Imm. 2. Amigartoorutit ukiunut aningaasarsiorfinnut tullernut imm. 1 malillugu nuunneqarsinnaanerat atuutiingilaq akiliisinnajunnaanermut atatillugu ingerlassamik unitsitsinermi, akileraarnermik unitsitsinermi allatulluunniit taakkununga eqqaanartumik amigaartooruteqarnermi ilimagineqarsinnaappat akileraartartup akiitsut amigartoorutinut naapertuuttut akilersinnaanngikkai. Akiitsut taakkualuunniit ilaat kingusinnerusukkut akilerneqarpata akiitsut ilaat akilerneqartunut naapertuuttut amigartoorutit ilaattut ilanngaatigineqarsinnaapput ukiumi akilerneqarfianni.

Imm. 3. Akiitsoqarfiit akiligassat ilaannik isumakkeerinninnerisigut, akiligassat isumakkeerneqarnerisigut, akiligassat nungutinneqarnerisigut assigisaattulluunniit akiligassat isumakkeerneqartut tamarmik imm. 1 naapertorlugu amigartoorutinit ukiunut tulliuuttunut ingerlateqqinneqarsinnaasunit ilanngaatigineqassapput, aningaasat isumakkeerneqartut akileraaruteqaataasussaannngippata.

Imm. 4. Selskabit § 1, imm. 1, nr. 3-mi taaneqartut amigartoorutaat imm. 1 naapertorlugu ukiunut tulliuuttunut ingerlateqqinneqarsinnaanngillat, piginnittut annertuumik allannguuteqarpata, piginneqatigiit ataasiakkaat aktiaataat taasisinnaaneralluunniit annertuumik allannguuteqarpata, imaluunniit selskabip ingerlatsinera piffissamut amigartooruteqarfimmut sanilliullugu annertuumik allannguuteqarpat.

Kinaluunniit, selskabip amigartoorutaasa ukiunut tullernut nuunneqarsinnaanerannik ilisimasariaqartutut isigineqarsinnaasoq taamaalorsinnaaneq pillugu siumut akuersissummik allangortinneqarsinnaangitsumik akileraaruseriffimmut qinnuteqarsinnaavoq.

Imm. 5. Naalakkersuisut imaluunniit Naalakkersuisut tamatumunnga pisinnaatitaat immikkut ittunik pissutissaqartillugu imm. 4-mi aalajangersakkamik tamakkiisumik ilaannakortumilluunniit immikkut akuersissuteqarsinnaapput.

Imm. 6. Imm. 3-miit 5-imut aalajangersakkat atuupputtaaq selskabinut il.il., § 1, imm. 1, nr. 4-miit 13-imut taaneqartutut ittunut.

Imm. 7. Akileraartartumut, Aatsitassat pillugit ingerlatallu tamatumunnga pingaarutillit pillugit Inatisartut inatisaat naapertorlugu, sermip erngullu avammut nioqqutissatut atorineqarnissaat pillugu inatsisartut inatsisaat, ujarlernissamut imaluunniit iluaqutiginninniarsinnaanermut akuersissuteqarfigneqarsimasumut, imm. 1-imi oqaaseqatigiit siulliat, amigartoorutit ilanngaatigineqarsinnaanerisa ukiunut tallimanut killilerneqarnerannik imaqartoq, atuutingilaq.

Imm. 8. Aningaaseriviit aningaasarsiornermik suliaqarneq pillugu inatsimmi pineqartut, taarsigassarsiaritanut annikilliliissutit aamma qularnaveeqqusiissutitigut il.il. annaasassanut immikkoortitat ukiup aningaasarsiorfusup naanerani aningaasartaat, aningaasarsiat akileraaruteqaataasussat, naatsorsuuserinermi inatsisitigut maleruagassat aningaaserivimmuut atuuttut naapertorlugit naatsorsorneranni ilanngaatigissavaat. Aningaasalli annikilliliissutit immikkoortitalu aatsaat ilanngaatigineqarsinnaapput annaasanut, akileraartarnermi inatsisini maleruagassat nalinginnaasut naapertorlugit ilanngaatigineqarsinnaasunut tunngasuuppata. Aningaasarsiat akileraaruteqaataasussat naatsorsorneranni ilanngunneqassapput aningaasat ukiup aningaasarsiorfusup siuliani annikilliliissutit ilanngaatigineqarsinnaasut aamma immikkoortitat, tak. oqaaseqatigiit siulliit. Aalajangersagaq una taarsigassarsiniartarfinnut Kalaallit Nunaanni angerlarsimaffeqartunut taamatulli atuuppoq.

§ 31. Inuit, peqatigiinni assigiinngitsunik akisussaassuseqartunik ilaasortalinni (Kommanditselskab) ilaasortat, umiarsuaatileqatigiiffinni assigisaanniluunniit umiarsuaateqaqataasutut Kalaallit Nunaata avataani ingerlatsivinni ingerlataqartuni peqataanerminni amigartoorutaat allatigut aningaasarsiaannit ilanngaatigineqarsinnaangillat. Tamanna aamma atuuppoq ingerlatseqatigiiffinni (interessentskab) qulit sinnerlugit peqataaffigineqartuni piginneqataasunut, akileraartussaataasorlu ingerlatsinermi annertuumik peqataangippat.

Imm. 2. Amigartoorutilli imm. 1-imi pineqartut, § 30, imm. 1 aamma 3-mi maleruagassat naapertorlugit, ukiumut aningaasarsiorfusumut kingusinnerusumut ingerlatsivimmi tassanerpiaq aningaasarsianit sinneqartoorutaasunit ilanngaatissanngorlugit nuunneqarsinnaapput.

Imm. 3. Immikkut pissutissaqartoqartillugu amigartoorutit imm. 1-imi pineqartut tamakkiisumik ilaannakortumilluunniit ilanngaatigineqarsinnaanerat Naalakkersuisunit, taakkunangaluunniit taamaaliornissamut piginnaatinneqartumit akuersissutigineqarsinnaapput.

§ 32. Inuup, selskabip il.il. § 2, imm. 1-imi aalajangersakkat arlallit malillugit ukiumut aningaasarsiorfusumut akileraartussaataasup, tamatumani aamma pineqarlutik aalajangersimasumik ingerlatsiviit arlallit, akileraarutaasussanik aningaasarsiai ataatsimoortillugit

naatsorsorneqarsinnaangillat, isertitanulli ataasiakkaanut, sumiiffimmut ataatsimut, suliffeqarfimmut il.il. ataatsimut, akileraartussaannermut tunngavigisaasunut ataasiakkaarlugit naatsorsorneqassallutik.

Imm. 2. Inuunnut allanullu imm. 1-imi pineqartunutamigartoorutinik § 30 naapertorlugu ukiup naatsorsuorsiorfusup kinguliinut siuliinulluunniit nuussineq taamaallaat pisinnaavoq isertitanik akileraarutaasussanik sumiiffimmi, suliffeqarfimmi il.il. amigartooruteqarfusumi.

Imm. 3. Akileraartussaaitamut, Aatsitassat pillugit ingerlatallu tamatumunnga pingaarutillit pillugit Inatisartut inatisaat naapertorlugu sermip erngullu avammut nioqqutissatut atorneqarnissaat pillugu inatsisartut inatsisaat, misissuinissaminnut imaluunniit atuisinnaanissaminnut akuersissuteqartut, akuersissumilu pineqartunik toqqaannartunik ingerlatalimmut imm. 1-imi aamma 2-imi aalajangersakkat pineqartut atuutsinneqassangillat.

§ 33. Akileraaruserinermik ingerlatsineq pillugu Inatsisartut inatsisaanni §§-ini 24-mi aamma 27-mi pineqartut akileraarutit sinnerinuttapiliussat aammaakileraarutit, aningaasarsiat akileraaruteqaataasussat naatsorsorneqarneranni ilanngaatigineqarsinnaangillat. Akileraarutitut akilerpallaarsimasanut taarsiissutit akileraaruserinermik ingerlatsineq pillugu Inatsisartut inatsisaanni § 25-mi taaneqartut aammalu akileraaruserinermik ingerlatsineq pillugu Inatsisartut inatsisaanni § 27-mi taaneqartut akileraarutit akileraarutaagallartutut annertuallaamik akiliutaareersimasut aningaasarsiat akileraaruteqaataasussat naatsorsorneqarnerinut ilanngunneqassangillat.

§ 34. Aningaasarsiat akileraaruteqaataasussat naatsorsorneqarneranni ilanngunneqassangillat:

- 1) Akileraartussaaitap pigisaasa nalingisa allanngornerisigut pisuussutit allissutaat millissutaalluunniit,
- 2) iluanaarutit annaasalluunniit akileraartussaaitap pigisaanik tunisinermit pisut. Tamannali atuutinngilaq pigisanik nalikillilerneqarsinnaasunik tunisaqarnermi kiisalu pigisanut akileraartussaasup inuutissarsiornermigut imaluunniit iluanaarniarluni pissarsiaanut,
- 3) tunisisumut akileraartussaqaataasumut aapparislamut tunissutit, tunisisup qitornaanut, qitornassaanut taakkualu qitornaannut, qitornap qitornassalluunniit toqusimasup aapparisaanut (averusersimannngisaanut avissimannngisaanulluunniit) kiisalu angajoqqaavinut, angajoqqaasaanut aatakkuinut aanakkuinullu tunissutit,
- 4) pisuussutit amerlissutaat kingornussarsianit imaluunniit kingornussarsiasanit siumuukkanit imaluunniit aappariilernermit pisut,
- 5) nammineq pigisat nammineerluni atugaanerisa nalingat, aamma nammineq illumi inigisap nalinga illuut ataasiinnarmik piginnittup inigisaatut atugassaasumik inissiartaqarpat, kisianni aatsaat illuutip ilangaallussua tamatuma saniatigut piginnittup inuutissarsiorluni sulineranut atugaanngippat,
- 6) piliat akileraartussaaitap aallaaniarnermik, piniarnermik aalisarnermillu ingerlatsineranit pisut privatimik atugaanerminni nalingat,
- 7) iluanaarutit agguagarsiat brugsforeninnginit § 1, imm. 1, nr. 6-imi eqqartorneqartunit pisut,
- 8) ullormusiat (dagpenge) angalanermullu taartisiat angallataasunut aamma angalanermi ineqarnermut nerisaqarnermullu (angerlarsimaffiup avataani najugaqarallarnermi) aningaasartuutit allissutaannut matusissutissat Kalaallit Nunaanni pisortatigut isumagisassaatanik isumaginninnermit pisut imaluunniit Kalaallit Nunaanni tjenestemandinut malittarisassat malillugit tunniunneqartartut,
- 9) piginneqatigiit § 1, imm. 1, nr. 3-mi 4-miluunniit pineqartut piginneqataannermut allagartanik tunisaqarnermikkut imaluunniit piginneqataasut aningaasaataannik amerlisitsinikkut akit

sippuutaagoortumik pisaat,

10) pisortanit ikiuutisiat akuersissutigineqartut:

- a) innarluuteqarnermut peqqissutsimullu tapiissutitut, utoqqalinersiutit pillugit Inatsisartut inatsisaat malillugu aningaasatigut atugassalluunniit tunngavigalugit tapitut ikiorsiissutigineqartut.
- b) pisortat ikiorsiissutaat pillugit Inatsisartut inatsisaat malillugu ineqarnermut ikiorsiissutitut tapiissutitut, ataasiartumik pinartumik ikiuutisiatut, ataasiartumik aningaasartuutitut ikiuutisiatut, nuunnermut ikiuutisiatut, ilisinermi aningaasartuutitut akiliutitut ikiuutisiatut, angalanermit aningaasartuutitut akiliutitut ikiuutisiatut aamma angerlarluni angalanermit ikiuutitut,
- c) inissiani attartortittakkani ineqarnermut tapiissutit pillugit Inatsisartut inatsisaat malillugu ineqarnermut tapiissutitut,
- d) meeqqat tapersorsorneqarnissaannut Inatsisartut inatsisaat malillugu meeqqanut inuusuttunullu ikiorsiissutitut,
- e) inuit innarluutillit tapersorsorneqarnissaannut Inatsisartut inatsisaat malillugu inunnut innarluutilinnut ikiorsiissutitut,
- f) siusinaartumik soraarnerussutisiat pillugit Inatsisartut inatsisaat malillugu immikkut pisariaqartitanut matussutitut ataasiartumik ikiorsiissutitut.

11) Iluanaarutit ingerlatseqatigiiffit il.il. § 1, imm. 1, nr. 3, 4, 6, 7 aamma 9-mi taaneqartut, ingerlatseqatigiiffinni nunani allani angerlarsimaffeqartuni aktiaatiminnit piginneqataassuteqarnermiluunniit pissarsiaat. Tamannali aatsaat atuuppoq ingerlatseqatigiiffik iluanaarutit pissarsisoq tassaappat piginneqatigiiffik pingaarnerusoq kapitali 3 b-mi pineqartunut ilaanngitsoq, tak. § 38 h, imm. 7, kapitali 3 b-mi ilaanngitsoq.

12) meeqqanut tapiissuteqarneq pillugu inatsit malillugu meeqqanut tapiissutisiat, ilinniagaqarnermi tapiissutit pillugu inatsisartut peqqussutaat malillugu meeqqanut tapiissutisiat, atuarfinni klassini qullerni atuartut atuarnermut tapiiffigineqartarnerat pillugu peqqussut naapertorlugu tapisiaat, aammalu meeqqanut ilinniarnermi tapiissutit Kalaallit Nunaanni tjenestemandinut malittarisassat malillugit tunniunneqartartut,

13) nalliuttorsiornermi suliffimmit tunissutisiat namminersortuni pisortaniluunniit atorfilinnut Kalaallit Nunaanni tjenestemandinut malittarisassat malillugit tunniunneqartartut,

14) nuunnermi aningaasartuutitut matussutissat namminersortuni pisortaniluunniit atorfilinnut Kalaallit Nunaanni tjenestemandinut malittarisassat malillugit tunniunneqartartut,

15) Angalanerit nalingi

a) sulinermit atatillugu, kiisalu inunnut siulersuisuni, ataatsimiitaliani, isumalioqatigiissitani, siunnersuisoqatigiinni, immikkut qinikkani allatulluunniit ataatsimoorfusuni, tamatumani ilanngullugit Naalakkersuisunut, Inatsisartunut kommunalbestyrelsinullu ilaasortanut ikiortinulluunniit tunniunneqartartut, imaluunniit

b) namminersortuni pisortaniluunniit atorfilinnut Kalaallit Nunaanni tjenestemandinut maleruagassat malillugit atorfeqartunut angerlarsimaffimmut tunniunneqartartut. Akiliunneqarlunili angalanek akileraaruteqaataasussaannngitsoq litra taanna malillugu ukiumut ataasiinnaavoq.

16) præmieobligationinit, eqquiniaanernit, tipsernerit il.il. eqquinikkut pissarsuat danskit naalagaaffiannut akileraaruserneqartartut.

17) aningaasat sillimmasiisup toqoreerneratigut pisartagaqartitsiniarluni sillimmasiisutinit, matumani ilaallutik timikkut innarluuteqalernermit taartisiat ataatsikkoortumik inuunermit sillimmasiisutinit

aamma ajunaarnissamut sillimmasiissutinit tunniunneqartut, tunniunneqarnerat sillimmasersimanerup naaffissaatut isumaqatigiissutigineqarsimasoq nallertinnagu pippat, atorunnaarfissaatut isumaqatigiissutigineqartoq sillimmasersimasup 80-inik ukioqalernerata kingorna ullormit policep atuuffianit siullermit kingusinnerunngippat.

18) innarluuteqalernermi taarsiissutit ingerlaavartumik tunniunneqartartut, sillimmasiinermit akiliutit ilanngaatigineqarsinnaanerit imaluunniit sulisitsisup akileeqataassutaasa ilanngunneqartussaanninnerat Danmarkimi, Savalimmiuni imaluunniit Kalaallit Nunaanni aningaasarsiat akileraaruteqaataasussat naatsorsorneranni tamakkiisumik ilaannakuusumilluunniit atuutsinneqarsimanngitsoq sillimmasiisup uppersarsinnaappagu.

19) aningaasat navianartumik nappaateqalernissamut sillimmasiinermit ataatsikkut tunniunneqartut, sillimmasiinermit akiliutit ilanngaatigineqarsinnaanerit imaluunniit sulisitsisup akileeqataassutaasa ilanngunneqartussaanninnerat Danmarkimi, Savalimmiuni imaluunniit Kalaallit Nunaanni aningaasarsiat akileraaruteqaataasussat naatsorsorneranni tamakkiisumik ilaannakuusumilluunniit atuut-sinneqarsimanngitsoq sillimmasiisup uppersarsinnaappagu.

20) Uummannap eqqaani ulloq 18. juni 2017-imi innuttaasunut eqqutaasunut Namminersorlutik Oqartussanit ataasiaannartumik tapiissutigineqartut.

21) Aningaasat Politiets Efterretningstjenestemi immikkut kukkunerisiorneqartussaataasut atorlugit akissarsiaritineqartut.

22) Avataani sulinermit tapit, utimut nuunnermit tapit aamma inissinnermi aningaasat pissarsiat, inunnit Namminersorlutik Oqartussanit naalagaaffiup avataani sulisussatut aallartinneqartunut tunniunneqartut, kiisalu aningaasarsiat allat, nunani allani sulinerup nassatarisaanik aningaasartuutaanerusunut matussutissatut tunniunneqartut.

23) Avinnermi, averusernermi imaluunniit inooqatigiikkunnaarnermi aapparissamut akilersuutit, aapparissamut akilersuutinit, katissimalluni aappariinnermit inatsisit malillugit akilersuutit tigusaqartartoq aamma akilersuisoq najugaqatigiinngippata imaluunniit sumiiffimmi ataatsimoortumiinngippata, annerpaatut aalajangersarneqarsinnaasumit, annertunerunngitsut.

24) Ingerlatseqatigiiffinnut Namminersorlutik Oqartussanit pigineqartunut tapiissutit, ineqarnermut politikkikkut suliniutissat piviusunngortinnissaannut ilaatillugu Namminersorlutik Oqartussanit tunniunneqartartut.

§ 35. Ikisisut qularnaveeqquusiinermit aningaasaateqarfiata aningaasaatit pigisallu aningaasanik nalillit aningaaserivimmit ataatsimit aningaaserivimmut allamut nuunneqarnerannut atatillugu naatsorsuutitigut amigartoorutit tamakkiisumik ilaannakortumilluunniit nalimmassaatissaattut aningaasat akiligai aningaasarsianut akileraaruteqaataasussanut ilanngullugit naatsorsorneqassanngillat. Amigartoorutit ilaat ikisisut qularnaveeqquusiinermit aningaasaateqarfiannit tapiissutitigut qularnaveeqqutitigulluunniit matuneqarsimasimasut tamatuma kingorna aningaaseriviup tigusisup pigisanik aningaasanik nalilinnik tigusinerani akiliutigineqartut ilaattut isigineqarsinnaajunnaassapput.

Imm. 2. Ikisisut qularnaveeqquusiinermit aningaasaateqarfiata aningaasat imm. 1-imi ilaatinneqartut qularnaveeqqutilluunniit aningaasanik imm. 1-imi ilaatinneqartunik tunniussinnermik kinguneqartumik tunniussimappagit, ingerlatseqatigiiffillu imm. 1-imi ilaatinneqartup ingerlatat nutaat aallartippagit, ukiumi aningaasarsiorfusumi siusinnerusumi amigartoorutit ukiumi aningaasarsiorfusumi pineqartumi ukiumi aningaasarsiorfusuni kingusinnerusuni aningaasarsianut akileraaruteqaataasussanut

ilanngaatigineqarsinnaangillat, taamatuttaarlu ukiumi aningaasarsiorfusumi pineqartumi amigartoorutit ukiumi aningaasarsiorfusumi kingusinnerusumi ilanngaatigineqarsinnaanatik.

§ 36. Inuit, selskabillu § 2, imm. 1, nr. 10-miit 12-mut malillugit akileraartussaataitaasut aningaasartuutit aalajangersimasumik ingerlatsivimmuut tunngasut, saniatigut ilanngaatigisinnaavaat ataatsimut aningaasartuutaasimasinnaasut siulersorneqarnermut aamma allaffeqarnermut tunngasut ilaannut naapertuuttut Kalaallit Nunaanni imaluunniit avataani aningaasartuutaappata assigiimmik.

Imm. 2. Aningaasarsiat § 2, imm. 1, nr. 10-miit 12-mut malillugit inunnut imaluunniit selskabinut akileraartussaataitaasunut tunngasut toqqaannartumik naatsorsorneqarsinnaangippata, aningaasarsiat missangersuusiornikkut sullivimmit assingusumit isertitat najoqqutaralugit angissusilerneqassapput sulliviup ataatsimut isertitaasa assigisaasaluunniit immikkoortitereernerisigut. Taamatut aamma atuuppoq aningaasarsiat toqqaannartumik naatsorsorneqarsimasut imm. 2 malillugu ilanngaataasinnaasut ilanngaatigereernerisigut aalajangersimasumik ingerlatsivimmuut isertitatut naammattutut isigineqarsinnaangikkaangata.

Imm. 3. Nunat allat sillimmasiisarfii Kalaallit Nunaanni sillimmasiisarfinnik ingerlatsisut Kalaallit Nunaanni aningaasarsiaat aalajangerneqassapput tassaatillugit piginneqatigiit aningaasarsiaasa tamarmiusut ilaat akileraartarnermi maleruagassiat nalinginnaasut malillugit naatsorsorneqarsimasut Kalaallit Nunaanni aningaasarsiaasa akissaajaatinik ilanngarneqanngitsut, aningaasarsiallu tamarmiusut akissaajaatinik ilanngarneqarsimanngitsut imminnut naleqqiullugit Kalaallit Nunaanni isertitanut akissaajaatinik ilanngarsimanngitsunut tututtut. Immikkut ittumik pissutissaqartillugu naatsorsueriaatsip allap atorneqarnissaa akileraaruseriffiup akuersissutigisinnaavaa.

Imm. 4. Kreditforeninngit nunanit allaneersut Kalaallit Nunaanni taarsigassarsisitsiniartartut Kalaallit Nunaanni aningaasarsiaat aalajangerneqassapput tassaatillugit selskabip aningaasarsiaasa tamarmiusut ilaat, akileraartarnermi inatsimmi maleruagassiat nalinginnaasut naapertorlugit naatsorsorneqarsimasut, Kalaallit Nunaanni taarsigassarsiarititaasa taarsigassarsiarititaasalu tamarmiusut imminnut naleqqiunneranni Kalaallit Nunaanni taarsigassarsiarititanut tututtut. Pissutsit immikkut ittut atuutsillugit akileraaruseriffiup akuersissutigisinnaavaa naatsorsueriaatsip allap atorneqarnissaa.

§ 36 a. Aningaasarsianit akileraaruteqaataasussanit naatsorsuinermi, akileraartussaataitaasut

- 1) inunnit inatsisitigulluunniit pisussaataitaasunit aalajangiisuusumik aqunneqartuusut imaluunniit
- 2) inatsisitigut pisussaataitaasunut aqutsisuusut imaluunniit
- 3) inatsisitigut pisussaataitaasumik suliffeqarfissuarmut attaveqartut, imaluunniit
- 4) nunani allani aalajangersimasumik ingerlatsiviutilik, imaluunniit
- 5) inuk inatsisitigulluunniit pisussaataitaasoq nunami allamioq Kalaallit Nunaanni aalajangersimasumik ingerlatsiveqartoq il.il, takuuk § 2, imm. 1, nr. 10-miit 12-imut,

matuma Inuit, inatsisitigut pisussaataitaasut aalajangersimasumik ingerlatsiviit ilaalu ilanngullugit Kalaallit Nunaanniittut Kalaallillu Nunaata avataaniittut qulaani taaneqartut niuernikkut imaluunniit aningaasatigut nuussivigeqatigineranni (nakkutigisaasumik aningaasanik nuussineq), illuatungeriit attuumassuteqanngitsut akornanni nuussinerugaluarpat angusarisinnaasimasat naapertorlugit akit piumasaaqaataasullu atorneqassasut. Nr.1-imi inatsisitigut pisussaataitaasut imm. 4-milu ingerlatseqatigiiffiit peqatigiiffiit assigisaasalu inissisimaffii assigiilersinneqarput, Kalaallit Nunaanni akileraartarnermut inatsit naapertorlugu akileraartussaataitaasutut taasaangippata kisiannili pissutsit

ingerlatseqatigiiffiit ingerlatsineranni maleruagassanut, ingerlatseqatigiiffiit isumaqatigiissutaasigut imaluunniit peqatigiiffiit maleruqaqusaannit aalajangersarneqarpata.

Imm. 2. Nakkutiginnineq matumani paasineqassaaq piginnittuuneq taasisinnaanermulluunniit pisinnaatitaanermik atuisinnaaneq, tamatumani toqqaannartumik toqqaannangitsumilluunniit aktiatigut aningaasaatigisat 50 procentii sinnerlugit pigineqarpata imaluunniit 50 procentii sinnerlugit taasisinnaassuseqarnermi. Akileraartussaataitaasup inatsisitigut pisussaassuseqartumut nakkutilliisutut isigineqassanerani, imaluunniit akileraartussaataitaasoq inummit inatsisitigut pisussaassuseqartumit inummilluunniit nakkutigineqarnerisooq naliliiffiginninnermi makku ilanngunneqassapput:

- 1) aktiat imaluunniit taasisinnaanermut pisinnaatitaanerit, suliffeqarfissuarmut atasuusunik ingerlatseqatigiiffinnit, imm. 4 naapertorlugu taasat, aamma
- 2) aktiat aamma taasisinnaanermut pisinnaatitaanerit, inunnit aktiaateqartuusunit qanigisaannillu pigineqartut,
- 3) aktiat imaluunniit taasisinnaanermut pisinnaatitaanerit, aningaasaateqarfimmit imaluunniit ingerlatseqatigiiffinnit kattusseqatigiiffimmit piginnittuusumit namminermit pilersinneqartumit imaluunniit ingerlatseqatigiiffinnit suliffeqarfissuarmut atasuusunit taaneqartunit, qanigisanit il.il. imaluunniit aningaasaateqarfimmit taakkuninnga pilersinneqartunit pigineqartut ilanngullugit naatsorsuutigineqassapput,
- 4) piginneqataassutsit taasisinnaanermullu pisinnaatitaanerit, ingerlatseqatigiiffimmi peqataasunit allanit, ingerlatseqatigiiffimmi peqataasup atuinissamik nakkutilliinissamillu isumaqatigiissuteqarfisimasaanit, pigineqartut naatsorsuutigineqassapput, aamma
- 5) piginneqataassutsit aamma taasisinnaanermut pisinnaatitaanerit, inummit § 1-imi ilaasumut pigineqartut, qanigisat imaluunniit aningaasaateqarfimmit taakkuninnga pilersinneqarsimasut peqatigalugit.

Imm. 3. Qanigisatut isigineqarput akileraartussaataitaasup katissimallugu aapparisa, angajoqqaavi aanakkui aatakkui taamatullu meeqqat ernguttallu tamakkualu katissimallugit aapparisaat imaluunniit inuit taagorneqartut toqqukkut qimagunneranni pigisanik qimatat. Meerarsiat meeravissartaallu toqqartumik qanigisarisanut ilaatinneqarput.

Imm. 4. Selskabit suliffeqarfissuarmut atasuusut tassapput:

- 1) selskabit peqatigiiffillu il.il. aktiaateqartuusut taakkuusut, pisassarisap pissarsiarineqarnerani kingusinnerusukkulluunniit toqqaannartumik toqqaannangitsumilluunniit selskabini ataasiakkaani taasisinnaanernik 50 procentii sinnerlugit piginnittuuffigisaat.
- 2) selskabit peqatigiiffillu il.il., aktiaateqartuusut taakkuusut pisassarisap pissarsiarineqarnerani kingusinnerusukkulluunniit toqqaannartumik toqqaannangitsumilluunniit selskabini ataasiakkaani taasisinnaanernik 50 procentii sinnerlugit atuisinnaaffigisaat.
- 3) aningaasaateqarfik selskabillu, aningaasaateqarfup pisassarisap pissarsiarineqarnerani kingusinnerusukkulluunniit toqqaannartumik toqqaannangitsumilluunniit selskabini ataasiakkaani tamani aktiatigut aningaasaatit 50 procentii sinnerlugit pigisaqarfisai, imaluunniit
- 4) aningaasaateqarfik selskabillu, aningaasaateqarfup pisassarisap pissarsiarineqarnerani kingusinnerusukkulluunniit toqqaannartumik toqqaannangitsumilluunniit selskabini ataasiakkaani tamani taasisinnaanerit 50 procentii sinnerlugit atuisinnaaffigisai.

Imm. 5. Aktiaateqartuusut imm. 2, oqaaseqatigiit sisamaanni taaneqartut aktiaateqartuusut naliliiffigineqarneranni aktiaatilittut atasiusutut isigineqarput. Taasisinnaassutsinik piginneqataassutsit

naatsorsorneqarneranni taasisinnaanerit, taasisinnaanermik aktianik qularnaveeqqusiilluni nuussinermut atatillugu pissarsiarineqartut kisimik, naatsorsuutigineqassanngillat.

Imm. 6. natsisitigut akisussaassuseqartuusooq inulluunniit nunami allamiutut isigineqassaaq, inuk naalagaaffimmi allami, Danmarkimi Savalimmiuniluunniit, nunaqartuuguni, tamatumani aamma marloriaammik akileraannginnissaq pillugu isumaqatigiisummi aalajangersakkat malillugit

Imm. 7. Akileraarusigaasussanik isertitat annertussusiliiffigineqarnerisa imm. 1 malillugu allangortinneqarnerini, akileraartussaataasup annertunerusumik malitseqartitsinikkut allannguinerit (malitsigisatut iluarsiinerit) pinngitsoortissinnaavai, imm. 1-imi akit piumasaqaatillu naapertorlugit akiliinissamut pisussaalernermigut. Imm. 1 taamaallaat atorineqassaaq nakkutigisaasumik iliutsimi § 36 b-mi pineqartumik pisoqartillugu, akileraartarnermut oqartussaasooq nunami allamioq pineqartoq akileraarusiissappat, akileraarutaasussanik isertitat imm. 1 naapertorlugu annertussusilerneqarneranni akit piumasaqaatillu tunngavigineqartut naapertorlugit.

§ 36 b. Akileraartussaataasut § 36 a-mi pineqartut nammineerluni nalunaarummi, § 36 a-mi taaneqartunik inunnik inatsisitigullu akisussaasuumik aalajangersimasumillu ingerlatsiviusunik illuatungeqarluni niuernikkut imaluunniit aningaasatigut ingerlatitsinerit (nakkutigisaasumik iliutsit) suuneri annertussusiilu pillugit paasissutissanik tunniussissapput. Tamanna pillugu paasissutissat akileraaruseriffiup periuseq innersuussutaa atorlugu kingusinnerpaamik 15. juni elektroniskinnngorlugit nassiuqqassapput, takujulli akileraaruserinermik ingerlatsineq pillugu Inatsisartut inatsisaanni § 16, imm. 5.

Imm. 2. Akileraartussaataasooq nuutsinernut aqunneqartunut akit piumasaqaatillu qanoq aalajangersarneqarnerannut allaganngorlugu uppernarsaasiussaaq toqqortaralugillu, takujulli imm. 4. Allaganngorlugu uppernarsaat ukiup naatsorsuusiorfiusup atortuni pineqartup naanerani ukiuni tallimani isumannaatumik toqqorneqassaaq. Allaganngorlugu uppernarsaat imatut isikkoqassaaq illuatungeriit imminnut atangitsut nuussinernik naammassinnissimasinnaanerit naapertorlugu akit piumasaqaatillu qanoq aalajangersarneqarnerannik nalilersuinerit tunngaviusinnaalluni. Nuussinernut aqunneqartunut annertussusimikkut akulissutsimikkullu pingaaruteqanngitsunut allaganngorlugu uppernarsaasiortoqassanngilaq. Akileraartussaataasup akileraaruseriffiup qinnuiviginninneratigut uppernarsaatit sivikinnerpaamik ullunik 60-inik piffissaqartitsilluni piffissarititap akileraaruseriffimmit aalajangerneqartup iluani nassitussavai. Suliffeqarfitt suliffeqarfissuarni imminnut atasut taakkualuunniit peqatigalugit akileraaruserinermik ingerlatsineq pillugu Inatsisartut inatsisaanni § 16, imm. 3 malillugu nammineerluni nalunaarsuinerup tunniunnissaanut piffissarititap kingorna allaganngorlugu uppernarsaatit kingusinnerpaamik ullut 60-it qaangiunneranni ingerlaavartumik tunniussisussaataanerannut piumasaqaatit minnerpaaffissaat pillugit Naalakkersuisut malittarisassiorsinnaapput. Naalakkersuisut allaganngorlugu uppernarsaatit imarisassaat akileraartussaataasullu ilaasa taamaallaat nuussinernut sukumiinerusumik taaneqartunut allaganngorlugu uppernarsaasiornissaat pillugu malittarisassiorsinnaapput.

Imm. 3. Akileraartussaataasooq imm. 1 malillugu paasissutissanik tunniussisimangippat, akileraaruserinermik ingerlatsineq pillugu Inatsisartut inatsisaanni § 19, atuutsinneqassaaq.

Imm. 4. Akileraartussaataasooq nammineq imaluunniit suliffeqarfitt suliffeqarfissuarmut atasut peqatigalugit, tak. § 36 a, imm. 4, 250-it ataallugit sulisoqartoq ukiumut 125 mio. kr. ataallugit oqimaatigiissaaruteqartoq imaluunniit ukiumut 250 mio. kr. ataallugit kaaviiartaqartoq taamaallaat

ukununga akit piumasaqaatillu qanoq aalajangersarneqarnerannut allanngorlugu uppernarsaasiussaag toqqortaralugillu:

1) Inunnut pappiaqqatigullu inunnut nunani allaneersunut iliuutsinut nakkutigisaasunik nuussinernut, § 36 a, imm. 6 takuuk, Kalaallillu Nunaata naalagaaffullu allap pineqartup akornanni marloqiusamik akileraartanninnissamut isumaqatigiissuteqarfunngitsunut.

2) Iliuutsinut nakkutigisaasunut nunani allani aalajangersimasumik ingerlatsiveqartuni, takuuk § 36 a, imm. 6, Kalaallillu Nunaata naalagaaffullu allap pineqartup akornanni marloqiusamik akileraartanninnissamut isumaqatigiissuteqarfunngitsunut.

3) Iliuutsinut nakkutigisaasunut Kalaallit Nunaanni aalajangersimasumik ingerlatsiveqartuni, tassani akileraartussaataasoq, § 36 a, imm. 1, nr. 5 naapertorlugu naalagaaffimmi aallami Kalaallit Nunaannik marloqiusamik akileraartanninnissamik isumaqatigiissuteqanngitsumi angerlarsimaffeqarnera toqqammavissaatillugu.

Imm. 5. Imm. 4-mi annertussutsinut killiliussani pappiaqqatigut inuit akileraartussaataasumut ingerlatseqatigiiffissuakkut imminnut atasunut, takuuk § 36 a, imm. 4. Ataatsimut oqimaaqatigiissitsinermik naatsorsuinermi taamaattoq akiitsut akiligassallu akileraartussaataasup pappiaqqatigullu inuit ingerlatseqatigiiffissuakkut imminnut atasut kiisalu ingerlatseqatigiiffissuakkut imminnut atasunik pappiaqqatigut inunnik akileraartussaataasumit pigineqartunit killormullu aningaasatigut agguagarsiat. Kaaviiartitatigut killigitamik naatsorsuinermi akileraartussaataasup ingerlatseqatigiiffissuakkut imminnut atasunik pappiaqqatigut inuup akornanni kaaviiartitat ilanngunneqassanngillat.

Imm. 6. Ingerlatseqatigiiffissuup nunani assigiinngitsuni ingerlatsisup ingerlatseqatigiiffik qullerpaatut aqutsisua, akileraartarnikkut § 1, imm. 1, nr 3-8, 10 aamma 12-14 naapertorlugu Kalaallit Nunaanni angerlarsimaffeqartoq, ingerlatseqatigiiffissuup ukioq isertitaqarfusoq nalunaarusiorfissaq sioqqullugu katillugit minnerpaamik 5,6 mia kr.-inik kaaviiartitaqaruni akileraaruseriffimmut nunamit nunamut nalunaarusiamik suliaqassaaq. Nunamit nunamut nalunaarusiaq ukiup isertitaqarfusup nunamit nunamut nalunaarusiap nalunaarusiarineqarnerani ukiup ulluata kingulliup kingusinnerpaamik qaammatinik 12-it kingorna tunniunneqassaaq.

Imm. 7. Ingerlatseqatigiiffissuaq ingerlatseqatigiiffik qullerpaatut aqutsisuunngitsoq imm. 6 naapertorlugu nunamit nunamut nalunaarummik tunniussissaaq pissutsit makku atuuppata

1) § 1, imm. 1, nr. 3-8, 10 aamma 12-14 naapertorlugu ingerlatseqatigiiffissuaq akileraaruseriffimmut Kalaallit Nunaanni angerlarsimaffeqarpat, aamma

2) tunngavissaataasut ataaseq arlallilluunniit naammassineqarpata:

a) Ingerlatseqatigiiffissuup ingerlatseqatigiiffik qullerpaatut aqutsisua nunami angerlarsimaffigisaani nunamit nunamut nalunaarusiamik tunniussisussaatitaanermik pisissaaffeqanngippat,

b) nunamit nunamut nalunaarusianik nammineq paarlaateqatigiinneq ajorput, tamanna Kalaallit Nunaanni pisussaallutik oqartussaasut oqartussaaffillu ingerlatseqatigiiffik qullerpaatut aqutsisoq suliffeqarfiup angerlarsimaffigisaani isumaqatigiissuteqartoqannginnerata nassatarisaanik, naak nunarsuarmioqatigiit akornanni akileraartarneq pillugu paasisutissanik paarlaasseqatigiittarnermik isumaqatigiissuteqartoqaraluartoq, imaluunniit

c) oqartussaaffik pillugu tulleriaarlugu kukkusoqartuarternera ingerlatseqatigiiffik qullerpaatut aqutsisoq akileraartarnikkut angerlarsimaffigisaani, akileraaruseriffillu ingerlatseqatigiiffissuup tassani nr. 1-imut ilaatinneqarneranik nalunaaruteqareernerani.

Imm. 8. Imm. 7, nr. 2-mi tunngavissat ataaseq arlallilluunniit naammassineqarpata, kalaallilu ingerlatseqatigiiffissui ataatsimit amerlaneruppata, takuuk imm. 7, nr. 1, ingerlatseqatigiiffissuit ingerlatseqatigiiffissuarmik ataatsimik imm. 6 naapertorlugu akileraaruseriffimmut nunamit nunamut nalunaarusiamik tunniussinissamik akisussaasussamik toqqaassapput. Toqqaaneq akileraaruseriffimmut nalunaarutigineqassaaq, takuuk imm. 10, uniffik siulleq.

Imm. 9. Ingerlatseqatigiiffissuaq nunamit nunamut nalunaarusiamik akileraaruseriffimmut tunniussinissamut pisussaangilaq, naak imm. 7, nr. 2-mi tunngavissaatitat ataaseq arlallilluunniit naammassineqarsimagaluarpata, ingerlatseqatigiiffissuaq nunani tamalaani ingerlatsisoq ukiumi isertitaqarfusumi ingerlatseqatigiiffiup aqutsisup sinniisaa aqutigalugu akileraartarnermut oqartussanut, ingerlatseqatigiiffimmut aqutsisumut sinniisoq akileraartarnikkut angerlarsimaffigisaanut nunamit nunamut nalunaarusiamik tunniussippat, tunngavissallu tulluuttut naammassineqarpata:

- 1) Oqartussaaffimmi ingerlatseqatigiiffimmut aqutsisumut sinniisup nunami akileraartarnikkut angerlarsimaffigisaani nunamit nunamut nalunaarusiamik tunniussinissaq inatsisitigut pisussaaffiuppat.
- 2) Oqartussaaffimmi ingerlatseqatigiiffimmut aqutsisumut sinniisup nunami akileraartarnikkut angerlarsimaffigisaani paasissutissanik Kalaallit Nunaannut paarlaasseqatigiittarnissamik nunat tamat akornanni isumaqatigiissuteqarpat, oqartussaasullu akornanni isumaqatigiissut naapertorlugu nunamit nunamut nalunaarusiat paarlaasseqatigiissutigineqartarpata.
- 3) Oqartussaaffik pillugu tulleriiarlugu kukkusoqartanngippat ingerlatseqatigiiffimmut aqutsisumut sinniisup akileraartarnikkut angerlarsimaffigisaani, imaluunniit akileraaruseriffik tulleriiarlugu kukkujuartoqartarneranik ingerlatseqatigiiffissuamut nalunaaruteqanngitsoorsimappat.
- 4) Oqartussaasoq ingerlatseqatigiiffimmut aqutsisumut sinniisup akileraartarnikkut angerlarsimaffigisaani ingerlatseqatigiiffissuarmik ingerlatseqatigiiffimmut aqutsisumut sinniisup akileraartarnikkut angerlarsimaffigisaani angerlarsimaffeqartumit nalunaarfigineqarnikuuvoq, tak. imm. 10, oqaaseqatigiit siulliat, ingerlatseqatigiiffissuaq ingerlatseqatigiiffimmut aqutsisumut sinniisutut isigineqassasoq.
- 5) Nalunaarummik akileraaruseriffimmut tunniussisoqarsimatillugu, takuuk imm. 10, oqaaseqatigiit aappaat.

Imm. 10. Ingerlatseqatigiiffissuarmi nunani tamani ingerlatsisumi imm. 6 naapertorlugu ingerlatseqatigiiffik qullerpaatut aqutsisoq, imm. 7-iluunniit naapertorlugu ingerlatseqatigiiffimmut aqutsisumut sinniisoq kingusinnerpaamik ukiup isertitaqarfusup naanerani nunamit nunamut nalunaarusiap tunniunneqarfissaani, nalunaarusiamik tunniussinissamut pisussaaffeqarluni akileraaruseriffimmut nalunaaruteqassaaq. Ingerlatseqatigiiffissuaq nunani tamalaani ingerlatseqatigiiffissuarmut qullerpaatut aqutsisuunngippat imaluunniit ingerlatseqatigiiffimmut aqutsisumut sinniisuunngippat, ingerlatseqatigiiffissuaq kingusinnerpaamik ukiup isertitaqarfusup naanerani akileraaruseriffimmut, ingerlatseqatigiiffissuup akileraartarnikkut angerlarsimaffigisaani, nunamit nunamut nalunaarusiap nunami tunniunneqarfissaani, ingerlatseqatigiiffissuup sorliup nunamit nunamut nalunaarusiamik tunniussinissamut pisussaaffeqarneranik nalunaaruteqarnissamut pisussaaffeqarpoq.

Imm. 11. Imm. 6-10 oqaatsit tulluuttut ima paasineqassapput:

- 1) Ingerlatseqatigiiffissuaq: suliffeqarfiit arlallit piginnittumikkut nakkutigineqarnermikkulluunniit imminnut atassuteqartut, taamaalilluni ataatsimut ingerlatseqatigiiffissuarmut ukiumut naatsorsuusiornermut malittarisassat ingerlatseqatigiiffissuarmut atorineqartut naapertorlugit ukiumut

suliaqassallutik, imaluunniit suliffeqarfik ataaseq arlallilluunniit aningaasanik nalilinnik niueqatigiiffinni nalunaarsorsimappata taamaattunik suliaqassallutik.

2) Ingerlatseqatigiiffissuaq nunani tamalaani ingerlatsisoq: ingerlatseqatigiiffissuaq akileraartarnikkut oqartussaaffeqarfinni ataatsimik amerlanerusuni ingerlatseqatigiiffissuarnik ingerlatsisoq.

3) Ingerlatseqatigiiffissuaq:

a) Ingerlatseqatigiiffissuarmi nunani tamalaani ingerlatsisumi ingerlatseqatigiiffissuaq sunaluunniit ataatsimoortumik ingerlatseqatigiiffissuarmi naatsorsuutini immikkoortutut ingerlatsisoq, imaluunniit ingerlatseqatigiiffissuaq ataatsimoorussamik naatsorsuusiorsimassagaluarpat taamatut ingerlatsisoq, imaluunniit ingerlatseqatigiiffissuaq ataaseq arlallilluunniit aningaasanik nalilinnik niueqatigiiffinni nalunaarsorsimappata.

b) Suliffeqarfik sunaluunniit ataatsimoorussamik ingerlatseqatigiiffissuup naatsorsuutaani suliffeqarfiup annertussusaa pingaarteqannginneraluunniit pissutigalugu naatsorsuutitut ilanngunneqanngitsaq.

c) Suliffeqarfiup aalajangersimasumik ingerlatsivia sunaluunniit litra a-mut b-mulluunniit ilaatinneqartoq, tamatumani ukiumut naatsorsuusiornermut imaluunniit akileraarusiinnikkut naatsorsuusiornermut imaluunniit avataanit nakkutilliinermut siunertaqartunik tunngatillugu imaluunniit ingerlatseqatigiiffissuarmi namminermit aqutsinermik siunertaqartumik immikkut ingerlatsivimmut tunngasumut immikkut naatsorsuusiortoqarnerani.

4) Ingerlatseqatigiiffik qullerpaatut aqutsisoq: : ingerlatseqatigiiffissuaq, ingerlatseqatigiiffissuarmi nunani tamalaani ingerlatsisumi toqqammavinnik makkuninnga naammassinnittoq:

a) ingerlatseqatigiiffissuarmi nunani tamalaani ingerlatsisuni toqqaannartumik toqqaannangitsumilluunniit ingerlatseqatigiiffissuarnik ataatsimik arlallinnilluunniit naammaginartumik sunniuteqartoq, taamaalilluni suliffeqarfik ataatsimoorussamik ingerlatseqatigiiffissuarmut naatsorsuusiornissamat malittarisassat atuuttut naapertorlugit akileraartarnikkut angerlarsimaffigisamini suliaqarnissamat pisussaaffeqarluni, imaluunniit aningaasanik niueqatigiiffinni nalunaarsorsimaguni taamaattunik suliaqartussaalluni.

b) Ingerlatseqatigiiffissuarmi nunani tamalaani ingerlatsisumi ingerlatseqatigiiffissuarmik ingerlatsivimmi allamik litra a-mi taaneqartumi toqqaannartumik toqqaannangitsumilluunniit naammaginartumik ingerlatseqatigiiffimmut sunniuteqartumik.

5) Kaaviiartitat: isertitat suliffeqarfiup nalinginnaasumik ingerlatsineranut atatillugu pilersut, tassani nioqqtissianik tunisineq, sullississutinik tunisineq, akissarsiat, erniat, iluanaarutisiat ajunngitsorsiallu ilanngullugit.

6) Ingerlatseqatigiiffik aqutsisumut sinniisoq: Ingerlatseqatigiiffissuaq imm. 8 naapertorlugu nunamit nunamut nalunaarusiamik nunami akileraartarnikkut angerlarsimaffigisamini tunniussisussatut toqqarneqartoq, imm. 7, nr. 2-mi toqqammavissaq ataaseq arlallilluunniit naammassineqarsimappata.

7) Pisussaasutut oqartussaasut akornanni isumaqatigissut: inatsisit atuuffini naapertuuttuni akileraartarnikkut oqartussaasut pisussaasut akornanni nunat tamat akornanni isumaqatigiissut, nunamit nunamut nalunaarusianik nunat pineqartut akornanni tamatigut paarlaateqatigiittarnissamik imaqartoq.

8) Nunat tamat akornanni akileraartarnikkut paasissutissanik paarlaateqatigiittarnissaq pillugu isumaqatigiissut: marloqiusamik akileraartannginnissamik isumaqatigiissut, nunat tamalaat akornanni isumaqatigiissut imaluunniit nunani tamalaani isumaqatigiissut imaluunniit allaffissornikkut akileraartarnermut suliani ikiuinissaq pillugu isumaqatigiissut sunaluunniit naapertorlugu Kalaallit Nunaata oqartussaaffimmi ataatsimi arlallinnilluunniit akileraartarnikkut paasissutissanik

paarlaateqatigiittarnermik isumaqatigiissutaa, tassani paasissutissanik paarlaateqatigiinnerit tamaasa ilanngullugit.

9) Oqartussaaffinni tulleriiarlugit kukkujuarnerit: Kalaallit Nunaanni pisussaasutit oqartussaasunik oqartussaaffimmilu pineqartumi isumaqatigiissuteqartoqarpat, kisiannili paasissutissanik paarlaateqatigiittarneq pissutsinik oqartussaaffiit akornanni isumaqatigiissummi aalajangersarneqartunit allamik toqqammaveqartumik oqartussaaffimmit atorunaarsitsisoqarsimappat, imaluunniit arlaleriarluni nunamit nunamut nalunaarusianik Kalaallit Nunaannik paarlaassineq pinngitsoorsimappat, nunani tamalaani ingerlatseqatigiiffissuaq Kalaallit Nunaanni ingerlatseqatigiiffissuarnik ingerlatsiffigisaani.

Imm. 12. Nunamit nunamut nalunaarusiat pillugit Naalakkersuisut malittarisassanik erseqqinnerusunik malittarisassiorsinnaapput.

§ 36 c. Ernianut aningaasartuutit nalitigullu annaasaqaatit, nakkutigisaasumik akiitsut sinneruttortaanut tunngasut taakkua nakkutigisaasunik iliuuseqarnikkut akiitsut pillugit sinneqartoorutineersuutillugit taakkualu selskabinit peqatigiiffilluunniit il.il. pigippatigit, taava piginnittuusut ilanngaasiisinnaangillat

1) selskabi imaluunniit peqatigiiffik § 1, imm.1-imi, nr. 3-mit 14-imut pineqartunut ilaappat

2) selskabi imaluunniit peqatigiiffik inatsisitigit akisussaassuseqartuusumut nunami allamiumut § 36 a, imm. 1-imi (nakkutigisaasumik akiitsut) taaneqartumut akiitsoqarpat aamma

3) selskabip peqatigiiffilluunniit allanit aningaasaliiffineqarnerata (akiitsui) ukiup aningaasarsiorfusup naanerani selskabip namminerisanik aningaasaataanut sanilliullugit 2:1-imit annertunerusumik annertussuseqarpata.

Imm. 2. Imm. 1 naapertorlugu nalitigit annaasaqaatit taarsigassarsiani pineqartuni nalitigit annaasaqaatit ukiumi aningaasarsiorfusumi tulliusumi iluanaarutinit ilanngaatigineqarsinnaapput.

Imm. 3. Allanit atukkat, aalajangiisuusuullutik piginnittut imaluunniit tamatumuuna suliffeqarfissuarmut atasunit selskabinit toqqaannartumik toqqaannartuunngitsumilluunniit qularnaveeqqusigaasimasut, nakkutigisaasumik akiitsutut isigineqarput.

Imm. 4. Ilanngaasiisinaanermut killiliineq, selskabip peqatigiiffilluunniit, selskabimut piginnittuusumut, tamatumuunalu aamma suliffeqarfissuarmut atasuusunik selskabinut, aningaasaliinerup assingusup atuuttuuneranik uppersaasiinera naapertorlugu atuutissanngilaq.

Imm. 5. Ilanngaasiisinaanermut killiliineq nakkutigisaasumik akiitsut 5 mio. koruunit sinneqqappatsigit aatsaat pisinnaavoq. Ilanngaasiisinaanermut killiliineq aamma nakkutigisaasumik akiitsut namminerisamik aningaasaatinut, ukiup aningaasarsiorfusup naanerani allanit aningaasaliissutit (akiitsut) namminerisamillu aningaasaatinut sanilliullugit 2:1-imut nikingassuseqartinniarlugit, nuunneqartortaanut taamaallaat atorneqassaaq. Suliffeqarfissuup iluani nakkutigisaasunik akiitsoqarlunilu nakkutigisaasunik allanut akiitsoqarpat, ilanngaateqarnermik killiliineq suliffeqarfissuup iluani nakkutigisaasunik akiitsunut siullermik atorneqassaaq tulliullugulu nakkutigisaasunik allanut akiitsunut.

Imm. 6. Akiitsutut isigineqarput pisassarisanut § 17, imm. 1-imi aamma § 18, imm. 1-imi pineqartunut tunngatillugu aammalu obligationinut nuunneqarsinnaasunut akiitsut. Akiitsut ukiup aningaasarsiorfusup naanerani nalitigit naligititaasutut naatsorsorneqassapput.

Imm. 7. Namminerisanik aningaasaatit ukiup aningaasarsiorfusup naanerani pigisat niuernermi naliusumut naatsorsukkatut, imm. 6 malillugu akiitsunik ilanngaaserlugit naatsorsorneqassapput.

Namminerisanik aningaasaatigisat piginnittuusunit aningaasaliissutaasut, sivikinnerpaamik ukiuni marlunni selskabimiittussaasut kisimik ilanngunneqassapput.

Imm. 8. Kalaallit suliffeqarfissuarmut atasunik selskabiutaat arlaqartut aqunneqarpata, takuuk § 36 a, imm. 4, selskabini taakkunani pigisanut akiligassanullu imm. 1-7 ataatsimoortillugit atorneqassapput, kalaallillu selskabiisa selskabini allani, naatsorsuinermi tamarmiusumi ilaatinneqartuni, aktiaataat ilanngunneqassanngillat, aammalu taakkua akornanni akiitsut pisassarisallu.

Imm. 9. Imm.1-imiit 8-mut taamatutaaq atuupput akileraartussaataitaasunut § 2, imm. 1, nr. 10-mi ilaatinneqartunut. Akiitsut namminerisanillu aningaasaatit imm. 2 aamma 3 malillugit naatsorsorneqarneranni, pigisat akiitsullu nalingi aalajangersimasumik ingerlatsivimmu attuumassuteqartut taamaallaat ilaassapput. Allani atukkat nakkutigisaasumik akiitsutut isigineqarput, qitiusumik allaffik akiitsunut akiliisussaasuuppat.

§ 36 d. § 1 imaluunniit § 2, imm. 1, nr. 10-miit 12-imut malillugit akileraartussaataitaasoq § 36a, imm. 2 naapertorlugu annikitsumik akileraarusigaasumik inatsisitigut akisussaassuseqartumik (ingerlatseqatigiiffik pigineqartoq), takuuk § 36 a, imm. 6, aningaasaliinertigut pigisat agguaqatigiissitsinermi selskabip pigisaanit tamarmiusunit 10 procenti sinnerlugu amerlassuseqarfisaanni, akileraartussaataitaasup aningaasarsiai akileraaruteqaataasussat naatsorsorneqarneranni ingerlatseqatigiiffiup pigineqartup CFC-mik isertitai ilanngutissavai.

Imm. 2. Nunami allami selskabi pigineqartoq annikitsumik akileraarusigaasutut isigineqassaaq, nunami allami akileraarusiineq Kalaallit Nunaanni malittarisassa at malillugit annertuumik appasinneruppat akileraarusiinerluunniit Kalaallit Nunaanni malittarisassaanut sanilliusinermi annertuumik illuartinneqarpata.

Imm. 3. Ingerlatseqatigiiffiup pigineqartup pigisaanik imm. 1 malillugu naatsorsorneqarnerat naatsorsuutini naligititaasut tunngavigalugit ingerlanneqassaaq, tigussaasuunngitsunut niuernermi akigitinneqartut malillugit nalingi tunngavigalugit ilanngunneqassallutik.

Imm. 4. CFC-mik isertitat selskabip pigisap isertitaanut, akileraartussaataitaasup selskabip pigineqartup ukiumi aningaasarsiorfusup pineqartup ingerlanerani aktiatigut aningaasaataanit tamarmiusunit akileraartussaataitaasumit pigineqataassutaanit annertunerpaajusut amerlaqataat, ilaasutut naatsorsorneqassapput. Selskabilli pigineqartup ukiup aningaasarsiorfusup ilaani, imm. 1-imi piumasaaqatit naammassineqarfisaasa nalaani isertitanik katersorsimasai, kisimik ilanngunneqassapput.

Imm. 5. CFC-mik isertitat, Inatsisartut inatsisaat manna tunngavigalugu naatsorsorneqassapput makkua katinnerattut:

- 1) Akileraarutaasussanik ernianik isertitat ilanngaaticigineqarsinnaasunillu ernianut aningaasartuutit.
- 2) Pisassarisanit, akiligassanit imaluunniit aningaasaliinermut tunngasunik isumaqatigiissutitigut akileraarutaasussanik iluanaarutit ilanngaaticigineqarsinnaasunillu annaasaqaatit.
- 3) Sullissinermit ernialiuttakkat (provision) assigisaallu, ilanngaaticigineqarsinnaasat.
- 4) Aktianik tunisinerni akileraarutaasussanik iluanaarutit ilanngaaticigineqarsinnaasunillu annaasaqaatit.
- 5) Aktianik tunisinerni akileraarutaasussanik iluanaarutit ilanngaaticigineqarsinnaasunillu annaasaqaatit.
- 6) Akiliutit qanorluunniit ittut, tigussaasuunngitsunik pigisanik atuinermut atuisinnaanermulluunniit akiliutitut pissarsiarineqartut. Oqaaseqatigiilli siulliit atuutinngillat, selskabinit, selskabimik pigineqartumut suliffeqarfissuarmut atasuunngitsumit, § 36 a, imm. 1 naapertorlugu, selskabip pigineqartup nammineq ilisimatuutut misissuinermik ineriartortitsinermillu ingerlataqarneranik

patsiseqartumik tigussaasuunngitsunik pigisanik atuinermut atuisinnaanermulluunniit akiliutinut tunngatillugu. Tigussaasuunngitsunik pigisanut ilaapput suulluunniit atuakkamut, eqqumiitsuliornikkut ilisimatuussutsikkulluunniit sulianut, tamatumani aamma filminut aammalu radiomut fjernsynikkulluunniit aallakaatitassiatut filminut, piginnittussaanerit, patentit tamarmik, nioqqutissanut meqqi, allaq iluserluunniit, titartagaq, formeli isertuussaq imaluunniit sanariaaseq isertuussaq suliffissuaqarnermulluunniit tunngasumik paasissutissaq, aningaasarsiornikkut ilisimatuussutsikkulluunniit misilittakkat.

7) Akileraartarnermi ilaanngaait, nr. 1-imiit 6-imut taagorneqartunik isertitanut tunngasut Akileraarusigaasussanik attartornermut aningaasaliinikkut isertitat.

8) Pigisanik, aningaasaliinikkut attortornermut atugaasimasunik tunisaqarnermi iluanaarutit annaasaqaatillu, aamma ilanngunneqassapput.

9) Akileraarutaasussanik sillimmasiineramik ingerlatsinermut atatillugu, aningaaserivittut realkreditinstitutionit imaluunniit allatigut aningaasaliinernik ingerlatsinikkut isertitat.

Imm. 6. CFC-mik isertitat naatsorsorneranni CFC-mik isertitat amigartoorutitaat § 30-mi malittarisassat naapertorlugit selskabip pigineqartup isertitaanit ilanngaatigineqarsinnaapput.

Imm. 7. Nunani allani akileraarutininik akilikkanik appaateqartitsineq § 69 malillugu pissaaq.

§ 36 e. Kinaluunniit ingerlatseqatigiiffinnut il.il. imm. 2-mi pineqartunut akiitsut erniaannik akiliinernut pisassanngortitsinernulluunniit tamanut atatillugu akiliisoq pisassanngortitsisorluunniit erniat tamarmiusut 25 procentiannik uninngatitsissaaq. Aningaasat unerartinneqartut taaneqarput "ernianut akileraarutit". Ernianut akileraarutininik uninngatitsisussaataapput ingerlatseqatigiiffiit il.il. § 1, imm. 1, nr. 3, 4, 6, 7 aamma 10-mi pineqartut. Ernianut akileraarutit unerartinneqartut § 81-imi maleruagassat naapertorlugit akilernerqartussanngussapput. § 76, imm. 3-mi aalajangersagaq taamatutaaq atuutissaaq. Killilimmik akileraartussaasut § 2, imm. 1, nr. 10, 12, 14, 15, aamma § 2, imm. 2-mi 3-milu pineqartut aningaasarsiat akileraaruteqaataasussat naatsorsorneranni ernianut aningaasartuutininik ilanngaateqarsinnaassanngillat, erniat inummit oqaaseqatigiinni siullerni pineqartumit akilernerqarsimasuugunik ernianut akileraarutininik uninngatitsiffigineqarsimasussaagaluarpata.

Imm. 2. Aalajangersagaq atuuppoq inatsisit naapertorlugit inuttut isigineqarsinnaasunut imaluunniit inunnut nunani allani angerlarsimaffeqartunut, Danmark Savalimmiulluunniit ilanngullugit, akiliinernut imm. 1-imi pineqartunut. Ima pisoqarnerani ernianut akileraarutininik akiliisoqassanngilaq:

1) Ernianik akileraarusiineq, marloriaammik akileraarnissaq pinngitsoorniarlugu Kalaallit Nunaata nunallu, ingerlatseqatigiiffiup il.il. tiguisup angerlarsimaffiata akornanni isumaqatigiissut naapertorlugu taamaatiinnarneqarpat appartinneqarpalluunniit.

2) Kalaallit Nunaanni piginneqatigiiffik pingaarnerusoq il. il., ingerlatseqatigiiffimmi tiguisumi, tak. § 36 a, imm. 1-2, piffissami atasuinnarmi sivikinnerpaamik ukiumi 1-imi nammineerluni toqqaannartumik toqqaannanngikkaluartumilluunniit aalajangiisinnaassuseqarluni sunniuteqarpat.

3) Ingerlatseqatigiiffik tiguisoq il. il., piginneqatigiiffimmi pingaarnerusumi il.il. Danmarkimi, Savalimmiuni nunamiluunniit Kalaallit Nunaata marloriaammik akileraarnissaq pinngitsoorniarlugu isumaqatigiissuteqarfigisaani angerlarsimaffeqartumi aalajangiisinnaassuseqarluni sunniuteqarpat, ingerlatseqatigiiffillu il.il. taanna Danmarkimi, Savalimmiuni nunamiluunniit tassani maleruagassat malillugit ernianut tunngatillugu, taamaaliornissamut piumasaqaatit eqquutsinneqarpata CFC-mik akileraartinneqarsinnaappat.

4) Erniat nunami allami minnerpaamik 15 procentimik akileraaruserneqarnerat, aammalu erniat nunami allami ingerlatseqatigiiffimmut il.il. allamut, erniat 15 procentimit minnerusumik akileraaruserneqarfissaannut ingerlateqquillugit akilerneqannginnerat ingerlatseqatigiiffup tiguisup il.il., uppersarsinnaappagu.

5) Pineqartut tassaappata nunami allami, matumani aamma qallunaat savalimmiormiulluunniit naalagaaffimmi oqartussaasumit, naalagaaffup ataani ingerlatsivimmit, imaluunniit nunat assigiinngitsut kattuffiannit il.il. taarsigassarsiat, taarsigassarsisitsineq niuernermi nalinginnaasumik atugassarititanik tunngaveqarluni pinngippat.

Imm. 3. Ingerlatseqatigiiffimmut il.il. nunami angerlarsimaffeqartumut akiitsut tamakkerlugit akilerneqarneranni tamani tamakkerlugit akiliisup pappiaranit nalilinnit iluanaarutit akileraaruteqaataasussat 25 procentiat unerartissavaa. Tassanili taamaallaat pineqarput pappiaranit nalilinnit iluanaarutit nunami maani pisassarisatigut, ima piumasaaqatitallit akiitsut tamakkerlugit akilerneqalerpata nali, piffissami pilersinneqarfianni nalingannit annertunerusoq siumut annertussusileriigaq tunngavigalugu akilerneqartussatigut pinngortut, akiligassalik tassaappat ingerlatseqatigiiffik imaluunniit peqatigiiffik il.il. § 1, imm. 1, nr. 3, 4, 6, 7 aamma 10-mi pineqartoq, imaluunniit aalajangersimasumik ingerlatsivik § 2, imm. 1, nr. 10, 12, 14, 15, aamma § 2, imm. 2 aamma 3-mi pineqartoq. Pappiaranit nalilinnit iluanaarutit akileraaruteqaataasussat naatsorsorneqassapput, pisassarisap piffissami pilersinneqarami nalingata aamma tamakkerlugit akilerneqalerpata akiligassat isumaqatigiissutaasut nikingassutaattut. Akiliineq akilersuinikkut pippat ilanngunneqassaaq taassuma ilaa, illua´tungaani tamakkiisumik akilerneqartussat pisiarinerata akianik ilanngakkat illua´tunganilu tamakkiisumik akilerneqartussat assigiinngissutaannut naapertuuttoq. Imm. 1-imi 2-milu maleruagassat taamatutaaq atuutissapput.

§ 37. Inuussutissarsiornermi pigisanut pigisanullu nalinginnaasunut § 34, nr. 2-mi oqaaseqatigiit aappaanni taaneqartuni iluanaarutit ajunaarutilluunniit naatsorsorneqarnerini ilanngaateqartoqassanngilaq, tunisinermi akigititaaq ataatsikkut tamarmi akilerneqarsimangippat.

Imm. 2. Tamannattaaq atuuppoq § 16, imm. 2-miit 4-mut aalajangersakkat naapertorlugit iluanaarutitut ajunaarutinullu akileraaruteqaataasussanut.

Imm. 3. Tamanna § 17 aamma § 18-imi iluanaarutitut akileraaruteqaataasussatut taaneqartunut aamma atuuppoq.

§ 38. Pappiaqqat nalillit § 16, imm. 1-imi 2-milu taaneqartut pigisallu, akileraartussaasup inuussutissarsiummigut imaluunniit iluanaarniarnermigut pissarsiarisimasai, takuuk § 34, nr. 2, kingusinnerpaamik tunineqarsimasutut isigineqassapput § 1 imaluunniit § 2, imm. 1 naapertorlugu akileraartussaanerup taamaatinnerani.

Imm. 2. Aningaasaliinermut isumaqatigiissutit § 17, imm. 1-imi pineqartunut ilaasut, kingusinnerpaamik § 1, imm. 1, nr. 1 aamma 2 malillugit akileraartussaanerup atorunnaarnerata nalaani tunineqarsimasutut isigineqassapput.

Imm. 3. Pisassarisat § 18, imm. 1-imi ilaatinneqartut kingusinnerpaamik tunineqarsimasutut isigineqassapput § 1, imm. 1, nr. 1 aamma 2 naapertorlugit akileraartussaanerup atorunnaarnerani.

Imm. 4. Immikkoortuni 1-imiit 3-mut taaneqartunik aningaasaliinermut isumaqatigiissutinik pigisat tunineqarneranni akiusutut isigineqassaaq akileraartussaanerup atorunnaarnerani nalinginnaasumik

niuernermi nalingat.

Imm. 5. Immikkoortuni 1-imiit 3-mut taaneqartunik aningaasaliinermut isumaqatigiissutit pigineqartut akileraartussaanerup atorunnaarnerani nalinginnaasumik niuernermi nalingat pisiarineranni akiusutut isigineqassaaq.

Kapitali 3 a

Sulinermut ilanngaat

§ 38 a. Sulinermut ilanngaat qinnuteqaateqarnani inunnut imm. 2-mi pineqartunut akilerneqartarpoq. Sulinermut ilanngaat kapitalimi matumani aamma akileraaruserinermik ingerlatsineq pillugu Inatsisartut inatsisaanni kapitali 5 a-mi malittarisassat naapertorlugit naatsorsorneqartarpoq akilerneqarlunilu. *Imm. 2.* Inuit uku sulinermut ilanngaateqarsinnaatitaapput:

- 1) § 1, imm. 1-2 naapertorlugit akileraartussaataasut, kiisalu marloqiusamik akileraartarpoq pillugu isumaqatigiissummi aalajangersakkat malillugit naalagaaffimmi allami, Danmarkimi imaluunniit Savalimmiuni angerlarsimaffeqartutut isigineqanngitsut, aamma
- 2) § 72 a, imm. 1 imaluunniit § 72 b, imm. 1 naapertorlugit ilanngaaseeqqaarani akileraartinneqanngitsut.

§ 38 b. Sulinermut ilanngaatip tunniunneqartup nalinga, aningaasarsianut tunngaviusut, takuuk § 38 c, inummut ilanngaatip, takuuk § 67, aamma ilanngaatip aalajangersimasup, takuuk § 21, imm. 2, katinnerannit annertunerusup, 17,5 procentiattut annertussuseqarpoq.

Imm. 2. Taamaattoq sulinermut ilanngaat tunniunneqartoq ukiumi isertitaqarfiusumi ataatsimi 15.750 koruuninit annertunerusinnaangilaq. (2025-mi annertussusaa).

Imm. 3. Sulinermut ilanngaatip nalinga aningaasarsianut tunngaviusut, takuuk § 38 c, ukiumut 250.000 koruuninit annertunerusup 6,3 procentianik annikillisinneqassaaq. (2025-mi annertussusaa). Taamaattoq sulinermut ilanngaat amigartooruteqarfiusinnaangilaq.

Imm. 4. Imm. 2-3-mi aningaasartat aamma aningaasarsianut tunngaviusunut killiliussat ulloq 1. januar 2026 aallarnerfigalugu ilanngullugulu, ukiumut aningaasaliiffiusumut pineqartumut procenti aaqqiissutissaq atorlugu siullermeersumik ukiumut iluarsineqassapput, takuuk procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat.

§ 38 c. Sulinermut ilanngaammut aningaasarsianut tunngaviusut tassaapput aningaasarsiat A-t aamma B-t akileraaruteqaataasartut katillugit, aningaasat § 41, imm. 2, aamma § 47 b, imm. 6 malillugit aningaasarsiat akileraaruteqaataasussanut naatsorsuinermit ilanngunneqanngitsut, ilassutigalugit.

Imm. 2. Aningaasarsianut tunngaviusuni, aktianit iluanaarutit Kalaallit Nunaanni ingerlatseqatigiiffinnit tiguneqartut, ilaapput. Iluanaarutit tiguneqartut, iluanaarutinit akileraaruteqannginnermit aningaasartaannut naatsorsorneqassapput.

Imm. 3. Aningaasarsianut tunngaviusuni tunniussinerit, soraarnerussutisiaqalernissamut aaqqiussuussinermut peqataasussaataaneq pillugu Inatsisartut inatsisaanni § 2, imm. 2-mi aamma 3-mi taaneqartut, ilaatinneqassanngillat tunniussinerit aalajangersakkami imm. 2, nr. 1-4-mi taaneqartut tassani ilaanatik.

Imm. 4. Aningaasarsianut tunngaviusuni aammattaq aningaasarsiat § 70, imm. 2-mi, aamma § 71, imm. 4-mi pineqartunut ilaasut, ilaatinneqassanngillat.

Tunniussinerugallartut

§ 38 d. Sulinermut ilanngaataagallartumik naatsorsuineq tunniussinerlu aningaasarsiat A-t, akileraaruseriffimmut aningaasarsiatut A-tut nalunaarutigineqartut, pineqartunut ilaatinneqartut, tunngavigalugit qaammatikkaartumik pissapput.

Imm. 2. Namminersorluni inuussutissarsiummik ingerlatsisut, imm. 1-imi ilaatinneqartunik isertitaqartanngitsut, sulinermut ilanngaataagallartumik akileraarutaagallartut B-t akiligassanngortut akilernerqartullu aallaavigalugit, qaammatikkaartumik naatsorsuunneqassapput tunniussivigineqassallutillu.

Imm. 3. Aningaasarsiat, aalisarnermit, piniarnermit savaateqarnermillu tunisassianik Kalaallit Nunaanni tunisassiorfinnut tunisinermit pissarsiarineqartut, aningaasarsiatut imm. 2-mi taaneqartutut, suliarineqassapput. Taamaattoq tunniussinermit tunitsivimmit akileraarutit A-t nalunaarutigineqartut aallaavigineqassapput.

§ 38 e. Ukiumut sulinermut ilanngaammik eqqortumik tunniussisoqarneranit tamanna malitseqassasoq naatsorsuutigineqarpat, sulinermut ilanngaataagallartuq § 38 d-mi taaneqartuq akileraaruseriffiup annikillissinnaavaa, qaffassinnaavaa imaluunniit pinngitsoortissinnaallugu. Akileraaruseriffiup inuup ataatsimoortumik ukiumut aningaasarsiai ilisimappagit § 38 f malillugu pisuni sulinermut ilanngaammik piunasaqaatigineqartut tunniunneqarsinnaapput. Aammattaaq inuup ukiumut aningaasarsiai taamaakkaluortoq § 38 b, imm. 2-mi akigititanit appasinnerusussaasut naatsorsuutigineqarpat, akileraaruseriffiup qaammatikkaartumik tunniussisarnerit aallarteqqinniarlugit aalajangersinnaavaa.

Sulinermut ilanngaatip naatsorsorneqartarnera tunniunneqartarneralu

§ 38 f. Akileraaruseriffiup aningaasarsianut tunngaviusunut, ukiumi sulinermut ilanngaatip katillugu nalinganut aammalu sulinermut ilanngaataagallartumut qaammatikkaartumik tunniunneqartumut naatsorsukkat, kingusinnerpaamik ukiup isertitaqarfusup kingorna ulloq 1. september nassiutissavai. Sulinermut ilanngaammi annikinaarlugit tunniussisimanermit, naatsorsukkat nassiunneqareernerisa kingorna kingusinnerpaamik qaammatip ataatsip qaangiunnerani, taakkua tunniunneqassapput. Annertunaarlugit sunniussisimanermit § 38 g malillugu akiliisitsisoqassaaq.

Imm. 2. Aallartitseqqinnermit sulinermut ilanngaammut 2.000 koruuninik annertunerumilluunniit tunniussisoqartussanngussappat, imm. 1 malillugu naatsorsuineq aallarteqqinneqarsinnaavoq.

Utertillugit akiliisarneq

§ 38 g. Sulinermut ilanngaammut annertunaarlugit tunniussisimanermit, annertunaarlugit tunniunneqarsimasut, inuup kingusinnerusukkat ukiup isertitaqarfusup pineqartup ingerlanerani imaluunniit ukiumi isertitaqarfusumi kingusinnerusumiittumi sulinermut ilanngaammik tunniussinissamik piunasaqaataani, ilanngaatigineqassapput.

Imm. 2. Sulinermut ilanngaammi annertunaarlugit tunniunneqarsimasut, imm. 1 malillugu akilersinneqarsinnaanngitsut, piunasaqaat katillugu 2.000 koruuninik annertuneruppat,

peqquissuteqarnermi utertillugit akilerneqassasut piumasarineqarsinnaavoq. Tamakkiisumik akileraartussaataajunnaarnermi, sulinermut ilanngaata annertunaarlugu tunniunneqarsimasoq oqaaseqatigiit siulliit malillugit akilersinneqassaaq. Utertillugit akiliinissamut piumasaqaatit ulloq akiligassanngorfiat tassaavoq, peqqussuteqarluni akileeqqusinissamut aalajangiinerup qaammat kingorna qaammammi ulluinnaq siullem. Ulloq akiliiffissaq kingulleq tassaavoq qaammat akiliiffissami ulluinnaq kingulleq. Ulloq piffissaq eqqorlugu akiliiffissaq kingulleq sapaataappat imaluunniit nalliuttuuppat imaluunniit arfininngorneruppat, killigititaq ulluinnarmut tullermut sivitsorneqassaaq.

Imm. 3. Sulinermut ilanngaammut annertunaarlugit tunniussisimanermi akileqqusat akileraartarnermut akiliutissatut isigineqassapput, akileqqusallu Kalaallit Nunaanni eqqartuussisarnermik inatsimmi § 598, imm. 2, nr. 3 aamma Aningaasarsianit akileraarutit pillugit Inatsisartut inatsisaanni §§ 100 aamma 101 naapertorlugit pinngitsaaliilluni akileqquneqarsinnaapput.

Imm. 4. Sulinermut ilanngaatip annertunaarlugu tunniunneqarsimasup akilersinneqartarnera pillugu aammalu sulinermut ilanngaammi kingusinnerusukkut piumasaqaateqarnerup tamakkiisunngortinneqarnissaa pillugu maleruagassanik erseqqinnerusunik Naalakkersuisut aalajangersaasinnaapput.

Kapitali 3 b

Ingerlatseqatigiiffiit iluanaarutiminnik ilanngateqarsinnaanngitsut

§ 38 h. Ingerlatseqatigiiffiit § 1, nr. 3 naapertorlugu akileraartussaasut, sulianillu imm. 2-3-mi pineqartunik ingerlataqartut kapitalimi matumani maleruagassani pineqartunut ilaanissartik toqqarsinnaavaat. Tamanna aamma ingerlatseqatigiiffinnut imm. 4-mi pineqartunut atuuppoq, tamanna pitinnagu Naalakkersuisut akuersisimappata.

Imm. 2. Imm. 1 atuuppoq akileraartussaasunut, akileraartussaasup kaaviiartitaasa ikinnerpaamik 90 procentii Aatsitassat pillugit ingerlatalu tamatumunnga pingaarutillit pillugit Inatsisartut inatsisaat naapertorlugu paaanissamut, Erngup nukingata nukissiornermut atorneqartarnera pillugu Inatsisartut inatsisaat naapertorlugu atuinissamut imaluunniit Sermip erngullu niuernikkut iluaqutigineqarnissaat pillugu Inatsisartut inatsisaat naapertorlugu atuinissamut akuersissuteqarfigineqarsimanerit malillugit ingerlataneersuupata. Akileraartussaasup ingerlataanut aamma ilaasinnaapput ingerlatat imm. 3-mi oqaaseqatigiinni siullerni taaneqartut, akileraartussaasooq Erngup nukingata nukissiornermut atorneqartarnera pillugu Inatsisartut inatsisaat naapertorlugu atuinissamut akuersissutigineqarsimappat.

Imm. 3. Imm. 1 aamma atuuppoq akileraartussaasunut, akileraartussaasup kaaviiartitaasa ikinnerpaamik 90 procentii innaallagialu Kalaallit Nunaanni erngup nukingata atorlugu nukissiuutineersoq atorlugu suliffissuarmi innaallagissamik annertuumik atuisumi tunisassiornermik, nukissiornermi atortussanik tunisassiornermik, serverit nakkutigineqarfinik imaluunniit paasissutissat toqqaannartumik toqqortarneqarfinik isumaginnilluni ingerlataneersuupata. Akileraartussaasooq ingerlatseqatigiiffimmut ingerlatseqatigiiffitutigisaassaaq imm. 2-mi pineqartumit, akuersissummillu akileraartussaasup ingerlataanut tunngavissiumik pigisaqartumit pigineqartoq, imaluunniit akileraartussaasooq ingerlatseqatigiiffik taanna peqatigalugu suliffeqarfissuarmut immikkoortortalimmut atasuussaaq, tak. § 36 a, imm. 4.

Imm. 4. § 1, nr. 3 naapertorlugu akileraartussaasooq piginneqatigiiffimmit imm. 1-3-mut pineqartumi ingerlatseqatigiiffitutigisaaguni, imaluunniit taanna peqatigalugu suliffissuarmut ataguni kapitalimi matumani pineqartunut ilaasinnaavoq, akileraartussaasup suliai ingerlataanut imm. 1-3-mi pineqartunut

qanimut attuumassuteqarpata, assersuutigalugu umiarsualivinni atortorissaarutininik, usingiaanermi, usilersuinermi aserfallatsaaliuinermilu atortorissaarutininik ingerlatsinikkut, tunisassiornermi atortussanik pisiortorlunilu tuniniaanermik ingerlatsinikkut. Innaallagissamik imaluunniit nukissiornermi atortussanik Kalaallit Nunaanni tunisassiarineqartunik tuniniaaneq eqqaassanngikkaanni, ingerlataq Kalaallit Nunaanni atuisunut nioqqutissanik sullissinernillu tuniniaanissamik siunertaqassanngilaq. Ingerlatseqatigiiffutaaq ingerlatai ingerlatseqatigiiffinnut Kalaallit Nunaanni angerlarsimaffeqartunut toqqaannartumik unammillertuussanngillat.

Imm. 5. Ingerlatseqatigiiffiit, imm. 1-4-mi piumasaqaatinik naammassinnittut, ukioq aningaasarsiorfusooq piumasaqaatinik naammassinniffusooq siulleq aallarnerfigalugu kapitalimi matumani maleruagassani pineqartunut ilaanissaq toqqarsinnaavaat. Ingerlatseqatigiiffinnut imm. 4-mi pineqartunut tunngatillugu tamanna pitinnagu Naalakkersuisut akuerseqqaarsimassapput, tak. imm. 1. Toqqaaneq akileraaruseriffiup innersuussinera malillugu ukiup aningaasarsiorfusup aallartinnissaa kingusinnerpaamik qaammammik ataatsimik sioqqullugu akileraaruseriffimmut nalunaarutigineqassaaq. Oqaaseqatigiit siulliit malillugit toqqaaneq ingerlatseqatigiiffimmut piffissami sivikinnerpaamik ukiuni aningaasarsiorfusuni 5-ini pituttuisuuvooq, taamaattorli tak. imm. 6. Kinaluunniit ingerlatseqatigiiffiup imm. 1-4-mi aalajangersakkani pineqartunut ilaasinnaanera pillugu ilisimannittariaqartutut isigineqassanersoq, siumut akuersissummik allanngortinneqarsinnaanngitsumik akileraaruseriffimmut qinnuteqarsinnaavoq. Siumulli akuersissummik allanngortinneqarsinnaanngitsumik qinnuteqaat ingerlatseqatigiiffimmut imm. 4-mi pineqartumut tunngasuuppat siumut akuersissut Naalakkersuisunit akuerineqassaaq.

Imm. 6. Akileraaruseriffiup kapitali manna naapertorlugu akileraartinneqarnissamut ilaalernerup ilaajunnaarnerullu qanoq pinissaat aalajangersassavaa, tassungalu ilanngullugu atugassarititaasunik aalajangersaasinnaalluni. Akileraartussaasoq imm. 1-4-mi piumasaqaatinik ukiumi aningaasarsiorfusumi naammassinnikkunnaarpat, ingerlatseqatigiiffiup kingusinnerpaamik ukiup akileraaruseriffiup kingorna ukiup aningaasarsiorfusup tulliuuttup aallartinneraniit kapitali manna naapertorlugu akileraartinneqarnermut ilaajunnaarnissaa akileraaruseriffiup aalajangiiffigissavaa atugassarititaasullu aalajangersassallugit. Saneqqutsinerilli immikkut ittunik pissuteqarpata, imaluunniit saneqqutsinerit soqutaanngippata qaangiuttussaappataluunniit akileraaruseriffik immikkut akuersissuteqarsinnaavoq.

Imm. 7. Ingerlatseqatigiiffik pingaarnertut isigineqarpoq ingerlatseqatigiiffiit, ingerlatseqatigiiffimmi iluanaarutisiaqartitsisumi, ingerlatseqatigiiffiutigisami aktiatigut piginneqataassuteqarluniluunniit aningaasaatit minnerpaamik 25 procentiinik, piffissami atasuinnarmi sivikinnerpaamik ukiumik 1-imik sivilissuseqartumi, taassumalu iluani iluanaarutininik agguassiffusussami, pigisaqartut.

Imm. 8. Piginneqatigiiffiutigisap iluanaarutisariatitai tassaapput ingerlatseqatigiiffiup ingerlatseqatigiiffimmi pigisami aktiaateqarluni piginneqataassuteqarluniluunniit aningaasaatit minnerpaamik 25 procentiinik, piffissami atasuinnarmi sivikinnerpaamik ukiumik ataatsimik sivilissuseqartumi, taassumalu iluani iluanaarutininik agguassiffusussami pigisaqartup, iluanaarutai.

§ 38 i. Ingerlatseqatigiiffiit § 38 h, imm. 1-5-imi taaneqartut, kapitalimi matumani maleruagassani pineqartunut ilaasut aningaasarsiaat akileraaruteqaataasussat inatsimmi maleruagassat nalinginnaasut, aalajangersagaq una malillugu allannguuteqartut malillugit naatsorsorneqassapput.

Imm. 2. Aningaasarsianut akileraaruteqaataasussanut ilanngunneqassanngillat piginneqatigiiffiutigisami iluanaarutit, tak. § 38 h, imm. 8, imaluunniit iluanaarutit, iluanaarut akileraarutaannik § 86 malillugu

inaarutaasumik uninngatitsiffigineqartoq. Oqaaseqatigiilli siullit taamaallaat atuupput iluanaarutisianut, taamaattorli tak. § 86, ingerlatseqatigiiffup iluanaarutisiaqartitsisup aningaasarsiaasa akileraaruteqaataasussat naatsorsorneranni iluanaarutitik agguanneqartunik ilanngaatisimanngisaanut atuupput. Oqaaseqatigiinni siullermi aalajangersagaq aamma atuutinngilaq iluanaarutisianut, iluanaarutit agguanneqartut ingerlatseqatigiiffutigisap annikinnerusumik pigineqartutut ilanngaatigippagit, ilanngaallu iluanaarutit agguanneqartut akunnattumik annertussusilimmik akileraaruserneqarnerannik illua´tungilerneqanngippat.

Imm. 3. Ingerlatseqatigiiffit kapitalimi matumani maleruagassani pineqartut iluanaarutit agguassaasat, § 27 apeqquataatinnagu, sukkulluunniit ilanngaatigineqarsinnaanngillat.

§ 38 j. Ingerlatseqatigiiffit § 38 h, imm. 1-4-mi pineqartut, kapitalimi matumani maleruagassani pineqartut § 86, imm. 1 aamma 2 apeqquataatinnagit, iluanaarutitik tunniussinermi iluanaarutinit akileraarutit 24 procentiusut uninngatissavaat, taamaattorli tak. imm. 2. Aningaasat uninngatinneqartut iluanaarutinit akileraarutitik taaguuteqartinneqarput, inaarutaasumillu akileraarutaallutik. Uninngatitsineq iluanaarutinit piumasarineqartunit allanit, matumani aamma aktiaateqarluni ingerlatseqatigiiffup piginneqataassuteqarluni ingerlatseqatigiiffulluunniit piumasarisaanit, salliutinneqassaaq. Uninngatitsineq akileraaruseriffimmullu il.il. nalunaaruteqarneq § 88-imi maleruagassat naapertorlugit pissaaq.

Imm. 2. Pisunili imm. 1-imi taaneqartuni iluanaarutinit akileraarutit annertussusii 14,67 procentiussapput, akileraaruseriffik ingerlatseqatigiiffup iluanaarutitik tunniussisup kommunitut akileraarfigippagu, tak. § 68, imm. 2.

Imm. 3. Iluanaarutinilli akileraarutit annertussusii 0 procentiussapput, pissarsisoq ingerlatseqatigiiffuppat alla kapitali 3 b-mi pineqartoq. Oqaaseqatigiit siullit atuutissanngillat iluanaarutit ingerlatseqatigiiffimmit Kalaallit Nunaanneersumeersut, ingerlatseqatigiiffup taassuma ingerlatseqatigiiffutigisat nunami allami angerlarsimaffeqartumi aktiaatiminit toqqaannartumik toqqaannangitsumilluunniit pissarsiaanik agguasseqqinnermit pisuuppata, ingerlatseqatigiiffillu Kalaallit Nunaanneersoq iluanaarutitik pissarsiarineqartunik piginnittuiusimangippat.

Kapitali 4

Soraarnerussutisiatigut aaqqissuussinerit

§ 39. Soraarnerussutisiatigut inuunermullu sillimmasiissutitigut aaqqissuussinernut ingerlaavartumik inuuneq tamaat, toqunikkut unittussanik, pisartagaqarfigineqartartussanut akilersuutit, tamakkununga ilanngullugit aapparisaq imaluunniit inooqatigisap qitornallu soraarnerussutisiassanit pisartagaqartinnissaannut kiisalu innarluutilittut ingerlaavartumik soraarnerussutisiassanut akilersuutit aningaasarsiat akileraaruteqaataasussat naatsorsorneranni ilanngaatigineqarsinnaapput. Taamaattorli piumasarisat makku naammassineqarsimassapput:

1) Aaqqissuussinerit soraarnerussutisiaqarnissamut aningaasaateqarfimmi Kalaallit Nunaanni angerlarsimaffeqartumi, sillimmasiisarnerlu pillugu inatsimmi pineqartunut ilaasumi pilersinneqarsimassapput. Aaqqissuussinerittaag inuunermut soraarnerussutisiaqarnissamullu sillimmasiisarfimmi Kalaallit Nunaanni angerlarsimaffeqartumi, Finanstilsynimit akuersissummik peqarluni sillimmasiisarnermik ingerlatsisumi pilersinneqarsinnaapput.

2) Utoqqalineq pissutigalugu soraarnerussutisiani inuuneq naallugu pisartagassanik aammalu naammaataasunik inuuneq naallugu pisartagassaanngitsunik aningaasartaqartuni, utoqqalineq pissutigalugu soraarnerussutisiat ilaannit naammaataasunit, inuuneq naallugu pisartagaasunit tunniunneqartut 50 procentiinit amerlanerussanngillat.

3) Utoqqalineq pissutigalugu soraarnerussutisiat siusinnerpaamik 60-inik ukioqalernermi, taakkuninnga ukiukinnerunissaq akileraartarnermut ingerlatsivimmit akuerineqarsimangippat, tunniunneqartarnerat aallartissinnaavoq.

4) Aappaasumut inooqatigisamulluunniit pisartagaritinneqartartut aappaasumut toqukkut qimagaasumut, aappaasumut avissimasamut inooqatigisamulluunniit pisassanngortinneqarsinnaapput. Inooqatigisaq tassaavoq:

a) Inuk aqqatigut taasaq, toqusup pisassanngortitsinerup nalaani najugaqatigisimasaa, imaluunniit

b) Inuk toqusup:

1. katissimasinnaasaralua imaluunniit nalunaarsugaasumik inooqatigisimasinnaasaralua aamma

2. testamentiliornermigut, aappaasup pinngitsoorani kingornussassaasa minnerpaamik angeqqataannik kingornussisussanngortissimasaa. Testamenti toqussaq qaammatinik pingasunik sioqqullugu pilersinneqarsimassaaq, aamma

3. toqussaq sioqqullugu ukiuni kingullerni marlunni najugaqatigisimasaa. Imaluunniit siusinnerusukkut piffissami atasunnarmi sivikinnerpaamik ukiuni marlunni najugaqatigisimasaa, najugaqatigiinneq paaqqinniffimmut, matumani aamma utoqqaat najugaqarfianut inissinneqarneq pissutigiinnarlugu kipitinneqarsimappat, imaluunniit

c) Inuk toqusup piffissami toqqummini najugaqatigisimasaa toqusulluunniit siusinnerusukkut najugaqatigisimasaa, najugaqatigiinneq paaqqinniffimmut, matumani aamma utoqqaat najugaqarfianut inissinneqarneq pissutigiinnarlugu kipitinneqarsimappat, aamma toqusumit naartusoq, qitornaqartoq qitornaqarsimasorluunniit.

5) Apparisaq katissimasap, apparisaq avissimasap imaluunniit inooqatigisap qimataasup soraarnerussutisiat pisartagarisinnaavai sivikinnerpaamik ukiuni qulini.

6) Taamaattorli qitornanut toqukkut qimagaasunut, aamma qitornarsianut, soraarnerussutisiarititat pisartagaritinneqassapput sivilunerpaamik qitornaasut 24-nik ukioqalernerat tikillugu.

Imm. 2. Inuunermut sillimmasiineq pineqarpat sillimmasiisoq sillimmasigaassaaq sillimmasiisummillu piginnittuussalluni. Sillimmasiineq sulisuusup taassumalu sulisitsisuata isumaqatigiissuteqarnerat tunngavigalugu pilersinneqarsimappat, aammalu akiliutit akileeqataassutillu sulisitsisumit akilerneqartarpata, taava sulisuusup sillimmasigaassaaq sillimmasiisummillu piginnittuussalluni.

Imm. 3. Taamaattorli ingerlaavartumik inuuneq tamaat tunniunneqartartussanut ukiumut 8.000 koruunit sinnersimangippatigit soraarnerussutisiaqartitsinermi aqqissuussanit, imm. 1-imi taaneqarsimasunit, atorfinitsitaanermullu atasumik pilersinneqarsimasunit, tunniunneqartussat aningaasanngorlugit ataasiaannartumik tunniunneqarsinnaapput.

Imm. 4. Taamaattorli aningaasat soraarnerussutisiaqalernissamut aqqissuussinernit soraarnerussutisiaqalernissamut aningaasaateqarfinni imaluunniit inuunermut soraarnerussutisiaqalernissamullu selskabini Kalaallit Nunaanni angerlarsimaffeqartuni pilersinneqarsimasut ukiuni tulleriinni marlunni tunniuttagassat nalingi, aammalu atorfeqarnermut tunngatillugu pilersinneqarsimasut, aningaasanngorlugit ataasiaannartumik tunniunneqarsinnaapput.

§ 39 a. Aningaasarsiat akileraaruteqaataasussat naatsorsorneranni ilanngunneqassanngillat soraarnerussutisiaqarnissamut imaluunniit inuunermut sillimmasiineramik aqqissuussinermut ingerlaavartumik, toqunikkut unittussamik tunniussiviusartumit tunniunneqartut, aqqissuussinermut akiliutit ilanngaatigineqarsinnaanerat imaluunniit sulisitsisup akileeqataassutaasa ilanngunneqartussaanninnerat Danmarkimi, Savalimmiuni imaluunniit Kalaallit Nunaanni aningaasarsiat akileraaruteqaataasussat naatsorsorneranni tamakkiisumik ilaannakuusumilluunniit atuutsinneqarsimanngitsoq, imaluunniit § 46, imm. 5 imaluunniit 6-i naapertorlugit akitsuut akilerneqarsimasooq soraarnerussutisiaqarsinnaatitaasup sillimmasiisulluunniit uppersarsinnaappagu.

Imm. 2. Imm. 1-imi aalajangersagaq taamaallaat atuutissaq piimasaqaatit makku eqquutsinneqarpata:

- 1) Aqqissuussineq soraarnerussutisiaqarnissamut aningaasaateqarfimmi, sillimmasiisarneq pillugu inatsimmi pineqartunut ilaasumi imaluunniit inuunermut soraarnerussutisiaqarnissamullu sillimmasiisarfimmi, Finanstilsynimit akuersissummik peqarluni sillimmasiisarnermik ingerlatsisumi pilersinneqarsimassaaq. Soraarnerussutisiaqarnissamut aningaasaateqarfik imaluunniit inuunermut soraarnerussutisiaqarnissamullu sillimmasiisarfik Danmarkimi angerlarsimaffeqassaaq.
- 2) Utoqqalineq pissutigalugu soraarnerussutisiat siusinnerpaamik 60-inik ukioqalernermi, taakkuninnga ukiukinnerunissaq akileraartarnermut ingerlatsivimmit akuerineqarsimanngippat, tunniunneqartarnerat aallartissinnaavoq
- 3) Utoqqalineq pissutigalugu soraarnerussutisiani inuuneq naallugu pisartagassanik, naammaataasunillu inuuneq naallugu pisartagassaannigitsunik aningaasartaqartuni, utoqqalineq pissutigalugu soraarnerussutisiat ilaannit naammaataasunit tunniunneqartut, utoqqalineq pissutigalugu soraarnerussutisiat ilaannit inuuneq naallugu pisartagassanik tunniunneqartut 50 procentiit amerlanerussanngillat.
- 4) Aappaasumut inooqatigisamulluunniit pisartagaritinneqartartut aappaasumut toqukkut qimagaasumut, aappaasumut avissimasamut inooqatigisamulluunniit pisassanngortinneqarsinnaapput. Inooqatigisaq tassaavoq:
 - a) Inuk aqqatigut taasaq, toqusup pisassanngortitsinerup nalaani najugaqatigisimasaa, imaluunniit
 - b) Inuk toqusup:
 1. katissimasinnaasaralua imaluunniit nalunaarsugaasumik inooqatigisimasinnaasaralua aamma
 2. testamentiliornermigut, aappaasup pinngitsoorani kingornussassaasa minnerpaamik angeqqataannik kingornussisussanngortissimasaa. Testamenti toqussaq qaammatinik pingasunik sioqqullugu pilersinneqarsimassaaq, aamma
 3. toqussaq sioqqullugu ukiuni kingullerni marlunni najugaqatigisimasaa. Imaluunniit siusinnerusukkut piffissami atasuinnarmi sivikinnerpaamik ukiuni marlunni najugaqatigisimasaa, najugaqatigiinneq paaqqinniffimmut, matumani aamma utoqqaat najugaqarfiannut inissinneqarneq pissutigiinnarlugu kipitinneqarsimappat, imaluunniit
 - c) Inuk toqusup piffissami toqqummini najugaqatigisimasaa toqusulluunniit siusinnerusukkut najugaqatigisimasaa, najugaqatigiinneq paaqqinniffimmut, matumani aamma utoqqaat najugaqarfiannut inissinneqarneq pissutigiinnarlugu kipitinneqarsimappat, aamma toqusumit naartusoq, qitornaqartoq qitornaqarsimasorluunniit.
- 5) Aappaasumut toqukkut qimagaasumut, aappaasumut avissimasamut inooqatigisamulluunniit pisartagaritinneqartartut sivikinnerpaamik ukiuni qulini tunniunneqartassapput.

6) Toqusulli qitornaanut, matumani aamma qitornasaanut toqukkut qimagaasunut pisartagaritinneqartartut qitornat 24-nik ukioqalernerat tikillugu taamaallaat tunniunneqartarsinnaapput.

Imm. 3. Inuunermut sillimmasiineq pineqarpat sillimmasiisoq sillimmasigaassaaq sillimmasiisummillu piginnittuussalluni. Sillimmasiineq sulisuusup taassumalu sulisitsisuata isumaqatigiissuteqarnerat tunngavigalugu pilersinneqarsimappat, aammalu akiliutit akileeqataassutillu sulisitsisumit akilernerqartarpata, taava sulisuusooq sillimmasigaassaaq sillimmasiisummillu piginnittuussalluni.

Imm. 4. Soraarnerussutisiaqarnissamut aaqqissuussinermut akiliinerit aningaasat akileraarusigaasut akileraarusigaanngitsullu atorlugit pisimappata, aningaasat tunniunneqartut ilaat inuup aningaasat akileraarusigaasut atorlugit akiliuteqarfingeqarsimasut uppersarsinnaasaanut naapertuuttut aningaasarsiat akileraaruteqaataasussat naatsorsorneranni ilanngunneqassanngillat. Tunniunneqartut ilaat aningaasat akileraarusigaasut atorlugit akiliuteqarfingeqarsimasut iluanaarutininik, ernianik assigisaannilluunniit taperneqassanngillat.

Imm. 5. Ingerlaavartumik, toqunikkut unittussamik tunniunneqartartut ukiumut 5.000 kr-it qaangersimangippatigit, soraarnerussutisiaqarnissamut aaqqissuussinernit imm. 1-imi 2-milu taaneqartunit, atorfnitsitaanermut atatillugu pilersinneqarsimasunit tunniunneqartussat ataasiaannartumik tunniunneqarsinnaapput.

Imm. 6. Aningaasat soraarnerussutisiaqarnissamut aaqqissuussinernit imm. 1-imi 2-milu taaneqartunit, soraarnerussutisiaqarnissamut aningaasaateqarfinni imaluunniit inuunermut soraarnerussutisiaqarnissamullu sillimmasiisarfinni Kalaallit Nunaanni angerlarsimaffeqartuni pilersinneqarsimasunit, aammalu atorfnitsitaanermut atatillugu pilersinneqarsimasunit ukiuni marlunni ingerlaavartumik tunniunneqartartussat amerlaqataat ataasiaannartumik tunniunneqarsinnaapput.

Imm. 7. Tunniunneqartussat ilaat imm. 1 aamma 2 naapertorlugit akileraarusigassaanngitsut pillugit maleruagassat erseqqinnerusut Naalakkersuisunit aalajangersarneqarsinnaapput.

§ 39 b. Inuit aningaasarsiamik akileraaruteqaataasussat naatsorsorneranni soraarnerussutisiaqarnissamut aaqqissuussinernit tunniunneqartunik ilanngussisussaangitsut, tak. § 39 a, imm. 1 aamma 2, ernianut aningaasartuutit, tak. § 15, imm. 1, aningaasarsianit akileraaruteqaataasussanit tamakkiisumik ilanngaatisinnaanngikkunikkit, ilanngaatisap atunngitsuukkap akileraarutitigit nalingata tunniunneqarnissaa akileraaruseriffimmut qinnutigisinnaavaat.

Imm. 2 Imm. 1 naapertorlugu tunniussinermi piunasaqaatit makku eqquutsinneqarsimassapput:

- 1) ernianut aningaasartuutit illuummik Kalaallit Nunaanniittumik pisinerit ingerlatsinermulluunniit tunngasuussapput,
- 2) taarsigassarsiat illuummik taassuminnga qularnaveeqqusigaassapput,
- 3) inuup illuut najugaqarfignavaa, aamma
- 4) ilanngaataappaasumut inooqatigisamut § 4 d, imm. 2 naapertorlugu nuunneqarsinnaassanngillat.

Imm. 3. Tunniunneqartussat annerpaamik amerlaqatigisinnaavaat aningaasat soraarnerussutisiaqarnissamut aaqqissuussinernit pineqartunit tunniunneqartut akileraartussaataasup aningaasarsianik akileraaruteqaataasussaangitsunik allanik ilasat, ernianut ilanngaatinut atunngitsuukkanut sanilliullugit naatsorsorneqartut.

Imm. 4. Tunniussinerit qaammammut kingumoortumik pissapput. Ukiumut aningaasarsiorfusumut, ernianut ilanngaatit attuumassuteqarfignavaat inaarummik naatsorsuinerup nassiunneqarnera

ilutigalugu, kingusinnerpaamillu ukiumi, ukiup aningaasarsiorfiup tulliani ulloq 1. september, akileraaruseriffiup tunniunneqartut imm. 1-imi taaneqartut naatsorsorsussavai nikingassutaajunnartullu tunniutissallugit akiligassiissutigissallugilluunniit.

§ 39 c. Soraarnerussutisianut aaqqissuussinernit soraarnerussutisiassat, soraarnerussutisianut ingerlatseqatigiiffimmit Kalaallit Nunaanni angerlarsimaffeqartumit, soraarnerussutisianut ingerlatseqatigiiffimmut Kalaallit Nunaanni angerlarsimaffeqarani sillimmasiisarfiit pillugit inatsimmi pineqartunut ilaasumut aammalu Finanstilsynip akuerisimasaanut, nuunneqarneranni, naafferartumik annertoqqatigiinnik tunniunneqartartussanik sillimmasiissuteqarneq pilersinneqareersimasooq soraarnerussutisianik pisinnaatitaasup imaluunniit sillimmasertittup uppersarsinnaappagu, isertitat akileraaruteqaataasussat naatsorsorneqarneranni, soraarnerussutisiaqalernissaq siunertaralugu naafferartumik annertoqqatigiinnik tunniunneqartartussanik sillimmasiissummit, soraarnerussutisianut ingerlatseqatigiiffimmi Kalaallit Nunaanni angerlarsimaffeqarani, sillimmasiisarfiit pillugit inatsimmi pineqartunut ilaasumi aammalu Finanstilsynip akuerisimasaani, pilersinneqarsimasumit, tunniunneqartut ilaatinneqassanngillat. Tamanna soraarnerussutisiassanut annertoqqatigiinnik tunniunneqartartussanut toqqorsivimmit tunniunneqartunut, soraarnerussutisianut aaqqissuussinernit soraarnerussutisiassat nuunneqarnerannut ilaatillugu nuunneqartunut taamaallaat atuuppoq, ilanngullugit toqqorsiviup taassuma erniaannit tunniussinerit.

Imm. 2. Akiliutit soraarnerussutisianut aaqqissuussinernit soraarnerussutisiassat nuunneqarnerat qaammatinik 4-nik sioqqullugu isumaqatigiissummi allassimasumit akileraaruteqannginnermi qaffasinnerusumik aningaasartaqanngippata, toqqorsiviup soraarnerussutisianut aaqqissuussinernit soraarnerussutisiassat nuunneqarnerannut ilaatillugu nuunneqareernerata kingorna soraarnerussutisianut annertoqqatigiinnik tunniunneqartartussanut toqqorsivimmut akiliuteqartoqparpat, aamma imm. 1 toqqorsiviup ilaanut akiliutinit taakkunannga annertusitinneqartumut atuutissaaq. Ataatsimoorussamik sulisartunut isumaqatigiisuteqarnermi isumaqatigiisutigineqarpat akiliinerit aningaasarsiat procentianik naatsorsorneqartassasut, akiliutit soraarnerussutisianut aaqqissuussinernit soraarnerussutisiassat nuunneqarnerat qaammatinik 4-nik sioqqullugu isumaqatigiissummi allassimasumit aningaasarsianit procentiliussaq qaffasinnerusimangippat, imm. 1 aamma atuutissaaq. Annertoqqatigiinnik tunniunneqartartussanut sillimmasiissuteqarneq pillugu isumaqatigiisut, soraarnerussutisianut aaqqissuussinernit soraarnerussutisiassat nuunneqannginneranni qaammatinik 4-nik kingusinnerusumi pilersinneqarsimappat, akiliinerit akileraaruteqannginnermi qaffasinnerusunik aningaasartaqassanngillat aamma pilersitsinerup nalaani isumaqatigiissummi allassimasunit aningaasarsianit procentiliussaq qaffasinnerussanani. Soraarnerussutisianut aaqqissuussinernit soraarnerussutisiassat nuunneqannginneranni qaammatinik 4-nik kingusinnerusumi ataatsimoorumik sulisartunut isumaqatigiisuteqarnerup malitsigisaanik aningaasartat imaluunniit procentiliussaq allanngortinneqarsimappat, akiliinerit akileraaruteqannginnermi qaffasinnerusumik aningaasartaqassanngillat imaluunniit aningaasarsianit procentiliussaq isumaqatigiisuteqarnermi allassimasunit qaffasinnerussanani. Isertitat akileraaruteqaataasussat naatsorsorneqarneranni annertoqqatigiinnik tunniunneqartartussatut sillimmasiissummit tunniussinerit ilaatinneqarsinnaasimangippata, § 39 b aamma § 67 a taamaaqataanik atuutissapput.

§ 39 d. Akiliinerit aningaasat akileraarusigaasut atorlugit pisimappata, soraarnerussutisianut aningaasaateqarfinit, inuunermut soraarnerussutisianullu sillimmasiisarfinit, aningaaserivinnit il.il. Danmarkimi imaluunniit Kalaallit Nunaanni angerlarsimaffeqanngitsunit imaluunniit Kalaallit Nunaanni aalajangersimasumik ingerlatsiveqanngitsunit soraarnerussutisianik tamakkiisumik ilaannaasumilluunniit akileraaruserneqartussaangitsunik siunissami tunniussisarnissaq, Akileraartarnermut ingerlatsiviup qinnuteqartoqarneratigut akuerisinnaavaa. Piumasaqaatit makkua tamarmik naammassineqarsimassapput:

1) Aaqqissuussineq soraarnerussutisiaqarsinnaatitaasup imaluunniit sillimmasiisup Kalaallit Nunaannut tamakkiisumik akileraartussaataalinnginnerani pilersinneqarsimassaaq aammalu aaqqissuussineq nunami Kalaallit Nunaata marloqiusamik akileraarusiinnginnissaq pillugu isumaqatigiissuteqarfigisimasaani pilersinneqarsimappat, soraarnerussutisiaqarsinnaatitaasoq imaluunniit sillimmasiisoq isumaqatigiissummi aalajangersakkat malillugit Kalaallit Nunaanni angerlarsimaffeqartutut isigineqassalluni.

2) Nunani allani, Danmarkimi, Savalimmiuni imaluunniit Kalaallit Nunaanni isertitanik akileraaruteqartussanik naatsorsuinerimi, aaqqissuussinermit akiliinernut tamakkiisumik ilaannaasumilluunniit ilanngaatigineqarsinnaaneri imaluunniit ilanngaasiisoqarsinnaatitaaneri atuussimanngitsoq, soraarnerussutisiaqarsinnaatitaasup imaluunniit sillimmasiisup uppernarsassavaa, taamaattoq takuuk imm. 3.

3) Soraarnerussutisiaqarsinnaatitaasup imaluunniit sillimmasiisup Kalaallit Nunaannut tamakkiisumik akilerartussaataalernerata kingorna aaqqissuussinermit akiliisoqarsimassanngitsoq, Norgemi, Savalimmiuni Islandimi imaluunniit nunani allani EU-mut ilaasortaasuni akileraarusiinermit ingerlatsisut soraarnerussutisiaqalertussaataaneq pillugu Inatsisartut inatsisaat naapertorlugu akuerisimasaat eqqaassanngikkaanni.

4) Tamatumunnga Kalaallit Nunaat akileraarusiisinnaatitaasimappat, piffissami soraarnerussutisiaqarsinnaatitaasup imaluunniit sillimmasiisup Kalaallit Nunaannut akileraartussaataaneranani soraarnerussutisianut aaqqissuussinermit pissarsianit akileraarummik akiliisoqarsimassaaq.

Imm. 2. Aaqqissuussinermik pilersitsinerimi imaluunniit aaqqissuussinermit akiliinermi siunertaasut pingaarnerit ilaat Kalaallit Nunaanni imaluunniit Kalaallit Nunaata avataani akileraaruserneqarnissamik pinngitsuuiniarnertut isigineqartariaqartoq, pissusiviusut aammalu pisut tamaasa eqqarsaatigalugit naapertuuttumik aalajangiunneqarsinnaappat, imm. 1-imi piumasaqaatit naammassineqarsimanerat apeqqutaatinnagu, akileraartarnermut ingerlatsiviup qinnuteqaatip akuerinissaa itigartissinnaavaa.

Imm. 3. Soraarnerussutisianut aaqqissuussinermit akiliinerit aningaasat akileraarusigaasut imaluunniit akileraarusigaanngitsut atorlugit pisimappat, imm. 1 naapertorlugu akuersissuteqarnermi tunniussinerit ilai, inuup aningaasat akileraarusigaanngitsut atorlugit akiliinernut tunngassuteqartut uppernarsarsinnaasaattut annertussuseqartut, kisimik ilaatinneqassapput. Pissarsiat, erniat assigisaalluunniit aningaasat akileraarusigaanngitsut atorlugit akilerneqartunut tunngassuteqartut ilanngunneqassanngillat.

§ 40. Soraarnerussutisiaqalernissaq siunertaralugu naafferartumik akilersuilluni sillimmasiutitut akiliutit aningaasarsiat akileraaruteqaataasussat naatsorsorneranni ilanngaatigineqarsinnaapput, aalajangersagaqarpat aningaasat sillimmasiutit sivikinnerpaamik ukiuni qulini amerlaqatigiiaarlugit

tunniunneqartassasut aammalu sillimmasersimasooq inuutillugu tunniunneqartut sillimmasersimasumullu tunniunneqartarpata. Taamaattorli piumasaqaatit makkua naammassineqarsimassapput:

- 1) Isumaqaatigiissut pilersinneqarsimassaaq inuunermt soraarnerussutisiaqalernissamullu sillimmasiisarneq pillugu selskabimi Kalaallit Nunaanni angerlarsimaffeqartumi aammalu inuunermt sillimmasiisarfimmik ingerlatsinissamut Finanstilsynimit akuerineqarsimasumi.
- 2) Sillimmasersimasup 60-inik ukioqalereernerani isumaqaatigiissut taamaallaat pilersinneqarsinnaavoq isumaqaatigiissummut taamatut ukioqalerneq sioqqullugu pilersinneqarsimasumut ilassutitut, aammalu isumaqaatigiissut siulleq eqqarsaatigalugu piffissanut tunniussivissanut tunngatillugu tunniuttakkat sillimmasiutit amerlassusissaata siusinnerusukkut isumaqaatigiissutaasimasup affaa sinnerlugu amerlassuseqassanatik.
- 3) Sillimmasiutinik pisartooq sillimmasersimassaaq sillimmasiutinillu piginnittuulluni. Sillimmasiutit pilersinneqarsimappata sulisuusup sulisitsisuatalu isumaqaatigiissuteqarneratigut akiliutillu sulisitsisup akilertarpagut sulisuusooq sillimmasersimassaaq sillimmasiutinillu piginnittuulluni.
- 4) Sillimmasersimasup 80-inik ukioqalereernerani piffissamik tunniussivissamik isumaqaatigiissutitip siulluup ulluanit kingusinnerusumik tunniussisarnissamik isumaqaatigiissuteqartoqarsinnaangilaq. Naafferarlugu tunniussuineq aallartissinnaavoq siusinnerpaamik sillimmasersimasup 60-iliineraniit, ukiukinnerunissaq akileraaruseriffimmit akuerineqarsimanngippat. Taamaattorli isumaqaatigiissutigineqarsinnaavoq tunniussuineq aallartissinnaasoq sillimmasersimasooq 60-illuunniit angunagit innarluuteqalersimappat imaluunniit toqusimappat.

Imm. 2. Isumaqaatigiissummi salliutinneqarsinnaasutuaapput sillimmasersimasup, takuuk sillimmasiutit isumaqaatigiissutigineqartarnerat pillugu inatsimmi § 105, imm. 5, "qaniginerpaasai" imaluunniit sillimmasersimasup aapparisa katissimasaa, avissimasaa, inuk aterorlugu taasaq sillimmasersimasup sillimmasermermi nalaani najugaqatigisimasaa, sillimmasersimasup inuuneq tamaat kingornussisussai, qitornarsiai imaluunniit qitornarsiat inuuneq tamaat kingornussisussai.

§ 40 a. Sillimmasiissutit sillimmaserneqartooq toqugaluarpalluunniit piffissami aalajangersimasumi tunniussaqaarfusartussat (tunniunneqartartussat qulakkiikkat), aammali § 39-mi, § 39 a-mi § 40-miluunniit piumasaqaatinik eqquutsitsisut, qulakkeerinnermt akiliut sillimmasiissummut tamarmiusumut akiliutip 10 pct.-ianit anginerunngippat soraarnerussutisiaqarnissamut aqqissuussinernut ingerlaavartumik, toqunikkut unittussamik tunniussiviusartussanut maleruagassat malillugit suliarineqassapput.

Imm. 2. Taamaattorli sillimmaserneqartup sillimmasiisarneq pillugu inatsisip paasineqartarneratuut "qaniginerpaasaasa" imaluunniit sillimmaserneqartumut aappaasup imaluunniit aappaasup avissimasap, sillimmaserneqartup kingornussisussaasa, qitornassaasa imaluunniit qitornassaasa kingornussisussaasa imaluunniit inuup aqqatigut taaneqartup, pisassanngortitsinerup nalaani sillimmaserneqartumik najugaqateqartup taassumaluunniit kingornussisussaasa saniatigut allanik policemi ilanngussisoqarsimannginnissaa piumasaqaataavoq.

§ 41. Aqqissuussinernut §§-ini 39-mi 40-milu taaneqartunut akileeqaataassutit akiliutillu pillugit ilanngaait piffissamut akiliiffiusumut tunngatinneqassapput, soorluttaaq ilanngaait ukiup aningaasarsiorfiup ilaani, akileeqaataassutit akiliutillu tunngassuteqarfigmaanni akissarsiat tamarmiusut 20 procentiit amerlanerusinnaangitsut. Aappariinnut imaluunniit nalunaarsugaasumik inooqatigiinnut

tunngatillugu ilanngaait, taakku akissarsiaasa tamarmiusut 20 procentiinit amerlanerusinnaangillat. Namminersorlutik inuussutissarsiuteqartunut tunngatillugu naatsorsuinnermut tunngavissaq, inuup taakkunatut atorfeqarluni akissarsiassaasut missingersukkat tunngavigalugit angissusilerneqassaaq.

Imm. 2. Sulisuusup aningaasarsiaasa akileraaruteqaataasussat naatsorsorneranni ilanngunneqassanngillat aningaasat, sulisitsisup aaqqissuussinernut §§-ini 39-mi 40-milu taaneqartunut akilersimasai.

Imm. 3. Soraarnerussutisiaqarnissamut aaqqissuussinernut ingerlaavartumik tunniussiviusartumut, tak. § 39, imaluunniit naafferartumik akilersuilluni sillimmasiinnermut, tak. § 40, ukiumi aningaasarsiorfusumi akiliutaasimasut akissarsiat tamarmiusut 20 procentiinit amerlanerusimappata, tak. imm. 2, aningaasat akiliivallaarutaasut utertinneqarnissaat akileraaruseriffup akuerisinnaavaa, pissutsit immikkut ittit taamaaliornissaq pissutissaqartippassuk.

§ 42. Aningaasarsianut akileraaruteqaataasussanut ilanngunneqassapput:

1) Soraarnerussutisiaqalernissamut aaqqissuussinernit ingerlaavartumik tunniussisartussamit soraarnerussutisiat, takuuk § 39, imm. 1, kiisalu § 39, imm. 3 aamma 4 malillugit aningaasat tunniunneqartartut piginnittumut namminermut, apparisaanut katissimasaanut inooqatigisaanulluunniit, tamatumani ilanngullugit apparisimasamut avissimasamut kiisalu inuuneq naallugu kingornussisussanut, qitornarsianut imaluunniit qitornarsianit inuuneq naallugu kingornussisussanut,

2) soraarnerussutisiaqalernissaq siunertaralugu naafferartumik sillimmasiutinit tigusartakkat, takuuk § 40, aaqqissuussinermi atugassarititat naapertorlugit naafferartumik tunniunneqartartut sillimmasersimasumut kiisalu sillimmasersimasup toqoreerneratigut naafferartumik tunniuttakkat, tassa kikkut salliutinneqarnissaat pillugu malittarisassat malillugit tunniunneqartarpata pineqartup apparisaanut katissimasaanut imaluunniit inooqatigisaanut, tamatumani ilanngullugit apparisimasamut avissimasamut imaluunniit inuuneq naallugu kingornussisussanut, qitornarsianut imaluunniit qitornarsiat inuuneq naallugu kingornussisussaannut, aamma

3) soraarnerussutisiaqalernissamut aaqqissuussinernit ingerlaavartumik tunniussisartussamit soraarnerussutisiat § 39, imm. 1 kiisalu § 39, imm. 3 aamma 4 malillugit tunniuttakkat aammalu soraarnerussutisiaqalernissaq siunertaralugu naafferartumik sillimmasiutinit tunniuttakkat, § 40 malillugu piginnittup katissimallugu apparisaanut avissimasaanut averusersimasaanulluunniit tunniunneqarpata, tassa najugaqatigiinnermi pigisat agguarneqarnerata kinguneranik pisassanngortinneqarsimappata.

Imm. 2. Naafferartumik tigusartakkat sillimmasiinnermit § 40-mi pineqartumit pisut aningaasarsiatut akileraaruteqaataasussaapput, tigusartakkat inunnut imm. 1, nr. 2-mi taaneqarsimangitsunut tunniunneqartaraluarpataluunniit.

Imm. 3. Soraarnerussutisiaqalernissamut aaqqissuussinernit ingerlaavartumik tunniussisartussamit soraarnerussutisiassat maanaannakkut unitsitat tunniunneqartut, soraarnerussutisiaqalernissamut aningaasaateqarfimmi imaluunniit inuunermut soraarnerussutisiaqalernissamullu selskabimi Kalaallit Nunaanni angerlarsimaffeqanngitsumi pilersinneqarsimasuneersut, aningaasarsiatut akileraaruteqaataasussaapput, taamaattorli takuuk § 43, imm. 5.

Imm. 4. Naafferartumik sillimmasiutinit inuunermut soraarnerussutisiaqalernissamulluunniit selskabimi pilersinneqarsimasumit sillimmasiinnerit maanaannarlu unitsitsinikkut tunniunneqartut, Kalaallit Nunaannilu angerlarsimaffeqanngitsuneersut, aningaasarsiatut akileraaruserneqassapput, taamaattorli takuuk § 43, imm. 5.

§ 43. Aningaasarsiat akileraaruteqaataasussat naatsorsorneqarneranni ilanngunneqartassanngillat tjenestemanditut soraarnerutissanut aamma Arbejdsmarkedets Tillægspensionimut nammineq akilersuutit aamma/imaluunniit sulisitsisup akilersuutai.

Imm. 2. Aningaasat aaqqissuussinernit imm. 1-imi taaneqartunit ingerlaavartumik tunniunneqartartut aningaasarsiat akileraaruteqaataasussat naatsorsorneqarneranni ilanngunneqartassapput.

§ 44. Inuunermut sillimmasiinernit aamma soraarnerussutisiaqarnissamut aaqqissuussinernit iluanaarutit aningaasarsiat akileraaruteqaataasussat naatsorsorneranni ilanngunneqassapput.

Imm. 2. Imm. 1 makkununga atuutingilaq:

1) aaqqissuussinerit § 39, imm. 1-imi, § 39 a, imm. 1- 2-imi, § 39 c-mi aamma § 40, imm. 1-imi pineqartunut ilaatinneqartut, kiisalu aaqqissuussinerit allat danskit soraarnerussutisianik akileraarusiisarnermut inatsisaanni § 53 A-mi pineqartunut ilaasut, soraarnerussutisianut sullissivimmi Danmarkimi angerlarsimaffeqartumi pilersinneqarsimasut.

2) soraarnerussutisiaqarnissamut aaqqissuussinernut danskit aningaaseriviini, soraarnerussutisiaqarnissamut aningaasaateqarfii aamma inuunermut soraarnerussutisiaqarnissamullu sillimmasiisarfiini pilersinneqarsimasunut, soraarnerussutisiaqarnissamut aaqqissuussinernik ilaallu ilanngullugit akileraarusiisarneq pillugu inatsimmi kapitali 1-imi pineqartunut kiisalu Lønmodtagernes Dyrtdsfondimi uninngasuutitut ernialiussanut,

3) naafferartumik akilersuilluni sillimmasiinernut aamma soraarnerussutisiaqarnissaq siunertaralugu naafferartumik akilersuilluni ileqqaakkanut, sillimmasiinernut akit nikerarneri najoqqutaralugit iluarsineqartartunut, ileqqaakkanut akit nikerarneri najoqqutaralugit iluarsineqartartunut, ataatsikkut akiliilluni sillimmasiinernut soraarnerussutisiaqarnissamullu ileqqaakkanut ataatsikkut tunniunneqartussanut, soraarnerussutisiaqarnissamut aaqqissuussinernik ilaallu ilanngullugit akileraarusiisarneq pillugu inatsimmi kapitali 1-imi pineqartunut, aamma

4) inuunermut sillimmasiinernut, sillimmaserneqartoq sillimmasersimanagerup naaffissaatut isumaqatigiissutigineqarsimasooq nallertinnagu toqussagaluarpad innarluuteqalissagaluarpalluunniit aatsaat tunniunneqarsinnaasunut, atorunnaarfissaatut isumaqatigiissutigineqartoq sillimmasersimasup 80-inik ukioqalernerata kingorna ullormit policep atuuffianit siullermit kingusinnerunngippat.

5) naafferartumik akilersuilluni soraarnerussutisiaqarnissamut toqqorsivimmit, soraarnerussutisiaqarnissamut ingerlatseqatigiiffimmit Kalaallit Nunaanni angerlarsimaffilimmit, soraarnerussutisiaqarnissamut ingerlatseqatigiiffimmut Kalaallit Nunaanni angerlarsimaffeqarani, sillimmasiisarfiit pillugit inatsimmi ilaasumut, Finanstilsynimit akuerineqartumik, sillimmatit imaannik nuussinermit iluanaarutit, naafferartumik akilersuilluni soraarnerussutisiaqarnissamut nuussereermermi akiliinernit, naafferartumik akilersuilluni soraarnerussutisiaqarnissamut toqqorsivimmi imarisat amerlisimanagerannit iluanaarutit imm. 1-imi atuupput.

Imm. 3. Aningaasarsianit akileraartussaataivoq piginnittoq imaluunniit piginnittup toquneratigut sillimmasiissummit tunineqarsinnaatitaasoq. Iluanaarutit sillimmasiinerup, ukiup aningaasarsiorfiup naanerani aningaasannorlugu nalingata ukiup ingerlanerani tunniunneqarsimasunik taperneqartup aammalu sillimmasiinerup, ukiup aningaasarsiorfiup aallartinnerani aningaasannorlugu nalingata ukiup ingerlanerani akiliutaasimasunik taperneqartup assigiinngissutaattut naatsorsorneqassapput.

Imm. 4. Sillimmasiinermit amigartoorutit, § 30, imm. 1-imi maleruagassat naapertorlugit taamaallaat ukiuni aningaasarsiorfusuni tulliuuttuni tallimani sillimmasiinerup taassuma iluanaarutitaanit ilanngaatigineqarsinnaapput.

Imm. 5. Soraarnerussutisiaqarnissamut aaqqissuussinernit il.il. imm. 1-imi taaneqartunit, tak. imm. 2 aamma 3, ingerlaavartumik iluanaarutit akileraaruserneqarnerannut matussutissatut tunniunneqartut, aningaasarsiat akileraaruteqaataasussat naatsorsorneranni ilanngunneqassanngillat. Aningaasat akileraarummut matussutissat kingusinnerpaamik tunniunneqassapput ukiumi, ukiup iluanaarutitik pisassaqaalerfiup tulliani.

Imm. 6 Soraarnerussutisiaqarnissamut aaqqissuussinernit inuunermullu sillimmasiinerit iluanaarutit nalunaarutigineqartarnerat aammalu iluanaarutit akileraarutitaasa akilernerqartarnerat pillugit maleruagassat erseqqinnerusut Naalakkersuisunit aalajangersarneqarsinnaapput.

§ 45. Soraarnerussutisiaqarnissamut isumaqatigiisummik sillimmasiinermilluunniit, soraarnerussutisiaqarnissamut aningaasaateqarfii aamma inuunermut soraarnerussutisiaqarnissamullu sillimmasiisarfiit Kalaallit Nunaanni angerlarsimaffeqartut akornanni nuussineq tunniussinertut akiliinertulluunniit suliarineqassanngilaq, nuussineq:

- 1) soraarnerussutisiaqarnissamut aamma inuunermut sillimmasiinermit aaqqissuussinerit ingerlaavartumik, toqunikkut unittussamik tunniussiviusartut akornanni pippat, tak. § 39,
- 2) soraarnerussutisiaqarnissamut aamma inuunermut sillimmasiinermit aaqqissuussinernit ingerlaavartumik, toqunikkut unittussamik tunniussiviusartunit § 39 a-mi pineqartuniit soraarnerussutisiaqarnissamut aamma inuunermut sillimmasiinermit aaqqissuussinernut ingerlaavartumik, toqunikkut unittussamik tunniussiviusartunit § 39 a-mi pineqartunit pippat,
- 3) soraarnerussutisiaqarnissaq siunertaralugu naafferartumik akilersuilluni sillimmasiinerit akornanni pippat, tak. § 40, aamma
- 4) soraarnerussutisiaqarnissaq siunertaralugu naafferartumik akilersuilluni sillimmasiinermit, tak. § 40, soraarnerussutisiaqarnissamut aamma inuunermut sillimmasiinerit § 39-mi pineqartunit pippat.

Imm. 2 Soraarnerussutisiaqarnissamut isumaqatigiisummik sillimmasiinermilluunniit, soraarnerussutisiaqarnissamut aningaasaateqarfii aamma inuunermut soraarussutisiaqarnissamullu sillimmasiisarfiit Kalaallit Nunaata avataani angerlarsimaffeqartut akornanni nuussineq tunniussinertut akiliinertulluunniit suliarineqassanngilaq, nuussineq:

- 1) soraarnerussutisiaqarnissamut aamma inuunermut sillimmasiinermit aaqqissuussinerit ingerlaavartumik, toqunikkut unittussamik tunniussiviusartut akornanni pippat, tak. § 39 aamma
- 2) soraarnerussutisiaqarnissamut aamma inuunermut sillimmasiinermit aaqqissuussinernit ingerlaavartumik, toqunikkut unittussamik tunniussiviusartunit § 39 a-mi pineqartuniit soraarnerussutisiaqarnissamut aamma inuunermut sillimmasiinermit aaqqissuussinernut ingerlaavartumik, toqunikkut unittussamik tunniussiviusartunit § 39 a-mi pineqartunit pippat.

Imm. 3. Aningaasanut nuunneqartunit tunngatillugu akileraartussaataanerup akitsuummilluunniit akiliisussaataanerup nuussineq sioqqullugu atuutilersimannginnissaa maleruagassat imm. 1-imiittut atorneqarnissaanni piumasaqaataavoq.

Imm. 4. Soraarnerussutisianut aaqqissuussinermit, naafferartumik imaluunniit ataatsikkut tunniunneqartussanit, aammalu danskit soraarnerussutisianik akileraarusiisarnermut inatsisaanni § 53 A-mi pineqartunit ilaasumit aammalu soraarnerussutisianut aningaasaateqarfimmi Danmarkimi

angerlarsimaffeqartumi, sillimasiinermik suliaqarnek pillugu inatsimmi pineqartunut ilaasumit, imaluunniit inuunermut soraarnerussutisianullu sillimasiisarfimmi Danmarkimi angerlarsimaffeqartumi, sillimasiinermik suliaqarnermik ingerlatsinissamat Finanstilsynimit akuersissummik tunineqarsimasumi pilersinneqarsimasumit, soraarnerussutisianut aaqqissuussinermut § 39 a imm. 1-imi aamma imm. 2-mi pineqartunut ilaasumut ingerlaavartumik tunniussiviusartumut, nuussineq, tunniussinertut imaluunniit akiliinertut suliarineqassanngilaq. Uniffik siulleq malillugu nuussineq akileraartarnermut ingerlatsivimmit akuerineqassaaq. Aaqqissuussinerup nuussinermi tigusiiffineqartup 2016-ip naanerani atuutilersimanissaa aammalu nuussinerup 2023 naatinagu akileraartarnermut ingerlatsivimmit akuerineqarsimanissaa, piumasaqaataavoq. Tamatuma saniatigut Kalaallit Nunaanni imaluunniit nunani allani aaqqissuussinermut akiliinerni ilanngaatigineqarsinnaaneri imaluunniit ilanngaasiisoqarsinnaatitaaneq atuussimangitsut, akileraartussaataasut uppersarsassagaat, piumasaqaataavoq. Nuussineq inummut ataatsimut soraarnerussutisianut aaqqissuussinermut pioreersumut imaluunniit pilersinneqaaqqammersumut allamut pissaaq. Aaqqissuussinernik allanik, naafferartumik imaluunniit ataatsikkut tunniunneqartussanut annertunerpaatigut sanilliunneqarsinnaasut, immikkoortumi matumani maleruagassat malillugit suliarineqarnissaa Akileraartarnermut ingerlatsiviup akuerisinnaavaa.

§ 46. Soraarnerussutisiaqarnissamat aaqqissuussinermi imaluunniit inuunermut sillimasiinermi piffissaq suli nallingitsoq atorunnaarsinneqartumit tunniunneqartunit akitsuut 55 procentiusoq akilerneqassaaq. Aaqqissuussinermut akiliutit ilanngaatigineqarsinnaanerat imaluunniit sulisitsisup akileeqaataasutaasa ilanngunneqartussaanginnerat aningaasarsiat akileraaruteqaataasussat naatsorsorneranni tamakkiisumik ilaannakuusumilluunniit atuutinneqarsimangitsoq, tak. § 39 a, imm. 1, uppersarsarneqarpat akitsuut 10 procentiusoq akilerneqassaaq. Soraarnerussutisiaqarnissamat aaqqissuussinermut akiliinertit aningaasat akileraarusigaasut akileraarusigaanngitsullu atorlugit pisimappata, aningaasat tunniunneqartut ilaat inuup aningaasat akileraarusigaasut atorlugit akiliuteqarfigineqarsimasutut uppersarsarsinnaasaanut naapertuuttut 10 procentimik akitsuuserneqassapput, tak. § 39 a, imm. 4. Soraarnerussutisianut aaqqissuussineq, imm. 5-6 malillugit akitsuuserneqartussaataasooq, aaqqissuussinertut isertitanik akileraaruteqartussanik naatsorsuinermi, aaqqissuussinermut akiliinerni ilanngaatigineqarsinnaanerattut imaluunniit ilanngaasiisoqarsinnaatitaanertut isigineqartoq.

Imm. 2 Piffissaq suli nallingitsoq atorunnaarsitsinertut isigineqassapput tunniussineq allatulluunniit pigisassanngortitsilluni qularnaveeqqusiussilluniluunniit tunniussineq kiisalu iliuutsit il.il., aaqqissuussinerup soraarnerussutisiaqarnissamat aaqqissuussinerunerata siunertaanik eqquutsitsiunnaarnermik kinguneqartut. Akitsuusigassaapput aningaasat, aaqqissuussineq tunniussinerup, nuussinerup iliuuseqarnerulluunniit nalaani atorunnaarsinneqartuuppat tunniunneqarsimasinnaagaluartut, imaluunniit fripolicep assigisaataluunniit aningaasanngorlugu nalinga. Iliuutsit taaneqartut soraarnerussutisiaqarnissamat aningaasaateqarfimmut imaluunniit inuunermut soraarnerussutisiaqarnissamulluunniit sillimasiisarfimmut piaartumik nalunaarutigineqarnissaat akitsuummik akiliisussaataasup pisussaaffigaa.

Imm. 3 Ataatsimut pigisanik agguaanikkut imaluunniit ataatsimut pigisaqarnermik atorunnaarsitsinikkut aappaasumut pisassanngortitsinermi imm. 2-mi maleruagassat atorineqassanngillat. Aappaasooq

pisassanngortitsinerup kingorna pigisarilikkaminit nammineerluni akileraartussaataalissaaq akitsuummilluunniit akiliisussaataalissalluni.

Imm. 4 Aaqqissuussineq soraarnerussutisianik akileraarusiisarneq pillugu inatsimmi kapitali 1-imi pineqartunut ilaappat imm. 1 aamma 2 atuutissanngillat.

Imm. 5. Soraarnerussutisiaqarnissamut ingerlatseqatigiiffimmi Kalaallit Nunaanni angerlarsimaffeqartumit, soraarnerussutisiaqarnissamut Kalaallit Nunaanni angerlarsimaffeqarani, sillimmasiisarfiit pillugit inatsimmi ilaasumut Finanstilsynimillu akuerisaasumut soraarnerussutisiaqarnermut aaqqissuussap imaanik nuussinermi imm. 1 aamma 2 atuutinngillat. Soraarnerussutisiaqarnissamut aaqqiissutit imaanik nuussinermi taamaattumi, soraarnerussutisiaqarnissamut aaqqiissutitut tamanut, ukiumi tassani soraarnerussutisiaqarnissamut aaqqissuussinerup imaanik nuussiffimmi, inuup, soraarnerussutisiaqarnissamut aaqqiissummik piginnittup, procentit akileraarusiissutissaasa tamarmiusut annertoqqataanik akitsuusiisoqassaaq. Inummut ataatsimut procentit akileraarusiissutissat tamarmiusut tassaasarpur kommunimut akileraarutit, nunamut tamarmut akileraarutit, nunamut tamarmut immikkut akileraarutit aamma kommuninut ataatsimut akileraarutit katinneri.

Imm. 6. Imm. 1 aamma 2 atussanngilaq, soraarnerussutisiaqarnissaaq siunertaralugu ileqqaakkanit soraarnerussutisiaqarnissamut aningaasaateqarfinnut, Kalaallit Nunaanni angerlarsimaffeqaratik, sillimmasiisarfiit pillugit inatsimmi ilaasuni imaluunniit inuunerumut aamma soraarnerussutisiaqarnissamut sillimmasiisarfinni, Kalaallit Nunaanni angerlarsimaffeqaratik, sillimmasiisarfirmik ingerlatsinissamut Finanstilsynimit akuersissuteqartunut, nuussinermi, nuussineq aalajangiinerup § 47 f, imm. 2, nr.1-imut ilaasup kingunerippagu. Nuussinermi taamaattumi, ukiumi tassani nuussiffimmi, soraarnerussutisiaqarnissaaq siunertaralugu ileqqaakkanik piginnittup, procentit akileraarusiissutissaasa tamarmiusut annertoqqataanik akitsuusiisoqassaaq. Inummut ataatsimut procentit akileraarusiissutissat tamarmiusut tassaasarpur kommunimut akileraarutit, nunamut tamarmut akileraarutit, nunamut tamarmut immikkut akileraarutit aamma kommuninut ataatsimut akileraarutit katinneri.

Imm. 7. Imm. 1 aamma 2 atuutissanngillat soraarnerussutisiaqarnissamut inuunermulluunniit sillimmasiinerumut aaqqissuussinerumut imaluunniit soraarnerussutisiaqarnissaaq siunertaralugu ileqqaakkanut piffissami qaammatinit 23-nit sivisunerusumi akiliuteqartoqarsimangippat, imaluunniit aaqqissuussinerup ileqqaakkalluunniit piffissami atorunnaarsitsiffusumi nalinga 10.000 kr.-init minneruppat.

§ 46 a. Pigisanit pissarsiat ilaasa akileraaruserneqartarnerat pillugu Inatsisartut Inatsisaat malillugu akileraarusiinerumut matussutissatut soraarnerussutisianut aaqqissuussinerumut tunniussinerit, isertitanut akileraaruteqartussanut ilanngunneqassanngillat aammalu piffissaanngitsumi atorunnaarsitsinerumut isigineqassanatik.

Imm. 2 Pigisanit pissarsiat ilaasa akileraaruserneqartarnerat pillugu Inatsisartut Inatsisaat malillugu akileraarummut matussutissatut aningaasanik tunniussineq, kingusinnerpaamik ukiup pissarsiassat pissarsiassanngorfata kingorna ukiumi pissaaq.

§ 47. Soraarnerussutisiaqalernissamut aningaasaateqarfiup imaluunniit inuunerumut soraarnerussutisiaqalernissamullu selskabip tunniussisussap § 46 malillugu akileraarut unerartissavaa akileraaruseriffimullu akilerlugu soraarnerussutisiaqalernissamut aningaasaateqarfiup imaluunniit

inuunermit soraarnerussutisiaqalernissamullu sillimmasiinermit selskabip akileraarummik akiliisussaataaeramik paasisaqarnerata kingornatigut kingusinnerpaamik qaammatip ataatsip qaangiunnerani. Nuussinermit § 46, imm. 5-imi taaneqartut, akitsuut akileraartarnermit ingerlatsivimmuut nalunaarutigineqassaaq akilerneqassallunilu, nuussinerup kingorna kingusinnerpaamik qaammatit sisamat qaangiuppata ulluinnarmi kingullermit.

Imm. 2. Soraarnerussutisiaqalernissamut aningaasaateqarfik imaluunniit inuunermit soraarnerussutisiaqalernissamulluunniit sillimmasiinermit selskabi akileraarummik unerartitsisussaanerminik naammassinninngitsoq, imaluunniit aningaasanik ikippallaanik unerartitsisoq aningaasat amigaataasut akilernissaannut toqqaannartumik landskarsimut akisussaasungussaaq, soraarnerussutisiaqalernissamut aningaasaateqarfiup imaluunniit inuunermit soraarnerussutisiaqalernissamullu sillimmasiinermit selskabip uppersarsarsinnaanngippagu inatsimmi matumani aalajangersakkat qarsupissimanagit. Soraarnerussutisiaqalernissamut aningaasaateqarfik imaluunniit inuunermit soraarnerussutisiaqalernissamullu sillimmasiinermit selskabip aningaasat unerartitassat landskarsimut akilertussanngussavai.

Imm. 3. Akileraarutip akileraaruseriffimmuut akilerneqarnissaanut maleruagassat sukumiinerusut Naalakkersuisut aalajangissavaat.

Kapitali 4 a

Soraarnerussutisiaqarnissaq siunertaralugu ileqqaakkat

§ 47 a. Kapitali una soraarnerussutisiaqarnissaq siunertaralugu ileqqaakkanut, aningaaserivinni Kalaallit Nunaanni angerlarsimaffeqartuni imaluunniit aalajangersimasumik ingerlatsiveqartuni, Finanstilsynimillu akuersisummik peqarlutik nunami maani aningaaseriveqarnermik ingerlatsisuni pilersinneqarsimasunut atuuppoq.

§ 47 b. Soraarnerussutisiaqarnissaq siunertaralugu ileqqaakkanut akiliutit soraarnerussutisiaqarnissaq siunertaralugu aningaaserivimmi pineqartumi uninngasuutit kontuinut immikkut ittunut ikineqassapput.

Imm. 2. Kontomut aalajangersakkatut ilaassaaq, aningaasaatit ingerlaavartumik erniallit il.il. kontomik piginnittumut tunniunneqassasut. Aammalu piginnittup toqunerani tunniussinissaq pillugu aalajangersaasoqassaaq. Ileqqaarnissamut aaqqissuussamik pilersitsinermit imaluunniit kingorna, piginnittup kingornussisussani imaluunniit § 39, imm. 1, nr. 4 aamma 6-imi taaneqartut, aapparisaq, najugaqatigisaaq imaluunniit meeqqat qimagaasut tiguisussatut ilanngussinnaavai. Piginnittup kingornussisussai tiguisussatut ilanngunneqarsimappata, tamarmik ileqqaakkanik tigusaqassapput, testamentimi imaluunniit inatsimmi allassimasut malillugit piginnittumit kingornussisussaataaneq naapertorlugu. Piginnittup "qaniginerpaasat" tiguisussatut ilanngussimappagit, ilanngussatut isigineqassaa pineqartup aapparisa imaluunniit, taamaattumik qimagaasoqanngippat, pineqartup meera imaluunniit, taamaattumik qimagaasoqanngippat, pineqartup kingornussisussai. Piginnittup ilanngussineq utertissinnaavaa, utertitsinnaannginnermik tiguisussamut isumaqatigiissuteqarsimannikkuni. Tiguisussamik ilanngussineq taassuminngalu tunuartitsineq taamaallaat atuutissaaq, aningaaserivimmuut allakkatigut nalunaarutigineqarpat imaluunniit aningaaserivimmit soraarnerussutisiaqarnissamut aaqqissuussinermit isumaqatigiissummi ilanngunneqarpat imaluunniit uppersarsarlugu atsiorneqarpat.

Imm. 3 Aamma piginnittoq, Siusinaartumik pensionisiat pillugit Inatsisartut inatsisaanni maleruagassat naapertorlugit siusinaartumik pensionisiaqarlersinneqassagaluarpat imaluunniit piginnittoq nappaammit inuunermut navianartorsiortitsisumik eqqorneqassagaluarpat piginnittumut tunniussinissaq aalajangerneqarsinnaavoq.

Imm. 4. Kontomut ilanngunneqarsinnaapput aapparisaq imaluunniit inooqatigisap soraarnerussutisiaqarnissaanut sillimat, meerarisap soraarnerussutisiaqarnissaanut sillimmat, innarluuteqalernermi soraarnerussutisiaqarnissamut sillimmat ataavartog § 39, imm. 1-imi taaneqartutut aamma perululluni napparsimanerit ilaat pillugit sillimmat.

Imm. 5. Akiliutit imm. 1-imi taaneqartut aningaasarsiat akileraaruteqaataasussat naatsorsorneranni ilanngaateqarsinnaapput. Ilanngaateqarsinnaatitaaneq uninngasuutinut kontumik pineqartumik piginnittumut atuuppoq, kina akiliuteqarsimanersoq apeqquatainnagu, taamaallaallu atuulluni piginnittoq nunami maani tamakkiisumik akileraartussaataatillugu akilernerqarsimasunut.

Imm. 6. Sulisuusup aningaasarsiaasa akileraaruteqaataasussat naatsorsorneranni ilanngunneqassanngillat aningaasat, sulisitsisup ileqqaakkanut imm. 1-imi taaneqartunut akiligai. Sulisitsisup akileeqataassutaasa ilanngunneqartussaanninnerat sulisuusup nunami maani tamakkiisumik akileraartussaataanerani akilernerqarsimasunut taamaallaat atuuppoq.

Imm. 7. Soraarnerussutisiaqarnissaq siunertaralugu ileqqaakkat iluanaarutitaat piginnittup aningaasarsiaasa akileraaruteqaataasussat naatsorsorneranni ilanngunneqassanngillat.

§ 47 c. Soraarnerussutisiaqarnissaq siunertaralugu ileqqaakkanik aningaaserivimmiittunik piginnittup aalajangersinnaavaa, aningaasat ileqqaakkat tamakkiisumik imaluunniit ilaannakortumik soraarnerussutisiaqalernissamut aningaasaateqarfinnut, aningaaserivimmit neqeroorutaasunut inissinneqassanersut. Soraarnerussutisiaqarnissamut ileqqaakkanik piginnittup kapitali manna malillugu ileqqaarnermi pigisani nalilinni, soraarnerussutisiaqalernissamut aningaasaateqarfimmu ilaannngitsuni aningaasaliisinnaanngilaq.

Imm. 2. Aningaaserivik soraarnerussutisiaqalernissamut aningaasaateqarfinnik arlalinnik pilersitsisinnaavoq, soraarnerussutisiaqalernissamut ileqqaartunut neqeroorutigineqarsinnaasunik, taamaasillutik aningaasaataat soqutigisaat sapinngisamik pitsaanerpaamik aningaasaliissutigineqartassallutik. Taamaattumik aningaaseriviup aningaasaliinerit aarlerinaatai paasisinnaassavaat, aqussinnaassavaat, nakkutigisinnaassavaat, misissorsinnaassavaat nalunaarutigisinnaassallugillu kiisalu ingerlatseqatigiiffup namminerimi aarlerinaataani ataatsimut naliliinerimi taakku eqqarsaatigisassallugit. Matuma saniatigut aningaaserivik pigisanut nalilinnut aningaasaliiffigineqartunut naleqquttumik paasisimasaqassaaq, soorlu qaqugukkulluunniit aningaasaliinernik aarlerinaatinut misissortuaannassasoq. Naggataatigut aningaaseriviup ukkatarissavaa ataatsimut pigisat nalillit qularnaatsuunerat, pitsaassusaat, akiliisinnaassusaat aamma imminut akilersinnaassusaat sullissat aningaasaataannik aningaasaliinerimi.

Imm. 3. Aningaaserivik ileqqaarnermut aningaasaateqarfinnik pilersitsisinnaavoq, sullitamut neqeroorutigineqarsinnaasunik, tassani piumasaqaataavoq, aningaaserivik taannaassammat soraarnerussutisiaqalernissamut aningaasaatit sumut pigisanut nalilinnut inissinneqassanersut aalajangiisussaq. Aningaaseriviup taamaalilluni toqqissisimanartumik isumannaatsuuneq, aningaasat nalingat attatiinnarnissaat kiisalu sapinngisamik annertunerpaamik iluanaaruteqarnissaq anguniassavaa.

Imm. 4. Aningaaserivik ileqqaarnermut aningaasaateqarfinnik arlalinnik sullitanut neqerooruteqarsinnaavoq, tassani sullitat nammineq ileqqaakkatik pigisanut nalilinnut qanoq ittunut inissineqassanersut aalajangiinissamut periarfissaqarlutik. Aningaasaateqarfiit taakku aningaasaateqarfimmit, aningaaseriviup aningaasaliinermi aalajangigaannit allaanerusumik aarlerinaateqarsinnaapput. Piumasaqaataavorli, aningaaserivik pigisanik nalilinnik imaluunniit pigisat nalillit suussusaanik arlalinnik, nioqqutissap suussusaa paasiniassallugu ajornakusoortuunngitsunik, imaluunniit nioqqutissanik aningaasanik aningaasaliissutaasunik tamakkiisumik imaluunniit ilaannakortumik annasaqaataanissaanut aarlerinaateqartunik, nioqqutissalli suussusaanik paasiniassallugu ajornakusoortuunngitsunik toqqaassasoq.

Imm. 5. Aningaaserivik ileqqaarnermut aningaasaateqarfinnik ilusilersuinermit, sullitat toqqaanissamut kiffaanngissuseqarfisaanni, § 47 d, imm. 1 aamma 2 malissavaa, aningaasaateqarfullu matuma saniatigut aarlerinaatinik siaruaaneq annertoq anguniassavaa.

§ 47 d. Aningaasat soraarnerussutisiaqarnissaq siunertaralugu ileqqaakkaniittut pigisamik aalaakkaasumik imaluunniit aktianik il.il., niuerfinni aaqqissuussaasuni imaluunniit niuerfittut aaqqissuussaasuni niuerutissatut ilanngunneqarsimanngitsunik, imaluunniit aktianik il.il., uninngasuutitut kontumik piginnittup atuisinnaanermik piginnaatitaaffinnik, akikillisaatinik assigisaannilluunniit, imaluunniit suliffeqarfimmi namminersorluni inuussutissarsiummi piginneqataassutinik tunineqarnissaanik siunertaqartunik, siunertamilluunniit ilaatut taama siunertaqartunik pisinermit atorneqarsinnaanngillat.

Imm. 2. Pappiaqqat aningaasanik nalillit, pappiaqqanik aningaasanik nalilinnik atuutilersitsisartumit ataatsimit atuutilersinneqartut piffissami pisarineqarfimminni nalingat soraarnerussutisiaqarnissaq siunertaralugu ileqqaakkat tamarmiusut 20 procentiannit anginerusinnaanngilaq. Kisianni pappiaqqanut aningaasanik nalilinnut, pappiaqqanik aningaasanik nalilinnik atuutilersitsisartumit ataatsimit atuutilersinneqartunut 50.000 kr.-it tamatigut atorneqarsinnaapput. Aningaasat taaneqartut kisitsisit akinut naleqqersuutit, kisitsisit akinut naleqqersuutit 1. julimeersut qaammatit 12-it kingullit ingerlaneranni allannguutaattut naatsorsukkat tunngavigalugit Naatsorsueqqissaartarfimmit naatsorsorneqarsimasut malillugit iluarsineqassapput. Iluarsiineq ukiumoortumik pisassaaq, ukiumi tulluuttumi 1. januar atuuttussanngorlugu. Aningaasat iluarsisat Naalackersuisut ukiut tamaasa kingusinnerpaamik 1. januar tamanut nalunaarutigisassavaat.

Imm. 3. Aningaasat soraarnerussutisiaqarnissaq siunertaralugu ileqqaakkaniittut selskabini aktianik il.il., piginnittup piginnittullu ilaqaataasa selskabimi aktiat il.il. 25 procentiinik amerlanerusunilluunniit piginnittuuffigisaanni pisinermit atorneqarsinnaanngillat. Piginneqataassutit naatsorsorneranni aammattaaq ilanngunneqassapput aktiat il.il., piginnittup soraarnerussutisiaqarnissamik aaqqissuussinerup saniatigut pigisai kiisalu aktiat il.il., pineqartup aapparisaanit, angajoqqaavinit, aataakkuinit/aanakuinit, qitornaanit, erngutaanit tamakkulu aapparisaannit pigineqartut. Qitornassat qitornavissartaarisimasallu ilaqutavittut isigineqassapput.

§ 47 e. Soraarnerussutisiaqarnissaq siunertaralugu ileqqaakkanik piginnittoq pigisanik nalilinnik toqqorsivinniittunik, ileqqaarnermut kontumut atassuteqartunik pisisinnaallunilu tunisaqarsinnaavoq, kisiannili aningaasanik pigisanik nalilinnik tunisinikkut pissarsianik ileqqaarnermut kontumeersunik tigusisinnaanani. Aningaasat taakku aningaasaatitut uninngaannassapput imaluunniit toqqorsivimmi

atasumi aningaasaliissutaaqqillutik, tak. § 41, imm. 3, aamma § 46 aningaasanik ileqqaakkanik akileraarutaasussanik tigusineq, piginnittoq 60-inik ukioqalersinnagu.

Imm. 2. Soraarnerussutisiaqarnissaq siunertaralugu ileqqaakkanik, aningaaseriviit § 47 a-mi taaneqartut akornanni, imaluunniit aningaaseriviit § 47 a-mi taaneqartut aamma soraarnerussutisiaqarnissamut aningaasaateqarfiit aammalu inuunermut soraarnerussutisiaqarnissamullu sillimmasiisarfiit Kalaallit Nunaanni angerlarsimaffeqartut akornanni nuussineq tunniussinertut akiliinertullu isigineqassanngilaq.

§ 47 f. Soraarnerussutisiaqarnissaq siunertaralugu ileqqaakkanit piginnittumut tunniussisarnerit siusinnerpaamik aallartissinnaapput ulloq piginnittup 60-inik ukioqalerfia aallarnerfigalugu, ukiukinnerunissaq akileraaruseriffimmit akuerineqarsimangippat. Tunniussisarnerit kingusinnerpaamik aallartissapput ullormi piginnittup soraarnerussutisiaqarnissamut ukiuni anguppagit, tak. Utoqqalinersiaqarneq pillugu Inatsisartut inatsisaat § 1.

Imm. 2. Soraarnerussutisiaqarnissaq siunertaralugu ileqqaakkanit tunniussinissaq siulleq pitinnagu, piginnittup tunniunneqartartussat qanoq agguataagaanissaat aalajangissavaa. Piumasaqaatit makku eqquutsinneqassapput:

- 1) Piginnittup soraarnerussutisiaqarnissaq siunertaralugu ileqqaagaasa aamma soraarnerussutisiaqarnissamut inuunermullu sillimmasiineramik aaqqissuussinerisa ikinnerpaamik 50 %-ii inuuneq naallugu, toqussaq tikillugu ingerlaavartumik tunniunneqartartussat tunniunneqassapput.
- 2) Piginnittup soraarnerussutisiaqarnissaq siunertaralugu ileqqaagaasa aamma soraarnerussutisiaqarnissamut inuunermullu sillimmasiineramik aaqqissuussinerisa amerlanerpaamik 50 %-ii sivikinnerpaamik ukiuni qulini amerlaqatigiiaarlugit tunniunneqartartussat naafferartumik tunniunneqartarsinnaapput.

Imm. 3. Imm. 2 naapertorlugu naatsorsuinerimi, soraarnerussutisiaqarnissaq siunertaralugu ileqqaakkanit tunniussinissaq siulleq qaammatinik amerlanerpaamik marlunnik sioqqullugu nalingat tunngavigineqassaaq. Naatsorsuinerimi ilaassapput soraarnerussutisiaqarnissaq siunertaralugu ileqqaakkat aamma soraarnerussutisiaqarnissamut inuunermullu sillimmasiineramik aaqqissuussinerit tunniussiviusartut soraarnerussutisiaqarnissarlunniit siunertaralugu ileqqaakkanit tunniussinerup siulliup kingorna ukiut pingasut qaangiutinnginneranni tunniussiffusalersinnaasut.

Imm. 4. Piginnittup soraarnerussutisiaqarnissaq siunertaralugu ileqqaagaasa aamma soraarnerussutisiaqarnissamut inuunermullu sillimmasiineramik aaqqissuussinerisa nalingat tamarmiusoq, tak. imm. 2 aamma 3, 700.000 kr.-init minneruppat, piginnittup soraarnerussutisiaqarnissaq siunertaralugu ileqqaakkat ilaat 100.000 kr.-it tikillugit ataasiartumik tigusinnaavai. Aningaasat sinneriunnagaat qaammammut 4.500 kr.-ikkaarlugit tunniunneqartassapput.

Imm. 5. Soraarnerussutisiaqarnissaq siunertaralugu ileqqaartup toqunerani, § 47 b, imm. 2 naapertorlugu aningaasat tunniussivigineqartussamut imaluunniit tunniussivigineqartussanut tussapput. Ileqqaartoq toqussagalaruni pissat pillugit aaljangiisimangikkuni, imaluunniit tunniussivigineqartussaq imaluunniit tunniussivigineqartussat toqukkat qimagussimappata, soraarnerussutisiaqarnissaq siunertaralugu ileqqaakkat piginnittup qimataanut tussapput. Tunniussivigineqartussamut ilanngussisimaneq, aningaasat ileqqaakkat amerlassusaat kiisalu aningaasat tunniunneqarsimanersut pillugit aningaaseriviup, piginnittup toqusimamera pillugu kingusinnerpaamik tunniussivigineqartussap nalunaarfiginerani eqqartuussivik toqusup qimataanik suliarinnittoq, nalunaarfigissavaa. Tamatuma kingorna piginnittup aapparisaat inuunermilu kingornussisussai eqqartuussiviup nalunaarfigissavai.

§ 47 g. Aningaaseriviit soraarnerussutisiaqarnissaq siunertaralugu ileqqaakkanik piginnittunut ataasiakkaanut tunngatillugu ileqqaakkanut akiliutigineqartut ileqqaakkanillu tunniunneqartut tamarmiusut, ukiut tamaasa januarip qaammataa naatinnagu nalunaarutigisassavaat.

Imm. 2. Kikkulluunniit soraarnerussutisiaqarnissaq siunertaralugu ileqqaakkanit tunniussisut imaluunniit § 47 b, imm. 3-mi 4-milu aamma § 47 f, imm. 2-mi, 4-mi 5-imiluunniit taaneqartunik tunniussisut unerartitsisussaataasutut isigineqarput, tak. § 76, imm. 1 aamma 2, tamannalu malillugu akileraarutunik A-nik, maleruagassat unerartitsisussaataasunut atuuttut naapertorlugit unerartitsissapput, akiliissallutik nalunaarutiginnissallutillu.

§ 47 h. Aningaasarsianit akileraartussaataavaoq piginnittoq, imaluunniit piginnittup toquneratigut tunniunneqartussanik pisinnaatitaasoq, tak. § 47 b, imm. 2.

Imm. 2. Piginnittup imaluunniit tunniussivigineqartussap soraarnerussutisiaqarnissaq siunertaralugu ileqqaakkanut pisinnaatitaaffii akiligassaqarfiannit eqqartuussisutigoortumik suliassanngortitsinermut atorneqarsinnaanngillat, kisianni tak. imm. 3 aamma 4.

Imm. 3. Piginnittoq akiliisinnaajunnaarpat, paasineqarpallu, ukiut pingasut kingulliit akiliiffissaq kingulleq sioqqullugu, piffissami akiliiffimmi aningaasaatimigut inissisimanerminut sanilliullugu, aningaasanik amerlavallaartunik akiliisimappat, akiliisinnaajunnaarnermit piumasarineqarsinnaavoq, piginnittup akiliutigivallaagai aningaaseriviup utertissagai, ileqqaakkat nalingisa sapinngisamik akilersinnaasaanik. Akiliisussaanermut killiliussaasoq sioqqullugu ileqqaakkanik tiguisinnaanermut piffissarititaasoq atuutilersimappat imaluunniit akiliisinnaajunnaarnerup naammassineqannginnerani, soraarnerussutisiaqarnissaq siunertaralugu ileqqaakkat tiguisinnaanermut piffissarititaasoq atuutilersimappat, aningaasallu tiguneqarsimangippata, akiliisinnaajunnaarnerup imm. 1-imi malittarisassat taaneqartut malillugit ileqqaakkat ilaasa amerlaqataannit akiliisinnaajunnaarnermi pigisanut akiliisoqassasoq piumasaqarsinnaapput.

Imm. 4. Imm. 3 atuuppoq, tunniussivigisassamik ikkussisoqarsimagaluarpalluunniit, aamma piginnittoq tunniussinissamik utertitsisinaanani pisussanngornikuugaluarpalluunniit. Tunniussivigineqartussaq ikkunneqarnermini akiliisimappat, pineqartoq piginnaatitaavoq akiliutimi akiliisinnaajunnaarnermi pigisanit utertinneqarnissaanut piumasaqassalluni. Tunniussivigineqartussap ileqqaakkat pisimappagit, akiliisinnaajunnaarnermi pigisanit piumasaqaat tassunga atuussinnaavoq.

§ 47 i. § 39, imm. 2, § 40 a, imm. 1, § 41, imm. 1 aamma 3, § 46, imm. 1-imiit 3-mut, aamma § 47 soraarnerussutisiaqarnissaq siunertaralugu ileqqaakkanut taamatuttaaq atuutissapput.

Kapitali 5

Kattunneq, avissaarneq aamma kinguaariinnut tullernut nikisitsineq il.il.

§ 48. Aktie- imaluunniit anpartsselskabit § 1, imm. 1, nr. 3-mi taaneqartut kattunnerini, kapitalimi uani maleruagassat naapertorlugit selskabit akileraaruserneqarnissaat akileraaruseriffup akuerisinnaavaa.

Imm. 2. Kattunneq pisarpoq selskabip pigisani tamaasa selskabimut allamut tunippagit imaluunniit tassunga kattuppat.

Imm. 3. Raajartassanik imaluunniit aalisariummik tunniussinermi kapitalimi uani kingoraarsisinnaanermik maleruagassat atornerqarsinnaanerat akileraaruseriffiup akuersissutigisinnaavaa, tunniussaqqartoq aammalu aktie- imaluunniit anpartsselskabi tunniussiffigineqartoq § 1, imm. 1, nr. 1 aamma 3 naapertorlugit tamakkiisumik akileraartussaataappata. Taamaattorli raajartassanut aalisariummullu akiliutit tamarmiusut selskabimi tunniussiffigineqartumi aktiatut anpartitulluunniit akilernerqassapput.

§ 49. Akuersissummut § 48, imm. 1-imi taaneqartumut immikkut piumasarianik akileraaruseriffik aalajangersaasinnaavoq.

Imm. 2. Akuersissuteqartoqassappat selskabimi unittumi piginneqataasut taamaallaat akiliuteqarfigineqassapput selskabimi ingerlaqqittumi aktianik imaluunniit anpartinik aammalu aningaasanik naammaqusiutissaqassappat pappiaqqat taakku nalingisa, imaluunniit nalingat allassimangippat taakku naatsorsuutini nalingisa annerpaamik 10 procentiinik tunineqassallutik.

Imm. 3. Imm. 2-mi aalajangersagaq aktianut imaluunniit anpartinut selskabip ingerlaqqittup selskabimi unittumi piginneqataassutaanut atuutinngillat.

Imm. 4. Aammattaaq akuersissuteqartoqassappat ulloq kattuffik tassaassaaq ulloq, selskabip ingerlaqqittup naatsorsuusiortittut ukiuata killiffia. Akileraarutit tungaasigut ulloq kattuffik tassaatinneqarpoq ulloq kattunermut atatillugu selskabip ingerlaqqittup aallartiffittut naatsorsuuteqalerfia.

§ 50. Selskabip ingerlaqqittup § 48, imm. 1 naapertorlugu kattunniarnermut qinnuteqaammini ilanngutissavaa, selskabit pillugit inatsisit malillugit piumasaqaataasut kattunermut atatillugu uppernarsaasiat assilineri.

Imm. 2. Tamatuma saniatigut uppernarsaatit suut qinnuteqaammut ilanngullugit selskabip ingerlaqqittup nassiutissanerai akileraaruseriffiup nammineq aalajangissavai.

§ 51. Selskabip unittup piffissami, ukiup aningaasarsiorfusup nalinginnaasup kingulliup naaneraniit ullup kattuffiusup tungaanut aningaasarsiaasa akileraaruteqaataasussat naatsorsornerini, piffissap qanoq sivistiginera apeqqutaatinnagu aningaasarsiat angissusilerneqassapput. Kattunermut atatillugu selskabip atorunnaarsinneqarnera apeqqutaatinnagu angissusiliineq pissaaq. Qaammatisiutit malillugit ukiumut aningaasarsiorfusumut taarsiullugu selskabip ukioq aningaasarsiorfia nalinginnaasoq ulloq 31. december sioqqullugu naappat, ullorlu kattuffiusoq ukiup nalinginnaasumik aningaasarsiorfusup qaangiutereernerani, taamaattorli qaammatisiutit malillugit ukiup pineqartup naannginnerani pippat, taava ukiup kingulliup aningaasarsiorfusup naatsorsorneqarnera tassaassaaq ukiup aningaasarsiorfusup aallartinneraniit ulloq kattuffik tikillugu.

Imm. 2. Piffissamut imm. 1-imi pineqartumut nammineerluni nalunaarsuutip tunniunneqarnissaa selskabip ingerlaqqittup isumagisassaraa. Inatsimmi matumani aalajangersakkat malillugit selskabimut unittumut akileraarutinut akiligassiisutigineqarsinnaasut aammalu pillaammik akiliisitsissutit suulluunniit selskabimit ingerlaqqittumit akiligassatut akisussaaffigineqassapput. Selskabip unittup akileraaruseriffimmit tapitigut aammalu akileraarpallaarsimanikkut pissarsiassai selskabimit ingerlaqqittumit pisassarineqassapput, tak. akileraaruserinermik ingerlatsineq pillugu Inatsisartut inatsisaanni § 27, imm. 5.

§ 52. Pigisat akiligassallu kattunnerup nalaani selskabimit unittumit pigineqartut, selskabip ingerlaqqittup aningaasarsiaasa akileraaruteqaataasussat naatsorsorneqarnerini piffissani, selskabip unittup pissarsiarinniffiini pissarsiarineqartutut isigineqassapput, aammalu akit selskabip unittup pissarsiarimmagit akiusut atorineqassallutik. Selskabip unittup akileraarutitigut nalikilliliissutigisimasinnaasai aammalu nalinginik appaassutigisimasinnaasai selskabip ingerlaqqittup taamatut pisimasaasut isigineqassapput.

Imm. 2. Pigisat akiligassallu selskabip unittup iluanaarniarluni imaluunniit inuussutissarsionermut atatillugu pissarsiarisimasai selskabip ingerlaqqittup aningaasarsiaasa akileraaruteqaataasussat naatsorsorneqarnerini, selskabip taassuma iluanaarniarluni imaluunniit inuussutissarsionermut atatillugu pissarsiarisimasaasut isigineqassapput. Pigisap imaluunniit akiligassap kattunnermut atatillugu selskabimit unittumit selskabimut ingerlaqqittumut nuunneqarsimanera, selskabip ingerlaqqittup aningaasarsiaasa akileraaruteqaataasussat naatsorsorneqarnissaanni iluanaarniarluni imaluunniit inuussutissarsionermut atatillugu pissarsiarisimasaasut isigissallugu akornutissaqanngilaq.

Imm. 3. Aningaasarsiat akileraaruteqaataasussat naatsorsornerini selskabip unittup, pappiaqqanit nalilinnit iluanaarutigiumaagassani annaajumaagassanilu ilanngussimappagit, taava pappiaqqat nalillit selskabip ingerlaqqittup aningaasarsiaasa akileraaruteqaataasussat naatsorsorneqarneranni, selskabimit ingerlaqqittumit iluanaarutitut annaasatullu ilanngunneqarsimasutut isigineqassapput.

Imm. 4. Pigisat akiligassallu selskabip ingerlaqqittup selskabimit unittumit pissarsiarinnigisaasa akileraarutitigut pineqartarneri kattunnikkut allannguuteqassanngillat, pigisat akiligassallu pineqartut taassumanga pissarsiaasimaneri uppersaatissaqarpata, tassa selskabip ingerlaqqittup naatsorsuutaani aammalu akileraarutissaasa naatsorsorneranni immikkut ersersillugit allassimappata. Taamaattoqanngippat akileraaruseriffiup aalajangissavaa maleruagassat suut pigisat akiligassallu pineqartut pillugit selskabimut ingerlaqqittumut imaluunniit unittumut atorineqassanersut.

Imm. 5. Kattunnerup nalaani selskabi unittoq ukiunut siuliinut tunngasunik amigartooruteqarsimappat amigartoorutit taakku, selskabip ingerlaqqittup aningaasarsiaasa naatsorsorneqarneranni ilanngaatigineqarsinnaanngillat. Tamannattaq aningaasaliinermut isumaqatigiissutinit annaasanut atuuppoq. Kattunnerup nalaani selskabi ingerlaqqittoq amigartooruteqarsimappat, amigartoorutit taakku § 30-imi maleruagassat malillugit pineqassapput.

Imm. 6. Selskabip piginnittuusup ingerlatseqatigiiffiullu 100 procentimik pigineqartup, imaluunniit 100 procentimik pigineqarlutik ingerlatseqatigiiffutigisat akornanni kattunnerni, ingerlatseqatigiiffimmi unittumi ingerlatseqatigiiffimmilu ingerlaqqittumi amigartoorutit § 30-mi maleruagassat malillugit pineqassapput.

Imm. 7. Selskabit kattunneranni taakku arlaat ukiup kattuffiusup siuliini amigartooruteqarsimappat amigartoorutit taakku, selskabip unittup imaluunniit ingerlaqqittup ukiut siuliini tallimani qaninnerni aningaasarsiaanit akileraaruteqaataasussanit ilanngaatigineqarsinnaanngillat.

§ 53. Selskabimi unittumi aktiaatit imaluunniit anpartit selskabip ingerlaqqittumut aktianik imaluunniit anpartinik taarsernagit allatut akilersillugit tunineqarpata, allamut tunisinertut isigineqassapput. Tunisineq ullormi kattuffiusumi § 49, imm. 4-mi taaneqartumi nalinginut tunisinertut isigineqassaaq.

Imm. 2. Selskabimi unittumi aktianik imaluunniit anpartinik tunisineri imm. 1-imi taaneqartumi iluanaarutit annaasalluunniit § 16, imm. 2-mi aamma § 34, imm. 1, nr. 2-mi maleruagassat malillugit pineqassapput.

Imm. 3. Selskabimi piginneqataassutilik, aktiat imaluunniit anpartit tunineqartutut isigineqartut saniatigut selskabimi unittumi suli piginneqataassuteqarpat, taakkulu piffissani assigiinngitsuni pissarsiarineqarsimappata, taava aktiat anpartilluunniit siullerpaatut pissarsiarineqarsimasut tunineqartutut isigineqassapput. Aktiat anpartilluunniit ataatsikkut pissarsiaasimasut, assigiinngitsunillu pisinnaatitsissutillit, ilaalluunniit selskabimit piginneqataasumit inuussutissarsiornermut atatillugu imaluunniit iluanaarniutitut pissarsiarineqarsimasut, ullormi kattuffusumi § 49, imm. 4-mi taaneqartumi aktiat anpartilluunniit nalingat naapertorlugu tunineqartutut isigineqassapput.

§ 54. Aktiat anpartilluunniit kattunnermut atatillugu selskabimit ingerlaqqittumit atorunnaarsinneqartut selskabip aningaasarsiaasa akileraaruteqaataasussat angissusilerneqarneranni ilanngunneqassanngillat, tassa iluanaarutaagaluarpata annaasaqaataagaluarpataluunniit.

Imm. 2. Selskabip ingerlaqqittup selskabimit selskabinilluunniit unittunit pigisanik akiligassanillu tigusinerminut atatillugu nammineq aktiaatini anpartiutiniluunniit pissarsiarippagit, atorunnaarsitsinermut atatillugu iluanaarutit imaluunniit annaasat selskabip aningaasarsiaasa akileraaruteqaataasussat angissusilerneqarnerini ilanngunneqassanngillat.

§ 55. Selskabimi ingerlaqqittumi aktiat anpartilluunniit selskabimi piginneqataasut selskabimi unittumi aktiaatiminnut anpartiutiminnulluunniit taarsiullugit pissarsiaat aningaasarsiat akileraaruteqaataasussat naatsorsorneqarnerini piffissami, aktiat anpartilluunniit taarserneqartut pissarsiarineqarfigisimasaanni, taakkulu akigisimasaat naapertorlugit pissarsiarineqarsimasutut pineqassapput. Selskabimi ingerlaqqittumi aktiat anpartilluunniit pissarsiarineqartut selskabimi piginnittunit inuussutissarsiornermut atatillugu imaluunniit iluanaarniarluni pissarsiarineqarsimasutut isigineqassapput, aktiat anpartilluunniit taarserneqarsimasut taamatut siunertaqarluni pissarsiaasimappata.

Imm. 2. Aktiat anpartilluunniit taarserneqartut piffissani assigiinngitsuni pissarsiarineqarsimappata imaluunniit ilaat selskabimi piginneqataasut inuussutissarsiornerminnut atatillugu imaluunniit iluanaarniarlutik pissarsiarisimappatigit, taava aktianik anpartinilluunniit pissarsinerit ataasiakkaat selskabimi ingerlaqqittumi aktianik anpartinilluunniit taakku naleqqataannik taarserneqartutut isigineqassapput. Angissusiat aktiat anpartilluunniit ullormi kattuffimmi, § 49, imm. 4-mi taaneqartumi nalingat malillugu naatsorsorneqassaaq. Aktiat anpartilluunniit pissarsiarineqartut assigiinngitsunik pisinnaatitsissutitaqarpat, taava aktiat anpartilluunniit pissarsiarineqartut ataasiakkaat tamarmik immikkut naatsorsorneqassapput.

§ 56. Sulliviit suleqatigiiffusut § 1, imm. 1, nr. 4, 6 aamma 7-imi taaneqartut kattunneranni kapitalimi matumani periaatsit taaneqartut atorneqarsinnaanerit, matumani ilanngullugit tamatumunnga piumasaqaatinik aalajangersaaneq, akileraaruseriffimmit akuerineqarsinnaavoq.

Imm. 2. Aktie- imaluunniit anpartsselskabip Kalaallit Nunaanni angerlarsimaffeqartup selskabillu nunami allami angerlarsimaffeqartup, imaluunniit selskabit tamarmik nunani allani angerlarsimaffeqartut kattunneranni kapitalimi matumani periaatsit taaneqartut atorneqarsinnaanerit, matumani ilanngullugit tamatumunnga piumasaqaatinik aalajangersaaneq, akileraaruseriffimmit akuerineqarsinnaavoq.

Imm. 3. Aktie- imaluunniit anpartsselskabip aggulunneqarnerani kapitalimi matumani periaatsit taaneqartut atorneqarsinnaanerit, matumani ilanngullugit tamatumunnga piumasaqaatinik

aalajangersaaneq, akileraaruseriffimmit akuerineqarsinnaavoq.

Imm. 4. Pigisanik nalilinnik aktie- imaluunniit anpartsselskabimut nuussinermi kapitalimi matumani periaatsit taaneqartut atorineqarsinnaanerata, matumani ilanngullugit tamatumunnga piumasaqaatinik aalajangersaaneq, akileraaruseriffimmit akuerineqarsinnaavoq.

§ 57. Naalackersuisut, Naalackersuisulluunniit tamatumunnga piginnaatitaata akuersissutigisinnaavaat sulisup akissarsiaasa ilaasa, selskabimi aktianik anpartinilluunniit pisinerminut atugaasa aatsaat ukiumi aningaasarsiorfusumi, pineqartup aktiaatiminik anpartiutiminilluunniit taaneqartunik tunisiffigisaani aningaasarsianut akileraaruteqaataasussanut ilanngunneqarnissaat, taamaattorli kingusinnerpaamik piffissami pineqartup tamakkiisumik akileraartussaanerata naanerani. Tamanna aamma atuuppoq aktiat anpartilluunniit nalikinnerutillugit pisiarinerisa nalingannut, sulisup aktianik anpartinilluunniit pisinermini akiliutikinnerussutaanut.

Imm. 2. Imm. 1 malillugu akuersissuteqarnissamut piumasaavoq sulisup aamma selskabimi aktianik amerlanernik peqartup imaluunniit anpartinik amerlanernik peqartup akunneranni kinguaariinnut tullernut nikinnissaq pillugu allaganngorlugu isumaqatigiissuteqarsimanissaq kiisalu aamma sulisup selskabillu Kalaallit Nunaannut tamakkiisumik akileraartussaannissaat.

Imm. 3. Imm. 1 naapertorlugu aningaasat annertussusaat kisimiitsillugit akuerineqarsinnaasut ukiumi aningaasarsiorfimmu ataatsimi 350.000 koruuninit annerusinnaangillat. Imm. 1 naapertorlugu akuersissut ukiunit qulinit sivisunerusumik atuussinnaangilaq, aningaasallu akuerineqartut katillutik 3.500.000 kr.-init amerlanerusinnaanatik.

Imm. 4. Kinguaariinnut tullernut nikinnissamik isumaqatigiissut eqqortinneqanngippat, imm. 1-imi aalajangersagaq apeqqutaatinnagu sulisup ukiumi aningaasarsiorfusumi kinguaariinnut tullernut nikinnissamik eqquutsitsiunnaarfusumi aningaasat ilanngutissavai.

§ 58. Akileraaruseriffiup akuerisinnaavaa imm. 2-miit 4-mut maleruagassat atorineqassasut suli inuutilluni suliffeqarfiup ilaataluunniit qitornanut, ernuttanut, qatanngutinut, qatanngutit meeraannut imaluunniit qatanngutit ernutaannut tunniunneqarnissaat, tunniussisoq piginnittunngortorlu § 1, imm. 1, nr. 1 naapertorlugu Kalaallit Nunaanni tamakkiisumik akileraartussaataappata. Qitornavissiartaarisimasat qitornarsiallu ilaqtavittut isigineqarput.

Imm. 2. Suliffeqarfiup pigisai nalillit tunniunneqarpata akileraarutitigut nalingannik annerusumilluunniit nalilerlugit, kisiannili nalinginnaasumik nioqqutigissagaanni nalissaraluannit appasinnerusumik, piginnittunngortoq aningaasarsiat akileraaruteqaataasussat naatsorsorneranni akileraarutitigut nalikilliliissutinut kiisalu iluanaarutit akileraaruserneqarnerannut aamma tunisinermi ajunaarutit ilanngaatigineqarsinnaanerannut tunngatillugu piginnittoq inissisimassaaq soorlulusooq pigisat nalillit piginnittunngortumit pissarsiarineqarsimasut piginnittuusimasup nalimini akiligaatut akeqartillugit. Tunniussisup akileraarutitigut nalikilliliissutigisimasinnaasai piginnittunngortup nalikilliliissutigisimasaatut isigineqassapput. Tunniussisup pigisat nalillit inuuniutiminut iluanaarniarnerminulluunniit atatillugu pissarsiarisimappagit iluanaarutit annaasalluunniit pigisat nalillit tunineranni pilersut piginnittuulersumit suliaasut, taassuma aningaasarsiaasa akileraaruteqaataasussat naatsorsorneqarnerannut ilanngunneqassapput imaassimappat iluanaarutit annaasalluunniit tunniussisup aningaasarsiaasa akileraaruteqaataasussat naatsorsorneqarneranni ilanngunneqartussaasimagaluartut taassuma pineqartut tunisarismappagit.

Imm. 3. Akileraarutitigut kingornussinermut, takuuk imm. 2, taarsiullugu tunniussisup piginnittunngortullu toqqarsinnaavaat suliffeqarfiup allamut tunniunneqarnerani iluanaarutit ajunaarutillu naatsorsussallugit suliffeqarfiit allamut pigisassanngortitaaneranni malittarisassat nalinginnaasut malillugit, suliffeqarfiup pigisai nalillit nalit imm. 2-mi taaneqartut sinnernagit tunniunneqarsimagaluarpataluunniit.

Imm. 4. Ukiumi pigilernerata siulianiittumi amigartoorutit piginnittuulersup suliffeqarfiup tignerani iluanaarutinit ilanngaatisinnaanngilai.

Kapitali 5 a.

Allanngineq allallu

§ 58 a. Suliffeqarfik § 2, imm. 2-mi taaneqartoq killilimmik akileraartussaataaasoq aktieselskabimut anpartsselskabimulluunniit, Kalaallit Nunaanni nalunaarsugaasumut, allanngortinneqarpat tunineqarpalluunniit, aktieselskabi anpartsselskabilluunniit suliffeqarfiup killilimmik akileraartussaataaasup akileraartarnermut tunngatillugu killiffigisaaniit ingerlaqqissinnaavoq. Suliffeqarfimmili killilimmik akileraartussaataasumi, § 22, imm. 2-mi annertussutsinit taaneqartunit annikinnerusumik nalikilliliineqarsimappat, suliffeqarfiup killilimmik akileraartussaataaasup nalikillilerinermi killiffigisaa appartinneqassaaq, suliffeqarfiup killilimmik akileraartussaataaasup pigisaasa § 22, imm. 2-mi taaneqartunik annertussutsit naapertorlugit appartinneqarsinnaasimasaraluannut. Naalakkersuisut, Naalakkersuisulluunniit tamatumunnga pisinnaatitaat, aalajangersakkami oqaaseqatigiit siulliit tulliini aalajangersakkanut tunngatillugu tamakkiisumik ilaannaasumilluunniit immikkut akuersissuteqarsinnaapput, pissutsit immikkut ittut tamanna pisariaqartippassuk.

Imm. 2. Akileraartarnermut tunngatillugu ingerlaqqiinnarnissamut piumasaqaataavoq aktieselskabip anpartssekabilluunniit suliffeqarfiup killilimmik akileraartussaataaasup pisuussutinik pigisai tamakkerlugit pigilissagai, tamatumani aamma suliffeqarfittut ingerlateqqinneqartutut isumaqatigiissuteqarfigisimasanut, pisortani oqartussanut allanullu pisinnaatitaalluni pissaaffeqarlunilluunniit.

Imm. 3 Aammattaq piumasaqaatit imaattut naammassineqarsimassallutik:

- 1) Naalakkersuisut akuersissummik tunisineq, aatsitassat pillugit ingerlatallu tamatumunnga pingaarutillit pillugit Inatsisartut inatsisaanni aalajangersakkat malillugit akuersissutigereersimassavaat.
- 2) Allannginermi tunisinermilluunniit pigisat akiligassallu, suliffeqarfimmut killilimmik akileraartussaataaasumut § 2, imm. 2 malillugu tunngatinneqarsinnaasut ilaatinneqassapput pigisallu akiligassallu taamaattuinaat pineqarlutik.
- 3) Selskabip ingerlaqqittup allannginerup tunineqarnerulluunniit aalajangiiffigineqarneraniit ullut 30-t qaangiutsinnagit akileraaruseriffik allannginermik tunineqarnermilluunniit ilisimatitsissuteqarfigissavaa selskabillu ingerlaqqittup nalunaarsugaaneranut imaluunniit Erhvervs- og Selskabsstyrelsemi nalunaarsorneqarnissaanut nalunaarutigineqarsimaneranut uppersaatit nassiullugit.
- 4) Akileraarutininik ingerlatsineq pillugu Inatsisartut inatsisaanni § 16, imm. 3-mi piffissaliussaqaq apeqqutaatinnagu kingusinnerpaamik allannginerup tunineqarnerulluunniit aalajangiiffigineqarneraniit ullut 90-it qaangiunneranni pisariaqartitsineq naapertorlugi suliffeqarfimmut killeqartumik akileraartussaataaasumut nammineerluni nalunaarsukkamik nassiussineqassaaq. Suliffeqarfiup killilimmik akileraartussaataaasup nalinginnaasumik ukiup aningaasarsiorfusup naaneraniit allannginerup

tunineqarnerulluunniit ulluanut isertitanik akileraarutaasussanik naatsorsuineri isertitat, piffissaq tamaat atorneqassaaq, piffissap pineqartup qanoq sivilutiginera apeqquaatinnagu. Akileraarutaasussanik annertussusiliineq pissaq suliffeqarfimmik killilimmik akileraartussaataasumik allannguineri tunineqarneranulluunniit atatillugu atorunnaarneq apeqquaatinnagu. Selskabip ingerlaqqittup pisussaaffigaa oqaaseqatigiit aappaanni taaneqartumik piffissamut nammineerluni nalunaarummik tunniussissalluni. Selskabip ingerlaqqittup akileraarutit akiligassaajunnarsinnaasut akisussaaffigai aammalu akiliisitsinernut sunulluunniit akisussaasuulluni, inatsimmi matumani aalajangersakkat tunngavigalugit, suliffeqarfimmik killilimmik akileraartussaataasumut piumasarineqarsinnaasunut akiliisussaasuvoq. Selskabi ingerlaqqittoq, suliffeqarfik killilimmik akileraartussaataasooq paarlallugu, akileraaruserinermik ingerlatsineq pillugu Inatsisartut inatsisaanni § 27, imm. 5 naapertorlugu akileraaruseriffik, tapisianik akileraarutaavallaarsimasunillu piumasaqarfigisinnaavaa.

5) Suliffeqarfik killilimmik akileraartussaataasooq akileraarutinut, akitsuutinut allanilluunniit pisortanut akiligassanik kinguaattooruteqassanngilaq, aammalu allanngornerup tunineqarnerulluunniit ulluanit ullut 90-it sinnerlugit ukiumi aningaasarsiorfusumi siulii pillugit pisariaqartumik nammineerluni nalunaarsukkamik tunniussineqarsimassalluni.

Imm. 4. Imm. 1-imi taaneqartutut allannguineri tunineqarnermulluunniit atatillugu uppersaatinik nassiussisarnissamut aammalu uppersaatiit taamaattut nassiunneqarnissaannut piffissaliussamik erseqqinnerusumik malittarisassanik Naalakkersuisut aalajangersaasinnaapput.

§ 58 b. Pigisat nalillit akiligassallu allannguineri tunineqarnermulluunniit atatillugu pissarsiarineqartut selskabip isertitanik akileraaruteqaataasussanik naatsorsuineri, suliffeqarfup killilimmik akileraartussaataasup piffissami aningaasarsiorfusumi selskabimit pissarsiarineqarsimasutut, pissarsiarineqarnerannilu, pigisat nalillit akiligassallu suliffeqarfimmit killilimmik akileraartussaataasumit pissarsiarineqarsimaneranni akiusunik pissarsiarineqarsimasutut isigineqassapput. Akileraarnermi nalikillilerisinnaneriit suliffeqarfimmit killilimmik akileraartussaataasumit naammassineqarsimasut, selskabimit ukiumi aningaasarsiorfusumi pineqartumi naammassineqartutut isigineqarput, taamatullu §§ 16-18-imi aalajangersakkat naapertorlugit annasaqaatinik iluanaarutinilluunniit naatsorsuineq suliffeqarfup killilimmik akileraartussaataasup pissarsiarineranni akiliutigisimasai tunngavigalugit naatsorsorneqassallutik.

Imm. 2. Pigisat nalillit akiligassallu suliffeqarfimmit killilimmik akileraartussaataasup iluanaarniapiluutigalugit pissarsiniutigaluguluunniit pissarsiarisimasai, selskabip ingerlaqqittup isertitanik akileraaruteqaataasussanik naatsorsuineri selskabimit taassuminnga iluanaarniapiluutigalugu pissarsiniutigaluguluunniit pissarsiarineqarsimasutut suliarineqassapput. Allannguineri tunineqarnermiluunniit pigisat nalillit akiligassalluunniit suliffeqarfimmiit killilimmik akileraartussaataasumiit selskabimut ingerlaqqittumut nuussimanerat, selskabip ingerlaqqittup isertitaanik akileraaruteqaataasussanik naatsorsuineri pigisat nalillit akiligassallu iluanaarniapiluutigalugit pissarsiarnermiluunniit pissarsiarineqarsimasutut isigineqarsinnaanerannut ajoqutaanngilaq.

Imm.3. suliffeqarfup killilimmik akileraartussaataasup isertitanik akileraarutaasussanik naatsorsuineri pappiaqqanik aningaasanik nalilinnit iluanaarutit annasaqaatilluunniit sulii pivirusngortinneqanngitsut ilanngussimappagit, pappiaqqat aningaasanik nalillit selskabip ingerlaqqittup

isertitaanik akileraaruteqaataasussanik naatsorsuinermi iluanaarutit amigartoorutillu ilanngunneqarsimasutut isigineqassapput.

Imm.4 Pigisanik nalilinnik akiligassanillu, selskabip ingerlaqqittup suliffeqarfimmit killilimmik akileraartussaataasumit pissarsiarisimanngisaanik akileraartarnermut tunngatillugu suliaqarnek, allannguinerup tunineqarnerulluunniit kingunerisaanik allannguuteqassanngilaq, pigisat nalillit akiligassallu allannguinermi tunisinermiluunniit pissarsiarineqarsimasutut uppersarneqarsinnaasut selskabip ingerlaqqittup naatsorsuutaani aammalu akileraartarnermut naatsorsuusiani immikkut inissitatut takuneqarsinnaappata. Taamaanngippat killilimmik akileraartussaataasumut imaluunniit selskabimut ingerlaqqittumut atuuttuusunik malittarisassat pigisanut nalilinnut akiligassanullu tunngatillugu atorineqassanersut akileraaruseriffiup aalajangissavaa.

§ 58 c. Aatsitassat pillugit ingerlatallu tamatumunnga pingaaruteqartut pillugit Inatsisartut inatsisaat naapertorlugu atortussiassanik aatsitassanik pisunik misissueqqaarnermut misissueqqaarnermulluunniit akuersissut tamatumaluunniit ilaa, pisisup akuersissutip pisiarineranut atatillugu atortussiassanik aatsitassanik pisunik misissueqqaarnermut misissueqqaarnermulluunniit aningaasartuutit akilerlugit pisiarippagu, tunisisup isertitat akileraarutaasussanik naatsorsorneranni akiliut ilanngutinngitsoorsinnaavaa, piumasaqaatit makkua naammassineqarsimappata:

1) Akiliutigineqartoq tassaappat tunisisup misissueqqaarnermut imaluunniit misissueqqaarnermut siunissami aningaasartuutigisassaani isumaqatigiissuteqarnikkut aalajangeriikkamik annertussuseqartumik akileeqataassummik, isumaqatigiissuteqarnerup kingornagut ukiut tunisaqartup isertitaqarfisigaasa ukiut tallimassa qaangiutsinnagu, akiliuteqarpat. Aningaasartuutitut akileeqataassut annertunerpaaffissarititaasumut annertunerpaaffeqartinneqarsinnaavoq.

2) Aningaasartuutit tamarmik suliffeqarfimmut aningaasartuuteqartumut ingerlatsinermi aningaasartuutit ilanngaatineqarsinnaapput.

Imm. 2. Imm. 1-imi aalajangersagaq selskabit suliffeqarfissuup aaqqissuusaaanerani, § 36 a, imm. 4 aamma 5 naapertorlugit, attaveqartuusut akornanni tunisinerni atuutinngilaq.

Imm.3. Imm, 1 nr .1-imi oqaatineqartumik piffissaliunneqartoq akileraaruseriffiup ukiut pingasut tungaannut sivitsorsinnaavaa oqaatineqarsinnaappat attaveqartitsinermi imaluunniit pinngortitami pissutsinik patsiseqartumik isumaqatigiissut piffissami aalajangigaasumi naammassineqarsinnaanngitsoq.

Imm. 4. Imm. 1-imi taaneqartup saniatigut akissarsiat pisiffigineqartup isertitaanik akileraaruteqaataasussanik naatsorsuinermi ilanngunneqassapput.

Imm.5. Pisisup imm. 1-imi taaneqartumik akiliutip ilaa, imm. 1, nr. 1-imi, takuuk imm. 3, oqaatineqartumik piffissaliunneqartup qaangiutereernerani akilerpagu, pisiffigineqartup akiliutip ilaa akilerneqartoq taanna, ukiumi akiliutissap ilaata piffissaliunneqartup qaangiutereernerani akilerneqarnissaanik paasinniffiusumi, isertitanit akileraarutaasussanik naatsorsorneranni ilanngutissavaa, kingusinnerpaamilli ukiumi aningaasarsiorfiup piffissaliunneqartup naaffigisaani.

Kapitali 6

Akileraarutit naatsorsorneqarnissaat

§ 59. Kapitalimi uani maleruagassiat naapertorlugit inuit selskabillu il.il. tamakkiisumik ilaannakortumillu akileraartussaasut nuna tamakkerlugu akileraarummik, kommuninut ataatsimut akileraarummik,

kommunimut akileraarummik, nuna tamakkerlugu akileraarummik immikkut ittumik, iluanaarutisianit akileraarummik ingerlatseqatigiiffillu akileraarutaannik akiliisartussaapput.

§ 60. Selskabit tamakkiisumik ilaannakortumillu akileraartussaasut isertitamik akileraarusigassat 25 procentiinik selskabit akileraarutaannik akiliisassapput.

Imm. 2. Selskabit, Aatsitassat pillugit ingerlatallu tamatumunnga pingaarutillit pillugit Inatsisartut inatsisaat naapertorlugu misissuinissaminnut imaluunniit iluaqutiginninniarnissaminnut akuersisummik peqartut, imaluunniit sermip erngullu avammut nioqqutissatut atorneqarnissaat pillugu Inatsisartut inatsisaat naapertorlugu akuersisummik peqartut, isertitanik akileraarusigassat 25 procentiinik selskabit akileraarutaannik akiliisassapput.

§ 61. Nunamut tamarmut akileraarutissaq akilertussanngortinneqassaaq aningaasarsianit akileraarutissat procentiannik Inatsisartunit aalajangerneqartumik, takuuk § 66.

Imm. 2. Nunamut tamarmut akileraarutinut procenti atugassaq qaammatisiutit malillugit ukioq akileraarfusooq sioqqullugu 15. november tikitsinnagu Inatsisartut aalajangertassavaat.

§ 62. Kommunimut akileraarutissaq akilertussanngortinneqassaaq aningaasarsianit akileraarutissat procentiannik kommunimit akilerarfissamit aalajangerneqarsimasumik, takuuk § 66.

Imm. 2. Procenti kommunimut akileraarutissaq qaammatisiutit malillugit ukioq akileraarfissaq sioqqullugu 1. december tikitsinnagu kommunalbestyrelsip aalajangissavaa. Procenti akileraaruteqaataasussaq annerpaamik 30 procentimut minnerpaamillu 20 procentimut aalajangerneqarsinnaavoq.

Imm. 3. Akileraartussaaitat Akileraartarnermut Pisorta qarfimmik akileraarfittut kommunillit, § 68, imm. 2 naapertorlugu kommunimut akileraarutinik akileraassanngillat.

§ 63. Kommuninut ataatsimut akileraarutissaq akilernerqartussanngortinneqassaaq Inatsisartut procentimik aalajangiutaanik annertussuseqartumik, takuuk § 66.

Imm. 2. Kommunini ataatsimoorussamik akileraarut 6 procentiuvoq.

Imm. 3. Akileraartussaaitat Akileraartarnermut Pisorta qarfimmik akileraarfittut kommunillit, § 68, imm. 2 naapertorlugu kommuninut ataatsimut akileraarutinik akileraassanngillat.

§ 64. Nunamut tamarmut immikkut akileraarutissaq akilernerqartussanngortinneqassaaq Inatsisartut procentimik aalajangiutaanik annertussuseqartumik, takuuk § 66.

Imm. 2. Nunamut tamarmut immikkut akileraarutit procentia qaammatisiutit malillugit ukioq akileraarfissaq sioqqullugu 15. novemberiutinnagu Inatsisartut aalajangissavaat.

Imm. 3. Akileraartussaaitaasunit § 68, imm. 2 naapertorlugu Akileraartarnermut Pisorta qarfimmik akileraarfittut kommunillit nunamut tamarmut immikkut akileraarutit taamaallaat akilernerqartassapput.

§ 65. Iluanaarutisianit akileraarutit atuisinnaatitaanermillu akileraarutit unerartinneqassapput §§-ini 86-imiit 92-imut aalajangersakkat malillugit.

§ 66. § 1, imm. 1, nr. 1-imi aamma 2, imm. 2-mi, aammalu § 2, imm. 1, nr. 1, 3, 4, 5, 6, 17, aamma imm. 5, oqaaseqatigiinni siulliit tulliini oqaatigineqartut inuit akileraartussaaitaasutut taaneqartuni isertitat

akileraarusigassat tassaapput isertitat akileraaruteqaataasussat inummut ilanngaammik ilanngarneqareersimasut, tak. § 67, isertitat koruunit 100-mik agguarneqarsinnaasunut ammut akunnaallineqarsimasut. Tamatuma pissuteqaataani inunnet § 2, imm. 1, nr. 2-mi akileraartussaataasut taaneqarsimasunut isertitat akileraarusigassat ikilineqassapput, piffissap soraarniarfiup nalaani aningaasarsiaqarsimanerat naapertorlugu.

Imm. 2. Selskabit il.il. akileraartussaasut inuillu killilimmik akileraartussasut imm. 1-mi pineqangitsut, isertitaat akileraarusigassat tassaapput isertitat akileraaruteqaataasussat koruuninut 100-mik agguarneqarsinnaasunut qaninnermut ammut akunnaallisat.

Imm. 3. Taamaakkaluortoq akileraartussaatanut inunnet § 2, imm. 1, nr. 8-mi taaneqartunut aningasarianit akileraarusigassat malittarisassat imm 1-miittut malillugit naatsorsorneqarnissaannut Naalakkersuisut aalajangiisnaapput, tassa imaappoq inummut ilanngaammik akuersissuteqarsinnaapput.

§ 67. Qaammatisiutit malillugit ukioq pineqartoq sioqqullugu ukiup affaani siullermi Inatsisartut ataatsimiinneranni Inatsisartut allatut aalajangiisimangippata, inummut ilanngaatiq annertussusissaa 60.000 koruuninut aalajangersarneqassaaq.

Imm. 2. Ukiumi aningaasarsiorfusumi aappaasup toqkkut qimagunnera pissutigalugu aappariinneq atorunnaarpat toqkkut qimagaasusooq ukiumi tassani marlunnik inummut ilanngaateqartitaassaaq.

§ 67 a. Inuit aningaasarsiamik akileraaruteqaataasussat naatsorsorneranni soraarnerussutisiaqarnissamut aqqissuussinernit tunniunneqartunik ilanngussisussaangitsut, tak. § 39 a, imm. 1 aamma 2, inummut ilanngaatiq § 67, imm. 1-mi taaneqartoq tamakkiisumik ilanngaatisin-naangikkunikku, ilanngaatisap atunngitsuukkap akileraarutitigut nalingata tunniunneqarnissaa akileraaruseriffimmut qinnutigisinaavaat. Uppernarsaatissat pisariaqartut qinnuteqaatinut ilanngullugit nassiuunneqassapput. Tunniunneqartussat annerpaamik amerlaqatigisinaavaat aningaasat soraarnerussutisiaqarnissamut aqqissuussinernit pineqartunit tunniunneqartut akileraartussaataasup aningaasarsiaaniq akileraaruteqaataasussaangitsunik allaniq ilasat, inummut ilanngaammut atunngitsuukkamut sanilliullugit naatsorsorneqartut.

Imm. 2. Imm. 1 naapertorlugu tunniussineq qaammammut kingumoortumik pissaaq.

Imm. 3. Ukiumut aningaasarsiorfusumut, inummut ilanngaatiq attuumassuteqarfigisaanut inaarummik naatsorsuinerup nassiuunneqarnera ilutigalugu, kingusinnerpaamillu ukiumi, ukiup aningaasarsiorfiup tulliani ulloq 1. september, akileraaruseriffiup tunniunneqartut imm. 1-mi taaneqartut naatsorsorsussavai nikingassutaajunnartullu tunniutissallugit akiligassiissutigissallugilluunniit.

§ 68. Kommune akileraarfissaq tassaavoq Kalaallit Nunaanni kommune akileraartussaatiq ukiup aningaasarsiorfusup siornagut septemberip aallaqqaataani § 1 imaluunniit § 2 malillugu akileraartussaannermut patsisaasumik atassuteqarfigisaa. Akileraartussaataaneq piffissap tamatuma kingorna aatsaat atulerpat kommuni akileraarfissaq tassaassaaq kommune akileraartussaatiq akileraartussaataanerup atulernerani oqaaseqatigiinni siullerni taaneqartutut ittumik atassuteqarfigisaa.

Imm. 2. Akileraaruseriffik kommunitut akileraarfittut isigineqassaaq, imaattoqartillugu:

1) Imm. 1-mi oqaatigineqartunik attaveqarneq tassa sumiiffimmut kommunit aggornerisa avataanni inissisimasumut attaveqarneq.

- 2) Akileraartussaataitaasoq aatsitassat pillugit ingerlatallu tamatumunnga pingaaruteqartut pillugit Inatsisartut inatsisaat naapertorlugu akuersissummik tunineqarsimappat,
- 3) Akileraartussaataitaasoq misissueqqaarnermut misissueqqissaarnermullu akuersissummik tunineqarsimappat taamaallaallu suliffeqarfimmik ingerlatsilluni aatsitassat pillugit ingerlatallu tamatumunnga pingaaruteqartut pillugit Inatsisartut inatsisaat naapertorlugu akuersissutip kingunerisaanik,
- 4) Akileraartussaataitaasoq § 32, imm. 3-mi pineqartunut ilaappat,
- 5) Akileraartussaataitaasoq sermip erngullu avammut nioqqutissatut atorneqarnissaat pillugu Inatsisartut inatsisaat naapertorlugu akuersissummik tunineqarsimappat,
- 6) Akileraartussaataitaasoq misissueqqaarnissamut misissueqqissaarnissamullu akuersissummik tunineqarsimappat taamaallaallu sermip erngullu avammut nioqqutissatut atorneqarnissaat pillugu Inatsisartut inatsisaat naapertorlugu akuersissutip kingunerisaanik suliffeqarfimmik ingerlatsilluni,
- 7) Inuk atorfeqarnerminut ilaatillugu illoqarfiit nunaqarfillu avataanni imaluunniit Namminersorlutik Oqartussat sinnerlugit mittarfiliornerni sanaartugassanut pilersaarusernermut suliassanut, illuliortiternermut sanaartornermullu suliassanut kiisalu innaallagialersuinermit ikkussuiner mullu suliassanut atatillugu suliassanik suliaqartoq, takuuk § 72 a, imm. 1, aammalu sulisoq taanna nunami maani qaammatini siuliini 6-inik kingullerni kommunimut akileraartussaataitaasimanngitsoq, imaluunniit
- 8) Inuk nr. 2-4-mi pineqartumik akileraartussaataitaasumi atorfeqartitaasoq atorfeqartitaasorlu qaammatip siuliini arfinilinni kingullerni nunami maanni kommunimut akileraartussaasimanani.

Imm. 3. Kommunalbestyrelsi imaluunniit akileraartussaataitaasoq isumaqarpata akileraartussaataitaasumut kommune akileraarfissaq toqqarneqartoq eqqortuunngitsoq ukiup aningaasarsiorfusup pineqartup naannginnerani akerliliissut kommunimi akileraarfittut toqqarneqartumi kommunalbestyrelsimut tunniunneqarsinnaavoq. Kommunitut akileraarfittut toqqarneqartoq akileraaruseriffuppat, imm. 2 naapertorlugu, akerliliissut akileraaruseriffimmu tunniunneqassaaq. Nalornisoortoqartillugu akileraaruseriffup aalajangiiffigissavaa kommuni sorleq akileraarfittut isigineqassanersoq. Taamaattorli akileraaruseriffik kommunitut akileraarfittut toqqarneqarsimatillugu nalornisoortoqarpat Naalakkersuisut aalajangiisuusappat.

§ 69. Akileraarutit naalagaaffimmu takornartamut, Danmarkimut Savalimmiunulluunniit akilernerqarsimasut aammalu aningaasarsianit taakkunannga aallaaveqartunit toqqaannartumik akileraaruseriinnikkut unerartitsinikkulluunniit tiguniarneqarsimasut aningaasarsianit taakkunannga Kalaallit Nunaannut aningaasarsianit akileraarutinit akilernerqartussanit ilanngaatigineqarsinnaapput. Taamaattorli ilanngaatigineqartut akimorsinnaanngilaat Kalaallit Nunaanni akileraarutigineqartut tamarmiusut ilaat aningaasarsiat ilaasa naalagaaffimmi takornartami, Danmarkimi Savalimmiuniluunniit akileraaruserneqarsimasut aammalu aningaasarsiat Kalaallit Nunaanni akileraaruteqaataasut tamarmiusut imminnut sanilliullugit qanoq amerlatiginerat malillugu aningaasarsianut siulliullugit taaneqartunut tuttussaasut.

Imm. 2. Naalagaaffik takornartaq, Danmarki Savalimmiulluunniit marloriaammik akileraaruteqartitaanissaq pinngitsoorniarlugu isumaqatigiissuteqarfigineqarsimappata taamaattoq naalagaaffiup taassuma, Danmarkip Savalimmiulluunniit isumaqatigiissut malillugu pinngitsooratik pisassarisaanit amerlanerusunik ilanngaatissaqartitsineqassanngilaq.

§ 69 a. Akileraartussaataitaasut marloriaammik akileraarnissaq pingitsoorniarlugu isumaqatigiisummik iluaquteqassanngillat, pissutsit pisullu soqutiginaatillit tamaasa eqqarsaatigalugit aalajangerneqarsinnaasorinarpat iluaqutiginninniarneq, aaqqissuussinerni suniluunniit imaluunniit nuussinerni suniluunniit toqqaannartumik toqqaannangitsumilluunniit iluaqutiginninnermik kinguneqartuq siunertat pingaernerit ilagigaat, aatsaalli pisut taakku apeqqutaatillugit iluaqutiginninnissamik akuerineqarnissap, isumaqatigiisummi aalajangersakkap pineqartup imarisaanut siunertaanullu naapertuuttuunera uppersarneqanngippat.

§ 70. Inuk § 1 naapertorlugu akileraartussaataitaasoq umiarsuarmi Dansk Internationalt Skibsregisterimi nalunaarsorsimasumi Kalaallit Nunaatalu imartaani angalasuunngitsumi sulisimanermigut akissarsiaqarsimappat, akileraarutissat tamarmiusut akissaarsiat taakkua akileraarutitaannut naapertuuttumik annertussusilinnik appartinneqassapput.

Imm. 2. Maleruagassamut imm. 1-itimiittumut ilaavortaaq inuk § 1 naapertorlugu akileraartussaataitaasoq umiarsuarmi usinik angallassisummi Dansk Internationalt Skibsregisterimi nalunaarsugaasumi sulinermigut akissarsisimasuq, aammalu Kalaallit Nunaata nunallu allat, tamatumani ilanngullugit Danmarki Savalimmiullu, akornanni aalajangersimasumik usinik angallassinermi inuttaasoq.

Imm. 3. Imm. 1-imi maleruagassamut ilaavortaaq inuk § 1 naapertorlugu akileraartussaataitaasoq umiarsuarmi usinik angallassisummi 1.100 bruttotonnage taannaluunniit qaangerlugu usitussusilimmi Dansk Internationalt Skibsregisterimi nalunaarsugaasumi aammalu umiarsuarni usinik angallassisutini imm. 2-mi taaneqartuni Kalaallit Nunaanni umiarsualivimmiit umiarsualivimmut usinik aalajangersimasumik angallassinermi inuttaanermigut akissarsiaqartuq kiisalu uuliamik assartuutini 450 bruttotonnage taannaluunniit qaangerlugu usitussusilinni.

§ 71. Kalaallit umiarsuaataat ilaasartaatit 1.100 taannaluunniit sinnerlugu bruttotonageqartut, takornarianik akuleriisitsineqarnermilluunniit angallassisut, akileraaruseriffup umiarsuarni inuttat akissarsiaasa akileraarutitaat pillugit aaqqissuussinermut nalunaarsuiffiani ilanngunneqarsinnaapput, umiarsuarni nalunaarsorsimaffimmi tassani nalunaarsorsimasuni inuttaasut akissarsiaat sulinermilu atugassarisaat pillugit isumaqatigiissutini erseqqissumik allassimappat, taamatut sulinermuinnaq atuuttuusut. Naalakkersuisut nalunaarsorsimaffimmut nalunaarnissamut ilaajunnaarniarlunilu nalunaarnissamut erseqqinnerusunik malittarisassanik aalajangersaasinnaapput.

Imm. 2. Akuleriisitsilluni angallassineq tassaavoq ilaasunik timmisartumut umiarsuarmullu ataqatigiissillugit, Danmarkimiit, Savalimmiuniit imaluunniit nunanit allanit angalatitsinermut atatillugu billitsisimasunik angallassineq, aammalu inissaqartillugu ilaasunut Kalaallit Nunaata iluani angallanneqartussanut billitsinik tuniniaaneqarfusoq.

Imm. 3. Kalaallit umiarsuaat ilaasartaat tassaavoq umiarsuaq Kalaallit Nunaanni nalunaarsugaasoq inuussutissarsiutitut ilaasunik angallassinermut taamaallaat atorineqartuq. Umiarsuaq ilaasartaat Kalaallit Nunaanni nalunaarsugaasoq umiarsuarmut ilaasartaammut Danmarkimi, Savalimmiuni nunani allaniluunniit nalunaarsugaasunut, inuttaqartinnagu ilaasunik angallassisutitut kalaallit umiarsuaateqarfianit attartorneqarpat, assigittinneqarpoq. Umiarsuup ilaasartaatip Kalaallit Nunaanni nalunaarsugaasup ilaasunik angallassinera, inuttaqartinnaguli qallunaat, savalimmiormiut, nunani allamiilluunniit umiarsuaateqarfianit ilaasunik angallassinera ingerlanneqalerpat, kalaallit ilaasunik angallassisutaattut isigineqassanngilaq.

Imm. 4. Inuk ilaasunik angallassissummi, akileraaruseriffiup umiarsuarni inuttat akissarsiaasa akileraarutitaat pillugit aaqqissuussinermut nalunaarsuiffiani ilaasumi, sulisimanermigut akissarsiaqarsimappat, akileraarutissat tamarmiusut akissarsiat taakkua akileraarutitaannut naapertuuttumik annertussusilinnik appartinneqassapput.

Imm. 5. Sulinikkut akissarsiat, umiarsuup sananeqarnermini nunamiinnerani, iluarsaanneqarnerani imaluunniit unitsinneqarallannerani nunamiinnerata nalaani, imm. 4-mi pineqartunut ilaatinneqarput.

§ 72. (Atorunnaarpoq)

§ 72 a. Inuit akileraartussaataasut, illoqarfiit nunaqarfillu avataanni imaluunniit Namminersorlutik Oqartussat sinnerlugit mittarfiliornerni sanaartugassanut pilersaarusionermut suliassanut, illuliortiternermut sanaartornermullu suliassanut kiisalu innaallagialersuinermit ikkussuinernullu suliassanut atatillugu suliassanik suliaqartut aammalu nunami maani qaammatini siuliini 6-inik kingullerni kommunimut akileraartussaataasimangitsut atorfeqarnerminni isertitamik 35 procentiannik Nunap karsianut inaarutaasumik akileraaruteqassapput (ilanngaasiinnginnermi akileraarut). Aningaasarsianit ilanngaateqartoqarsinnaanngilaq, tamatumani aamma ukiuni siusinnerusuni aningaasarsiorfusuni amigartoorutinik, taamatullu § 4, imm. 2, aamma § 4 e atorneqarsinnaanatik. Aningaasarsiat pissarsiarinerannut, qulakkeerneqarnerannut aammalu ingerlaannarnissaannut aningaasartuutit akileraartussaataasumi aningaasarsianut allanut ilanngaatigineqarsinnaanngillat. Aningaasarsianit pissarsiarineqartunut tunngatillugu akileraartussaataaneq inaarutaasumik naammassineqassaaq akileraarutinut akiliutaasutigut.

Imm. 2. Isertitat atorfeqartitaanermi isertinneqartut, tak. imm. 1, A-tut B-tullu isertitanut ilaapput, taamaattorli sulisitsisut soraarnerussutisianut katersivinnut inuunermilu sillimasiinernut aaqqissuussanut akiliutai, § 39-mi, § 40-mi, § 43-mi imaluunniit kapitali 4 a-mi aalajangersakkanut ilaasut ilanngunneqassanngillat.

Imm. 3. Imm. 1-imi aalajangersagaq atuutissanngilaq, inuk peqatigitillugu aningaasarsianik A-nik allanik isertitaqarpat, Kalaallit Nunaanni akileraarutaasussanik.

Imm. 4. Inuk imm. 1-imi taaneqartoq, imm. 3 naapertorlugu atorfeqartitaanermi aningaasarsiat saniatigut isertitaqarpat, taakkua saniatigut isertitat inatsisip matuma aalajangersagarisai allat malillugit akileraaruserneqassapput.

Imm. 5. Inuk imm. 1-imi taaneqartoq atorfeqartitaanermi atatillugu ukiumi aningaasarsiorfusumi 350.000 kr.-init ikinnerusunik aningaasarsiaqarpat, Kalaallit Nunaata avataaneersuneersunit erniatigut isertitat, ernianut aningaasartuutit aamma iluanaarutisiat, imm. 4 apeqqutaatinnagu akileraaruserneqassanngillat.

Imm. 6. Inuk imm. 1-imi imaluunniit 5-imi aamma § 15, imm. 4-mi taaneqartuinnarnik aningaasarsiaqaruni, akileraaruserinermik ingerlatsineq pillugu Inatsisartut inatsisaanni § 16 apeqqutaatinnagu nammineerluni nalunaarsuiffimmik nassiussinngissinnaavoq.

Imm. 7. Inuup ukiumi aningaasarsiorfusumi akileraarutaasussanik isertitai tamarmiusut, imm. 1-imi aalajangersakkat malillugit 50 procentii amerlanerusulluunniit akileraaruserneqarpat, § 4 d, imm. 2-mi aamma § 4 e-mi aalajangersakkat atorneqassanngillat.

§ 72 b. Inuit akileraartussaataitaasut atorfeqartitaanerminnut atatillugu annertunerpaamik suliassanik, aatsitassat pillugit ingerlatallu tamatumunnga pingaaruteqartut pillugit Inatsisartut Inatsisaat naapertorlugu misissueqqaarnermut, misissueqqissaarnermut imaluunniit aatsittassanik iluaqutiginninnermut attuumassuteqartunik, aalajangersimasuunerusunik suliaqartut, qaammatillu siuliini qaamatini arfinilinni nunami maani kommunimut akileraartussaataitaasimangitsut, atorfeqartitaanermi akissarsiat 35%-iini, nunatta karsianut inaarutaasumik akileraartassapput (tamakkiisumik akileraarutit). Aningaasarsianit ukiuni aningaasarsiorfusuni siusinnerusuni amigartoorutitik ilanngaateqartoqarsinnaanngilaq, taamatuttaaq § 4 d, imm. 2, aamma § 4 e, atorneqassanatik. Aningaasarsiat akissarsiarineqartartut pissarsiarinerannut, qulakkeerneqarnerannut ingerlaannarnissaannullu aningaasartuutit akileraartussatitaasup allatigut aningaasarsianit ilanngaatigineqarsinnaanngillat. Atorfeqarnermi aningaasarsiarisartakkanut tunngatillugu akileraartussaataitaaneq inaarutaasumik naammassineqassaaq akileraarutinut akiliutinik akilersinneqartutigit.

Imm. 2. § 72, imm. 2-7-imi aalajangersakkat taamatulli atorneqassapput.

Kapitali 7

Akileraarutitik akiliisitsiniaaneq

§ 73. Ingerlatseqatigiiffinnut akileraarutit, nunamut tamarmut akileraarutit, kommuninut ataatsimoortumik akileraarut, kommunimut akileraarutit nunamullu tamarmut akileraarutit immikkut ittut kapitalimi matumani maleruagassanut naapertuuttumik akilersinniarneqassapput. Iluanaarutisianit akileraarutit aamma atuisinnaanermut akileraarutit akilersinniarneqartassapput maleruagassat kapitali 8-miittut najoqqutaralugit.

Imm. 2. Inuit akileraartussaataitat ukiup aningaasarsiorfusup ingerlanerani akileraarutaagallartunik akiliinikkut akileraarutit akilertassavaat, taamaattoq takukkit § 76, imm. 2, oqaaseqatigiit pingajui, § 86, imm. 1 aammalu § 91, imm. 1.

Akileraarutit A-t aamma B-t

§ 74. Aningaasat §§-ini 76-imiit 82-imut maleruagassiat najoqqutaralugit unerartitsinikkut akileraarutit "akileraarutit A-nik" taagorneqarput. Aningaasarsiat akileraaruteqaataasussat akileraarutitik A-nik imaluunniit kap. 8 malillugu iluanaarutisianit akileraarutitik unerartitsinikkut akileraarusiiffineqassanngitsut "aningaasarsiat B"-nik taagorneqarput. Aningaasarsianit B-nit akileraarutaagallartut, tak. §§ 83 – 84,"akileraarutit B-nik" taagorneqarput.

§ 75. Aningaasarsianut A-nut naatsorsuunneqarput:

1) Sulisussarsiarineqarluni nammineerluni sulinermut aningaasannorlugit akissarsiat sulluunniit, ilaallutik akissarsiat (nalinginnaasut), feeriarnerisutit, honorarit, iluanaarutinit kajumissaatitut tapisiat, kiffartulussinnarnaveeqqutisiat, drikkepengit akiliutillu taakku assigisaat. Aningaasannorlugit akissarsiat taamaallaat aningaasarsiat A-jussapput tamanna pillugu Naalakkersuisut malittarisassalorsimanerattut annertutigisumik.

2) Siulersuisunut, ataatsimiititalianut, kommissioninut, siunnersuisoqatigiinnut assigisaannullu ilaasortaanermi ikiortaanermiluunniit akissarsiat.

3) § 46, imm. 7 naapertorlugu tunniunneqartut.

4) Ajunngitsorsiat § 19, imm. 2-4-mi aamma § 19 a-mi pineqartut, atorfeqarnermi atugassiisutigineqartut nalingi. Taamaaqataani, pineqarput ajunngitsorsiasat uniffik siullermi naaneqartut inunnet siulersuisuni, ataatsimiititaliani, isumalioqatigiissitani, siunnersuisooqatigiinni, aalajangiisartuni imaluunniit allani ataatsimoortuni oqartussani, ilanngullugit Naalakkersuisut, Inatsisartut aamma kommunalbestyrelsit, ilaasortatut imaluunniit ikiortaaussatut toqqagaasunut, kiisalu pissutsit allatigut immikkoortumi tassani pineqartunut ilaatinneqanngippata § 86, imm. 3-mi taaneqartut amerlanerussuteqarluni aktiaatilinni, ingerlatseqatigiiffimmit pineqartup amerlanerussuteqarluni aktiaateqarfigisaanit ajunngitsorsiasanik atugassiivigineqartut.

Imm. 2. Malittarisassiat Naalakkersuisunit aalajangersarneqarsimasut najoqqutaralugit aningaasarsianut A-nut naatsorsuunneqarsinnaapputtaaq:

- 1) Isertitat allat tassaasut inuussutissarsiutillip aningaasarsiai akissaajaatinik ilanngariikkat, aamma
- 2) aalisarnermit, piniarnermit, aallaaniarnermit, savaateqarnermit sanalunnermillu tunisassianik Kalaallit Nunaanni tunisinermit isertitat selskabit, peqatigiiffit assigisaasaluunniit tunisarinnngippatigut.

Imm. 3. Isertitat aningaasarsiatut A-tut isigineqassanngillat tunniussisut tassaappata:

- 1) Naalagaaaffit takornartat naalakkersuisuisa allartitaat taakkunungalugu ilaasut kiisalu naalagaaffit takornartat konsulii, imaluunniit
- 2) Kingornussarsiasat, peqatigiiffit tamat iluaqutissaattut tamanulluunniit ajunngitsuliutaasut ingerlatsiviit, Kalaallit Nunaanni nalunaarsugaanngitsut, takuulli § 76, imm. 5.

Imm. 4. Naalakkersuisut immikkut ittumik pissutissaqartillugu malittarisassaliorsinnaapput taakku najoqqutaralugit isertitat aalajangersimasut imaluunniit isertitat allat imm. 1-imi 2-miluunniit aalajangersakkanut ilaasut isertitat A-tut isigineqassanngitsunik. Naalakkersuisut malittarisassaliorsinnaapputtaaq taakkua malillugit isertitat ilaat imm. 1-imi 2-milu aalajangersakkani pineqartunut ilaasut pissutissaqartillugu isertitat A-tut isigineqassanngitsunik.

Imm. 5. Nalornisoqartillugu Naalakkersuisut aalajangissavaat aningaasarsiaq aningaasarsiatut A-tut B-tulluunniit isigineqassanersoq.

§ 76. Isertitanik A-nik tunniussinernut tamanut atasumik kinaluunniit tunniussisoqarneratigut akiligassaqartitaasoq aningaasanit tunniunneqartunit akileraarutaagallartunik ilanngaassaaq. Immikkut akissarsiaritittakkanit, soorlu feeriarnersiutinit sapaataanngitsunilu nalliuttuni akissarsianit qaqugukkat akileraarutininik ilanngaanissamut ukiumilu aningaasarsiorfimmi sorlermi akissarsiaritittakkat taakkua akileraarusigaanissaannut immikkut maleruagassat Naalakkersuisut aalajangersarsinnaavaat.

Imm. 2. Akileraarutissanik ilanngaaneq pisassaaq ilanngaasussaaitap aningaasanik akileraarutissanik naatsorsuillunilu taakkuninnga aningaasarsianit A-nit ilanngaaneratigut. Tamakkiisumik akileraartussaaitanut aningaasat taakku tassaapput akileraarutit A-nut akileraarutaagallartut, takuulli § 72 a, imm. 1, 2 aamma 5 aammalu § 72 b. Killilimmik akileraartussaaitanut akileraarutit A-t ilanngaatigineqartut tassaapput inaarutaasumik akileraarutit.

Imm. 3. Akileraarutininik aningaasarsianit A-nit pineqartunit unerartitsinerit, piumasaqaataasunit allanit, tamatumani aamma unerartitsisussaaitaasunit piumasaqaataasunit, salliutinneqartussaapput.

Imm. 4. Inummut, suliffeqarfimmit nunami maani angerlarsimaffeqanngitsumit nunami maani sulisussatut atukkiunneqarsimasumut akissarsianik tunniussinermi unerartitsisussaataaneq suliamik sullinneqartup isumagisassaraa. Tamannali taamaallaat atuuppoq suliaq suliffeqarfiup nunami maani ingerlataata ilagippagu. Suliffeqarfik nunami maani angerlarsimaffeqanngitsoq inuup aningaasarsiai A-t, paasissutissallu allat pineqartup akileraarutaasa A-t nalunaarutigineqarnissaannut, unerartinneqarnissaannut akilerneqarnissaannullu pingaarutillit pillugit uppernarsaatinik tunniussaqaqanngippat, suliamik sullinneqartup akileraarutit A-t akiligassanit tamarmiusunit naatsorsussavai. Oqaaseqatigiit siulliit atuutissanngillat suliffeqarfik nunami, Namminersorlutik Oqartussat akileraarutinik unerartitsisarneq pillugu ikioqatigiinnissamik isumaqatigiissuteqarfigisaani angerlarsimaffeqarpat, tak. § 114, imm. 2, nr. 3.

Imm. 5. Aningaasarsianit pineqartunik akiligassaqaqartitaasoq Kalaallit Nunaanni eqqartuussisoqarfimmik najugaqarfeqaqanngippat tunniussinerlu taamaaliornissamut piginnaatitaasumit Kalaallit Nunaanni eqqartuussisoqarfimmik attavigisaqartumit isumagineqarpat piginnaatitaasoq taanna unerartitsisussaavoq.

Imm. 6. Naalackersuisut malittarisassiorsinnaapput unerartitsisussaataitap akileraarutinik A-nik naatsorsuinermini aningaasat akileraarutit naatsorsorneqarfissaat koruuninut 10-mik agguarneqarsinnaasumut qaninnerpaamut ammut akunnaallissagai.

Imm. 7. Akileraarutit A-t unerartitassat minnerpaamik killissaat Naalackersuisut aalajangersinnaavaat.

§ 77. Aningaasarsiat A-t Lønmodtagernes garantifondikkut tunniunneqaraangata akileraarutinik unerartitsisussaqaq pisussaavoq – aningaasat aningaasaateqarfimmit tunniunneqarsimanngippata – akileraarutit A-t akileraaruseriffimmut akilissallugit, takuuk akileraaruserinermik ingerlatsineq pillugu Inatsisartut inatsisaanni § 34, aningaasat tassaasut aningaasaateqarfiup Lønmodtagernes Garantifond pillugu inatsimmi § 2, imm. 1, oqaaseqatigiit pingajui malillugit aningaasat tunniutinnginneranni akileraarutit ilanngaatisavai. Unerartitsinissamut malittarisassiat imarisamikkut siuliini taaneqartunut kattutsinneqarsinnaanermisut atuutissapput.

Imm. 2. Aningaasarsianik A-nik pissarsisumut aningaasaateqarfiup akileraarutit ilanngaatisai aningaasarsianit akileraarutinut A-nut taarsiuttuupput.

§ 78. Naalackersuisut danskit naalackersuisui isumaqatigiiffiginnaavaat inummit, selskabimit il.il. ilanngullugulu piginnaatitaasumit, naalagaaffeqaqatigiinnerup ilaani eqqartuussisoqarfimmik attavigisaqartumit aningaasarsianit inummut tamakkiisumik ilaannakortumilluunniit naalagaaffeqaqatigiinnerup ilaanut allamut akileraartussaataasunut tunniunneqartunit akileraarutinik unerartitsisoqassasoq. Taama isumaqatigiissuteqarnermut atatillugu akileraarutinik unerartitsinissamut, unerartitat akilerneqarnissaannut il.il. malittarisassat aalajangersarneqarsinnaapput.

Imm. 2. Isertitat imm. 1-imi isumaqatigiisummi pineqartut inummut Kalaallit Nunaanni tamakkiisumik ilaannakortumilluunniit akileraartussaataitamut tunniunneqartut inatsisip matuma tungaatigut aningaasarsiatut A-tut isigineqassapput.

§ 79. Ilimanarpat inuk akileraartussaataitaq ukiumi aningaasarsiorfusumi pineqartumi A-nik aningaasarsissasoq akileraarutinik unerartitsinermit atugassamik akileraaruseriffiup inuk taanna

skattekortimik bikortimillu tunissavaa. A-nik aningaasarsiallit unerartitsisussaaitamut skattekorti tunniulluguluunniit bikorti takutissavaat.

Imm. 2. Akileraarutinik unerartitsineqalersinnagu qammammut, ullut 14-inut, sapaatip akunneranut ullormullu aningaasarsianit A-nit ilanngaatigineqartussat akileraaruseriffiup skattekortimut allassavai, takuulli § 72 a, imm. 1, 2 aamma 5, aammalu § 72 b. Inunnut tamakkiisumik akileraartussaaitanut ilanngaatit tassaapput ukiumi pineqartumi aningaasarsiat akileraarutillu naatsorsorneranni ilanngaataassangatinneqartut tamarmik ilaat piffissanut pineqartunut naleqqussakkat. Inunnut killilimmik akileraartussaaitaasunut ilanngaatit tassaapput akileraarutit naatsorsorneranni ilanngaatissaatinneqartussat ilaat piffissanut naleqqussakkat, tak. §§-it 2 aamma 66. Bikortimi ilanngaatissanik allassimasooqassanngilaq.

Imm. 3. Immikkut ittunik pissutissaqartillugu ilanngaatissat skattekortimut allanneqannginnissaannut imaluunniit imm 2-mi taaneqartunit allaanerusumik ilanngaatissap tamarmiusup agguataarneqarnissaanut maleruagassianik Naalakkersuisut aalajangiisinnaapput.

Imm. 4. Akileraaruseriffiup procenti suna atorlugu unerartitsineqartassanersoq skattekortimut bikortimullu allassavaa, tak. §§-it 61-imiit 64-imut, § 72 a, imm. 1 aamma § 72 b, imm. 1.

Imm. 5. Ataasiakkaatigut pissutissaqartillugu ilanngaateqanngitsumik aammalu akileraartussaaitap qanoq akissarsiusangatinneqarnera najoqqutaralugu akileraarutinik unerartitsinermi atugassamik procentitalimmik akileraaruseriffik skattekortiliorsinnaavoq.

Imm. 6. Ataasiakkaani pissutissaqartillugu, soorlu qularnanngippat akileraartussaaitap aningaasarsiai ima annertutigilernaviangitsut aningaasarsianit akileraarutinik akiliissalluni, akileraaruseriffik siunissami atuuttussamik aalajangiisinnaavoq akileraartussaaitap aningaasarsiaanit A-nit akileraarutinik unerartitsineqassanngitsooq. Aalajangiineq taanna A-nik aningaasarsiat ilaannut imaluunniit aningaasarsianut killilimmik aalajangikkanut killilerneqarsinnaavoq. Taamatut aalajangiineqarsimappat A-nik aningaasarsiallip allagartaq unerartitsinnginnissamut uppersaat frikorti akileraaruseriffimmit suliarineqarsimasooq aningaasarsianik A-nik akiliisussamut takutissavaa. Immikkut ittutigut taamaaliornissamut pissutissaqaraangat Naalakkersuisut aalajangersinnaavaat frikorti atunngikkaluarlugu aningaasarsiat A-t ilaannit aalajangersimasunit akileraarutinik unerartitsisoqartassanngitsooq.

Imm. 7. Akileraaruseriffiup paasissutissat skattekortimi, bikortimi frikortimiluunniit takuneqarsinnaasut unerartitsisussaaitamut nalunaarutigisinnaavaa. Taamaassappat akileraarutinik A-nik unerartitsineq paasissutissat taakku tunngavigalugit pisassaaq.

§ 80. Akileraartussaaitap skattekorti tunniussimangippagu imaluunniit bikorti imaluunniit frikorti takutissimangippagu ilanngaateqanngitsumik 45 procentimik akileraarutinik unerartitsineqassaaq, taamaattorli aningaasarsianit § 75, imm. 2, nr. 2-mi pineqartunit 23 procentimik.

Imm. 2. Kiffartuussinermi akileraartussaaitap aningaasanik kiffartuussinermi kinguneranik inummit allamit tigusaminit tigungminniinnarneratigut aningaasarsianik A-nik pissarsisoqarpat akileraartussaaitap sulisitsisuatalu aningaasanik pineqarsimasunik naatsorsuinerit tamaasa aningaasarsiat A-t naatsorsorneqartassapput, taamaattorli minnerpaamik qaammammut ataasiarluni. Tamatuma peqatigisaanik akileraartussaaitap akileraarutit A-t aningaasarsianut A-nut naleqquttut sulisitsisuminut tunniuttassavai. Akileraartussaaitaq akileraarutinik tunniussinngitsoortoq susassaqaqatigiit akornanni siumut ilisimatitsinissaq pillugu isumaqatigiissutaasimasut soqutiginagit erngerluni suliaminit tunuurtussatut soraarsitaasinnaavoq.

§ 81. Aningaasat unerartitsisussaaitap qaammatisiutit malillugit qaammammi unerartissimasai qaammatip tulliaata aallaqqaataani akiligassanngussapput, piffissaagallartillugu akiliiffissaq kingulleq tassaalluni qaammatip akiligassanngorfup tulliani qaammatip ulluisa aallaqqaataat. Piffissaagallartillugu kingusinnerpaamik akiliiffissaq sapaataappat nalliuttuuppalluunniit imaluunniit arfininngorneruppat, piffissarititaasoq ulluinnaasumut tullermut sivitsorneqassaaq.

Imm. 2. Unerartitsisussaaitap unerartitassat tungaasigut peqqissaanngitsumik imaluunniit sumiginnaasumik ileqqoqarfigisaani akileraarutit akilerneqartarnissaat pillugu Naalakkersuisut immikkut ittunik maleruagassiorsinnaapput.

Imm. 3. Malittarisassat Naalakkersuisunit aalajangersagaasut malillugit unerartitsisussaaitaasup qaammatisiutit malillugit qaammatip ingerlanerani unerartissimasat pillugit nassuiaateqassaaq, kingusinnerpaamik qaammatisiutit malillugit qaammatip tulliuuttup ulluisa qulingani. Nassuiaatit Kalaallit Nunaanni suliarineqassapput. Paasissutissat sukumiisumik nassuiaatip suliarineqarneranut tunngaviusut kiisalu paasissutissat akileraaruseriffup aningaasarsiat A-nik tunniunneqartunik misissuinissaanut pisariaqartut Kalaallit Nunaanni toqqortaatigineqassapput. Oqaaseqatigiinni siullermi aappaanilu taaneqartut atuutinnigillat nunap akileraarutininik unerartitsinissamut pisussaaffeqartup nunagisaa Kalaallit Nunaatalu akornanni Kalaallit Nunaannut akileraarutininik unerartitsinissamik isumaqatigiissuteqartoqarsimatillugu. Piffissaagallartillugu kingusinnerpaamik nassuiaammik tunniussivissaq sapaataappat nalliuttuuppalluunniit imaluunniit arfininngorneruppat, piffissarititaasoq ulluinnaasumut tullermut sivitsorneqassaaq.

Imm. 4. Maleruagassani imm. 3-mi pineqartuni aalajangerneqarsinnaavoq piffissaatitaq eqqorlugu nassuiaateqanngitsoortoq piffissami pineqartumi akiligassat 1 procentiannik tapiissutaasumik akiliuteqartassasoq. Akiliutissaq minnerpaamik 500 koruuniussaaq annerpaamillu 1.000 koruuniusinnaalluni. Akiliut akileraaruseriffup pissavaa.

Imm. 5. Unerartitsisussaaitat paasissutissanik nassuiaatit imm. 3-mi pineqartut tunniunneqarneranni atugassanik pissarsiortussaanagerat, ilaatigut aningaasarsianik A-nik pisartut inuttut normuinik, aqqinik najugaanillu il.il. allattuisussaanagerat, pillugu Naalakkersuisut malittarisassiorsinnaapput. Aamma naalakkersuisut maleruagassianik aalajangersaasinnaapput unerartitsisussaaitat aningaasarsianik A-nik tunniussinermut akileraarutinillu A-nik unerartitsinermut naatsorsuusiortarnerannut tunngasunik.

Imm. 6. Nassuiaatit malillugit aningaasat akiliutigineqartussat tapiissutit akiliutinik ernianillu ilallit, tak. imm. 4 aamma akileraaruserinermik ingerlatsineq pillugu Inatsisartut inatsisaanni § 33, imm. 1, akiliutigineqartunit nikingassuteqassagaluarpata akileeqqinnissamut utertitsivigineqarnissanulluunniit akiliutissat minnerpaaffigisassaat Naalakkersuisut aalajangersarsinnaavaat.

§ 82. Unerartitsisussaaitap aningaasarsianik A-nik pisartuq unerartitsinerit pillugit allaganngorlugit ilisimatittassavaa maleruagassiat Naalakkersuisunit aalajangersarneqarsimasut malillugit.

Imm. 2. Unerartitsisussaaitap aningaasarsianik pisartuq taaneqartutut ilisimatittarumangippagu aningaasarsianik pisartuq akileraaruseriffimmut saaffignissuteqarluni piumasaqarsinnaavoq ilisimatitsissutit akileraaruseriffup akunnermiliunneratigut piniarneqartassasut.

§ 83. Inuk akileraartussaaitaq aningaasarsianit A-nit pinnani isertitanik B-nit, akileraarutaagallartunik akilersuissasoq ilimagisariaqarpat, akileraarutissat allagartaatigoortillugit (skattebilletikkoorlugit)

akilaraarutaagallartut akilersinneqassapput. Aningaasarsianit B-nit akilaraarutaagallartut naatsorsorneqassapput akileraartussaaitamut ukiumut pineqartumut inaarutaasumik isertitanik akilaraarutinillu naatsorsuinermi akilaraaruteqaataasussatut B-nit aningaasarsiarineqassangatinneqartunit ilanngaatigineqassangatinneqartunik ilanngarneqarsimasut.

Imm. 2. Akilaraarutinik B-nik akiliisitsiniarnermi killissat minnerpaafissaatitat Naalakkersuisut aalajangersinnaavaat.

Imm. 3. Akilaraarut B akilersugassani 12-ini qaammatit aallaqqaatai tamaasa akiligassanngortarpoq, qaammammi akiligassanngorfiani ulloq akiliiffissaq eqqortoq kingulleq 20-ani pisussaalluni. Ulloq akiliiffissaq eqqortoq kingulleq sapaataappat, nalliuttuuppat imaluunniit arfininngorneruppat, piffissamut killiliussaqaq ulluinnaap tullianut sivitsorneqassaaq.

Imm. 4. Akilaraarutit akilaraaruseriffimmit akilersinniarneqassapput.

§ 84. Akileraartussaaitaq aningaasarsianit A-nit B-nillu akilaraarutaagallartunik akiliissasoq ilimagisariaqarpat, qanoq annertutigisumik akilaraarutaagallartunik unerartitsinikkut akilaraarutissallu allagartaasigut akileraartinneqarnissaannut maleruagassiat Naalakkersuisut aalajangersassavaat.

§ 85. Aningaasarsiat A-nit unerartinneqartut imaluunniit akilaraarutissat allagartaasigut akilersinneqarsimasut saniatigut akileraartussaaitaq akilaraarutinik allanik akilaraaruseriffimmut akiliisinnaavaq. Taamaattoq ukiumi aningaasarsianik akilaraaruteqaataasussanik naatsorsuiffiusumi 1. majimit kingusinnerunngitsumik. Ukiumut aningaasarsiorffimmut akiliiffiusumut akilaraarutinik kinguaattoorutinik ernianik immikkullu tapilinnik akiligassaqaqarpat akiliutinit taakkua matuniarneqaaqassapput.

Ingerlatseqatigiiffimmut akilaraarutaagallartoq

§ 85 a. Ingerlatseqatigiiffiit peqatigiiffillu il.il. kingusinnerpaamik ulloq 31. decembari nammineq kajumissutsiminnik ingerlatseqatigiiffimmut akilaraarut ukiumi isertitaqarfusumi naatsorsuutigineqartoq akilersinnaavaat. Ingerlatseqatigiiffup ukioq isertitaqarfusoq qaammatisiutit malillugit ukiumit allaanerutippagu (ukioq isertitaqarfusoq nikisitaq), kingusinnerpaamik ukiup isertitaqarfusup atornerqartup naannginnerani akilaraarutaagallartoq akilerneqassaaq. Ulloq akiliiffissaq eqqortoq kingulleq sapaataappat, nalliuttuuppat imaluunniit arfininngorneruppat, piffissamut killiliussaqaq ulluinnaap tullianut sivitsorneqassaaq. Aningaasat akilerneqartut taagorneqarput akilaraaruteqarallarneq.

Kapitali 8

Iluanaarutisianit aamma atuisinnaanermut akilaraarutit

§ 86. Selskabini aktiatigut piginneqatigiiffiusuni tamatumani aamma anpartsselskabimit Kalaallit Nunaanni nalunaarsorsimasumit iluanaarutinik tunniussinissap aammalu pisassanngortinneqarnissai pillugu aalajangiinernut atatillugu tamatigut selskabip kommunimi nalunaarsorsimaffigisamini § 68 naapertorlugu akilaraarutininut procenti tamarmiusoq akilaraarutitut ilanngaatigissavaa, takukkit §§-it 61-imiit 63-imut. Aningaasat akilaraarutissatut ilanngaatigineqartut, "iluanaarutisianit akilaraarutit"-nik

taaneqartussat inaarutaasumik akileraarutaapput. Pissutsit taamaattut § 1, imm. 1, nr. 10-mi taaneqartunik peqatigiiffinnut aamma atuuttuupput.

Imm. 2. Suulluunniit aktiaatilinnut iluanaarutitut pisassanngortinneqartut tamarmik iluanaarutisiatut isigineqarput, aktialli akilersinnagit aktiaatilinnut tunniunneqartut aammalu akiliisinnaajunnaarnermi pigisat aningaasanngorlugit naatsorsorneranni iluanaarutit pinnagit. Amerlanerpaanik aktiaateqartup selskabi, selskabimut allamut aamma pineqartup amerlanerpaanik aktiaateqarfigisaanut aktianik tunisisimasumik akiliisinnaajunnaartutut unitsippagu, akiliisinnaajunnaarnermi pigisat aningaasanngorlugit naatsorsorneranni amerlanerpaanik aktiaateqartup iluanaarutai § 16, imm. 2-mi maleruagassiat malillugit, iluanaarutitulli isigalugit, naatsorsorneqassapput. Pissutsit taakku aamma anpartinik piginnittunik iluanaarutisitsinermi atupput.

Imm. 3. Aktiaatilik amerlanerpaanik aktiaateqartutut isigineqassaaq, takuuk imm. 2, pineqartup nammineq imaluunniit aapparisan, angajoqqaani, aatakkuni/aanakkuni aammalu meeqqani, ernguttani taakkualu aapparisaat peqatigalugit, ukiut kingulliit tallimat ingerlaneranni ingerlatseqatigiiffup aktiaataasa 25 procentii amerlanerusulluunniit pigisarismappagit, piffissalluunniit tamatuma ingerlanerani taasisinnaassuseqarnerup 50 procentia sinnerlugu taasisinnaassuseqarsimappat. Ernissat/panissat meeravissartaarisimasallu ilaqutavittut isigineqarput.

Imm. 4. Akileraarutit iluanaarutisianit tamarmiusunit naatsorsorneqassapput. Taamaattorli selskabi, aatsitassat pillugit ingerlatallu tamatumunnga pingaarutillit pillugit Inatsisartut inatsisaat naapertorlugu misissueqqaarnissamut, misissuinissamut imaluunniit piaanissamut akuersissummik nalunaarfigineqarsimasooq, akileraarutissanik naatsorsuinermi, selskabip iluanaarutisianik agguassaasa akileraarusersorneqartut, selskabip iluanaarutininik agguassat ilanngaatigitinnagit akileraaruteqaataasussanik sinneqartoorutaannit, amerlanerussutaat ilanngaatigisinnaavaat. Oqaaseqatigiit aappaanni taaneqartunik ilanngaatit aningaasarsianit akileraarutit pillugit inatsimmi § 27, imm. 1 naapertorlugu aningaasarsianik akileraaruteqaataasussanik naatsorsuinermi ilanngaatigineqarsinnaanngillat.

Imm. 5. Akileraarutininik ilanngaassineq iluanaarutisianit piumasarineqartunit allanit, aamma aktiat anpartilluunniit tunngavigalugit ingerlatseqatigiiffup piumasaqaataanit, salliutinneqartussaavoq.

§ 87. Selskabi sulisorisat aktiaataannik utertitsilluni sulisorisanut allanut tuneqqitassanik pisisoq iluanaarutisianit akileraarutit selskabip akileraarfittut kommuniani, tak. § 68, qaammatisiutit malillugit ukiumi pineqartumi procenti akileraarusiissut tamarmiusooq, tak. §§-it 61-imiit 63-imut, aamma procenti selskabip akileraarutissaata § 60-imi aalajangersarneqartup assigiinngissutaattut annertutigisooq akileraarutininut ilanngaatigissavaa.

Imm. 2. Selskabip aningaasanik niuerfimmi nalunaarsorneqarsimasup nammineq aktiaatini utertillugit pisiarigunigit iluanaarutisianit akileraarutininik imm. 1-imi taaneqartutuulli akileraarutissanut immikkoortitsissaaq.

Imm. 3. Selskabimi aktianik amerlanerpaanik piginnittuusup akiliisinnaajunnaarluni ingerlajunnaarnermi pissarsiai iluanaarutit isigineqarpata, § 86, imm. 2, oqaaseqatigiit aappaat naapertorlugit, iluanaarutisianit akileraarutininik imm. 1-imi taaneqartutulli akileraarutininut ilanngaassineqassaaq.

Imm. 4. Kinguaariit nikinnerannut atatillugu aningaasanik agguassaasineqarpat, selskabip iluanaarutisianit akileraarummik imm. 1-imi taaneqartutuulli immikkoortitsissaaq, tamatumani aamma kinguaariit ingerlaavartumik nikittarneranni atsiornikkut isumaqatigiissuteqartoqarsimatillugu. Isumaqatigiissutit

malillugit kinguaariit nikingitsoorpata iluanaarutisianik akileraarutininik § 86, imm. 1 naapertorlugu, isumaqatigiissutit atorunnaarneraniit qaammat ataaseq qaangiutsinnagu selskabi akileraareersimassaaq, iluanaarutisianit akileraarut imm. 1 naapertorlugu iluanaarutisiat siusinnerusukkut akilerneqarsimasut ilanngaatigereerlugit.

§ 88. Iluanaarutisianit akileraarutit unerartitat ingerlatseqatigiiffiup, qaammatip iluanaarutisianik tunniussinissamik pisassanngortitsinissamilluunniit aalajangiiffiusup tulliani kingusinnerpaamik qaammatip ulluisa aallaqqaataanni akileraaruseriffimmut akilissavai. Aningaasaatinik agguassineqarpat iluanaarutisianit akileraarutit unerartitat, nalunaaqqusilluni killiliussap qaangiunnerata kingorna ullut qulit amerlanerusulluunniit qaangiunneranni qaammatip tulliuuttup kingusinnerpaamik ulluisa aallaqqaataanni akilerneqassapput. Piffissaagallartillugu ulloq akiliiffissaq sapaataappat nalliuttuuppalluunniit imaluunniit arfninngorneruppat, piffissaliunneqartoq ulluinnaasumut tullermut sivitsorneqassaaq.

Imm. 2. Iluanaarutininik tunniussinissamik pisassanngortitsinermilluunniit aalajangiinerup, nalunaaqqusinermiluunniit nalunaarnissamut piffissaliunneqartup naanerata ulluata qaammataata tulliani kingusinnerpaamik ullut qulinganni, ingerlatseqatigiiffik Naalackersuisut aalajangigaannik iluseq atorlugu aalajangiineq pillugu pissarsisullu pillugitpaasissutissanik nalunaaruteqassaaq. Ingerlatseqatigiiffiit aktiaatiminnik il.il. niuerfimmi maleruagassiiviusumi niuerutigineqartussatut ilanngussisimasut imaluunniit pappiaqqanut nalilinnut sullissivimmi nalunaarsortitsisimasut, iluanaarutininik tigusaqartut taamaallaat ingerlatseqatigiiffiup ilisimasai pillugit paasissutissanik nalunaarutiginninnissamut pisussaaffeqarput. Aalajangiinermi iluanaarummik nalunaaruteqartoqannginnissaa pineqarpat, taamatuttaaq tamanna pillugu selskabi paasissutissanik kingusinnerpaamik qaammatip aalajangiiviusup tulliani qulinganiutinnagu nalunaaruteqassaaq. Tamannattaq atuuppoq § 1, imm. 1, nr. 10-mi taagorneqartunik peqatigiiffinnut. Piffissaagallartillugu kingusinnerpaamik paasissutissanik tunniussivissaq sapaataappat nalliuttuuppalluunniit imaluunniit arfninngorneruppat, piffissarititaasoq ulluinnaasumut tullermut sivitsorneqassaaq. Paasissutissanik eqqartorneqartunik tunniussinissaq ullumoortunik akiliisitsisutininik, Naalackersuisunit Naalackersuisunilluunniit tamatumunnga piginnaatitaasunit aalajangigaasunik, akiliisitsinikkut pinngitsaaliissutigneqarsinnaavoq.

§ 89. Kinaluunniit iluanaarutininik tigusiilluniluunniit pisassaartitaasoq naammaginartumik kinaassutsiminik uppernarsaasimaguni piunasaqarsinnaavoq pisassaartitsisup Naalackersuisut pissusissaatitaattut pissuseqartumik tunniussineq pisassaartitsinerluunniit uppernarsaatigneqassasoq.

Imm. 2. § 82, imm. 2-mi aalajangersakkat akiliuteqarsimanerup pisassaartitsinerulluunniit uppernarsarneqarneranut matumani pineqartumut tunngatillugu aamma taamatuttaaq atuutissapput.

§ 90. Kinaluunniit § 3 naapertorlugu akileraartussaataangitsoq iluanaarutininik § 86 imaluunniit § 87 malillugu iluanaarutisiat akileraarutitaannik ilanngaassisutaasimasunik pissarsisimappat akileraarutitaat akileraaruseriffiup qinnuteqatoqarneratigut utertissavaa. Peqatigiiffiilli piginneqatigiiffiillu § 1, imm. 1, nr. 14-imi taaneqartut § 3, imm. 2 naapertorlugu akileraarusiiffigneqartussaannikkaluarlutik iluanaarutisianit akileraarutininik ilanngaataasimasut utertissinnaangilaat.

§ 91. Inummut selskabimilluunniit il.il. § 2, imm. 1, nr. 13 malillugu akileraartussaataasumut akiliuteqarnernut pisassanngortitsinernulluunniit atatillugu tamatigut akiliuteqartumut

pisassanngortitsisumulluunniit atuisinnaanermut akiliutit tamarmiusut 30 procentiannik akileraartitsineqassaaq. Atuisinnaanermut akileraarutininik ilanngaassiinissamut pisussaaffik akiliinissaq atuuppoq inunnut, toqusup pigisaanik, selskabinut, peqatigiiffinnut, suliffeqarfinnut il.il. Kalaallit Nunaanni eqqartuussiveqarfinnut atasunut. Akiliisoq pisassaqartitsilersorluunniit Kalaallit Nunaanni eqqartuussisoqarfimmu atasuunngitsumit pisuuppat, akiliinerlu pisassaqartitsilernerluunniit tamatumunnga pisinnaatitaasumit Kalaallit Nunaanni eqqartuussiveqarfimmu atasuusumit suliarineqarluni, pisinnaatitaasoq ilanngaassinissamut pisussaavoq. § 76, imm. 3-mi aalajangersagaq taamatutaaq atuuppoq. Aningaasat ilanngaataasut "atuisinnaanermut akileraarutininik" taaguuteqartinneqarput, inaarutaasumillu akileraarutaallutik.

Imm. 2. Akissarsiat qanorluunniit ittut atuagassiornermi, eqqumiitsuliornermi ilisimatuussutsikkulluunniit sulianik, tamatumani aamma assigiinngitsunik filmiliornernut radiomullu fjernsynimulluunniit aallakaatitassiorluni immiussanik sulianik, suliamik illersuinernut qanorluunniit ittunut, nioqqtissap meqqianut, allalianut ilusiliinermulluunniit, titartakkamut, maleruagassiisummut sanariaatsimulluunniit isertuussaasumut, tunissassiornermi, iluanaarniarnermi, ilisimatuussutsikkulluunniit misilittakkanut piginnittusaanermut pisussaataaermermik atuiniarnermut akissarsiatut tiguneqartut tamarmik atuisinnaatitsinermermut akissarsiatut naatsorsuutigineqarput.

§ 92. Atuisinnaanermut akileraarut akilerneqartussanngussaaq atuisinnaanermik tunniussinermi pisassarilersitsinermiluunniit akileraaruseriffimmu akilerneqassalluni kingusinnerpaamik qaamammi tulliuuttumi akileraarutininut A-nut unerartitsisussaaitap nalunaaruteqarnissaanut killigititaq peqatigalugu. Tunniussisoq pisassanngortitsisorluunniit Naalakkersuisut ilusissamik aalajangersagaannik iluseq atorlugu tamanna pillugu, unerartitsisussaaitaasup akileraarutininik A-nik unerartitat pillugit nassuiaateqarneranut peqatigitillugu, paasissutissanik tunniussissaaq. Paasissutissanik taaneqartunik nassiussinissaq pinngitsaaliissutigineqarsinnaavoq ullormoortunik akiliutininik Nalakkersuisunut imaluunniit Nalakkersuisut tamatumunnga piginnaatitaannit aalajangerneqartunik naalakkiuteqarnikkut.

Imm. 2. §§-ini 89-imi, 93-imi aamma 95-imi aalajangersakkat taamatutaaq atuupput.

Kapitali 9

Akisusaanermut akiliisitsiniartarnermullu aalajangersakkat

§ 93. Kinaluunniit akileraarutininik ilanngaassisuunissaminik naammassinninngitsoorluuniluunniit minnaakkanik ilanngaassisoq akileraartarnermi pisortanut susassaqartunut, tak. §§-it 81 aamma 88, nammineerluni aningaasat amigaataasut akilernissaannut akisussaavoq, qularnaallisarsinnaanngikkuniuk inatsimmi matumani aalajangersakkanik maleruaniarnermini sumiginnaasimanani.

Imm. 2. Kinaluunniit inatsit manna malillugu akileraarutininik ilanngaassuisimasoq aningaasat ilanngaataasimasut akileraaruseriffimmu akilernissaanni akiliisussaaitaavoq.

Imm. 3. Ilangaassinissamut piumasaqatit pineqartup atugarisaanik pissuteqartumik eqqortumik naatsorsorneqarsinnaanngippata akileraaruseriffik piumasarineqartunik missinguunik angissusiliigallarsinnaavoq.

§ 94. Aningaasarsiat A-t akileraarutininik ilanngaaffigineqarsimannippata imaluunniit ilanngaatisat minnaagaasimappata aningaasarsisup piumasaqarnikkut erngerluni aningaasat amigaataasut

akileraaruseriffimmut akilissavai.

§ 95. § 2 malillugu akileraartussaaitanut sinniisutut piginnaaneqartitat Kalaallit Nunaanniittut akileraarutit akileraartussaaitanit pineqartunit akiligassaaitaasut akilerneqarnissaannut akisussaaqataapput.

§ 96. (Atorunnaarpoq)

§ 97. Akileraarutit toqukkut qimagussimasumut akiligassaaitaasut toqunerup kingornatigut aatsaat akileraaruserneqarsimasut pillugit pigisat toqukkut qimaguttup qimataanik suliaq imaluunniit kingornussisussat akisussaapput. Kingornussisussat assigiimmik akisussaaqatigiipput taamaallaalli kingornussarsianik tigusaqarnermissut imaluunniit kingornussarsianik siumoortumik tigusaqarsimanermissut annertutigisumik, aappaasorli tamatuma saniatigut aamma pigisanik qimatanik pisassaqartitaanermisut annertutigisumik akisussaassuseqarpoq. Pisussaassuseq toqukkut qimagussimasup akiligassaqarfinik nalunaarfinginnermit sunnerneqartussaangilaq.

§ 98. Selskabi peqatigiiffilluunniit il.il. atorunnaarsimappat pigisallu nalingi aktianik anpartinilluunniit piginnittunut ilaasortanulluunniit agguaanneqarsimappata selskabip peqatigiiffilluunniit aningaasarsianit akileraarutissanut aningaasanik naammattunik ilanngaasiisimanani taava aktianik anpartinilluunniit piginnittut ilaasortallu aammalu akiligassanik isumannaariniarnermi aaqqissuussisoq, imaluunniit taamaattumik toqqaaneqarsimananiluunniit piginnaatitsisoqarsimanngipput siulersuisut, assigiimmik akisussaassuseqatigiillutik akileraarutit akilerneqarnissaannut akisussaapput. Akiligassanik isumannaariniarnermi aaqqissuussisumut imaluunniit siulersuisunut assigiimmik akisussaaqatigiiffiusumik piumasaqartoqarsinnaangilaq aningaasat aktianik anpartiniluunniit piginnittunut ilaasortanulluunniit agguaanneqarsimasut katinnerannit annerusumik, aammalu aktiatillit, anpartinik piginnittut ilaasortalluunniit taamaallaat pisimasamittut annertutigisumik akisussaassuseqarput.

§ 99. Kinaluunniit selskabip aningaasaataasa ilaannik akisunaaraluni tunisisoq tunisinerup nalaani ingerlatseqatigiiffiup akileraarutitut akitsuutinullu akiligassaanik akiligassarinnaasaanilluunniit akiliinissamut akisussaaavoq. Akiliisussanngortitaaneq taamaallaat atortinneqarsinnaavoq selskabi akiliisinniaraluarlugu tamanna iluatsinngitsoorpat. Tunisisoq selskabiuppat il.il. nunamut maanga tamakkiisumik akileraartussaaitaanngitsoq, akiliinissamut akisussaatitsineq inunnut selskabinulluunniit nunamut maanga tamakkiisumik akileraartussaaitaasunut toqqaannartumik tutsinneqarsinnaavoq, taakku selskabimut tunineqartumut aalajangiisnaassuseqarlutik sunniuteqarnerisa annertussusiat aalajangiisuutillugu. Kinaluunniit tunisinermi inuussutissarsiutitigut siunnersuisuusimasoq aamma tunisisoq kiisalu inuit selskabillu oqaaseqatigiit pingajuanni taaneqartut peqatigalugit akisussaaqataavoq. *Imm. 2.* Tunisisoq inuuppat *imm. 1.* oqaaseqatigiinni siullerni tullerisaannilu aalajangersakkat taamaallaat atorineqarsinnaapput, taassuma piginneqataassutai piginneqataassutitigut aningaasaatit 10 procenterippatigut, taakkunanngaluunniit amerlanerullutik. Tunisisoq selskabiuppat il.il. *imm. 1-*imi oqaaseqatigiit siulliit pingajuanni aalajangersakkat taamaallaat atorineqarsinnaapput, tunisineq selskabinut ingerlatseqatigiiffissuarnut qilersorsimasunut attuumassuteqarpat, taamaattorli selskabini

tamani piginneqataassutitigut aningaasaatini piginneqataassutit selskabimi ataatsimi 10 procentiuppata selskabit ingerlatseqatigiiffissuarnut qilersorsimasutut pineqartutut isigineqassapput.

Imm. 3. Imm. 1-imi aalajangersagaq aamma taamaallaat atorneqassaaq tunisineq selskabimut tunisinerup nalaani inuussutissarsiutitigut ingerlatsinerminik unitsitsisimanermigut amerlanertigut aningaasaqarnermigut ulorianartorsiunngitsutut ingerlasumut attuumassuteqarpat.

Imm. 4. Imm. 1 malillugu akisunaarisosarsimasutut isigineqassaaq aningaasaatit ilaannut akiliutit selskabip tunineqarnermi nalaani ilanngaattissat ilanngaatigereerlugit nalinganit erseqqissumik amerlaneruppata.

Imm. 5. Selskabip aningaasaataasa ilaannik tunisineq pilersinnagu akileraaruseriffik imm. 1 tungavigalugu akiliinissamut akisussaatisinnaaneq atorneqassanngitsoq akuersissutigineqassasoq neriorsuuteqarsinnaavoq. Taamatut neriorsuuteqarnermi piumasarineqarsinnaavoq selskabip tunineqarnerata nalaani akileraarutinut akitsuutinullu akiligassaasa akiligassarinnaasaasalunniit akilernerqarnissaannut tamakkiisumik ilaannakortumillunniit qularnaveeqquisiisoqassasoq. Imm. 1-imi oqaaseqatigiinni kingullerni taaneqartutut siunnersuisuusimasoq akiliinissamut akisussaassutsiminit tunuarsinnaavoq tunisineq sioqqullugu allakkatigut qinnuteqaruni akuerineqarnissamik neriorsorneqarnissaminik, qinnuteqaatini tunisinissamik pilersaarutigineqartoq pillugu paasissutissanik pisariaqartunik ilaqartillugu. Akuerineqarnissamik neriorsuutaasimasoq tassungalu atatillugu piumasaqaataasinnaasut pillugit akileraaruseriffup aalajangiinera naliliinissamut paasissutissat pisariaqartut tiguneqarneriniit qaammatit pingasut qaangiutsinnagit pereersimassaaq.

Imm. 6. Akuersissuteqarnissamik neriorsuuteqarnermi periusaasartussaq pillugu Naalakkersuisut malittarisassanik erseqqinnerusunik aalajangersaasinnaapput. Naammagittaalliortunit, matumani aalajangiinerit pisortatigoortumik oqartussaasunut allanut ingerlateqqinneqarsinnaannginneri ilanngullugit, pillugit Naalakkersuisut malittarisassanik aalajangersaasinnaapputtaaq.

§ 100. Akileraarutit piffissaagallartillugu akilernerqarsimangippata aningaasat amigaataasut tapiissutit, erniat immikkullu akiliutissat ilanngullugit Kalaallit Nunaanni akilersinniarneqarsinnaapput maleruagassat Naalakkersuisut aalajangigaat malillugit pigisanik arsaarinnilluni akiliisitsiniartartut (pantefoged) piginnaatitaasut ikiortigalugit, taamatullu aamma Kalaallit Nunanni eqqartuussisarnermik inatsimmi aalajangerneqarsimasutut ittunik eqqartuussutit isumaqatigiinnerillunniit aningaasanik akiliinissamut tunngasut assinginik iliorluni.

Imm. 2. Akileraartussaasumit namminermit akiliisitsiniarneqalussinnarsimappat pisariaqarpat akiliisitsiniarneq pisinnaavoq § 5, imm. 2 naapertorlugu pigisat (aningaasaatit) iluanaarutigitaat angajoqqaani akileraaruserneqartarpat meeqqat pigisaassa tiguneqarnerisigut. Tamanna atuutinngilaq akileraarutit unerartitsisussaaitap unerartitaasa taassumangga tiguniarneranni.

§ 101. Akileraarutit piffissaagallartillugu akilernerqarsimangippata akileraaruseriffup imaluuniit sumiiffimmi akiliisitsiniartartoq piginnaasaqarluartoq akileraartussaaitap ilanngaassisussaaitaasullunniit Kalaallit Nunaanni sulisitsisua allaffigalugu peqqusinnaavaa atorfeqartup kiffartuussinermini aningaassanngorlugit akissarsiaasa ilaannit aningaasat amigaataasut tapiissutinik, ernianik immikkullu akiliutissanik ilallit matuneqarnissaannut naammattunik ilanngaassilluni ilanngaatigisanik akileraaruseriffimmut akiliuteqaqqullugu. Peqqussut taamaattoq naapertorlugu ilanngaassuisussaaneq aamma akissarsianik il.il. siumoortumik akiliinermut sumullunniit tunngavoq.

Kiffartuussinermi aningaasarsiat pineqartup aningaasanik kiffartuussinermi nassataanik inummit allamit tigusassaminik tigungminniinnarneratigut pineqarpata § 80, imm. 2-mi maleruagassiat taamaallutik atuuttussaapput paragraffi manna malillugu ilanngaassuinerup tungaatigut.

Imm. 2. Maleruagassiat inatsini allani aalajangersakkat allatut ittut apeqquataatinnagit aamma naalagaaffimmi, Kalaallit Nunaanni Namminersornerullutik Oqartussani kommuninilu atorfillit akissarsiaannut il.il. atuupput.

Imm. 3. Unerartitsivigineqarnissamik peqqussutigineqartoq piffissami peqqussutip tiguneqarnerani sulisitsisumi pineqartumi sulinngippat, sulisitsisup ullut tallimat qaangiutsinnagit peqqusisoq tamassuminnga nalunaarfiggissavaa. Taamatuttaaq sulinerup taamaatinneranik sulisitsisoq ilimatitsisussaataivoq, taanna nallertinnagu unerartitsinissamik peqqussut sulisitsisup tigusimappagu, sulinerullu taamaatinnerani akileraarutinit akiitsut pineqartut tamakkerlugit akilerneqarsimangippata. Suliunnaarnermiit ullut tallimat qaangiutsinnagit unerartitsinissamik peqqusisoq nalunaarfigineqassaaq.

Imm. 4. Maleruagassiat imm. 1-imi oqaaseqatigiinni siullerniittut taamaallutik atuuttussaapput aningaasarsianut § 75, imm. 1, nr. 2-mi pineqartutut ittunut aammalu utaqqiisaagallartumik aningaasarsiat, soraarnerussutisiat ikiuutillu assigisaat allat Kalaallit Nunaanni pineqartartut aammalu naalagaaffiup, landskarsip, kommunit, pisortat allat imaluunniit inuit namminerisamik karsiinit akilerneqartartut pillugit, kiisalu Kalaallit Nunaanni tuniniaanermi aningaasarsianut aalisarnikkut, piniarnikkut, aallaaniarnikkut, savaateqarnikkut sanaluttarnikkullu nioqqutinit pineqartartunut.

Imm. 5. Maleruagassiat imm. 1-imiit 4-miittut taamaallutik atuuttussaapput aningaasat ilanngaassisussaataitap imm. 1-imiit 4-mut maleruagassiat malillugit akiligassarisaasa tiguneqarnerannut.

Imm. 6. Imm. 1-imiit 5-imut malillugit ilanngaassuineq pissaaq akiliuteqarneq inatsit manna malillugu akileraarutinit A-nik ilanngaassinertaqaraluarpalluunniit. Ilangaatigisat annertunerpaamik tunniunneqartunit akileraarutit A-nik ilanngareerlugit 1/3 annertussuseqarsinnaapput.

Imm. 7. § 76, imm. 3-mi aalajangersakkat taamatuttaaq tassani aalajangersagaq naapertorlugu ilanngaassinerni aamma atuutissapput.

Imm. 8. Naalackersuisut maleruagassiussapput aningaasat paragraffimi matumani aalajangersakkat malillugit ilanngaataasimasut akilerneqarlutillu pisussanut tunniunneqarnissaannut tunngasunik. § 81, imm. 5, oqaaseqatigiit aappaat, § 82, § 93, §100, § 105, imm. 1, aalajangersakkat taamaallutik atuutissapput pissutsit paragraffimi matumani eqqartorneqartut tungaasigut.

Kapitali 10

Pineqaatissiissutit il.il.

§ 102. Kinaluunniit pisortanut akileraaruteqanngitsoorulluni piaaraluneerluni mianersuaalliorujussuarluniluunniit eqqunngitsumik paasinerluutaasinnaasumilluunniit inuup akileraartussaataitaneranut apeqqutip aalajangiiffiginiarneranut atugassanik, imaluunniit akileraarusiinissap aalajangiiffigineqarneranut imaluunniit akileraarutit naatsorsornissaannut atugassanik paasissutissiisoq Kalaallit Nunaanni pinerluttulerinermik inatsit naapertorlugu pillaaammi pineqaatissinneqassaaq.

§ 103. Taamatut aamma § 102-mi taaneqartutut pineqaatissinneqassaaq kinaluunniit piaaraluneerluni imaluunniit mianersuaalliorujussuarluni eqqunngitsunik paasinerluutaasinnaasunilluunniit

akileraarusiinermik nakkutilliinermi atugassanik paasissutissiisoq.

Imm. 2. Kinaluunniit iliuuseq imm. 1-imi pineqartunut ilaangikkaluartoq, piaaraluni mianersuaalliorujussuarluniluunniit § 86 imaluunniit §§-it 88-imiit 98-imut malillugit pisussaaffimminik piffissaagallartillugu naammassinninngitsoq mianersoqqusummik akiliisitaanermilluunniit pineqaatissinneqarsinnaavoq.

§ 104. Kialluunniit suliffik sinnerlugu suliffiup akileraartussaataitanerani aalajangiiniarnermut imaluunniit akileraarusiiniarnermik aalajangiiniarnermut imaluunniit suliffiup akileraarutissaanik naatsorsuinermit tunngatillugu § 102 unioqutissimappagu suliffiup piginnittua akiliisitaanissamut akisussaatinneqassaaq, naak piginnittoq unioqutitsinermit piaaraluneersutut mianersuaalliorutulluunniit pisuutinneqarsinnaangikkaluartoq. Suliffeqarfik aktieselskabiuppat, anpartselsskabiuppat, andelselskabiuppat, peqatigiiffiuppat, suliffeqarfiuppat imminut pigisoq, aningaasaateqarfiuppat assigisarippaguluunniit taamatut ittunik pissutissaqarpat inuk inatsisitigut akisussaasuusoq taamatut akiliisitaanermut akisussaatinneqarsinnaavoq. Akiliisitaanermut akisussaassuseq pineqaatissiisummumut allamut allanngortinneqarsinnaangilaq.

Imm. 2. Pissutsit imm. 1-imi pineqartunut ilaangitsut, piaaraluni imaluunniit mianersuaalliorujussuarluni pisussaaffimminik § 3 a malillugu pisussaaffigisaminik naammassinninngitsoq, mianersoqquneqarluni imaluunniit akiliisitaalluni pineqaatissinneqarsinnaavoq. Kalaallit Nunaanni Pinerluttulerinermit inatsimmi maleruagassat malillugit pisussaataaasoq pisinnaatitaasorlu akiliisussanngortinneqarsinnaavoq.

§ 105. Taamatut § 102-mi oqaatigineqartutut pillarneqassaaq kinaluunniit piaaraluni mianersuaalliorujussuarluniluunniit:

- 1) akileraarutini A-nik imaluunniit iluanaarutisianit atuisinnaanermullu akileraarutini ilanngaassuinissaminik naammassinninngitsoq,
- 2) piffissaagallartillugu akileraarutini unerartitanik akiliinngitsoortoq,
- 3) piffissaagallartillugu § 81, imm. 3-mi, § 88-imi aamma § 92-imi taaneqartutut ittunik paasissutissiinngitsoortoq,
- 4) pissutsit § 81, imm. 3-mi, § 88-imi aamma § 92-imi taaneqartut pillugit eqqunngitsumik imaluunniit paasinerluisitsinnaasunik paasissutissiisoq,
- 5) § 46, imm. 2 malillugu akitsuutini unerartitsinissaminik naammassinninngitsoq,
- 6) § 46, imm. 1 malillugu akitsuutini unerartitanik piffissaagallartillugu akiliinngitsoortoq,
- 7) nuussinerit aqunneqartut pillugit killilimmik uppernarsaasiortussaataitanermut piumasaqaatit eqqortinnerat pillugu eqqunngitsunik salloqittaalluniluunniit paasissutissiineq, tak. § 36 imm. 4, imaluunniit
- 8) nuussinerit aqunneqartut pillugit allaganngorlugu uppernarsaatinik § 36 b, imm. 2 malillugu aamma nunamit nunamut nalunaarutini suliarineqartussaataaasunik piffissaq eqqorlugu tunniussinngitsoq, tak. § 36, imm. 6-12.

Imm. 3. Taamatullu § 102-mi taaneqartutut pineqaatissinneqassaaq kinaluunniit:

- 1) aningaasarsiani A-nik imminut tunniussitsisoq nalunngikkaluarlugu peqqussutigineqartutut akileraarutini ilanngaattissanik ilanngaavigineqarsimangitsunik,
- 2) piaaraluni mianersuaalliorujussuarluniluunniit § 75, imm. 4 aamma 5, § 79, imm. 6, § 84 malillugit aalajangiinermi atugassanik eqqunngitsunik paasinerluisitsinnaasunilluunniit paasissutissiisoq

imaluunniit paasisutissanik qinnuteqaatit aalajangersakkani taakkunani taaneqartut ilaannut atasumik apeqqutip aalajangiiffiginiarneranni pingaaruteqarsinnaasunik nipangiussiinnartoq, imaluunniit 3) § 46, imm. 5-imi taaneqartutut nalunaaruteqanngitsoortoq.

§ 106. Akileraaruseriffik isumaqarpat unioqqutitsineq akilisitaanermut sakkortunerusumik pineqaatissiinertariaqanngitsoq taava Naalackersuisut taakkualuunniit taamaaliornissamut piginnaatitaata pineqartoq nalunaarfiggissavaa suliassa eqqartuussivikkoortitsinertaqanngitsumik naammassineqarsinnaasooq pineqartup unioqqutitsisimanini nassuerutigippagu aammalu piffissaatitap erseqqinnerusumik aalajangikkap qinnuteqarnikkut sivitsorneqarsinnaasup qaangiutinnginnerani akiliutissamik nalunaarummi taaneqartumi akiliiumappat.

Imm. 2. Paasisitsissut imm. 1-imi taaneqartoq pillugu eqqartuussisarnermut inatsimmi unnerluussutip allagartaata imarisai pillugit aalajangersakkat taamaallutik atuutissapput.

Imm. 3. Piffissaatillugu akiliisitaassut akilerneqarluniluunniit isumaqatigiissuteqaatigine-qarneratigut tiguniarneqarsimappat qanoq iliuuseqartoqaqqissanngilaq.

§ 107. Inuup kialuunniit § 102 unioqqutissimaguniuk, pineqaatissiisinaanerlu Kalaallit Nunaanni pinerluttulerinermik inatsimmi maleruagassat naapertorlugit pisoqalisimappat, unioqqutitsinerlu tassaannaasimangippat inuup allap akileraaruteqanngitsoorniarnanur ikiuussimaneq, tapiliussatut akileraarutit aningaasarsianut ilanngutinngitsuukkat akileraarutitaasa angeqatai akiligassarai. § 108, imm. 5-imit 7-imut taamatuttaaq atuutissapput.

§ 108. Inuk kinaluunniit toqkkut qimagussimasooq akileraarutininik ikippallaanik akiliisimappat pigisanik qimataanik suliaq imaluunniit kingornussisussat akileraarutininik ikinaarutininik akiliisimappat.

Imm. 2. Toqkkut qimagussimasup § 102 unioqqutissimappagu toqkkullu qimagutinnginnerani pineqaatissiisutissap qanoq ittuunissaa aalajangerneqarsimangippat aningaasarsianit ilanngutinngitsuukkanut akileraarutissap annertoqataanik toqkkut qimaguttup pigisanik qimataanik suliaq imaluunniit kingornussisussat tapiliussanik akileraartussaapputtaaq.

Imm. 3. Pisimasunut imm. 2-mi taaneqartunut pineqatissiisutissaq pineqartoq toqkkut qimagutinnginnerani naammassineqarsimangippat pineqaatissiisutissamut taarsiullugu maleruagassiat imm. 2-miittut malillugit tapiliussanik akileraaruteqartitsinissaq aalajangerneqassaaq. Pineqaatissiisut akiliisitsinerinnaappat tapiliussanik akileraarutissat akiliisitsissut aalajangeriigaq akimorsinnaanngilaat.

Imm. 4. Pineqaatissiisut imm. 2-mi taaneqartunut tunngasoq pineqartup toqkkut qimagunnerani ilaannakuusumik naammassineqarsimappat tamatumunnga naleqquttumik tapiliussatut akileraarutissat appartinneqassapput. Pineqaatissiisut taamaallaat akiliisitsineruppat tapiliussatut akileraarutissat toqkkullu qimaguttup akiliisitsinikkut akilersimasaasa katillugit akiliisitsissut aalajangeriigaq akimorsinnaanngilaat.

Imm. 5. Toqkkut qimaguttup pigisanik qimataanik suliaq imaluunniit kingornussarsisussat tapiliussatut akileraarutissaq piumasarineqartut akueriumangippatigut eqqartuussiveqarnermut inatsimmi kap. 5-imi maleruagassiat naapertorlugit apeqqut tamanna eqqartuussinikkut aalajangiivigineqassaaq.

Akileraaruseriffik isumaqatigiinniarnermut siunnersuuteqarnissamut piffissaatitamik aalajangiisinnaavoq.

Imm. 6. Immikkut pissutissaqartillugu akileraaruseriffik tamakkiisumik ilaannakortumilluunniit tapiliussatut akileraaruteqarnissamut pisussaajunnaarsitsisinnaavoq.

Imm. 7. Kingornussisussat aappaasullu qimagaasup akisussaanerannut aammalu toqukkut qimaguttup akiligassaqarfiinik nalunaartoqaqqusinermut maleruagassiat § 97-imiittut taamatut atuutissapput. Akiliutinut tapiliussat tapiliussatullu akileraarutit imm. 1-imiit 3-mut pineqartut § 100-mi aalajangersakkatut pissuseqartumik tiguniarneqarsinnaapput.

Imm. 8. Eqqartuussivikkoortumik pigisanik qimatat agguanneqarnerannik suliaqarnermi, toqukkut qimaguttup pigisanik qimataanik isumaginnittussanngortoq imaluunniit kingornussisussat namminneq agguaaasisut toqukkut qimaguttup ikinaarlugit akileraaruserneqarsimasinnaaneramik misissuinermi paasissutissanik pingaaruteqartunik tamanik akileraaruseriffimmut qinnuigineqarnermikkut tunniussaqaartussaapput. Kingornussisussanit namminneq agguaaasisunit paasissutissanik tunniussinissaq pinngitsoortussaajunnaarsinniarneqarsinnaavoq ullormoortunik akiliisussanngortitsineq Naalakkersuisunit imaluunniit taamaaliornissamut piginnaatitanit aalajangerneqartartut atorlugit. Akileraaruseriffik isumaqarpat akileeqqiutinik imaluunniit tapiliussatut akileraarutininik piunasaqartoqarsinnaavoq ulloq toqquvimmiit qaammatit pingasut qaangiutsinnagit toqukkut qimaguttup pigisaanik suliaqartut tamatuminnga nalunaarfigineqassapput. Imm. 9 malillugu naatsorsuineq imaluunniit § 11, imm. 5 malillugu nammineerluni nalunaarsuut ulloq toqquvimmiit qaammatit ataatsip qaangiutereernerani tiguneqarpat taamaattoq tamatuma kingorna qaammatit marluk qaangiutsinnagit nalunaaruteqarnissaq pissaaq. Piffissaq taanna sioqqullugu akileraaruseriffiup eqqartuussisuni pigisat qimatat agguanneqarnerannik suliaqartuni, pigisanik qimatanik isumaginnittussanngortitami imaluunniit kingornussisussani namminnerlutik agguaaasisuni suliassaq paasiniarsimappagu paasissutissat kissaatigineqartut tiguneranniit qaammatit marluk qaangiutsinnagit pigisat toqukkut qimaguttup qimataanik suliaqartut nalunaarfigineqassapput akileeqqinnissamik imaluunniit tapiliussatut akileraaruteqarnissamik piunasaqartoqaartussaasoq. Piffissaritit siuliini taaneqartut qaangiutsinnagit, akileraaruseriffik nalunaaruteqarsimangippat akileeqqusinermik piunasaqartoqassanngitsoq, pigisat toqukkut qimaguttup pigisaasa suliarineqarnerat inaarneqassanngilaq. Akileraaruseriffik piffissaagallartillugu piunasaqarluni nalunaaruteqarsimangippat pigisanik qimatanik suliaq kingornussisussallu akiliisussaataitanerat atorunnaassaaq.

Imm. 9. Toqukkut qimaguttup pigisanik qimatai minnerpaamik 50.000 koruuninik naleqarpata kredsrettip akileraaruseriffik kingornussarsisarneq pillugu inatsit malillugu naatsorsukkat imaannik ilisimatissavai.

§ 109. Maleruagassiani inatsit naapertorlugu atulersinneqarsimasuni maleruagassiani aalajangersakkanik unioqqutitsinerit akiliisitaanermi pineqaatissinneqarnissamik aalajangersaasoqarsinnaavoq.

Imm. 2. Maleruagassiani inatsit manna tunngavigalugu atulersinneqartuni aktiat anpartilluunniit tunngavigalugit ingerlatseqatigiiffiup, piginneqatigiiffiup, peqatigiiffiup, suliffeqarfup imminut pigisup, aningaasaateqarfup taakkuluunniit assigisaasa unioqqutitsinerat pillugu akiliisitaanermi pineqaatissiinissamut malittarisassat aalajangersarneqarsinnaapput. Kalaallit Nunaanni Namminersornerullutik Oqartussat, kommuni kommuniluunniit suleqatigiiffiat unioqqutitsisuuppat Kalaallit Nunaanni Namminersornerullutik Oqartussat, kommuni kommunilluunniit suleqatigiiffiat akiliisitaanermik pineqaatissinneqarsinnaavoq.

§ 110. Politiit akileraaruseriffimmut ikiuuttussaapput maleruagassiat Naalakkersuisut inatsisinillu atortitsinermi ministereqarfup isumaqatigiinniarnersigut aalajangersarneqarsimasut malillugit.

§ 111. § 82, § 88, § 92 aamma §§-it 102-miit 109-mut najoqqutaralugit akiliutissanngortitat landskarsip pisassarai.

Kapitali 11

Aalajangersakkat assigiingitsut

§ 112. Inuit, selskabit, peqatigiiffillu il.il. akileraartussaataasut allattorneqarnissaannik maleruaqqusat Naalakkersuisut aalajangersassavaat.

§ 113. Naalakkersuisut maleruagassanik nammineeeluni nalunaarsuut erseqqinnerusumik taasanik patsisissaqartillugu oqaaseqaammik, akileraartussaataasup isertitaasa pisuussutsinillu pigisaasa ilaannaannut tunngassuteqartumik taarserneqarsinnaasoq aalajangersaaasinnaapput.

§ 114. Naalakkersuisut piumasaqaqatigiinnikkut Danmarkimik, Savalimmiunik imaluunniit naalagaaffinnik takornartanik isumaqatigiissusiortoqarsimanersoq najoqqutaralugu pisortanut akileraartussaataaneq sakkukillilersinnaavaat taamaalilluni marloriaamik akileraarnissaagaluq tamakkiisumik ilaannakortumilluunniit pinngitsoortinniarlugu.

Imm. 2. Danmarkimik, Savalimmiunik naalagaaffinnilluunniit allanik isumaqatigiissuteqartoqartillugu Naalakkersuisut aalajangersakkanik makkunannga aalajangersaasassapput,

- 1) qallunaat, savalimmiormiut imaluunniit naalagaaffup allap pineqartup akileraarusiineranni, akitsuusiineranni akiligassiinerannilu atugassanik Kalaallit Nunaanni oqartussaasut paasissutissanik piniarlutillu paasissutissiisarnissaannik,
- 2) akileraarutit, akitsuutit akiligassallu, Danmarkimi, Savalimmiuni naalagaaffimmiluunniit allami pineqartumi piniarneqartut, tassalu akilersinniarneqarsinnaasut Kalaallit Nunaanni akilersinniarneqarnissaannik, Kalaallit Nunaanni akileraarutininik, akitsuutinik akiligassanillu akiliisitsiniartarnermi maleruagassat naapertorlugit,
- 3) inummit, selskabimit il.il. imaluunniit taakkua piginnaatitaannit Kalaallit Nunaanni najugaqartumit aningaasarsiani akilernerqartuni Danmarkimi, Savalimmiuni imaluunniit nunami takornartami pineqartumi pisortanut akileraarutininik ilanngartuineqassasoq, tak. aamma § 78.

Imm. 3. Naalakkersuisut Danmarki, Savalimmiut imaluunniit nuna takornartaq pineqartoq isumaqatigiissuteqarfigisinnaavaat marloriaammik akileraaruteqarnissaq pinngitsoorniarlugu Danmarkimik aamma Savalimmiunik imaluunniit nunamik takornartamik pineqartumik isumaqatigiissutaasoq kiisalu akileraarutitigut suliassatigut ikioqatigiinnissamut isumaqatigiissut tamakkerluni allannguuteqarluniluunniit Kalaallit Nunaanni atulersillugu annertusineqassasoq.

Kapitali 12

Atortuulersitsinermi ikaarsaariarnermilu aalajangersakkat

§ 115. Inatsisartut inatsisaat 1. januar 2007-imiit atuutilissaaq ukiorlu aningaasarsiorfik 2007 aallarnerfigalugu sunniuteqarlerluni atuutilissalluni.

Imm. 2. Inatsisartut inatsisaat nr. 5, 19. maj 1979-imeersoq, kingusinnerpaamillu Inatsisartut inatsisaatigut nr. 2, 27. marts 2006-imeersutigut allanngortinneqartoq atorunnaarsinneqassanngilaq,

taamaattumillu inatsit ukioq aningaasarsiorfik 1980-imiit ukioq aningaasarsiorfik 2006 ilanngullugu atuutiinnassalluniik.

Imm. 3. Imm. 2-mi aalajangersagaq apeqqutaatinnagu Inatsisartut inatsisaanni nr. 5, 19. maj 1979-imeersumi, kingusinnerpaamillu Inatsisartut inatsisaatigut nr. 2, 27. marts 2006-imi allanngortinneqartumi §§ 47, 48, 49, 50, 51, 51a, 51b, 51c, 52, 53, 54, 54 a, 55, 56, 57, 59, 59a, 60, 61, 62, 63, 64, 65, 66, 67, 69, 86, 88, 89, 90, 91, 92, 93, 94, 94a, 94b, 95, 96, 97, 98, 99, 100, 103, 104, 115, 116 aamma 120 atorunnaassapput ukioq aningaasarsiorfik 2007 allarnerfigalugu.

Imm. 4. Maleruagassiat inatsisip matuma naammassineqarnissaanut pisariaqartut allat Naalakkersuisut aalajangersassavaat.

Inatsisartut inatsisaat nr. 2, 26. april 2007-imeersaq (Ullut 60-it pillugit maleruagassap allanngortinneqarnera, akileraarutit pillugit nassuiaammik tunniussinissamut akiliinissamullu il.il. piffissaliunneqartut)^[1] atuutilerfissaq pillugu ima aalajangersagaqarpoq:

§ 2

Imm. 1. Inatsisartut inatsisaat 1. maj 2007-mi atuutilissaaq, takuulli imm. 2.

Imm. 2. § 1, nr. 3-miit nr. 7-imut ulloq 1. januar 2008 atortuulissapput.

Imm. 3. § 1, nr. 1, inatsisissatut siunnersuutip saqqummiunneqarnerani atuutilissaaq.

Imm. 4. § 1, nr. 10, ulloq 1. januar 2007-imiit atuuppoq.

Inatsisartut inatsisaat nr. 11, 15. november 2007-imeersaq (Aappariit ataatsimut akileraartussaataanerannik atorunnaarsitsineq, aammalu selskabit piginneqatigiissut iluminni nuutsinerinut akeqartitsinermut, aamma selskabit imminnut pigisut aningasanik attartortarnerinut CFC-mik akileraarusiineq pillugit malittarisassanik atuutilersitsineq)^[2] atuutilerfissaq pillugu ima aalajangersagaqarpoq:

§ 2

Imm. 1. Inatsisartut inatsisaat 1. januar 2008 atuutilerpoq ukiorlu aningaasarsiorfusoq 2008 aallarnerfigalugu sunniuteqalerluni, taamaattorli takuuk imm. 2.

Imm. 2. § 1, nr. 9 aamma 10, 1. maj 2007-imiit atuutilerput. Aningaasarsianit akileraarutit pillugit Inatsisartut inatsisaanni § 36, imm. 1-imi aalajangersagaq, inatsimmilu matumani § 1, nr. 9-kkut

atorunnaarsinneqartoq 1. maj 2007 sioqqullugu nuussinernut atuutiinnassaaq.

Inatsisartut inatsisaat nr. 9, 5. december 2008-meersoq (Umiarsuarni timmisartunilu nammineq inuttut sulinerup akileraartussaataitaassutaanerata, nunami allami illuutitut atasumik taarsigassarsiat erniaasa ilanngaataasarnerisa killilerneqarnerata erseqqissarnerat kiisalu akuersissutininik pigisaqartut ilaasa il.il. amigartoorutinik kinguartiterisinnaatitaanerisa annertusineqarnera)^[3] atuutilerfissaq pillugu ima aalajangersagaqarpoq:

§ 2

Inatsit atortuulerpoq ulloq 1. januar 2009.

Inatsisartut inatsisaat nr. 3, 30. november 2009-meersoq (Aatsitassatigut pisuussutininik suliaqarnermut atatillugu akileraartussaataitaaneq, akeqanngitsumik biileqartitaanermik annertunerusumik akileraarusiineq, akileraartarnermi nalikilliliissutininik niuerneq aammalu akileraarutinik unerartitsisussaataitaasut ilaneqarneri)^[4] atuutilerfissaq pillugu ima aalajangersagaqarpoq:

§ 2

Inatsit 1. januar 2010-miit atuutilissaaq, takuulli imm. 2.

Imm. 2. Inatsisissatut siunnersuummi nr. 5 ullormi 25. september 2009-mi atuutilissaaq.

Imm. 3. Suliffeqarfii, aningaasarsianit akileraarutit pillugit Inatsisartut inatsisaanni § 2, imm. 2-mi pineqartunut ilaasut, takuuk inatsimmi tassani § 1, nr. 1, inatsisip atuutilinnginnerani Kalaallit Nunaanni aatsitassatigut pisuussutininik misissueqqaarnermut, misissueqqaarnermut aammalu piaanermut, matumani aamma Kalaallit Nunaata imartaani aammalu Kalaallit Nunaata nunavittaata immap ataaniittup nalaani, aningaasartuuteqarsimasut ukiumut aningaasarsiorfusumut 2009-mut ukiunilu aningaasarsiorfinnut siuliinut aningaasarsiatik akileraaruteqaataasussat ataatsimoortillugit naatsorsorsinnaavaat. Aningaasarsiat malittarisassat aalajangersimasumik ingerlatsivinnut atuuttuusut malillugit naatsorsorneqassapput, takuuk § 2, imm. 1, nr. 10, aammalu § 2, imm. 6-imi malittarisassat malillugit. Taamaaliornikkut amigartoorutit naatsorsorneqartut § 30-mi malittarisassat malillugit saqqummiunneqarsinnaapput, aningaasarsianillu akileraaruteqaataasussanit naatsorsorneqartunit ilanngaatigineqarsinnaallutik. Aammattaq aningaasarsianit akileraarutit pillugit Inatsisartut inatsisaanni kiisalu akileraaruserinermik ingerlatsineq pillugu Inatsisartut inatsisaanni aalajangersakkat taamatulli atuupput.

Inatsisartut inatsisissaat nr. 20, 18 november 2010-meersoq (Aggersarneqariataarsinnaanermut atatillugu akeqanngitsumik biileqartitaaneq, suliffeqarfinnik killilimmik akileraartussaataitaasunik allanngiineq, akuersissutininik piginneqataassutininik nalikilliliineq, siunissami misissueqqaarnermut aningaasartuutissanut atugassanik akuersissutininik piginneqataassutit ilaannik akilersillugit tunniussineq, avataaneersunut kommunit akileraarfissat aamma tamakkiisumik akileraaruteqartitsinermut aqqissuussineq kiisalu

iluanaarutisiaqartitsinermi malittarisassanik erseqqissaaneq)^[5] atuutilerfissaq pillugu ima aalajangersagaqarpoq:

§ 2.

Inatsisartut inatsisaat atuutilissaaq ulloq 1. December 2010, takuulli imm. 2 aamma 3.

Imm. 2. § 1, nr. 2-6 ukiumi aningaasarsiorfusumit 2010-miit atuutilissapput.

Imm. 3. § 1, nr. 7-11 ukiumi aningaasarsiorfusumit 2011-miit atuutilissapput.

Inatsisartut inatsisaat nr. 9, 3. december 2012-imeersoq (Utaqqiisaasumik inissiat nalingisa akileraarusersorneqarnerat, akileraartarnermi nalikilliliinerit pillugit maleruagassat sukaterneqarnerat)^[6] atuutilerfissaq pillugu ima aalajangersagaqarpoq:

§ 2

Inatsisartut inatsisaat 15. december 2012-imiit atuutilissaaq ukiorlu aningaasarsiorfusooq 2013 aallarnerfigalugu sunniuteqalissalluni, takuulli imm. 2.

Imm. 2. Inatsisissatut siunnersuummi nr. 3 aamma 4 ukioq aningaasarsiorfusooq 2012 aallarnerfigalugu atuutilerput. Ukiumut aningaasarsiorfusumut 2012-imut, aningaasarsianit akileraarutit pillugit inatsimmi § 22, imm. 2 naapertorlugu nalikilliliissutaasut katinnerannut, selskabip, akileraarutit ilanngaatigitinnagit sinneqartoorutaasa akileraaruteqaataasussat 25 procentiinut naapertuuttut qaavatigut ilassutigisinnaavai, aatsaalli aningaasarsianit akileraarutit pillugit inatsimmi § 22, imm. 2 aamma 5 malillugit nalikilliliisoqareerneratigut. Ukiumi aningaasarsiorfusumi 2012-imi § 22, imm. 2, nr. 4-mi nalikilliliissutaasinnaasutut killiussaq 75.000 koruuniuvoq. Selskabinut il.il., ukiumik kipingasumik aningaasarsiorfeqartunut, piffissaq naatsorsuusiorfik 31. august 2012-imut siusinnerusumiluunniit killeqarpat, inatsit sunniuteqartumik aatsaat atuutilissaaq ukioq aningaasarsiorfik 2013 aallarnerfigalugu.

Inatsisartut inatsisaat nr. 10, 29. november 2013-imeersoq (Erniat ilanngaatigineqarsinnaanerisa killilerneqarnerannik atorunnaarsitsineq, "carry back"-imik atorunnaarsitsineq aamma akileraarutit A-t iluanaarutisianillu akileraarutit akilerneqarfissaattut killiliussap sivitsorneqarnera)^[7] atuutilerfissaq pillugu ima aalajangersagaqarpoq:

§ 2

Inatsisartut inatsisaat atortuulissaaq ulloq 1. januar 2014, taamaattorli tak. imm. 2.

Imm. 2. § 1, nr. 3-miit 6-imut, akuersissutinut 1. december 2013 sioqqullugu nalunaarutigineqarsimangitsunut atuutissapput.

Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. 37, 9. december 2015-imeersoq (Selskabit akileraarutaannik akiliisussaatitsinnginnissaq,

anigaaseriviit annaasassanut immikkoortitsisarnerat aamma tamakkiisumik akileraaruteqartitsinermut aaqqissuussinerup allanngortinneqarnera)^[8] atuutilerfissaq pillugu ima aalajangersagaqarpoq:

§ 2

Inatsisartut inatsisaat ulloq 1. januar 2016 atortuulissaaq.

Inatsisartut inatsisaat nr. 7, 6. juni 2016-imeersoq (Soraarnerussutisiaqarnissamut aaqqissuussinerut nunani allaniittunut akiliutit akileraaruserneqartarnerat)^[9] atuutilerfissaq pillugu ima aalajangersagaqarpoq:

§ 2

Inatsisartut inatsisaat 1. januar 2017-imi atortuulissaaq.

Imm. 2. Piffissami 2017-imit 2021-mut, soraarnerussutisiaqarnissamut, taakku § 39 a, imm. 1 aamma 2-mut piumasaqaatinut taaneqartunut naapertuuttuni, akiliinermi Namminersorlutik Oqartussat tapiissuteqartassapput.

Imm. 3. Tapiissutit, tiguisunut akileraaruteqaataasussat, soraarnerussutisiaqarnissamut aamma inuunermut sillimmasiissutitut aaqqiissutitut, soraarnerussutisiaqarnissamut aningaasaateqarfimmi imaluunniit inuunermut aamma soraarnerussutisiaqarnissamut sillimmasiisarfimmi, Kalaallit Nunaanni angerlarsimaffeqanngitsumi, akileraarusigaanngitsumik akilerneqarsimasunit, ukiuni 2017-imit 2019-imut 5 procentpointiussapput kiisalu ukiuni 2020 aamma 2021-mi 3 procentpointiussallutik. Piffissami 2017-2019-imut tapiissut qaammammut inummut ataatsimut annerpaamik 420 kr.-ussaaq. Piffissamilu 2020-2021-mut qaammammut annerpaamik 250 kr.-ussalluni.

Imm. 4. Tapiissutit inunntut, 31. december 2016-imi tamakkiisumik akileraartussaataasunut kiisalu § 39 imaluunniit § 41, imm. 2, naapertorlugu 2016-imi soraarnerussutisiaqarnissamut aningaasaateqarfimmut imaluunniit inuunermut aamma soraarnerussutisiaqarnermut sillimmasiisarfimmut Kalaallit Nunaanni angerlarsimaffeqanngitsumut akiliinermi, ilanngaatigineqarsinnaasunik imaluunniit sulisitsisut akileeqaataassutaanik ilanngunneqartussaanninnerannik ilaasimasunut tunniunneqassapput.

Imm. 5. Tapisinnaatitaaneq atorunnaassaaq inuk Kalaallit Nunaanni tamakkiisumik akileraartussaajunnaarpat.

Imm. 6. Namminersorlutik Oqartussani, taakkulu suliffeqarfiani ataaniittuni kiisalu kommunini atorfilinnut, tapiissutit atorfillip akissarsineranut atatillugu akilerneqartassapput.

Imm. 7. Inuk tapiissutitik pisinnaatitaasoq, kisiannili imm. 6-imi ilaanngitsoq, ukiup tulliani piffissami 1. julimit 30. septemberip tungaanut, akileraartarnermut ingerlatsivimmuk elektroniskimik qinnuteqarsinnaavoq, ukiup siuliani akiliinermut tapiissutitik piumalluni. Akileraartarnermut ingerlatsivik tapiissutit tunniunneqarnissaannut sukumiinerusumik piumasaqaateqarsinnaavoq, matuma ataani uppersaatit piumasaqarsinnaalluni.

Inatsisartut inatsisaat nr. 29, 28. november 2016-imeersoq (Soraarnerussutisiaqarnissaaq siunertaralugu ileqqaakkat, kinguaariinnut tullernut nikisitsinermi aningaasanut killiliussamik qaffaaneq)^[10] atuutilerfissaq pillugu ima aalajangersagaqarpoq:

§ 2

Inatsisartut inatsisaat 1. januar 2017-imi atortuulissaaq, taamaattorli tak. imm. 2.

Imm. 2. § 47 c, imm. 2 aamma 3 atortuulissapput 1. januar 2020-mi.

Imm. 3. Maannakkorpiaq aningaasarsiat Inissiani attartortittakkani ineqarnermut tapiissutit pillugit Inatsisartut inatsisaat, Utoqqalinersiaqarneq pillugu Inatsisartut inatsisaat aamma Siusinaartumik pensionisiat pillugit Inatsisartut inatsisaat naapertorlugit naatsorsorneranni ilanngunneqassanngillat soraarnerussutisiaqarnissamut inuunermulluunniit sillimmasiineranut aaqqissuussineranut, inuuneeq naallugu ingerlaavartumik tunniussiviusartussanut akileraaruteqarnani akiliutit, pensionisiaqarsinnaatitaasup imaluunniit sillimmasiisup aaqqissuussineranut akiliutit aningaasarsiat akileraaruteqaataasussat naatsorsorneranni ilanngaatisinnaanngippagit imaluunniit sulisitsisup akileeqaataassutai ilannguttussaappagit, tak. § 39 a, imm. 1 aamma 2.

Inatsisartut inatsisaat nr. 18, 26. juni 2017-imeersoq (Aktiaatillit taarsigassarsiaasa akileraaruserneqartalermissaat, atornerluisoqarsinnaanera akiorniarlugu maleruagassaaq, sulisorisanik atukkiussinermi akileraarutinik unerartitsisussaataaneq il.il.)^[11] atuutilerfissaaq pillugu ima aalajangersagaqarpoq:

§ 2

Imm. 1. Inatsit 1. juli 2017-imi atortuulissaaq.

Imm. 2. § 1, nr. 1, nr. 3, 4 aamma 9 ukioq aningaasarsiorfusoq 2017 aallarnerfigalugu aningaasarsiat akileraaruteqaataasussat naatsorsorneranni atuutissapput.

Imm. 3. § 1, nr. 5 taarsigassarsianut 1. februar 2017 aallarnerfigalugu taarsigassarsiaritinneqartunut atuutissaaq.

Imm. 4. § 1, nr. 12, 1. januar 2018 aallarnerfigalugu atuutissaaq.

Inatsisartut inatsisaat nr. 23, 13. november 2017-imeersoq (§ 63, imm. 2-mi kukkuneramik naqqiut)^[12] atuutilerfissaaq pillugu ima aalajangersagaqarpoq:

§ 2

Inatsisartut inatsisaat 1. januar 2018-imi atortuulissaaq.

Inatsisartut inatsisaat nr. 48, 23. november 2017-imeersoq (Soraarnerussutisiaqalernissamut aningaasaatit Kalaallit Nunaanni angerlarsimaffeqartut akileraaruserneqartarnerat, soraarnerussutisiassanit naafferartumik annertoqqatigiimmik tunniunneqartartussanit soraarnerussutisiassanik nuussineq, akileraarutitigut sumut attuumassuteqarnermut tunngasut aamma avataaneersunut sulisussanut, Namminersorlutik Oqartussat sinnerlugit mittarfiliassanik suliaqartunut, ilanngaasiinnginnermi akileraarutinut aaqqissuussineq)^[13] atuutilerfissaaq pillugu ima aalajangersagaqarpoq:

§ 2

Inatsisartut inatsisaat ulloq 1. december 2017 atuutilerpoq.

Inatsisartut inatsisaat nr. 22, 28. november 2018-imeersaq (Kalaallit Nunaanni soraarnerussutisiaqalernissamut aningaasaateqarfinni soraarnerussutisiaqalernissamut ileqqaakkanit iluanaarutit akileraarusersorneqartarunnaarnissaat, aquuterallannut inuussutissarsiutigalugu umiatsiaararsorluni aalisarnermi atorineqartunut nalikilliliinermut malittarisassani allannguutit, takornariartitsilluni imaluunniit attartorluni imaatigut angalaneq, kiisalu nuussinernik nakkutigisanik uppernarsaanissamut il.il. piumasaqaatit aamma nunamit nunamut nalunaarusiornerit il.il.)^[14] atuutilerfissaq pillugu ima aalajangersagaqarpoq:

§ 2

Inatsisartut inatsisaat 1. januar 2019-imi atuutilissaaq, taamaattorli takuuk imm. 3.

Imm. 2. Inatsisartut inatsisaat ukioq isertitaqarfusoq 2019 aallarnerfigalugu ilanngullugulu atuutilissaaq.

Imm. 3. Inatsisartut inatsisaanni § 1, nr. 5 ulloq 1. januar 2018-imi atuutilissaaq aammalu ulloq 1. januar 2020-mi atorunnaassalluni.

Inatsisartut inatsisaat nr. 41, 2. december 2019-imeersaq (Sulinermut ilanngaas, akissarsiat Politiets Efterretningstjenestemik immikkut kukkunersiuinermut ilaasut aamma soraarnerussutisiaqalernissaq siunertaralugu ileqqaakkat akileraaruserneqannginnerat)^[15] atuutilerfissaq pillugu ima aalajangersagaqarpoq:

§ 2

Inatsisartut inatsisaat ulloq 1. januar 2020 atuutilerpoq, taamaattoq takukkit imm. 5-6.

Imm. 2. § 1, nr. 2, nr. 9 aamma nr. 10, tamanut saqqummiussinerup aqaguani atuutilissapput.

Imm. 3. § 1, nr. 7, ulloq 1. januar 2020 atuutilissaaq, ukiorlu isertitaqarfik 2020 aallarnerfigalugu atulissalluni.

Imm. 4. Sulinermut ilanngaas ukiumit aningaasarsiorfusumit 2020-mit § 1, nr. 3-4-mi aalajangersakkat malillugit siullermeerluni naatsorsorneqassaaq.

Imm. 5. Naalackersuisut § 1, nr. 1-ip ulloq atuutilerfissaanik nalunaarusiornikkut aalajangiinissamik piginnaatinneqarput.

Imm. 6. § 1, nr. 4-ip, § 38 f-ip aamma 38 g-p piffissaq atuutilerfissaat nalunaarummi aalajangersarnissaanut Naalackersuisut piginnaatinneqarput. § 38 f aamma 38 g atuutileranni, § 38 e atorunnaarsinneqassaaq.

Imm. 7. Soraarnerussutisiaqalernissaq siunertaralugu ileqqaakkanik piginnittoq, Aningaasarsianik akileraarutit pillugit Inatsisartut inatsisaata nr. 12, 2. november 2006-imeersup allanngortinneqarnera pillugu Inatsisartut inatsisaani nr. 29, 28. november 2016-imeersumi § 47 c naapertorlugu pigisanik nalilinnik aningaasaliisimasooq, piffissaq qaammatit 24-t iluanni pigisat nalillit soraarnerussutisiaqarnermut

aningaasaateqarfimmut, aningaaserivimmit neqeroorutigineqartumut nuussavai, pigisat nalillit aalajangersakkat soraarnerussutisiaqarnermut aningaasaateqarfimmut atuuttut naammassippagit.

Imm. 8. Pigisat nalillit, soraarnerussutisiaqarnissaq siunertaralugu ileqqaakkanik piginnittumit toqqorsivimmut ilineqartut, soraarnerussutisiaqarnermut aningaasaateqarfimmut, aningaaserivimmit neqeroorutigineqartumut piunasaqaatinik naammassinninngitsut, uuma Inatsisartut inatsisaata atuutilerneranit piffissaq qaammatit 24-t qaangiutsinnagit, tunineqassapput kiisalu tunisinermi pissarsiat soraarnerussutisiaqarnermut aningaasaateqarfimmut, aningaaserivimmit neqeroorutigineqartumut inissinneqassallutik.

Inatsisartut inatsisaat nr. 12, 19. november 2020-meersoq (Ingerlatseqatigiiffiit akileraarutaanik appaaneq soraarnerussutisianullu maleruagassat ilaannik allannguineq)^[16] atuutilerfissaq pillugu ima aalajangersagaqarpoq:

§ 2

Inatsisartut inatsisaat ulloq 1. januar 2021 atuutilerpoq aammalu ukioq isertitaqarfusooq 2021 aallarnerfigalugu atuulluni.

Inatsisartut inatsisaat nr. 11, 1, december 2021-meersoq (Akeqanngitsumik biileqarnerup, akiliunneqarluni angalanerit, akeqanngitsumik oqarasuaateqarnerit, akeqanngitsumik internetseqarneq, akeqanngitsumik nerisaqarnerup, akeqanngitsumik ineqartinneqarnerup akileraarutitigut nalinga, akileraarutini ilanngaatinik il.il. inatsimmi aalajangersaaneq, suliffeqarfiit nunani allani illersornissamut oqartussat sullillugit suliassanik suliarinnittartut Kalaallit Nunaanni akileraarutitigut angerlarsimaffeqarnissamik pisussaaffeqarnerat, transfer pricingimi uppernarsaasiinissamut piunasaqaatinik naammassinninnginnermi pineqaatissiissutit aamma ingerlatseqatigiiffiit akileraarummik akiliigallartarnerat il.il.)^[17] atuutilerfissaq pillugu ima aalajangersagaqarpoq:

§ 2

Inatsisartut inatsisaat ulloq 1. januar 2022 atuutilerpoq, taamaattoq takuuk imm. 2-4.

Imm. 2. § 1, nr. 1, 9, 10, 15, 17, 18 aamma 20, 1. januar 2023 atuutilissapput aammalu ukiumut isertitaqarfusumut 2023-mut atuutissallutik.

Imm. 3. § 1, nr. 13 aamma 14, inatsisip atuutilernerata nalunaarutigineqarnerata aqaguani atuutilissapput aammalu ukiumut isertitaqarfusumut 2021-mut suliffeqarnermut ilanngaatiip naatsorsorneqarneranut atuutissallutik.

Imm. 4. § 1, nr. 21, inatsisip atuutilernerata nalunaarutigineqarnerata aqaguani atuutilissaaq aammalu 2020-mi ukioq isertitaqarfusooq aallarnerfigalugu ilanngullugulu atuutissalluni.”

Inatsisartut inatsisaat nr. 30, 25. november 2022-meersoq (Suliffeqarfiit suliffeqarfissuarni imminut atasut akornanni akinik aalajangiineq pillugu pisut ilaanni uppernarsaatinik ingerlaavartumik nassiussisarneq suliffeqarfinnillu atorunnaarsitsinermi iluanaarutit akileraaruserneqartarnerat kiisalu pisortanit

ikiorsiissutit pillugit inatsit allanngortinneqarnerisa kingunerisaattut aaqqiinerit)^[18] atuutilerfissaq pillugu ima aalajangersagaqarpoq:

§ 2

Inatsisartut inatsisaat ulloq 1. januar 2023 atuutilersinneqarpoq.

Imm. 2. Inatsisartut inatsisaat ukioq isertitaqarfusoq 2023 aallarnerfigalugu ilanngullugulu atuutilissaaq.

Imm. 3. § 1, nr. 5-ip atuutilerfissaanut ulloq Naalakkersuisut nalunaarummi aalajangersassavaat.

Inatsisartut inatsisaat nr. 72, 20. november 2023-meersoq (Sulisitsisup akiligaanik angalanerit akileraaruteqaataannginnissaat, nalikilliliisarneq pillugu maleruagassanik allannguinerit, amigartoorutit ukiuni tulliuttuni ilanngaatigineqarsinnaanerannik sivitsuineq, ingerlatseqatigiiffit piginnittuusut iluminni nuussisarnerat pillugu maleruagassamik qasukkaaneq, erniat nunanut allanut akilikkat ilaasa akileraarutaannik atulersitsineq, kapitali 3 b nutaaq, ingerlatseqatigiiffit iluanaarutisariatitaminnik ilanngaateqarsinnaannginnerannik, iluanaarutit ilaasa ilanngaatigineqarsinnaanerannik atorunnaarsitsinermik, iluanaarutit ilaasa akileraarutaannik appaanermik aamma ingerlatseqatigiiffutigisap iluanaarutisariatitaasa ilaasa akileraarutaannik atorunnaarsitsinermik imaqartoq il. il.)^[19] atuutilerfissaq pillugu ima aalajangersagaqarpoq:

§ 2

Inatsisartut inatsisaat 1. januar 2024-mi atuutilissaaq, ukiorlu aningaasarsiorfusoq 2024 aallarnerfigalugu atuutissalluni.

Imm. 2. Amigartoorutit akileraaruteqaataasussat ilanngaatigineqanngitsut taamaallaat § 1, nr. 4 malillugu ukiut aningaasarsiorfusut tallimaat qaangerlugu ilanngaatigineqarsinnaapput, ukiumi aningaasarsiorfusumi ulloq 1. januar 2018-imi kingusinnerusumiluunniit pinngortuugunik.

Imm. 3. § 1, nr. 8 akiitsunit ernianut iluanaarutinulluunniit ulloq 1. januar 2024 sioqqullugu pilersimasunut, atuutinngilaq. Tamannali erniat iluanaarutillu, § 1 imaluunniit § 2 Aningaasarsianit akileraarutit pillugit Inatsisartut inatsisaat naapertorlugu, akileraartussaasup inatsisit naapertorlugit inuttut isigineqarsinnaasunut § 36 a, imm. 1-2-mi taaneqartunut, akiitsuinut (nakkutigisaasumik akiitsut) tunngasuuppata, atuutissanngilaq.

Inatsisartut inatsisaat nr. 51, 25. november 2024-meersoq (Akileraarusiisarnermi iluarsaaqqinnerup piviusunngortinneqarnera il.il.)^[20] atuutilerfissaq pillugu ima aalajangersagaqarpoq:

§ 4

Inatsisartut inatsisaat ulloq 1. januar 2025 atuutilerpoq.

Imm. 2. Inatsisartut inatsisaat ukioq isertitaqarfusoq 2025 aallarnerfigalugu atuutilerpoq, taamaattoq imm. 3-5 takuuk.

Imm. 3. 2024-mi ukioq isertitaqarfusooq pillugu sulinermut ilanngaammut tunngatillugu akileraaruseriffik ulloq 1. september 2025 tikitsinnagu aningaasarsianut tunngaviusunut naatsorsuissaaq aammalu sulinermut ilanngaat naatsorsussallugu. Aningaasarsianut tunngaviusut amigartooruteqarfuppata, sulinermut ilanngaat 0 korduuniusaaq. Ukiumut isertitaqarfusumut 2024-mut sulinermut ilanngaatip nalinga, akileraaruserinermik ingerlatsineq pillugu Inatsisartut inatsisaanni § 25 malillugu akiliutaavallaarsimasooq tunniunneqassaaq allatigullu suliarineqassalluni. Taamaattoq akileraaruserinermik ingerlatsineq pillugu Inatsisartut inatsisaanni § 25, imm. 2 malillugu ajunngitsorsiassaqaqtitsisoqassanngilaq. Akileraaruseriffiup ukiumi sulinermut ilanngaatip naatsorsorneqarnera nassiutissavaa.

Imm. 4. § 3 aningaasarsianut allanullu akissarsianut akitsuuserneqartussaataasunut, ulloq 1. januar 2025 kingusinnerusumiluunniit tunniunneqartunut, tunngatillugu atuutissaaq.

Imm. 5. § 1, nr. 4-mi, § 34, nr. 24 siunnersuutigineqartoq, ukiumut isertitaqarfusumut 2024-mut kingornanullu atuutissaaq.

Aningaasaqarnermut Naalakkersuisoqarfik, ulloq 26. august 2025

Nikolai Sten Christensen (atsior.)
Naalakkersuisoqarfimmi Pisortaq

/ Simon Mogensen (atsior.)

[1] Inatsisip allannguutaa §§ 2-mut, 57-imut, 81-imut, 88-imut, 92-imut, 101-imut aamma 115-imut tunngavoq

[2] Inatsisip allannguutaa §§ 4-mut, 4 a-e-mut, 10-mut, 11-mut, 21-mut, 34-mut, 36-mut, 36 a-d-mut, 41-mut, 67-imut, 68-imut aamma 96-imut tunngavoq

[3] Inatsisip allannguutaa §§ 1-imut, 2-mut, 15-imut, 29-mut, 30-mut, 32-mut, 68-imut aamma 85-imut tunngavoq

[4] Inatsisip allannguutaa §§ 2-mut, 19-imut, 22 a-mut, 75-imut aamma 81-imut tunngavoq. Inatsimmi tamarmi oqaaseq "Landsstyret" uuminnga: "Naalakkersuisut" taarserneqarpoq,

[5] Inatsisip allannguutaa §§ 19-imut, 22-mut, 22 b-mut, 58 a-c-mut, 66-imut, 68-imut, 72 a-mut aamma b-mut, 76-imut, 79-imut aamma 86-imut tunngavoq. Inatsimmi tamarmi "Kalaallit Nunaanni atortussiassat aatsitassanit pisut il.il. pillugit inatsit" uuminnga: "Aatsitassat pillugit ingerlatallu tamatumunnga pingaarutillit pillugit Inatsisartut inatsisaat" taarserneqarpoq.

[6] Inatsisip allannguutaa §§ 15-imut, 19 a-mut, 22-mut, 23-mut aamma 24-mut tunngavoq

[7] Inatsisip allannguutaa §§ 15-imut, 24-mut, 30-mut, 31-mut, 52-imut, 81-imut aamma 88-imut tunngavoq

[8] Inatsisip allannguutaa §§ 3-mut, 30-mut, 72 a-mut aamma b-mut, 76-imut aamma 79-imut tunngavoq

[9] Inatsisip allannguutaa §§ 34-mut, 39-mut, 39 a-mut aamma b-mut, 40 a-mut, 41-mut, 43-mut, 44-mut, 45-mut, 46-mut, 47-mut aamma 67 a-mut tunngavoq

[10] Inatsisip allannguutaa §§ 39 a-mut, 39 c-mut, 44-mut, 46-mut, 47-mut, 47 a-i-mut aamma 57-imut tunngavoq

[11] Inatsisip allannguutaa §§ 1-imut, 2-mut, 3-mut, 16 a-mut, 36 a-mut, 46-mut, 63-imut, 69 a-mut, 75-imut aamma 76-imut tunngavoq

[12] Inatsisip allannguutaa § 63-imut tunngavoq

[13] Inatsisip allannguutaa §§ 28-mut, 39 c-mut, 68-imut aamma 72 a-mut tunngavoq

[14] Inatsisip allannguutaa §§ 3-mut, 23-mut, 34-mut, 36 b-mut aamma 47 b-mut tunngavoq

[15] Inatsisip allannguutaa §§ 34-mut, 38 a-g-mut, 47 c-mut, 47 e-mut, 72 a-mut, 88-imut, 102-mut aamma 107-imut tunngavoq

[16] Inatsisip allannguutaa §§ 39-mut, 39 a-mut, 39 d-mut, 44-mut, 45-mut, 46-mut, 46 a-mut aamma 60-imut tunngavoq

[17] Inatsisip allannguutaa §§ 2-mut, 3 a-mut, 18-imut, 19-imut, 19 a-c-mut, 20-mut, 21-mut, 36 b-mut, 38 c-mut, 38 d-mut, 63-imut, 67-imut, 73-imut, 75-imut, 83-imut, 85 a-mut, 88-imut, 104-mut aamma 105-imut tunngavoq

[18] Inatsisip allannguutaa §§ 34-mut, 36 b-mut, 72-imut aamma 105-imut tunngavoq.

[19] Inatsisip allannguutaa §§ 14-mut, 19 b-mut, 22-mut, 30-mut, 34-mut, 36 c-mut, 36 e-mut, 38 h-j-imut, 75-imut aamma 101-imut.

[20] Inatsisip allannguutaa §§ 5-mut, 25-mut, 26-mut, 34-mut, 38 a-g-imut aamma 67-imut.

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut